

ՎԱՀԱՆ ԲԱՅՐՈՒՐԴՅԱՆ

ԻՍԼԱՄ

ԵՐԵՎԱՆ 2016

Տիգրան Տօ Առ Գ. Ա. Հ.
Տիգրան Տօ Գրեց պարզ
Տ. Դիմունչյան

ՎԱՀԱՆ ԲԱՅՐՈՒՐՅԱՆ

ԻՍԼԱՄ

NATIONAL ACADEMY OF SCIENCES OF ARMENIA
INSTITUTE OF ORIENTAL STUDIES
INSTITUTE OF HISTORY

VAHAN BAIBOURTIAN

ISLAM

YEREVAN 2016

123982X 297 ✓

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ԱՐԵՎԵԼԱԳԻՏՈՒԹՅԱՆ ԻՆՍԻՏՈՒԻՏ
ՊԱՏՍՈՒԹՅԱՆ ԻՆՍԻՏՈՒԻՏ

Հայ 393

ԿԱՀԱՆ ԲԱՅԲՈՒՐԴՅԱՆ

ԻՒՂԱՄ

ՍԵՄՐՈՊ ԱՌՋ. ԱԾԱԽԱՆ
ՍԱՏԵՆԱԾԱՐ

137




ARCH. MESROB ASHJIAN
BOOK SERIES

137

Տարբերակ

ԵՐԵՎԱՆ 2016



ՀՏԴ 28

ԳՄԴ 86.38

Բ 260

Հրատարակում է ՀՀ ԳԱԱ արևելագիտության ինստիտուտի գիտական
խորհրդի որոշմամբ

ԲԱՅԲՈՒՐԴՅԱՆ ՎԱՀԱՆ

**Բ 260 ԻՎԼԱՍՄ/Վ. Բայբուրդյան.-Եր.: ՀՀ ԳԱԱ պատմության
ինստիտուտ, 2016.- 404 էջ:**

Աշխատությունն առաջին փորձն է մայրենի լեզվով հայ ընթերցողին ներկայացնելու համաշխարհային կրոններից մեկի՝ խլամի պատմությունը. ընդհանուր գաղափար տալու այդ կրոնի մեջ եղած տարրեր հոսանքների, ուղղությունների, պաշտամունքի, դավանաբանության, ծեսերի, իրավական համակարգի հետ կապված հարցերի մասին և այլն: Աշխատությունն ունի ճանաչողական նշանակություն:

Գիրը հասցեագրված է արևելագետներին, պատմաբաններին, միջազգայնագետներին, խլամական տարրեր երկրներում աշխատող հայ դիվանագետներին, կրոնների պատմությամբ հետաքրքրվողներին, ուսանողությանը, առհասարակ հետաքրքրասեր ու պրատուն միտք ունեցող երիտասարդությանը և ընթերցող լայն շրջանակներին:

ՀՏԴ 28

ԳՄԴ 86.38

ISBN 978-9939-860-27-5

© ՀՀ ԳԱԱ պատմության ինստիտուտ, 2016

ՀԵՂԻՆԱԿԻ ԿՈՂՄԻՑ

Իսլամը համաշխարհային կրոններից մեկն է, ընդ որում ամենաերիտասարդ կրոնը բուդդայականությունից ու քրիստոնեությունից հետո: Միաստվածություն դավանող այդ կրոնի հայրենիքը Արարիան է, կամ Արաբական թերակղզին, իսկ նրան ծնունդ տվող ժողովուրդը՝ արաբները: VII դարում իր ձևավորմանց հետո կարճ ժամանակ անց դրու գալրվ Արաբական թերակղզու սահմաններից, նորաստեծ արաբական աշխարհակալ պետության՝ խալիֆայության միջոցով իսլամի հաղթական երթը տարածվեց արևմուտքում՝ մինչև Խապանիա և Ատլանտյան օվկիանոս, իսկ արևելքում՝ մինչև Հնդկաստան, Չինաստան, Հարավ-Արևելյան Ասիայի երկրներ, ընդհուած մինչև Խաղաղ օվկիանոս: Ներկայումս գործնականում իսլամը քափանցել է երկրագնդի բոլոր մայրցամաքները: Այսօր իսլամ է դավանում աշխարհի ավելի քան մեկ միլիարդ երկու հարյուր միլիոն բնակչություն: Ըստ հետևողների թվաքանակի, այդ կրոնը զբաղեցնում է երկրորդ տեղը քրիստոնեությունից հետո: Հիրավի, ներկայումս իսլամական աշխարհը իր չափերով ու բնակչության թվաքանակով մի վիթխարի տարածք ու զանգված է: Ենթադրվում է, որ XXI դարի ընթացքում իսլամը շարունակելու է տարածվել, հարածուն կերպով ընդլայնելով իր ազդեցության շրջանակները: Այս ենթադրության հիմքում ընկած է այն իրողությունը, որ ներկայումս մուսուլմանական աշխարհը կազմում է ամենաբարձր ծննդարերության գոտին և նրանում բնակչության աճի ցուցանիշը աշխարհում ամենաբարձր է: Այստեղից հետևում է, որ հօգուտ մուսուլմանների գոյություն ունեցող ժողովրդագրական հաշվեկշիռ ոչ հեռու ապագայում անխուսափելիորեն կատեղծի նոր քաղաքա-

կան իրավիճակ: Արդեն մեր օրերում նկատելիորեն չափազանց մեծ է իսլամի խաղացած դերը համաշխարհային քաղաքականության մեջ և միջազգային հարաբերություններում, իսկ տեսանելի ապագայի շրջանակներում այդ դերը գնալով մեծանալու է, եական ազդեցություն ունենալով աշխարհի շատ երկրների կյանքի տարրեր կողմերի վրա:

Արդ, ո՞րն է իսլամի ներքին ուժը: Նախ այդ կրոնը աչքի է ընկնում իր «ունիվերսալ» բնույթով: Ըստ էության որպես կրոն այն ավելին է, քան պարզապես հավատքը: Իսլամը ոչ միայն կրոն է, այլև տնտեսական ու սոցիալական բարդ կառույց, կառավարման համակարգ, մշակութային երևույթ և նույնիսկ կենցաղ ու ապրելակերպ: Այդ կրոնի մեջ բացակայում է ազգային պարփակվածությունը: Իսլամը կանոնակարգում է մահմեդականի կյանքի բոլոր բնագավառները, որոշում է ոչ միայն մշակութային, սոցիալական և իրավական հարցերը, այլև մտնում է մուսուլմանական համայնքի անդամների անհատական հարաբերությունների մեջ: Այդ մեծ ներքին լիցք պարունակող կրոնական զաղափարախոսությունը ներգործության մեծ ուժ ունի զանգվածային գիտակցության վրա, քանի որ այդ գիտակցության իսլամական ստերեոտիպները ընդգրկում են ոչ միայն բարոյա-էթիկական բնագավառը, այլև անձի ողջ վարքագիծը ընտանիքում և հասարակության մեջ: Զափազանց մեծ են նաև այդ կրոնի արագորեն հարմարվելու հնարավորությունները հարափոփոխ հասարակական հարաբերություններին:

XX դարի 60-70-ական թվականները նշանավորվեցին իսլամի բուռն «վերածննդի» գործընթացով: Դրան հետևեց իսլամի արագ քաղաքականացումը: Ըստ էության այն դարձավ մեր ժամանակների ամենաքաղաքականացված կրոնը: «Իսլամը,- ասել է ի-

մաս Խոմեյնին,- իշխանություն ունեցող քաղաքական կրոն է: Իսլամի մեջ քաղաքական պահանջներն ավելի պակաս չեն, քան կրոնականները»:

Հայտնի իրողություն է, որ մահմեդականության մեջ քաղաքականությունն ու կրոնը իրարից տարաբաժանված չեն: Նրանք կազմում են մեկ միասնություն: Իսլամի գաղափարախոսները գտնում են, որ չքաղաքականացված իսլամը անկենդան ու անշարժ է: Թերևս իսլամական կրոնի նշված հատկանիշի շնորհիվ մահմեդական արևելքի երկրներում քաղաքական իրադարձությունները մարդկանց կողմից ընկալվում են հիմնականում կրոնի պրիզմայի միջոցով:

Ներկա ժամանակներում աննախընթաց կերպով ուժեղացել են նաև քաղաքականության «իսլամականացման» միտումները: Մի շարք պետություններում կառավարող վարչակարգերը լայնորեն իսլամն ընդգրկել են իրենց պաշտոնական գաղափարախոսությունների ու քաղաքական կառույցների մեջ: Այդ բոլորի անխուսափելի հետևանքը հանդիսացավ նաև մահմեդականների զիտակցության քաղաքականացումը: Ըստ այնմ հստակորեն ձևավորվեցին արևմտյան կենսակերպի, մշակույթի ու առհասարակ արժեքային համակարգի դեմ ուղղված տրամադրությունները: Իսլամական աշխարհի շատ վայրերում արևմուտքը սկսեց զուգակցվել (ասոցացվել) շահագործման, նյութապաշտության, «անաստված ապրելակերպի», հոգևոր արժեքների բացակայության, բարոյական կործանման, սեքսուալ սանձարձակության և այլ արատների հետ: Ուստի իսլամը սկսեց եռանդուն կերպով հակադիր այդ կրոնի տարածման ավանդական շրջաններում արևմուտքի քաղաքակրթական արժեքների արմատավորմանը:

Գաղտնիք չէ, որ մեր օրերում իսլամի տարածման գոտու տարբեր մասերում ձևավորվել է անընդհատ աճող բազմամակարդակ անկայունության գոտի, ապակայունացնող գործընթացներում իսլամիստական կազմակերպությունների, շարժումների, խմբավորումների ակտիվ ներգրավմամբ: Այդ երևոյթը սնուցող պատճառները բազմաթիվ ու բազմապիսի են. հավաքականությունից անհատի օտարման ու անպաշտվածության բարդույթի ձևավորումը, աղքատությունը, ազրարային գերբեռնվածությունը, իշխանությունների կոռումպացվածությունը, հաճախ նաև անիրազեկ կառավարումը, հակաարևմտյան տրամադրությունները և այլն: Նման պայմաններում մահմեղական երկրների բնակչության բավական պատկառելի զանգվածներ ոչ միայն ապավինեցին կրոնին որպես միսիթարանքի ու պաշտպանվածության ապաստարանների, այլև կրոնի մեջ սկսեցին որոնել իրենց երկրների զարգացման հեռանկարները: Առաջ քաշելով «իսլամն է լուծումը» բանաձեր, մահմեղական երկրներում ձևավորված արմատական ծայրահեղական ուժերը փորձում են իսլամական աշխարհը հակադրել մնացած աշխարհին, դրանով իսկ մարտահրավեր նետելով ամբողջ տարածաշրջանների կայունությանն ու անվտանգությանը: Նրանք իրենց պայքարի վերջնական նպատակ են հոչակում իսլամական աշխարհի վերածումը «ինքնուրույն համաշխարհային համակարգի», ռազմաշունչ հակումներով տարված նոր խալիֆայության ստեղծման, ինչպես նաև աշխարհում գոյություն ունեցող ուժերի հարաբերակցության փոփոխության հօգուտ իսլամի: Իսլամական ծայրահեղականության գաղափարախոսությունը առաջ է քաշում աշխարհը վերափոխելու ու վերակառուցելու վերաբերյալ նմուշածե ծայրահեղ արմատական մեթոդներով: Այդ ուժերի գործունեության ձևերն ու եղանակները

բազմազան են. ահաքեկչական ակտեր, խոռվություններ, անջատողական շարժումներ, ռազմական հակամարտություններ և այլն: Դրանք դեկավարող կենտրոնների նպատակն է վերակառուցել միջազգային հարաբերություններն ըստ իսլամական ծայրահեղականության դեկավարների հայացքներին համապատասխանող սկզբունքների:

Կասկածից վեր է, որ ներկայում մահմեդական արևելքի երկրներում «իսլամական աշխարհակարգ» ստեղծելու գաղափարը և նրա իրականացման համար ծավալվող իրադարձությունները կարող են հանգեցնել անկանխատեսելի հետևանքների, մասնավորապես Արևելքի ու Արևմուտքի միջև խորը դիմակայության ու առճակատման, մանավանդ որ դրա համար առանց այն էլ գոյություն ունի պարարտ հոդ: Գաղտնիք չէ, որ արևմտյան և իսլամական քաղաքակրթությունների միջև միմյանց նկատմամբ անվստահություն ու վախ առաջացանող զգացումները հիմնված են դարերից եկող հիշողության վրա: Դարերի ընթացքում արևմուտքը արևելքի ժողովուրդների մոտ խթանել է թերաքթեքության զգացում: Իսկ այսօր արևմուտքի առանձին գործիչների կողմից իսլամը դիտվում է ոչ միայն որպես քաղաքական, ռազմավարական, այլև քաղաքակրթական և ժողովրդագրական սպառնալիք: Ավելին, շատերը մոռայլ կանխատեսումներ են անում կրոնական պատերազմների հավանականության մասին: Նման մտածողություն ունեցող մարդիկ իսլամական երկրների և արևմուտքի միջև հարաբերությունները տեսնում են ատելության, մոլեգնության ու բռնության իռացիոնալ լույսի ներքո: Նրանց կարծիքով իսլամական և արևմտյան երկրների բախումը անխուսափելի է:

Սակայն ժամանակակից աշխարհում կրոնական ինքնազիտակցության վերելքը չի կարելի միանշանակորեն դիտարկել որ-

պես բախումներ ծնող և առճակատման աղբյուր: Չի կարելի նաև իսլամական կրոնը համարել ահարեկշական, կամ նրան հախուռն կերպով վերագրել ահարեկշական հատկանիշներ, ուազմաշունչ ոգով տողորված պատերազմի կրոն: Այլ բան է, որ այդ կրոնը ինչինչ ուժերի կողմից օգտագործվում է ահարեկշական նպատակներով, առավել ևս, որ իսլամի մեջ առկա են դրույթներ, որոնք կարող են օգտագործվել և օգտագործվում են իսլամական ծայրահեղականների և ահարեկշական կազմակերպությունների շահերի օգտին: Այդ նույն ուժերը ոչ առանց հաջողության փորձում են իսլամական կրոնին հաղորդել նաև ազգայնամոլական հակումներ: Միալ է նաև իսլամը դիտել որպես միաձույլ երևույթ: Ինչպես քաղաքակրթությունները, այնպես էլ կրոնները բարդ երևույթներ են, ունեն ներքին բազմազանություն, նրանցում առկա են հակասական ուժեր, արժեքներ և այլն: Բացի այդ, ամեն մի քաղաքակրթության ներսում, լինի դա իսլամական, քրիստոնեական, բուդդայական, կոնֆուցիոնական և այլն, թաքնված են և գործում են տարբեր շահեր:

Մեր ժամանակներում հետաքրքրությունը իսլամի նկատմամբ որպես գաղափարախոսության, մշակութային և հասարակական երևույթի հսկայական է: Ամենայն հավանականությամբ այդ հետաքրքրությունը գնալով մեծանալու է: Հայ իրականության մեջ ևս բոլոր ժամանակներում մեծ է եղել հետաքրքրությունը այդ կրոնի նկատմամբ: Դա, անշուշտ, բացատրվում է նրանով, որ դարեր շարունակ հայ ժողովուրդը բազմաբնույթ շփումներ ու առնչություններ է ունեցել իսլամական աշխարհի հետ: Իսկ այսօր, Հայաստանում իսլամի նկատմամբ հետաքրքրությունն ունի ոչ միայն զուտ ակադեմիական, այլև քաղաքական, տնտեսական, ուազմական և ուազմավարական նշանակություն, որը պայմանա-

վորված է մեր անմիջական հարեանությամբ մուսուլմանական երկրների հետ: Ներկայումս բացառությամբ Հայաստանի Հանրապետության հյուսիսային հարեան Վրաստանի, մյուս բոլոր սահմանակից պետությունները իսլամադավան են: Իսկ դա մի իրողություն է, որը պարտադրում է մշտապես ունենալ համակեցության արդյունավետ ձևեր նրանց հետ:

Վերջին երկու հարյուրամյակների ընթացքում համաշխարհային իսլամազիտությունն ունեցել է մեծ ձեռքբերումներ: Այդ կրոնի մասին տարբեր լեզուներով հրատարակվել են հարյուրավոր աշխատություններ: Եվ թեև հայ արևելագետները ևս այս կամ այն չափով անդրադարձել են այդ թեմային, սակայն դժբախտաբար առ այսօր հայ իրականության մեջ գոյություն չուներ որևէ աշխատություն, որը համակարգված ձևով, իսլամազիտական լայն գրականության ընդգրկմամբ և բավարար մանրամասնությամբ հայ ընթերցողին ներկայացներ իսլամական կրոնի ծագման և նրա հետագա զարգացման պատմությունը, կարողանար ընդհանուր զարդարական տակ իսլամի մեջ եղած տարբեր հոսանքների, ուղղությունների, աղանդների, պաշտամունքի, դավանաբանության, ծեսերի, իրավական համակարգի հետ կապված հարցերի, իսլամի Սուրբ Գրքի՝ Ղուրանի մասին և այլն:

Աշխատանքը շարադրելիս հեղինակը իր առջև չի դրել իսլամը համապարփակ ձևով ներկայացնելու, իսլամի կրոնա-փիլիսոփայական հարցերի քննություն կատարելու, իսլամազիտական քնութիւնների նրբությունների մեջ խորամուխ լինելու նպատակ: Սույն աշխատությամբ պարզապես փորձել ենք մեր նպաստը քերել երկու մեծ քաղաքակրթությունների՝ քրիստոնեական և իսլամական քաղաքակրթությունների երկխոսությանը, որի անհրաժեշտությունը մեր անհանգիստ ժամանակներում դարձել է մի-

ջազբային հույժ կարենոր խնդիր, մարդկությանը դնելով համաձայնության ու փոխադարձ հասկացողության նոր միջոցների որոնումների առջև:

Մեր առջև դրված կարենորագույն խնդիր է եղել նաև հայ հասարակայնությանը հնարավորին չափով լայն պատկերացում տալու համաշխարհային նշանակություն ունեցող կրոնա-գաղափարական մի ուսմունքի մասին, որի հետևորդ ազգերի ու ժողովուրդների հետ բազմաբնույթ առնչությունները հայ ժողովրդի պատմական ճակատագրում մեր օրերում ևս շարունակելու է ունենալ բախտորոշ նշանակություն:

Ըստ Էռիքյան, սույն աշխատանքը ունենալու է գուտ ճանաչողական նշանակություն: Ըստ այնմ, նյութի մատչելիությունը լայն շրջանակների համար ապահովելու միտումով, հեղինակը նախնընտրել է շարադրանքի գիտահանրամատչելի ձևը, միաժամանակ փորձելով այն ներկայացնել հնարավորինս աշխուժ լեզվով և ազատ շարադրանքով:

Հեղինակը բնավ այն կարծիքին չէ, որ ընթերցողի դատին է ներկայացվում բոլորովին մի անթերի աշխատանք: Սակայն այն բանի գիտակցումը, որ իր կատարած գործը իր դրական նպաստը կարող է բերել համաշխարհային կրոններից մեկի հետ ծանոթությանը, հագուրտ տալով նաև ընթերցող լայն հասարակայնության հետաքրքրասիրությանը, լիովին հոգեկան բավարարություն կպատճառի հեղինակին:

Գրքի հեղինակը իր խորին շնորհակալությունն է հայտնում ՀՀ Գիտությունների Ազգային Ակադեմիայի պատմության ինստիտուտի տնօրեն, ակադեմիկոս Աշոտ Մելքոնյանին սույն գրքի հրատարակությունն իրագործելու համար:

Իր երախտագիտությունն է հայտնում նաև «Գուրգեն Մելքյանի Քաջարադի բազմազավակ ընտանիքների հիմնադրամին», որը սիրահոժար իր նպաստն է բերել գրքի ծնունդ առնելուն:

ՆՐԱ ԱՇԽԱՐՀԱԳՐԱԿԱՆ ԴԻՐՔԸ ԵՎ
ԱԶԳԱԲՆԱԿՉՈՒԹՅՈՒՆԸ

Իսլամի հայրենիքը Արաբական թերակղջին է, կամ ինչպես հաճախ շրջանառվում է գրականության մեջ՝ Արաբիան: Իրենք արաբներն այն անվանում են «Զազիրաթ ալ-արաբ», այսինքն արաբների թերակղջի, կրծատ «ալ-Զազիրա», իսկ պարսիկներն ու թուրքերը այն անվանել են «Արաբստան»: Դա ցամաքի մի հսկայական տարածք է (3 մլն. քառ. կմ), որն իր շափերով կազմում է Եվրոպայի մոտ քառորդ մասը: Ըստ բնական պայմանների Արաբիան բաժանում են երկու մասի. Թիհամու կամ Թիհամի (արևմուտքում Կարմիր ծովի ծովափնյա հարթավայրային շրջաններ) և ան-Նաջդ (կենտրոնական քարքարոտ, չոր, կիսաանապատային և մարդու կողմից հիմնականում չյուրացված անապատներով շրջապատված մի տարածք, որը ձգվում է մինչև Պարսից ծոցի ափերը և Եփրատի հովիտները):

Կարմիր ծովի երկայնքով ձգվում են Հիջազի բարձրավանդակային շրջանները, որոնց շարունակությունն է կազմում ալ-Ասիրի լեռնային գոտին, իր առջև թողնելով ցամաքի մի նեղ շերտ: Հիջազը ձգվում է Սինայի թերակղջուց մինչև Մեքքայից հարավ ընկած շրջանը: Տես Հիջազի արաբների շրջանում է ծագել իսլամը:

Արաբիայի հարավային մասում է զտնվում Եմենը, որը բոլոր ժամանակներում աշքի է ընկել իր հարստությամբ և հողերի բերրիությամբ: Այդ պատճառով հնում այն անվանել են «Երջանիկ

Արաբիա» (*Arabia felix*): Այստեղ մշակվող հիմնական կուլտուրան սուրճն էր: Եմենի անհամար ավերակները նրա փայլուն պատմական անցյալի խոսուն վկայություններն են:

Արաբիայի հարավը կամ Հայրամառութը կոչվել է նաև «խնկի ափ»: Այստեղ են գտնվում այնպիսի ծառեր, որից ստանում են խունկ: Դա մի լեռնոտ երկրամաս է, որն ակոսատված է հովիտներով: Այդ ընդարձակ երկրամասը շրջապատված է անապատներով, որոնց ավազը օվկիանոսային ջրի նման խորն է և հոսող, որտեղ կարող են ավազների մեջ կորչել ուղտերի քարավաններ: Իգուր չէ, որ այդ ավազութներն անվանել են «շարժվող մահ»: Հայրամառութում ևս, ինչպես Եմենում, հանդիպում են բազմաթիվ հնագույն ավերակներ:

Արաբական թերակղզու արևելքում գտնվում է Մահրա երկրամասը, որը հնուց անտի հայտնի էր իր «մեհարի» կոչված ուղտերով: Առհասարակ Արաբիան իրենից ներկայացնում է ալյատու չոր անապատների ու կիսաանապատների մի բարձրահարթ, որի տարածքի մեկ վեցերորդ մասը անմարդաբնակ է: Թերակղզու հարավ-արևելյան մասում է գտնվում չոր, անկենդան և կանաչազգուրկ Ռուբ ալ-Խալի («Դատարկ քառորդ») անապատը, որն ամենամեծն ու ընդարձակն է Արաբիայում: Սյուս անապատներից են ան-Նաֆուդը կամ Նուֆուդը, որն իրենից ներկայացնում է սպիտակագույն և կարմրագույն ավազարմբերի մի անծայրածիր ծով: Մեկ այլ անապատ, որը կրում է Դահնա անվանումը, հաճախ կոչում են «Կարմիր անապատ» իր կարմրավուն ավազների պատճառով: Հյուսիսում սկիզբ առնելով ան-Նաֆուդից, հարավում նա հասնում է մինչև Ռուբ ալ- Խալի: Թերակղզու հյուսիսում է գտնվում սիրիական անապատի մի մասը, որը ձգվում է մինչև Եփրատ գետը: Նրա որոշ շրջաններ ևս բացարձակապես անպ-

տույ ու անկենդան են: Այսպիսով անապատներն ու կիսաանապատները կազմում են Արաբական թերակղու տարածքի կեսից ավելին: Թերակղու անապատներում չուր բոլորովին գոյություն չունի: Զկան նաև մշտական գետեր: Անապատում տեղացող հազվագյուտ անձրեներից հետո չորացած գետահուներով (վաղիներ) հոսում են անձրևաջրեր և անհետանում ավագուտներում: Չմեռային անձրեներից հետո անապատում հայտնվում է կանաչ բուսականություն: Այդ ժամանակ անապատաբնակ քոչվոր բեղվինները իրենց անասնահոտերով երեր-չորս ամսով բնակություն են հաստատում անապատում: Եթի անձրեների դադարից հետո ծարավը ստիպում է նրանց հեռանալ այդ վայրերից, նրանք վերադառնում են իրենց բնակության սովորական տեղերը: Անապատում գոյատելու համար անհրաժեշտ է անընդհատ շարժվել: Իսկ դա հարկադրում է քոչվոր արարին որպես կացարան օգտագործել այծի բրդից պատրաստված թաղիքե վրան, որը կարելի է հեշտությամբ հավաքել: Բեղվինի հազուտը նույնպես չափազանց հարմար էր տեղաշարժվելու համար. այն ցերեկը նրան պաշտպանում էր այրող արևից, իսկ զիշերը անապատային ցրտից:

Թեև անապատը վաշկատուն-բեղվինի համար հարազատ վայր էր, սակայն այն լի էր նաև բազում վտանգներով: Մահացունչ ավազախառն քամիները՝ սամումները, խամսինները, անապատի զիշերային ցրտերը, զազանները և այլն իրենցից ներկայացնում էին մշտական վտանգ: Իզուր չէ, որ արարի վառ երևակայությունը անապատը լցրել էր մեծ թվով չար ոգիններով՝ ջիններով, շայթաններով և այլն:

Արարիայի կենսատու վայրերը ողջ թերակղու տարածքում գրված օազիսներն էին, որոնք չուր էին հայթաթում շնորհիվ անձրևաջրե-

թից գոյացող ստորգետնյա աղբյուրների: Այդ օազիսները իրենց փարթամ բուսականությամբ, արմավենիներով, մշակված այգիներով, զմրուխտի նման փայլվլում էին անապատների անծայր ավագուտների և լերկ սարերի ու լեռների արանքում: Արաբիայում հողագործությունը որպես կանոն կրում էր օազիսային բնույթ: Աճեցնում էին զարի, փյունիկյան արմավ, խաղող, նարինջ, ձիքապտուղ և այլեայլ պտղատու ծառեր: Արոտավայրերը գտնվում էին համայնքի կամ ցեղի ընդհանուր տնօրինության ներքո, իսկ անսունները, հողակտորները և ստրուկները հանդիսանում էին անձնական օգտագործման առարկաներ:

Չնայած այն հանգամանքին, որ Արաբական թերակղզին չորային կլիմա ունեցող, անջուր անապատներով և լերկ սարերով ու լեռներով լի մի երկրամաս է, սակայն նա երեք կողմից ողողվում է ծովային ջրերով. արևմուտքից՝ Կարմիր ծովի, արևելքից՝ Պարսից ծոցի, հարավից՝ Շնդկական օվկիանոսի ավագանի մաս կազմող Արաբական ծովի ջրերով:


Արաբական թերակղզին արաբների պատմական հայրենիքն է, նրանց բնօրրանը: Այստեղ է ծնունդ առել նրանց քաղաքակրթությունը: Արաբիան միաժամանակ համարվում է սեմական ճյուղին պատկանող արաբների հնագույն օրրանը: Ինչպես հայտնի է, սեմական ճյուղի կազմի մեջ մտնում էին Սերծավոր Արևելքի հնագույն լեզուները՝ բաբելոներենը, ասորերենը, փյունիկերենը, հրեերենը, արամեերենը, ինչպես նաև ահմարերենն ու Եթովպահայի մի շարք այլ լեզուներ: Դրանցից արաբերենին առավել մոտ է հին հրեերենը և նրա ժամանակակից տարբերակը՝ իվրիթը:

Աստվածաշնչի ավանդույթի համաձայն, արաբները սերում են Աբրահամից (Իբրահիմ՝ ինչպես արաբներն են նրան անվա-

նում): Ընդ որում հյուսիսում բնակվող արաքները համարվում են Աբրահամի սերունդները, հարավում ապրողները՝ առասպելական Կախթանի:

Արաքական թերակղզին ունեցել է վերին աստիճանի հարմար աշխարհագրական դիրք: Նա գտնվել է հին աշխարհի այնպիսի երկրների հարևանությամբ, ինչպիսիք էին հին Եգիպտոսը, Բաբելոնական թագավորությունը, Պաղեստինը, խեթերի երկիրը, հելլենական պետությունները և Պարսկաստանը: Դա հինավոր հնարավորություններ էր ստեղծում առևտրի համար: Թերևս դրանով կարելի է բացատրել այն հանգամանքը, որ արաքները հնուց անտի աչքի են ընկել որպես ցամաքային քարավանային և ծովային սուստրով գրադպող հմուտ և ձարպիկ վաճառականներ: Արաբիայի վրայով էին անցնում Հնդկաստանի, Իրանի, Պաղեստինի, Սիրիայի (Ասորիքի) և Եթովպիայի հետ կապող առևտրական ճանապարհները, այդ թվում նաև Մետաքսի մեծ ճանապարհը: Հարուստ Եմենից Հիջազի վրայով Սիրիա էր գնում քարավանային ճանապարհը, որի վրայով բյուզանդական շրջանները (Սիրիան, Պաղեստինը և Եգիպտոսը) տարանցիկ առևտուր էին անում Եթովպիայի և այլ երկրների հետ: Հնդկական ապրանքների տարանցիկ առևտուրը Հռոմի վրայով դեպի Բյուզանդիա ուղղելու նպատակով 572 թ. Սասանյան Իրանը նվաճեց Եմենը:

Միջմայրցամաքային առևտրով գրադպող վաճառականները Աֆրիկայից բերում էին ստրուկներ, ոսկի և փղոսկր, Սիրիայից գենք, ցորեն և յուլեր, Զինաստանից՝ մետաքս, Հարավային Արաբիայից՝ խոնկ և կտորեղեն: Ծովային առևտուրը զլխավորապես կատարվում էր Կարմիր ծովի և Հնդկական օվկիանոսի միջև: Դեռևս խորը հնության շրջանում Արաբիայի ծովափնյա շրջաններում ծնունդ էին առել Աղեն, Օման, Սայխութ և այլ նավահան-



գիստները: Արաբական ծովի ափերին գտնվող նավահանգիստները, մասնավորապես Աղենը և Օմանը, խիզախ ու անվեհել նավաստիների հայրենիքն եր: Ծովով իրականացվում էր նաև խոշոր առևտուր Միջազգետքի և Աֆրիկայի միջև:

Հարևանությունը զարգացած պետությունների հետ Արաբիայի համար ունեցել է նաև բացասական նշանակություն, քանի որ այդ պետությունները ժամանակ առ ժամանակ ունեցություններ են կատարել թերակղզու նկատմամբ, ձգտելով այն նվաճել, կամ ծայրահետ դեպքում օգտվել նրա հարստություններից: Մերձավոր և Միջին Արևելքում իրենց քաղաքական տիրապետությունը հաստատելու համար վիճարկող երկու հզոր կայսրությունները՝ Բյուզանդիան և Սասանյան Իրանը ի թիվս տարածաշրջանի այլ երկրների, թեժ պայքար էին ծավալել նաև Արաբիայի շրաբը: Ընդ որում, եթե թերակղզու հարավային շրջանների արաբները հարկադրված են եղել անցնել այդ մարտնչող պետություններից մերթ մեկի, մերթ մյուսի կողմը, ապա, Կենտրոնական Արաբիայի ցեղերը կարողացել են մշտապես պահպանել իրենց անկախությունը:

Պատմության ասպարեզ դուրս գալուց առաջ Արաբիայի ազգաբնակչությունը բաժանված էր բազմաթիվ մանր ու խոշոր ցեղերի, որոնք ապրում էին իրենց առանձնահատուկ կյանքով, սեփական ավանդույթներով, անկախ և ինքնազլուխ: VI-VII դարերի միջև ընկած շրջանում Արաբիայի բնակչության մեծամասնությունը կազմում էին քոչվոր-անասնապահները: Նրանք հայտնի են որպես քեղվիններ («քաղաուին, ահլ բաղվ»): «Անասլատների մարդիկ»: Ըստ եռության հենց նրանց էլ անվանում էին արաբ: Միայն VII դարից հետո այդ եթոննիմը տարածվեց նաև այն երկր-

Ների նստակյաց բնակչության վրա, որոնք ընդունեցին խալամբ և դրա հետ աստիճանաբար նաև արաբերեն լեզուն:

Վաշկատուն այդ ցեղերի մոտ տիրապետող էին նահապետական, տոհմատիրական հարաբերությունները: Արար քեղվին-ները վրանաբնակ էին: Յուրաքանչյուր վրան համարվում էր մի ընտանիք: Այդ ցեղերի հիմնական կորիզը, այսպիսով ընտանիքն էր, արու զավակների մեծ թվով: Մի քանի ընտանիքների միավորումից առաջանում էր տոհմը, իսկ արյունակից տոհմերից՝ ցեղը կամ «կաբիլան»: Ամենամեծաթիվ, հետևաբար նաև ամենահզոր տոհմի ղեկավարը շեյխն էր կամ սեյխը: Վերջինս, խորհրդակցելով ցեղի ավագների հետ, լուծում էր տալիս առօրյա կյանքում առաջ եկած հարցերին, իսկ երբ ցեղը մտնում էր պատերազմի մեջ, ապա շեյխը, որը նույնպես մասնակցում էր պատերազմին, ստանում էր ռազմական ավարի քառորդ մասը: Առհասարակ ցեղի առաջնորդը հոգ էր տանում իր ցեղի մասին, ղեկավարում էր քոչը մի վայրից մյուսը և այլն: Շեյխը կամ սեյխը ղեկավարության իր գործառույթը, սակայն, իրականացնում էր ավելի շուտ շնորհիվ իր հեղինակության, ազդեցության ու դիրքի, քան ուժի և իշխանության: Ցեղի առաջնորդի ժառանգական իրավունք գոյություն չուներ, սակայն շեյխերը, սեյխները և զամբները (առաջնորդները), սովորաբար, սերում էին առավելապես մեծ, ազդեցիկ տոհմերից: Ցեղերը մեկը մյուսի նկատմամբ հարաբերություններում ինքնավար էին, եթե չասենք ինքնիշխան:

Ցեղն, անկասկած, հանդիսանում էր արյունավետ կերպով գործող մի միություն, սակայն այն իրենից մեկ միասնական մարմին չէր ներկայացնում: Անընդհատ գոյանում էին ժամանակավոր քաղաքական դաշինքներ: Այդ դաշինքները նույնքան հեշտությամբ էին կազմակերպվում, որքան և նույն հեշտությամբ քայլայ-

վում: Մանր ցեղերը, ձգտելով ուժեղանալ, հաճախ ձուլվում էին մեկը մյուսի հետ, իսկ խոշոր և հզոր ցեղերը, ընդհակառակը, մասնատվում ու բաժանվում էին միմյանցից: Դա պայմանավորված էր նաև նրանով, որ մեծաթիվ մարդկանց խմբերի դժվար էր անապատում սնունդ հայթայթել: Չնայած այն հանգամանքին, որ ցեղի ներսում տիրապետում էին նախնադարյան կարգերի դաժան օրենքները, սակայն ինչ-որ տեղ դա յուրահատուկ «ժողովրդավարություն» էր: Ոչ շեյխը, և ոչ էլ որևէ մեկը անձամբ չէր կարող արաբ-քեղվինին հրամայել կատարելու ինչ-որ բան: Ամեն մի քոչվոր-արաբ բացարձակապես ազատ էր: Բնականաբար ոչ մի տեսակի հարկ կամ տուրք գոյություն չուներ, այն ժամանակների արաբի հասկացողությամբ հարկեր վճարում են միայն պարտվածները: Ազատ մարդը պետք է իր ազատությունը պաշտպանի գենքը ձեռքին:

Ցեղերի մոտ գոյություն ուներ անհատական և ընդհանուր՝ համայնքային սեփականություն: Բեղվինի վրանը, նրա զենքերը, տնային օգտագործման իրերը և այլն անհատական սեփականություն էին, իսկ արոտավայրերը, ջրի աղբյուրները և այլն՝ համայնական սեփականություն: Անապատային շրջաններում քոչվորական համայնքը սովորաբար չէր գերազանցում վեց հարյուր մարդուց: Քաղաքները և քաղաքատիպ բնակավայրերը բնականաբար ավելի մեծ էին: Նրանց բնակիչներն իրենց գոյությունը պահպանում էին առևտրով և ուխտազնացներից ստացվող եկամուտներով, եթե չունեին Յասրիբի, Թայիֆի և այլ քաղաքների նման բնակլիմայական բարենպաստ պայմաններ:

Ինչպես տոհմերի, այնպես էլ ցեղերի միջև վեճերը, գույքային հարցերը, արյան վրիժառության, ամուսնության և ամուսնալուծության, բոլոր տեսակի առօրյա խնդիրները կարգավորվում

Էին սովորութական իրավունքի՝ «աղարի» հիման վրա: Վաշկատուն-բեղվինների շրջանում վեճեր ծագելիս դրանք լուծում էր դատավորի (հաքամ) պաշտոնը ստանձնած տվյալ ցեղի հեղինակավոր անձերից մեկը՝ շեյխը, սեյխը և այլն: Ըստ որում, դատավորը կարող էր հենվել լոկ իր անձնական հեղինակության և դարերի ընթացքում ձևավորված սովորութային իրավունքի՝ «աղարի» վրա, քանի որ գրված օրենքներ գոյություն չունեին:

Ցուրաքանչյուր անհատ ինչպես օազիսներում, այնպես էլ անապատում, առաջին հերթին և զյլսավորապես իրեն զգում էր որպես իր տոհմի և ցեղի անդամ: Միայն տոհմի և ցեղի մեջ և նրանց օգնությամբ նա կարող էր գոյություն ունենալ և նրա համար կարող էր ապահովված լինել նվազագույն անձնական ապահովություն: Եթե տոհմի անդամներից մեկը սպանություն էր կատարել տոհմի ներսում, ապա նրան ոչ ոք, անզամ իր հարազատները՝ հայրը, եղբայրը և այլն, չեր կարող պաշտպանել: Փախչելու դեպքում մարդասպանը կիայտարարվեր օրենքից դուրս, որը մահկան հավասար դատավճիռ էր: Ցեղից վտարված մարդը (այս կամ այն հանցանք կատարելու դեպքում) հայտնվում էր համարյա անելանելի վիճակում, եթե մի որևէ ցեղ չընդուներ նրան: Այդպիսի մարդը դառնում էր «խալի» և ըստ եռթյան դադարում էր մարդ լինելուց: Ամեն մի անձ, ով նրանից ուժեղ էր, կարող էր կողոպտել, սպանել նրան կամ ստրկացնել:

Անշուշտ Արարիայում կար նաև նստակյաց բնակչություն, որոնք կոչվում էին «խաղարա»: Սակայն քոչվոր-բեղվինները ոչ միայն կազմում էին մեծամասնություն, այլև հանդիսանում էին տիրապետող ուժ: Նրանց տնօրինության տակ էին գտնվում Արարիայի տարածքների մեծ մասը:

Վաշկատուն-բեղվինների մոտ առկա էր արյան վրիժառության («վենդեստայի») ինստիտուտը: Հեթանոս-բեղվինները արյան վրիժառությունը համարում էին իրենց կրոնական պարտքը: Այն միանգամայն բնական երեսոյ էր նահապետական կարգերում զտնվող հասարակության համար, որում առկա էր ցեղի յուրաքանչյուր անդամի արարքների համար հավաքական պատասխանատվություն կրելու սկզբունքը: Արյան վրիժառության առկայության դեպքում ամեն մի ցեղակցի կյանք արաբ-բեղվինը շատ թանկ էր գնահատում: Այն զիտակցությունը, որ վրիժառության զոհ դառնալու դեպքում քո արյունը անպատճիծ չի մնա, արաբին հաղորդում էր ինքնավստահություն և պատասխանատվության զգացում, որ ցեղի ամեն մի անդամ անձամբ իր զիսով պատասխանատու է ցեղակցի կյանքի և մահվան համար:

Եթե մարդասպանությունը կատարվել էր տվյալ տոհմից կամ ցեղից դուրս, այսինքն սպանվել էր մեկ այլ տոհմի անդամ, գործողության մեջ էր մտնում արյան վրիժառությունը, երբ սպանվածի տոհմակիցները կամ ցեղակիցները իրավասու էին սպանել սպանողի տոհմի կամ ցեղի անդամներից յուրաքանչյուրին: Ըստ որում, արյան վրեժի իրավունքը անժամկետ էր, այն կարող էր ուժի մեջ մնալ տասնյակ տարիներ և նույնիսկ մի քանի սերունդների կյանքի ընթացքում, մինչև արյան վրեժն իրազործվեր:

Սակայն պետք է նշել, որ ցեղերի շրջանում արյան վրիժառությունը խաղում էր նաև որոշակի դրական դեր այն առումով, որ միայն նա էր կարողանում զսպել այն սանձարձակ բռնությունները, որոնք գոյություն ունեին ցեղերի հարաբերություններում:

Ավելի ուշ, Արաբիայում իսլամի ընդունումից հետո, արյան վրիժառությունը փոխարինելու եկավ արյան փրկագինը:

Բեղվինների հիմնական գրադմունքներից եր քոչվորական անասնապահությունը: Նրանք պահում էին ուղտեր, այծեր և ոչ-խարներ: Զին պերճանքի առարկա էր: Նա կարիք ուներ զարու և ջրի, որոնց սուր կարիքը զգում էին նաև մարդիկ: Սակայն Նաշդում և Եմենում աճեցնում էին ձիեր, այդ թվում նաև հայտնի ազնվացեղ արաբական նժույգներ: Ավանակների նկատմամբ բեղվինները վերաբերում էին արհամարհանքով, ուստի նրանց թիվը խիստ սահմանափակ էր:

Արաբ-բեղվինների համար ամենահարգի կենդանին ուղտն էր: Այդ կենդանին երկրագնդի տաք շրջաններում, որոնք համարյա զուրկ են խոնավություննից, մարդու կենսաապահուման ունիվերսալ միջոց է: Ուղտը հնարավոր դարձրեց մարդկանց երթևեկությունը անծայրածիր անապատներում: Իզուր չէ, որ եվրոպացիները նրան անվանել են «անապատի նավ», իսկ իսլամի սուրբ գրքում՝ Ղուրանում, ուղտը համարվում է Աստծո կողմից մարդկանց ուղարկված հատուկ պարզե: Այդ կենդանին իր վրա կարող է տանել մինչև 200 կգ բեռ: Նա անապատի կիզիչ արևի տակ և ավագների միջով ընդունակ է օրեկան անձնել 120-130 կիլոմետր: Ընդ որում, առանց ջուր խմելու կարող է դիմանալ 4-5 օր գրոյից քարձը 57 աստիճան շերմաստիճանի պայմաններում: Ուղտի այդ հատկանիշները հենց հնարավորություն էին տալիս արաբների միզրացիայի, քարավանային առևտուր կատարելու և անապատում ասպատակություններ կազմակերպելու համար: Ուղտը մեծ դեր է խաղացել նաև ռազմական գործում, որպես հեծելազորային կենդանի: Իրենց տրամադրության տակ այդպիսի ունիվերսալ կենդանու առկայությունն, անկասկած, իր ժամանակին հեշտացրեց արաբների հնարավորությունը դուրս գալու Արաբական թե-

բակղզու սահմաններից և իրագործելու հաղթական պատերազմներ և ծավալուն նվաճողական քաղաքականություն:

Անկասկած ուղտը անփոխարինելի ծառայություններ էր մատուցում նաև նստակյաց կյանքով ապրող արարքներին, որոնք այդ կենդանուն օգտագործում էին զյուղատնտեսական աշխատանքների մեջ, ջրհորներից ջուր քաշելու և այլ նպատակներով։ Ուղտը արարքեղվինի համար ապահովում էր սնունդ (միս), անջուր անապատում նրա կաթը հագեցնում էր ծարավը, ուղտի բուրդը և կաշին օգտագործվում էր հազուստ պատրաստելու համար և այլն։ Բնավ, պատահական չէ, որ նախախլամական շրջանի արարք բանաստեղծները սրտառուշ տողեր են նվիրել ուղտին։

Անտարակույս անասնապահությունը քոչվոր-բեղվինների միակ գրադմունքը չէր։ Նրանք գրադվում էին նաև որսորդությամբ, առևտրափոխանակությամբ, իսկ ավելի հաճախ ասպատակություններով («դազգ» կամ «ուեզզու»)։ Այդ ասպատակությունները տեղի էին ունենում ինչպես հարևան ցեղերի, այնպես էլ նստակյաց կյանք վարող և հողագործությամբ գրադվող օազիսների բնակչության նկատմամբ։ Հանրահայտ իրողություն է, որ անապատի քոչվորները իրենց տնտեսական վիճակի բարելավումը նշանակալից շափով ապահովում էին քաղաքակիրք հողագործական շրջաններ ներխուժումներ կատարելու ճանապարհով։ Առհասարակ բեղվինների ավար ձեռք բերելու հակումը նրանց դարձնում էր շափազանց վտանգավոր օազիսներում և անապատի հարակից հողերի վրա բնակվող նստակյաց երկրագործ բնակչության համար։ Ասպատակությունների ժամանակ բեղվինների կողմից շատ արագ թշվում տարվում էին թշնամու ցեղի անասունները, նրանց կանայք և երեխաները։ Գերվածներին վաճառում էին իբրև ստրուկներ, փոխանակում էին իրենց ցեղից գերվածների

հետ և կամ նրանց համար վերցնում էին փրկազին: Անասունների հոտերը անցնում էին ձեռքից ձեռք: Բնականաբար ցեղերի ընդհանուր հարստությունը այդ ասպատակությունների հետևանքով չէր ավելանում և սկզբունքորեն ամեն ինչ մնում էր նախկինի պես, որովհետև այսօր հաղթանակ տարած ցեղի ձեռքում կարող էր լինել հսկայական հոտ, իսկ վաղը նաև կարող էր գրկվել դրանից:

Ասպատակությունների ժամանակ բեղվինները ամեն կերպ աշխատում էին որ հնարավորինս արյուն ջրափի, որովհետև արյունահեղությունը լի էր վտանգավոր հետևանքներով՝ «վենդետայի»՝ արյան վրիժառության ինստիտուտի առկայության պատճառով:

Ասպատակություններից բացի քոչվոր-բեղվինների համար եկամտի հիմնական աղբյուրներից մեկը «հովանավորությունն» էր, այսինքն առևտրական քարավանների տեղաշարժը անվտանգ դարձնելու ծառայությունը: Քարավաններին զինված ուղեկցության համար զանձվում էր որոշակի տուրք: Ընդ որում, քարավանատերերը պարտավոր էին հատուկ հարկ վճարել նաև բեղվինների տվյալ ցեղին պատկանող տարածքից անցնելու համար: Քաղաքաբնակ արաբները ևս պարտավոր էին վճարել բեղվինական ցեղին պատկանող տարածքով անցնելու համար: Դա կոչվում էր «եղբայրության իրավունք»: Քոչվորների համար եկամտի կարևոր աղբյուր էր հանդիսանում նաև քարավանատերերին վարձով ուղտեր տրամադրելը:

Որպես կանոն աստիճանաբար իրենց ժամանակավոր բնակության վայր ընտրելով քարավանային ճանապարհները, բեղվինները վերահսկում էին այդ ողջ առևտրական-քարավանային բիզնեսը: Դրա հետ մեկտեղ, իրենք ևս գրադփում էին առևտրափոխանակությամբ, վաճառում էին ուղտեր և իրենց անասնապահական

արտադրության զանազան ապրանքներ՝ կաշի, բուրդ, անասուններ, տնայնագործական արտադրության զանազան ապրանքներ և այլն:

Քոչվորական կյանքի պայմաններում քաղաքակրթության մակարդակը հին Արաբիայում քնականաբար բարձր չէր: Վաշկատուն կենսաձեր մշակութային կյանքը դնում էր խիստ նեղ շրջանակների մեջ: Այդ շրջանակները կարելի էր հաղթահարել միայն նստակեցության անցնելու դեպքում: Ամենուրեք ցածր մակարդակի վրա էր գտնվում նաև բեղվինների մշակութային կյանքը: Նրանք անօգնական էին կլիմայի քմահաճույքների նկատմամբ: Թեև իրենք ունեին մեծ քանակությամբ անասուններ, սակայն նրանց կյանքի պայմանները անհնարին էր դարձնում սննդի պահեստավորումը: Վստահաբար կարելի է ասել, որ բեղվինները ավելի շատ տառապում էին ապագայի նկատմամբ անվստահությունից, քան աղքատությունից:

Բեղվինների մոտ կարգապահության բացակայությունը, նրանց անընդունակությունը մշակելու երկարատև ժամանակների համար ծրագրեր, սրանք զծեր են, որոնք, խանգարում էին արարներին թևակոխելու դեպի փոփոխությունների նախադասուր:

Քոչվոր արարների կյանքը հեշտ չէր: Ցեղերի միջև գոյություն ուներ խորը թշնամանք: Զգացվում էր արոտավայրերի խիստ պակաս: Դա իր հետ բերում էր քաղց, հիվանդություններ և մարդկանց ոչնչացում: Արոտավայրային սովը քոչվոր-բեղվինին դուրս էր մղում Արաբիայից դեպի բարեբեր հովիտները: Բեղվինի առջև կանգնած էր երկընտրանք կամ պատերազմել և արյուն թափել արոտավայրերի համար և կամ հեռանալ Արաբիայի սահմաններից: Արաբիայում հաճախակի կրկնվող երաշտի պատճառով ևս բեղվինները ստիպված էին տեղափոխվել տեղից տեղ, անընդհատ

շարժվել, որոնելով ջրի աղբյուրներ և հազվագյուտ արոտավայրեր: Ուստի պատահական չէ, որ քոչվորները պարբերաբար ասպատակում և ավերում էին մոտակա պետությունների տարածքները: Օազիսները, քարավանային ճանապարհները ևս հանդիսանում էին միջցեղային արյունախանձ կոիվների պատճառ, որոնք կրում էին մշտական բնույթ: Հաշտության պայմանագրերը գործում էին այնքան ժամանակ, քանի ուետ ուժերը հավասար էին, սակայն այդ հավասարությունը հնարավոր չէր, կամ շատ դժվար էր երկար ժամանակ պահպանել:

Հիրավի, բեղվինների կյանքը մշտական պայքար էր իրենց գոյատևման համար: Սովոր հաճախ «մողեսներ, օձեր և մորեխներ» ուտող այդ մարդկանց մղում էր դաժանությունների: Օրինակ, նրանք աշխատում էին ազատվել «ավելորդ բերաններից՝ աղջիկներից: Նորածին աղջիկներից «ազատվում» էին նրանց կենդանի թաղելով, իսկ մի մասին զոհ մատուցելով իրենց կուռքերին: Ըստանիքում աղջիկ ծնվելը համարվում էր դժբախտություն: Կանայք համարվում էին երկրորդական էակներ, որոնք օգուտ չեն բերում, թեև եթե նրանց գերի էին տանում, ամոթի ու խայտառակության բիծը ընկնում էր ողջ ցեղի վրա:

Ազանդության համաձայն, երբ արաբ-բեղվինը ի վիճակի չէր լինում իր համար սնունդ հայթայթել, նա գնում էր անապատ, այնտեղ վրան խփում և մտնելով վրանը սովի միջոցով իրեն մատնում էր մահվան ճիրաններին:

Ճեթանոս-բեղվինն ուներ բարոյականության իր հասկացողությունը, որի մեջ կողք-կողքի գտնվում էին խիզախությունն ու մեծահոգությունը թշնամինների նկատմամբ, եթե իհարկե խոսքը չէր վերաբերում արյան վրիժառությանը: Բեղվինի վրան մտած թշնամին անզամ համարվում էր իյուր և օգտվում էր անձի ան-

ձեռնմխելիությունից և տանտիրոջ հյուրասիրությունից: Բեղվինը նույնիսկ իր կյանքի գնով հավատարիմ էր իր տված խոսքին: Այդ բոչվորների մոտ առկա էր «մուրուվվա» հասկացությունը, որ նշանակում էր «տղամարդու հատկանիշներ» ունենալը: Այն ներառում էր այնպիսի արժանիքներ, ինչպիսիք են ռազմական խիզախությունն ու անվեհերությունը, առատաձեռնությունը և հավատարմությունը ցեղային ավանդույթներին:

Հենց այդ տոհմացեղային վարքի կանոնները, անսահման, ոչնչով չսահմանափակվող ազատության զգացումը, ըստ Էության, ձևավորում էր արաբ-քեղվինի բնավորությունն ու աշխարհայացքը: Նա համոզված էր, որ առաքինի մարդը կարող է աճել միայն առաքինի արմատներից: Տականքներից միայն կարող է ծնվել տականք: Ուստի արաբները շատ ուշադիր վերաբերմունք ունեին իրենց տոհմաբանական ծագման նկատմամբ և այն հիշում էին նվազագույնը մինչև ութը պորտ:

Արաբների մոտ տիրապետող էր նաև ճակատազրապաշտությունը (Փատալիզմ): «Նախորշումի հավատը շատ հին մարդկային մի մոլորություն էր, արդյունք մտքի տհասության,- գրում է Լեռն: Ֆատալիզմով տողորված մարդը ամենայն պաղարյունությամբ էր վերաբերում ամեն մի վտանգի, ամեն մի դժբախտության: Համոզված, որ եթե ճակատազրիրը վաղօրոր չի տնօրինել մեկի համար այս կամ այն տեսակ մահ, նա չի մեռնի և պատերազմական փոթորիկների մեջ»:

Ցեղի մեջ ապրող կանայք ավելի մեծ ազատությունից էին օգտվում, քան քաղաքաբնակ կանայք, սակայն նրանց վրա էր ընկած ողջ տնային աշխատանքի ծանրությունը: Ինչպես ցանկացած բոչվորական ցեղի մեջ, արաբների մոտ ևս կնոջ դերը համայնքում և ընտանիքում չնշին էր: Ցանկացած բոչվոր-ռազմիկ անհրաժեշ-

տուրքյան դեպքում կարող էր հարևան ցեղից փախցնել կամ գերի վերցնել կանանց: Ստրկուհուց ծնված զավակը համարվում էր ցեղի լիարժեք անդամ և նույնիսկ ստանում էր իր հոր գույքի մի մասը: Ընդ որում, նրա մայրը այդպես էլ շարունակում էր մնալ ստրկական վիճակում: Կին արարածի կյանքը սկզբում տնօրինում էր իր հայրը, այնուհետև ամուսինը, իսկ եթե վերջինս մահանում էր կամ զոհվում պատերազմի մեջ, տվյալ կինը ժառանգաբար անցնում էր մահացած ամուսնու մերձավոր ազգականներից մեկին:

Տվյալ ցեղի անդամը կարող էր ամուսնանալ իր ցեղային խմբից դուրս, թեև այլ ցեղից բերված կինը երբեք չէր դառնում իր ամուսնու ցեղի լիիրավ անդամ: Իսկ նրանից ծնված երեխաները հայտնվում էին դժվարին վիճակում:

Քոչվոր արաբների մոտ պոլիգամիան կամ բազմակնությունը ու սպառական երևույթ էր: Ցանկացած տղամարդ կարող էր ունենալ անսահմանափակ թվով կանանց: Ամուսնալուծությունները կատարվում էին հեշտությամբ: Ամուսնալուծվելու համար բավական էր, որ տղամարդը այդ մասին պարզապես հրապարակավ հայտարարի: Ընդ որում, նույնիսկ կնոջ բերած օժիտը մնում էր ամուսնու մոտ: Շատ հաճախ հենց այդ պատճառով տղամարդը տալիս էր ապահարզան: Սակայն ուրիշի ունեցվածքին տիրանալու այդ եղանակը միշտ չէ, որ ունենում էր հեշտ ու խաղաղ ելք: Եթե ամուսնալուծության ենթարկված կնոջ ազգականները համարեին, որ ամուսնու կողմից ապահարզան տալու պատճառները անհիմն են, ապա ամուսինը կարող էր լուրջ խնդիրներ ունենալ կնոջ ազգականների հետ:

Որոշ ցեղերում, սակայն, որտեղ դեռևս իշխում էին մայրիշխանության մնացուկները, կանայք իրավական հարցերում, այդ

թվում նաև ժառանգությանը վերաբերող խնդիրներում, ունեին ավելի մեծ իրավունքներ, քան տղամարդիկ: Այդ դեպքում ցեղի շարունակակությունը ևս ընդունվում էր ոչ թե տղամարդու, այլ կանանց գծով:

Կնոջ կողմից տղաներ ծնելը համարվում էր օրինություն, իսկ աղջիկ ծնելը՝ անեծք: Ամբողջ խնդիրը կայանում էր նրանում, որ երեխայի հորը անհրաժեշտ էր ունենալ կովող մարդիկ, իսկ կին ձեռք բերելու խնդիրը նրա համար դժվար չէր:

Մինչև ամուսնանալը քոչվող կանայք պետք է պահպանեին իրենց կուսական մաքրությունը, մի բան, որ տղամարդուց չէր պահանջվում:

Արաբական թերակղու նստակյաց բնակչությունը, որի զբաղմունքը հիմնականում հողագործությունն էր, ինչպես նաև անասնապահությունը, արհեստագործությունը և առևտուրը, տեղաբաշխված էր ոչ անապատային գոտիներում, հատկապես հարավում՝ Եմենում, Հայրամառութում, ինչպես նաև Կենտրոնական ու Հյուսիսային Արաբիայի բնակության համար հարմար ու բարեբեր վայրերում և օազիսներում: Նստակյաց վայրերում առկա էին նաև քաղաքներ և քաղաքատիպ բնակավայրեր: Նստակյաց բնակչության շրջանում գոյություն ունեին ինքնավար համայնքային մարմիններ, որոնք կոչվում էին շաբաններ:

Թվում էր, թե Արաբիայում քոչվորները շնորհիվ իրենց ազատ ու «ինքնավար» կենսաձևի թույլ կապերի մեջ էին նստակյաց բնակչության հետ և տնտեսապես միանգամայն ինքնուրույն էին, սակայն դա այդպես չէր: Իրականում նրանք որոշակի կախում ունեին զյուղացիներից և քաղաքացիներից, որոնց թեև արհամարհում էին: Վերջիններս, տառապելով քոչվորների ավազակային ասպատակություններից, ոչ պակաս չափով ատում էին նրանց:

Դեռ հնագույն ժամանակներում երկրագործական ընդարձակ տարածքներում կառուցվել էին վիթխարակերտ ոռոգման համակարգեր, որոնց մնացուկները պահպանվել են մինչև մեր օրերը:

Քոչվորների անսանձ ու հաճախակի կրկնվող ասպատակություններից պաշտպանվելու համար նստակյաց բնակչությունը կամ պետք է զենքը ձեռքին մաքաներ, և կամ ձեռք բերեր որևէ ուժեղ քոչվոր ցեղի այսպես կոչված «հովանավորությունը», որա համար վճարելով համապատասխան զին: Աղբյուրների վկայությամբ, քոչվոր-արաբների կողմից իրականացվող ասպատակությունները և կողոպուտները ստիպում էին նստակյաց արաք բնակչությանը միշտ պատրաստ լինել պաշտպանության համար: Տես այդ նպատակով, վաշկատուն-բեղվինների օրինակով նստակյաց արաբները ստեղծում էին հետախուզական և լրտեսական ծառայություն: Դա կենսական անհրաժեշտություն էր նրանց համար: Որպեսզի իրենց քարավանները պաշտպանեն կողոպտիչներից, վաճառականներն օգտագործում էին իրենց լրտեսներին, որոնք նախւրգուշացնում էին վերահաս վտանգի մասին: Ցեղերը միմյանց մոտ հետախույզներ էին ուղարկում հակառակորդների մասին տեղեկություններ ձեռք բերելու համար: Գերինները ևս հանդիսանում էին տեղեկություններ հայրայթելու աղբյուրներ: Նրանք տեղեկատվություն էին հաղորդում ցեղերի տեղաբաշխման, նրանց քոչավայրերի, պաշտպանական հնարավորությունների մասին և այլն: Այդ տեղեկությունները հնարավորություն էին տալիս թշնամու համար ստեղծել տիած անակնկալներ: Արաբները լայնորեն օգտվում էին նաև դավաճանների ծառայություններից, որոնք դավաճանելով յուրայիններին, փախել և ապաստան էին գտել իրենց մոտ:

Մինչխամական Արաբիայի լրտեսներն ու հետախոյզները լայնորեն օգտագործում էին սիմվոլիկայի տարրեր ձևերը հակառակորդի վերաբերյալ յուրայիններին տեղեկություններ հաղորդելու համար: Օրինակ, մի քուտ ավազը նշանակում էր, որ փաստն ակնառու է. կարմիր ուղտը նշանակում էր լեռ. սովորական ուղտը՝ անապատ. տերեններով փշերը՝ որ թշնամին զենք է վեցքել ձեռքը. կաթը խորհրդանշում էր թույլ թշնամուն. կարմիր թիկնոցը՝ նշանակում էր, որ թշնամու մոտ առկա է հայտնի մարդ. սև քարը՝ գիշեր և այլն:

Սուսուլմանական պատմագրության մեջ արաբների պատմության մինչխամական շրջանը ստացել է «Զահիլիյա» անվանումը: Այն օգտագործվում է նաև Ղուրանում: Խոլամազիտության մեջ սովորաբար այդ տերմինը մեկնաբանվում է «հեթանոսություն» իմաստով: Խոկ մուսուլմանական աստվածաբանները այն մեկնաբանում են որպես «անզիտության» շրջան: Ավելի ստույգ, շահիլիյայի տակ հասկացվում է մարդկանց կյանքի մի շրջան առանց մարգարեի ներկայության: Զահիլիյան ներկայացվում է որպես կոպտության, դաժանության, մարդկանց իրենց կրքերին ու ցանկություններին ենթարկվելու, կյանքի անկանոնության մի շրջան: Այդ նույն շրջանը եվրոպացիներն անվանել են «Քարբարության», «Քռության» շրջան: Խոլամի մարգարեի՝ Սուհամմադի համար ևս շահիլիյան նշանակում էր վայրենություն, բարբարոսական սովորույթներ, որոնք ինքը ցանկանում էր ոչնչացնել նոր կրոնի քարոզությամբ և դրանով իսկ հաղթահարել ցեղային տրոհվածությունն ու արյունոտ երկպառակությունները, ձգտելով իսլամի շնորհիվ սահմանել համարաբական միասնություն:

Գերմանացի իսլամագետ Ավգուստ Մյուլերը նշում է, որ ինքը Սուհամմադը ևս չկարողացավ իր մեջ հաղթահարել շահի-

լիյայի որոշ արատները, մասնավորապես անողորմ դաժանությունը, որն ինքը հաճախ դրսնորում էր քշնամիներին ոչնչացնելիս:

Անկասկած նախախլամական Արաբիայի քաղաքակրթությունը շահիլիյայի շրջանում չէր կարող շատ բարձր լինել, թեև հետազոյում իսլամի հիմնադիր Մուհամմադ մարգարեն ասել է, թե արաբները ոչնչով չեն գիշում հարևան բարձր զարգացած ժողովուրդներին, որ պարզապես նրանք «ուշացումով են բացվել»: Հիրավի, մի շարք փաստեր գալիս են վկայելու, որ հենց այդ շրջանում անապատի քոչվորները հանդիսացան արաբական գրականության հիմնադիրները: Նախախլամական շրջանում Արաբիայում գրականությունը ներկայացված էր միայն պոեզիայի ժանրով, որի լոկ առանձին պատառիկներն են հասել մեզ: Այն աչքի էր ընկնում իր հարուստ բազմազանությամբ, բանաստեղծական չափերով, ճոխ լեզվով, փայլուն երանգավորումներով և նուրբ զգայունությամբ: Արաբ բանաստեղծների հորինած ոտանավորներում երգվում էր սեր, հերոսական գործողություններ, պատերազմական խիզախություններ: Սրտառուշ տողեր են նվիրված արաբների ամենամտերիմ եակին՝ ուղտին, նժույզներին, նկարագրվում են բնության սրանչելի տեսարաններ, տրվում են փիլիսոփայական խոհեր: Կրոնական բնույթի բանաստեղծություններ գործնականում չեն եղել, թեև հանդիպում են ակնարկներ բարձրագույն աստծո մասին:

Ընդհանուր առմամբ շահիլիյայի շրջանում հեթանոսական և բազմաստվածություն դավանող Արաբիան կարծես մի կղզյակ էր մոնոքեխստական կրոնների միջավայրում, որոնք լայնորեն տարածված էին հարևան երկրամասերում: Արդեն քրիստոնեությունը տիրապետում էր բյուզանդական նահանգներում՝ Եգիպտո-

սում, Սիրիայում, Պաղեստինում, Փոքր Ասիայում, ինչպես նաև Եթովպիայում։ Այդ կրոնը լայնորեն ներքափանցել էր նաև Իրան։ Ավելին, հենց բուն Արաբիայում հայտնվել էին քրիստոնեական և հուդայական համայնքներ։ Նույնիսկ որոշ արաբական քոչվորական ցեղեր (օրինակ, թաղլիֆ ցեղը) ամբողջապես ընդունել էին քրիստոնեությունը։ Առանձին նստակյաց ցեղեր, օրինակ, կայնութա, նադիր, կուրայզա, որոնք բնակություն էին հաստատել Յասրիբում (Մադինայում) դավանում էին հուդայականությունը։

Նշված իրողությունը վկայում է այն մասին, որ հնուց անտի Արաբիան չի ապրել բացարձակ մեկուսացվածության պայմաններում, որ այն միշտ բաց է եղել արտաքին ազդեցությունների համար։ Անկասկած հուդայականության և քրիստոնեության հետ ծանոթությունը արաբների մտավոր-մշակութային զարգացման վրա մեծ ներգործություն է ունեցել։ Այդ կրոնները արաբների շրջանում իրականացնում էին միսիոներական աշխատանք։ Սակայն նրանց գործունեությունն ունեցավ միայն մասնակի հաջողություն։ Արաբիայում զիսավոր կրոնը շարունակում էր մնալ հեթանոսությունը։

Նախախամական շրջանում Արաբիայի բնեղվինները չստեղծեցին ոչ մի աշքի ընկնող պետական միավորում։ Արաբական թերակղզու ընդարձակ տարածքներում առկա էր քաղաքական վակուում։ Գոյություն չուներ ոչ միայն ուժեղ համաարաբական պետական իշխանություն, այլև թիշ թե շատ աշքի ընկնող տարածաշրջանային իշխանություն, որն ի վիճակի լիներ վերածվելու միասնական պետության ձևավորման և գոյության կենտրոնի։ Ճիշտ է, Արաբիայում V-VI դարերում և VII դ. սկզբին գոյութ-

* Արաբները քրիստոնյաներին անվանում են «Նասարա»:

յուն են ունեցել պետական կազմավորումների (Հասանիների, Լահ-միների պետությունները և այլն), սակայն դրանցից ոչ մեկը չկա- րողացավ ստիպել բեղվիններին հրաժարվելու իրենց անիշխա- նական հակումներից: Պետական, քաղաքական միասնության բացակայությունը անխուսափելիորեն հանգեցնելու էր ցեղերի փոխհարաբերություններում քառսի առաջացմանը: Առանձին ցե- ղերի և ամբողջ ցեղային միությունների միջև տեղի ունեցող ան- վերջ միջցեղային երկպառակությունները վեր էին ածվում դաժան ու անզիջում արյունահեղ պատերազմների, որոնք հաճախ տևում էին տասնամյակներ: Իսկ դա իր հերթին խոչընդոտում ու խան- գարում էր համարաբական քաղաքական, պետական իշխա- նության ձևավորմանը:

Բացարձակ ազատության մեջ ապրող բեղվինները չեին ցանկանում ճանաչել որևէ իշխանավորի իշխանություն: Եվ ոչ ոք չէր կարողանում բեղվիններին ստիպել հրաժարվելու դեպի ա- սիշխանությունն ունեցած իրենց հակումից: Առհասարակ քոչվո- րական կյանքը, կրոնական պատկերացումների բազմազանութ- յունը, ցեղերի անհավասար վիճակը, արոտավայրերի ու ջրի հա- մար արյունախանձ կոհիվները, ցեղերի միջև արյունալի երկպա- ռակությունները և այլն, այդ բոլորը արգելք էին հանդիսանում ա- րաբների միավորմանը որպես միասնական ժողովուրդ: Վերջա- պես, պետականություն չունենալու պատճառներից մեկն էլ այն էր, որ քաղաքական ասպարեզում առաջ չէր քաշվել որևէ միավո- րիչ զաղափար: Ուստի իսլամի ծնունդից ու բարձրացումից առաջ հարյուրամյակների ընթացքում ցեղերը իրենց եռանդը ծախսում էին բոլորը բոլորի դեմ մանր պատերազմներում: Առանձին ցեղե- րի քաղաքական դաշինքները և ժամանակավոր համադաշնային (կոնֆեղերատիվ) միավորումները այսպես կոչված «եղբայրաց-

ման» («թախալուֆ») հիմքի վրա, այդպէս էլ ի վիճակի չեղան վերածվելու ռեալ քաղաքական ուժի և պետականության կորիգի:

Անկասկած ցեղային տրոհվածությունն ու ցեղերի միջև թշնամանքը հաղթահարելու համար անհրաժեշտ էր ստեղծել համարաբական պետություն: Այսպիսով, VI-VII դարերում Արաբիան միրճվել էր քաղաքական, սոցիալական և զաղափարական ձգնաժամի մեջ: Գոյություն չուներ համընդհանուր ճանաչում գտած արաբական քաղաքական որևէ կենտրոն: Բազմազան ցեղային կուլտերը և հավատալիքներն արգելակում էին ցեղերի միավորմանը:

Աղբյուրները վկայում են, որ ստեղծված այդ վիճակի անելանելիությունը գիտակցել են մտածող արաբներից շատերը: Հետևաբար, միասնության զաղափարը սավառնել է օդում, սակայն այն կյանքի կոչելու ուղին ոչ ոք չգիտեր: Իրականում այդ ձգնաժամին կարելի էր լուծում տալ միայն նոր զաղափարների, ավելի ճիշտ նոր զաղափարախոսության ստեղծման ճանապարհով: Այդպիսի զաղափարախոսություն կարող էր հանդիսանալ նոր կրոնը, որովհետև միջնադարում գոյություն ուներ զաղափարախոսության միայն մեկ ձև՝ կրոնը: Ընդ որում, նոր կրոնական զաղափարախոսությունը անպայման պետք է հիմնված լիներ միաստվածության սկզբունքի վրա, որովհետև միայն այդ դեպում կարելի էր վերջ տալ ցեղային երկպառակություններին և սահմանել կրոնի վրա հիմնված «եղբայրություն», ասել է թե կրոնական և քաղաքական միասնություն:

Հետևաբար, պատմությունը սպասում էր նրան, ով այդ բեռը կվերցներ իր վրա, վերջ կտար արաբների տարանջատվածությանը և անվերջ պայքարին, հիմք դնելով նրանց միասնությանն ու պետական գոյությանը:

ԱՐԱԲՆԵՐԻ ԿՐՈՆԸ ՄԻՆՉԵՎ ԽՍԼԱՍԻ ԸՆԴՈՒՆՈՒՄԸ

Մինչև իալամի ընդունումը (VII դ.) արաբական թերակղու բնակչությունը միասնական կրոն չուներ: Արաբները հեթանոս-կուռայաշտներ էին և հետևում էին քազմաստվածությանը: Յուրաքանչյուր ցեղ ուներ իր սեփական աստվածների մի ամբողջ հավաքածու: Արաբների պաշտամունքի առարկաներն էին առանձին քարերը (օրինակ, Մերքայի «Սև քարը»), քարակերտ կուռքերը, որոնք կոչվում էին «բեյթ-իլ» կամ «բերիլներ», որ նշանակում էր «աստծո կացարան»: Բերիլները հաճախ հանդիպում էին զույգերով (Խսաֆ-Նայիլա և այլն), որ իրենով նշանավորում էր դուալիզմի գաղափարը, մի բան, որին հետագայում իսլամը հակառեց խստիվ միաստվածությունը: Կային բերիլներ, որոնք մշտապես գտնվում էին որոշակի վայրում, կային նաև շարժական բերիլներ, որոնք ցեղերին ուղեկցում էին նրանց տեղաշարժերի ժամանակ, իսկ պատերազմների դեպքում, հովանավորում ու աջակցում տվյալ ցեղին:

Քոչվոր արաբների պաշտամունքի առարկա էին նաև երկ-նային լուսատուները՝ արևը, լուսինը, աստղերը: Ընդ որում, լուսինը հանդիսանում էր արական սեղի աստվածություն, իսկ արևը՝ իզական սեղի: Աստղերը ևս խորհրդանշում էին կամ արական, կամ իզական սեղը: Ղուրանում առկա է հիշատակում արաբների մինչիսլամական հավատալիքների մասին. «Մի երկրպագէք արեգակին եւ ոչ լուսնին, եւ երկրպագէք Աստուծուն, որ նրանց ստեղծել է, եթէ դուք նրան էք պաշտում» (Ղուրան, 41:37):

* Գրքում մենք օգտագործել ենք Ա. Ամիրխանեանցի կողմից թարգմանված Ղուրանը, Վանա, 1909: Համարակալվածների առաջին

Արաբական մինչխամական պանթեոնում կային նաև բազմաթիվ այլ աստվածություններ, օրինակ աստվածուիններ, «բարձրագույն աստվածուին» Ալ-Լաթը (կամ Իլաթը), «չափազանց ուժեղ» Ալ-Ուզզան, Մանաթը, որը մկրատով կտրում է մարդկանց ճակատազրի թելը, աստվածներ՝ բարեկամության աստված Վաղդը, անասունների հովանավոր Սուլվան, Յազուսը, Հա՛ուկը և այլն: Առանձին ցեղերի մոտ պաշտամունքի առարկա էր ջուրը: Տարածում ուներ մահացած նախնիների կուլտը, որոնց գերեզմաններին գոհարերում էին ուղտեր և այլ կենդանիներ:

Ցեղային աստվածներից բացի, արաբների կրոնական պատկերացումներում մեծ դեր էին խաղում առանձնահատուկ հոգիները՝ ջինները, որոնք բաժանվում էին չար և բարի ոգիների: Ամենադաժան և չար ջիննը կոչվում էր շայթան: Մերքացիները ջիններին հավասարապես պաշտում էին իրենց աստվածների հետ և դիմում էին նրանց աղոթքներով: Այդ առթիվ Ղուրանում ասվում է. «Մարդկանցից էլ կային ոմանք, որոնք դևերից ումանց մոտ ապաստան էին պնտրում, եւ միմիայն իրենց յիմարութիւնն էին շատացնում» (72:6): Ղուրանը չի ժխտում այդ ոգիների գոյությունը, սակայն ըմբռութանում է նրանց հավասարեցման դեմ Ալլահի հետ. «Բայց նրանք դևերին Աստուծոյ ընկերներ են շինել, որ նա է նրանց ստեղծել» (6:100): Ամենահզոր ջինները կոչվում էին իֆրիթներ, որը արաբական բանահյուսության մեջ հանդես է գալիս որպես հանգուցյալների հոգիներ:

մասը Ղուրանի սուրան է, երկրորդ մասը՝ այաթը: Մահմեդականների Սուրբ Գիրը ընդունված է անվանել Կորան, սակայն մենք նպատակահարմար ենք համարել օգտագործել մեզանում ընդունված Ղուրան ձևը:

Արաբների պատկերացմամբ աստվածների մի մասը ապրում էր անապատում, պաշտպանելով այս կամ այն ցեղի տարածքները: Անկասկած բազմաստվածությունը ևս արաբներին տարաբաժանող և մեկ ցեղը մյուսին թշնամի դարձնող գործոն էր, քանի որ այդ աստվածությունները, որոնք հանդես էին զալիս որպես ցեղերի հովանավորներ, մրցակցում էին միմյանց հետ և թշնամաբար էին տրամադրված միմյանց նկատմամբ, ինչպես և այն ցեղերը, որոնց իրենք հովանավորում էին: Հետևաբար, ինչպես նշվել է, բազմաստվածությունը հանդիսանում էր զլխավոր զաղափարական արգելքը ցեղերի միավորման ու միաձուլման ճանապարհին մեկ միասնական էթնոսի մեջ:

Արաբների համար հին ժամանակներից սկսած համազգային սրբավայր էր դարձել Մերրայում գտնվող Քաարա կոչվող ուխտատեղին: Դա խորանարդած մի շինություն էր, որի բարձրությունը 12.5 մետր էր, ընդհանուր տարածքը՝ 191 քառ. մետր, իսկ ներքին տարածքը՝ կազմում էր 13x9 մետր: Քաարա բառը արաբերեն լեզվում իմաստային առումով նշանակում էր «քարձր տեղ, շրջապատված հարգանքով ու մեծարանքով»: Արաբները այն կոչել են նաև «Աստծո տուն»: Քաարայի ծագման վերաբերյալ հարցը անհայտ է: Մուսուլմանական ավանդույթի համաձայն, երկրի վրա առաջին մարդը՝ Աղամս է կառուցել այդ սրբավայրը ի նշան իր վերամիավորման Աստծո հետ: Նա այդ տաճարը կառուցել է: Աստծո կողմից Գաբրիել հրեշտակապետի միջոցով իրեն ուղարկված «ներման քարի» շուրջը, որը սկզբում իբր եղել է սպիտակ գույնի, սակայն ժամանակի ընթացքում ներծծելով մարդկանց մեղքերը սեացել է, ինչպես անլուսին խավար գիշեր: Ներկայում այդ սև քարը, որն արաբերեն կոչվում է ալ-Ճաշար ալ-Էսվադ և իրականում իրենից ներկայացնում է երկնարար, տեղադր-

ված է Քաաբայի պատի մեջ մեկ և կես մետր բարձրության վրա և շրջանակված է արծաթյա շրջանակով: Ի դեպ, որոշ գիտնականներ համարում են, որ այդ քարն ունի արհեստական ծագում և ստեղծված է շիկացած ավազից զանազան նյութերի խառնուրդով: Որպես այդ վարկածի կովան բերվում է այն փաստը, որ Սև քարը ջրասույզ չի լինում: Եթե 930 թ. քարմաքների աղանդի հետևորդները գրուցել էին այդ քարը, այն գտել ու ճանաչել են իր այդ հատկանիշի շնորհիվ:

Ըստ ավանդության, Աղամի որդի Շիսը (Սիֆ) Քաաբայի փայտյա սրբավայրը փոխել է քարակերտ շինությամբ: Նուի (Նոյ) մարգարեի ժամանակ, երբ տեղի է ունեցել համաշխարհային ջրհեղեղ, Քաաբան համբարձվել է երկինք և ապա կրկին վերադարձվել երկրի վրա: Սակայն նախկինում նրա եղած տեղը մոռացվել է և շենքն էլ քանդվել: Տեսազայում Իբրահիմ (Աբրահամ) մարգարեն Ալլահի հրամանով վերստին կառուցել է Քաաբան նախկինում եղած իր իսկ վայրում:

Հայտնի է, որ արդեն մեր թվարկությունից առաջ երրորդ դարում Քաաբան հանդիսանում էր արաբական ցեղերի պանթեոն: Որոշ տվյալներով, նրա կենտրոնում գտնվում էր Խորթալա կոչվող կուռքը, որը կուրայշ (կուրեյշ) ցեղի աստվածությունն էր մարդու կերպարանքով, որն ուներ ոսկյա ձեռք: Նրա շուրջը շարված էին մյուս բոլոր աստվածությունների կուռքերը, որոնց երկրպագում էին թերակղու տարբեր վայրերի արաք հեթանուները: Մինչև իսլամի ծնունդը Քաաբան իրենից ներկայացնում էր մի յուրահատուկ կուռքերի տաճար, որտեղ կենտրոնացված էին 360 մեծ ու փոքր կուռք-աստվածություններ, որոնք ունեին իրենց անունները. Իլ, Բիլ, Շամե, Աթթոր, Սին, Սամղոն, Նասր և այլն:

Մերքայի բնակիչները արգելք չեին հանդիսանում, ինչպես և հին հոռմեացիները, որ ուրիշների աստվածները բերվեն իրենց տաճարը, այլ ընդհակառակը, ամեն կերպ խրախուսում էին դա, իրենց քաղաքը վերածելով տարբեր կուռքերի ու աստվածությունների կենսորոնի, որոնց մոտ արաքները զոհ էին մատուցում և գուշակություններ անում: Առհասարակ, Մերքայի բնակիչները չափազանց հանդուժողական վերաբերմունք էին դրսնորում տարբեր կուլտերի նկատմամբ: Նրանք հնարավորություն էին տալիս, որ յուրաքանչյուր օտարերկրացի երկրպագի իր սեփական աստվածներին և որպեսզի ողջ Արաբիան Մերքան համարի ուխտագնացության՝ հաջի նշանավոր վայր:

Քաարան ուխտավորների մեծամեծ բազմություններ էր գրավում Արաբիայի զանազան կողմերից և այդ պատճառով եկամուտների հարուստ աղբյուր էր: Ս. թ. V դարի կեսերից կուրայշ ցեղը իր ձեռքը զցեց Քաարան և այն իր մշտական հսկողության տակ պահելու համար բնակվեց նրա շուրջը: Քաարային տիրելը ազնվազարմ կուրեյշյան տոհմերին տրամադրում էր նաև նշանակալից կրոնական հեղինակություն:

Բնականաբար, ուխտագնացներից մեծամեծ եկամուտներ ապահովող այդ ուխտատեղին պետք է հանդիսանար տարբեր ցեղերի միջև արյունախանձ կոխվների պատճառ: Ուստի և ընդհարումները կուրայշ և մյուս ցեղերի միջև հանդիսանում էին սովորական երևույթ:

Արաքական թերակղում բացի հուղայականությունից ու քրիստոնեությունից, որոշակի տարածում էր գտել նաև զրադաշտականությունը, որն այնտեղ էին բերել պարսիկ վաճառականները: Ավելի նվազ չափով տարածված էին նաև մանիքեականությունն ու գնոստիցիզմը:

Բնականաբար հարց է առաջանում, ինչո՞ւ արաբները չընդունեցին իրենց բնակության վայրերում արդեն տարածում գտած կրոններից մեկը: Այդ հարցին Լեռն տալիս է հետևյալ բացատրութունը: «Նայելով թերակղզում հուղայականության և քրիստոնեության ունեցած ազդեցությանը, կարելի էր եզրակացնել, որ կրոնական պաշտամունք որոնող Արաբիան կամ հրեական կղառնա, կամ քրիստոնեական: Բայց այդպես չեղավ և այդ բանն արգելողը արաք ժողովրդի ուժեղ հոգեբանությունն էր: Արաբը չէր կարող ոչ հրեա դառնալ, ոչ քրիստոնյա»: Լեռի կարծիքով արաբները քրիստոնեությունն ընկալում էին ոչ այնպես, ինչպես նա կա, այլ հրապուրվում էին լոկ նրա ծեսերով ու արտաքին փայլով: Նրա կարծիքով պարզ ու նախնական մտածողություն ունեցող արաքի համար միանգամայն անմատչելի էին աստվածաբանական այն բարդ ու մանվածապատ տեսությունները, որոնք հուզում էին, օրինակ, քրիստոնեական աշխարհը:

Ուշագրավ է նշել, որ արդեն VI դարում մինչյալամական Արաբիայում կային նաև միաստվածություն դավանող ոչ մեծ թվով մարդիկ, որոնք ոչ հուղարկան էին, ոչ էլ քրիստոնյա: Նրանց անվանում էին հանիֆներ (արաբ. հանիֆ, հոգն. հունաֆա): Ամենայն հավանականությամբ կրոնական այդ ուսմունքը առաջ էր եկել քրիստոնեության ու հուղարկանության ազդեցության ներքո: Մասնաւում Արաբիայում հայտնի էին «Ճշմարտություն որպնողների» անվան տակ: Նրանց կրոնի մասին մեզ հասած տեղեկությունները չափազանց աղքատիկ են ու կցկոտուր: Ենթադրվում է, որ հանիֆների ուսմունքը ձևավորվել է հուղարկանության և քրիստոնեության տարրերից և խարսխված է եղել ընդհանուր սեմական (սեմիթական) ավանդույթների վրա: Հուղարկանությունից և քրիստոնեությունից հանիֆներն ընդօրինակել էին մի շարք սկզբունքներ, օրինակ, հավատը միասնական աստծոն նկատմամբ,

քազմաստվածության և կռապաշտության մերժումը և այլն: Սակայն միննույն ժամանակ, նրանք ամբողջությամբ չեն ընդունել ո՞չ հուղայականությունը և ո՞չ էլ քրիստոնեությունը, ձգտելով հետևել ավելի հասարակ ու պարզ մի կրոնի, որը լինելու էր ավելի մատելի, հետևաբար, և ընդունելի շարքային արար-քեղվինի համար: Հանիֆները մեծ հակում են ունեցել դեպի ասկետիզմը և զգնավորությունը: Նրա հետևորդները պայքարում էին հին ցեղային կուլտերի դեմ, չին ընդունում հրեական և քրիստոնեական աստվածներին, միաժամանակ, սակայն, քարոզելով միաստվածություն (թաուիհիդ):

Հանիֆների շրջանում առկա էին քաղաքական իշխանության տիրապետող մարզարեներ, որոնք միաստվածության «Ճշմարիտ» լինելու քարոզության հետ միաժամանակ հանդիսանում էին արաբական ցեղերի քաղաքական միավորման զաղափարի շատագով քարոզիչներ:

Ուշադրության արժանի է այն փաստը, որ ինչպես արաբալեզու հուղայականները և քրիստոնյաները, այնպես էլ հանիֆները, պատկերացում ունեին գերազույն աստծո մասին, որին անվանում էին Ալլահ: Սակայն նրա վերաբերյալ պատկերացումները չափազանց ընդհանուր էին ու մշուշապատ: Հետևաբար, Ալլահ անվան մեջ ոչ մի առանձնահատուկ մուսուլմանական բան չէր պարունակվում: Ի դեմս հանիֆների Մուհամմադը տեսնում էր Արքահամի հին կրոնի հետևորդների:

Ի տարբերություն երկրային և երկնային աստվածների, որոնք բոլորն էլ անձնավորված էին և ունեին իրենց անունները, խառնվածքի առանձնահատկությունները և այլն, հանիֆների գերազույն աստվածը՝ Ռահիմանը, անձնավորված չէր: Մի քանի հին աստվածների անունները վերածվեցին Ալլահի մակղիրի: Այսպես, Ալլահին մերթ կոչեցին «քարեզութ»՝ Ռահիման աստծո անու-

նով, մերթ «աստվածների տիրակալ», մերթ «մարդկանց տիրակալ» և այլն:

Արաքների շրջանում հանիֆների գերազույն աստվածը առանձին ժողովրդականություն ու հանրաճանաչություն չէր վայելում, քանի որ նա համակիր չէր առանձին կոնկրետ ցեղի, այլ պաշտպանում ու հովանափորում էր «բոլորին», որն ընկալվում էր տվյալ աստվածության ոչ գործնականության իմաստով: Քոչվորաքարը ենթադրում էր, որ «իր» աստծուն հասցեազրված աղոթքը ավելի շուտ տեղ կհասնի:

Հանիֆները հավատում էին հոգու անմահությանը: Նրանք գտնում էին, որ մարդու երկրային կյանքից հետո սկսվում է մեկ այլ կյանք, ուստի և այս կյանքում մարդը պետք է իրեն դրսենորի լավ կողմերով, կատարի բարի գործեր, որպեսզի արժանանա այդ նոր կյանքին: Այդպիսի մարդը մահվանից հետո կունենա պատշաճ վարձատրություն: Հանիֆները պահում էին ավանդական ծոմերը, պահպանում ծիսական մաքրությունը և գտնում էին, որ մեծ մեղք է կեղտոտ մարմնով երեալ աստծո հայացքի առջև, ուստի մտցրին աղոթքից առաջ կրոնական լվացումների կարգը:

Ուշագրավ է նշել, որ խալամի ապագա հիմնադիր Մուհամմադը ծանոթ է եղել հանիֆների կրոնին և նրա հետևորդներին համարել է «մարուր և ճշմարիտ հավատի հետևորդներ»: Հենց այդ իմաստով հանիֆները հիշատակվում են խալամի սուրբ գրքում՝ Ղուրանում: Հանձինս հանիֆների խալամի մարգարեն տեսնում էր Աբրահամի հին կրոնի հետևորդների: Իր քարոզական գործունեության սկզբում Մուհամմադը շատ քիչ էր տարբերվում հանիֆներից: Նա հանիֆների միասնական Ռահիման աստծո անունը դարձրեց Ալլահի մակղիբներից մեկը և իր քարոզները սկսում էր հետևյալ բառերով. «Բիսմիլլահի ռահիմանի ռահիմ» (Հանուն գթառատ, գթասիրտ Ալլահի»):

ՄԵԶՔԱՆ ԵՎ ՆՐԱ ԴԵՐԸ ԻՍԼԱՍԻ ՊԱՏՄՈՒԹՅԱՆ ՄԵԶ

Մերքան իսլամի հիմնադիր Մուհամմադի ծննդավայրն է, ուստի համարվում է մահմեդականների սրբազն քաղաք: Այն արաբների հնագույն կուլտային կենտրոնն է: Ըստ մահմեդական ավանդագրույցների (լեզենդների), Մերքայում մի որոշ ժամանակ ապրել են Աղամը և Եվան, Շիաը, Իբրահիմը, Իսմայիլը և Խաչարը: Համարվում է, որ Մերքան հիմնադրել է Իբրահիմի որդի Իսմայիլը: Ավանդույթի համաձայն, սկզբում Մերքային տիրապետել ու այնտեղ բնակություն է հաստատել ջուրհում ցեղը, այնուհետև նրան փոխարինել է հարավից եկած հուզաա ցեղը, որը IV դարի վերջին որուր է մղվել կուրայշ (կուրեյշ) ցեղի կողմից, որը բռչվորական կյանք էր վարում Մերքայի շրջակայրում: Այդ ցեղի անդամներից մեկը՝ Կուսայ անունով, իր ցեղի ցրված անդամներին համախմբել է մի միասնական ցեղային կազմակերպության մեջ և վերականգնել նախկինում անկում ապրած այդ ցեղի կուլտը: Հենց նա էլ սկսել է իրականացնել այնպիսի գործառույթներ, որոնք դարձել են կուրայշիների մենաշնորհը և նրանց հարստության հիմքը: Խոսքը վերաբերում է ուխտավորներին սննդով, ջրով և հագուստով ապահովելուն, ցեղի ուազմական դրոշի պահպանման, արշավանքների ժամանակ հրամանատարական գործառույթների իրագործմանը և այլն: Մի խոսքով՝ Մերքան կառավարում էր կուրայշ ցեղի ընտրանին, որը կարգավորում էր հարաբերությունները նաև տարբեր ցեղերի միջև: Այդ ցեղը ևս բաղկացած էր բազմաթիվ տոհմերից, որոնք բնակվում էին Մերքայի տարբերադամասերում: Նրանց մեջ կային մեծահարուստ, միջին կարո-

դության և աղքատ տոհմեր: Կուրայշ ցեղի մեջ տիրապետող դիրքեր էր գրավում մեծահարուստ և ազդեցիկ ուժայա (օմեյա) տոհմը, որը հարստացել էր առևտրի և վաշխառության ճանապարհով: Այդ տոհմը կարողացել էր իր ձեռքերում կենտրոնացնել մեծ հարստություններ՝ անասնահոտեր, հողեր, ստրուկներ և այլն: Միջին կարողության, գուցե և աղքատ տոհմերի թվին էր պատկանում հաշիմյանների տոհմը (բանու հաշիմ): Հենց այս տոհմից էր սերում իսլամի ապագա մարզաք Սուհամմադը:

Անշուշտ Մերքան բնակեցված չէր միայն կուրայշ ցեղի անդամներով: Այնտեղ բնակվում էին նաև այլ ցեղեր, ինչպես նաև մեծ թվով օտարերկրացիներ, որոնց մեծ մասը ստրուկներ էին:

Մերքան գտնվում էր Արաբական թերակղզու արևմտյան մասում, Հիջազի շրջանում, մի լեռնային անպտուղ և արևակեզ վայրում: Քաղաքի անմիջական շրջակայրում հողագործությամբ զբաղվելը անհնար էր, ուստի և նրա բնակիչները գլխավորապես զբաղվում էին առևտրով, արհեստներով և նստակյաց անասնապահությամբ: Սակայն Մերքայից ոչ մեծ հեռավորության վրա գտնվում էր Թայիֆ անոնով քարերեր մի օազիս, որն ուներ ընդարձակ այգիներ և բնակվեցված էր սարիֆ ցեղով: Աստեղ, ինչպես նաև շատ ուրիշ օազիսներում, հարուստ մերքացիները տիրապետում էին ընդարձակ մշակելի հողերի և այգիների: Իսկզբանե Մերքան կարող էր գոյություն ունենալ միայն Զեմզեմ կոչված աղբյուրի շրերի շնորհիվ, որը հետագայում մահմեդականների համար դարձավ «սրբազն աղբյուր»:

Մերքան Արաբական թերակղզու ամենախոշոր քաղաքն էր: Միաժամանակ, արդեն V դարում այն հանդիսանում էր առևտրական ճանապարհների կարևոր խաշմերուկ, ինչպես նաև փոխաբեռնման և ապրանքների պահեստավորման կենտրոն Սիրիայից

Եմեն գնացող քարավանային ճանապարհների վրա: Մերքայի վրայով էին անցնում Հարավային Արաբիան Հյուսիսային Արաբիայի, ինչպես նաև Բյուզանդական Պաղեստինի, Սիրիայի, Եղիպտոսի և Միջազգետքի հետ կատարվող ցամաքային քարավանային առևտուրի ճանապարհները:

VI դարի վերջին, եթք Սասանյան Իրանի և Բյուզանդիայի միջև հարաբերությունները հասել էին ծայրահեղ սրության և քարավանային առևտուր զբաղվող վաճառականները, չցանկանալով պատահաբար հայտնվել ռազմական զործողությունների կենտրոնում, սկսեցին իրենց քարավանների համար որոնել նոր, անվտանգ ճանապարհներ, Մերքայի նշանակությունը սկսեց էլ ավելի մեծանալ: Փաստորեն այն դարձավ Ասիայի ցամաքային շրջանները Արաբիայի հարավի և Աֆրիկայի ափերի հետ կապող համարյա միակ կետը:

Մերքայի վրայով Սիրիա էին արտահանվում հում և մշակված կաշիներ, Արաբիայի հանքերից հանված արծաթ, թայիֆ օսղիսի քիշմիշ, արմավի տարրեր տեսակներ և այլն: Տարանցիկ առևտուրի ապրանքներ էին. Եմենից՝ խունկ, սանդալի փայտ, հալվե (ալոե), մշակված կաշվեղեն, Աֆրիկայից՝ ոսկի, սևամորք ստրուկներ ու ստրկուիններ, Հնդկաստանից՝ դարչին, պղպեղ, զանազան համեմունքներ ու անուշահոտ նյութեր, փղոսկը, թանկարժեք կտորեղեն և այլն: Մերքայի վաճառականները Սիրիայից բերում էին Բյուզանդական մետաքսյա և բրդյա կտորեղեն, մահույ, ապակյա ամանեղեն, երկաթյա իրեր, զենք, պերճանքի առարկաներ, ձիթապտղի և այլ բուսական յուղեր, ցորեն և բազմապիսի այլ ապրանքներ:

Քարավանների անցման անվտանգությունը դեպի Սիրիա, Իրաք և Եմեն ապահովվում էր շրջակա բեղվինական ցեղերի հետ

կնքված պայմանագրերի շնորհիվ: Այդ ցեղերը որոշակի բաժին էին ստանում մեծ թափով կատարվող քարավանային առևտրից: VII դարի սկզբին Մերքայում առկա էին մի քանի տասնյակ ընտանիքներ, որոնք իրենց տրամադրության տակ ունեին խոշոր կապիտալներ:

Կուրայշ ցեղի եկամտի կարևորագույն աղբյուրներից մեկը նույնպես առևտուրն էր, վաշխառությունը, ուղտերը վաճառականներին վարձով տալը, առևտրական քարավանների զինված պաշտպանությունը և այլն: Նրանք իրենց վրա էին վերցրել նաև տոնավաճառների կազմակերպման եկամտաբեր գործը, որոնք տեղի էին ունենում տարեկան երկու անգամ՝ գարնանը և աշնանը: Այդ տոնավաճառների օրերին ցեղերի միջև պատերազմները դադարում էին, դադարեցվում էր նաև արյան վրիժառության կարգը: Կնքվում էին խոշոր առևտրական գործարքներ: Կուրայշիները իրենց պաշտպանության տակ վերցրին նաև Քարայի սրբավայրից ոչ հեռու գտնվող հեթանոսական կուտքերը: Ուխտագնացությունը դեպի այդ վայրը նրանց նույնպես բերում էր բավականին մեծ եկամուտներ:

Կուրայշ ցեղը փաստորեն մենաշնորհացրել էր ողջ տարածաշրջանային առևտուրը, որի հետևանքով Եմենի և առևտրաշատ այլ կենտրոնների միջազգային առևտրով զբաղվող վաճառականները կրում էին մեծ վնասներ: Զրկվելով ինքնուրույն առևտուր անելու հնարավորությունից, նրանք ստիպված էին օգտվել Մերքացիների միջնորդական ծառայություններից: Դրա հետևանքով առևտրից ձեռք բերվող եկամուտների առյուծի բաժինը մտնում էր կուրայշ ցեղի վաճառականների գրպանը: Բնականաբար, Եմենը չէր կարող հանդուրժել այդ քանը, քանի որ արագորեն գնում էր դեպի աղքատացում ու սնանկացում: Ուստի ձգտելով վերականգ-

նել առևտրի բնագավառում Եմենի գրադեցրած երբեմնի կարևոր դիրքերը և տարածաշրջանի առևտրի նկատմամբ սահմանել հսկողություն, իսկ ամենակարևորը՝ միջազգային առևտրի կենտրոնը տեղափոխել Եմեն, Սանայում Եթովպահայի թագավորի փոխանորդ Աբրահան որոշում է հարձակվել Մերքայի վրա և այն կործանել: Իր այդ մտադրությամբ նա ոչ միայն պատրաստվում էր «կարգի հրավիրել» մերքացիներին և չափավորել նրանց ախորժակը, այլև ավերել ու կործանել նրանց սրբավայրը՝ Քաարան, իսկ նրա սրբությունները տեղափոխել իր մայրաքաղաք Սանա, այն վերածելով շրջակա վայրերի բնակիչների ուխտագնացության կենտրոնի: Աբրահի ենթադրությամբ, զրկվելով իրենց սրբավայրից, արարները ստիպված կլինեին այսուհետև ուխտագնացության մեջնել ոչ թե Մերքա, այլ Եմենի քրիստոնեական տաճարը: Այսպիսով, նա իր մայրաքաղաքը մտադիր էր դարձնել շրջակա վայրերի ոչ միայն առևտրական-տնտեսական, այլև հոգևոր-կրոնական կենտրոն:

Ընդգրկման ծավալով իր այդ վիթխարի ծրագիրը կյանքի կոչելու համար Եթովպահայի քրիստոնյա թագավորի փոխանորդը մ.թ. 569-570 թթ. մի հսկա բանակ է գորաշարժ կատարում դեպի Մերքա: Այդ արշավանքի ժամանակ Եմենցիներն օգտագործել են նաև մարտական փղեր, որոնց իրենց կյանքում առաջին անգամ տեսնելով մերքացիները մատնվել են սարսափի և փախուստի դիմել քաղաքից: Հենց այդ փղերի պատճառով Մերքայի վրա արշավանքի տարին արաբական տարեզրության մեջ մտել է որպես «փղի տարի»: Այդ իրադարձությունը արտացոլված է Ղուրանի «Փղի» կոչված սուրայում:

Սակայն Աբրահին այդպես էլ չի հաջողվել գրավել և ամրանալ Մերքայում: Այդ առթիվ հյուսված լեզենդում պատմվում է, որ

Երբ Արքահի զորքերը մոտեցան Սեբբայի պատերին, հայտնվեց փոքրիկ թռչնակների մի հսկայական երամ: Նրանց թիվը այնքան մեծ էր, որ նրանք խավարեցրին արևը: Յուրաքանչյուր թռչնակի թաթերի մեջ կար մի փոքրիկ քար և երբ նրանք հայտնվեցին թշնամու բանակի զլսավերնում, այդ քարերը սկսեցին շպրտել ներքք: Ստացած վերքերից զավթիչները հազարներով մեռնում էին և ի վերջո ստիպված են լինում բռնել հետդարձի ճանապարհը: Դրան անմիջապես հետևեցին ուժեղ ջրհեղեղները, որի հետևանքով թշնամու բանակի մնացորդները քշվեցին ու լցվեցին Կարմիր ծովը:

Սակայն պատմական աղբյուրների վկայությամբ, Արքահի բանակը ոչնչացվել է ոչ թե թռչնակների կողմից, այլ նրան հնձել է ծաղիկ հիվանդությունը, որը հենց այդ ժամանակներում առաջին անգամ թափանցել էր արարական թերակղզի: Ի դեպ, հենց այդ նույն ժամանակ, 570 թ., Սասանյան Իրանը մեծ զորաշարժ կատարեց դեպի Եմեն: Սասանյան ռազմական նավատորմը խոշոր դեսանտ է տանում և գրավում այդ երկրամասը: Դրանից հետո մի քանի տասնամյակ շարունակ Հարավային Արաբիան գտնվում էր Իրանի տիրապետության ներքո:

Թեև կուրայշ ցեղը մենաշնորհացրել էր Սեբբայի առևտուրը, սակայն նա թույլատրում էր, որ օտարելիրացիները, և հատկապես հրեաներն ու քրիստոնյաները ևս գրադարձն առևտրով, իհարկե, իրենց անմիջական հսկողության ներքո: Որպեսզի որևէ դրսեկ իրավունք ունենար հաստատվելու Մեբբայում, նա անպայման պետք է ունենար քաղաքի ազդեցիկ տոհմերից մեկի աջակցությունն ու հովանավորությունը, այլապես օտարներին չէր թույլատրվում հաստատվել քաղաքում, առավել ևս գրադարձն առևտրական գործունեությամբ:

Մեքքայի մասնակցությունը ներքին և արտաքին առևտրին հանգեցրել էր քաղաքում մեծ հարստությունների կուտակմանը, դրա հետ մեկտեղ նաև գույքային մեծ անհավասարության գոյացմանը: Արդեն VI դարի վերջին այդ քաղաքում սոցիալական շերտավորումը գնալով խորանում էր: Գոյություն ունեին խոշոր վաճառականներ և մեծ թվով աղքատներ, որոնց թիվը հարածուն կերպով մեծանում էր: Մեքքայի հարուստ վաճառականներն ունեին մեծ թվով ստրուկներ, որոնք նախկինում բեղվիններ էին: Նրանք իրենց ունեցած պարտերի պատճառով վեր էին ածվել ստրուկների: Կային նաև դրսից, հատկապես Եթովպիայից և Աֆրիկայի այլ վայրերից բերված սևամորթ ստրուկներ, որոնք արածացնում էին իրենց տերերի անասնահոտերը, մշակում մոտակա օազիսներում գտնվող նրանց դաշտերն ու այգիները, ինչպես նաև օգտագործվում էին տնային տնտեսության մեջ: Քիչ չեին նաև դրսից բերված օտարերկրյա ծագում ունեցող արհեստավորները, այլուստի միջոցներից գուրկ անօթևան մարդիկ, ծնողազուրկ որբերը և այլն: Բեղվինական կենսաձևի հիմքերի քայլայումը քաղաքում առաջ էր բերում խորը անկայունություն: Թույլ տոհմերը ոչ միայն գնալով ավելի ու ավելի էին աղքատանում, այլև նվաստացվում էին հարուստ և ուժեղ տոհմերի կողմից: Ներցեղային կոնֆլիկտների հետևանքով ցեղերից հեռացած մեծ թվով մարդիկ և առհասարակ մինչև հուսահատության դուռը հասած ընչազուրկ տարրերը կազմում էին ավազակախմբեր և հարձակումներ գործում հարուստների ունեցվածքի, նստակյաց բնակչություն ունեցող բնակավայրերի և նույնիսկ հակառակ ցեղային ավանդույթների, կողոպուտի ենթարկում իրենց իսկ ցեղակիցներին: Սակայն քիչ չեր նաև այն մարդկանց թիվը, որոնք մեծ հույսերով սպասում էին փոփոխությունների:

Մեքքայում գոյություն ունեին պոլիսի (ինքնակառավարվող քաղաք-պետության) և պետական իշխանության միայն սահմերը: Յուրաքանչյուր ցեղ կառավարվում էր ինքնուրույն կերպով: Չկային պետական իշխանության մարմիններ՝ դատարաններ, ոստիկանություն, բանտեր և այլն: Քաղաքի պաշտպանությունը դրված էր այսպես կոչված «ահաբիշների» վրա, որոնք սկզբնապես հանդիսանում էին եթովպացի վարձկաններ, սակայն հետագայում այդ ռազմական կազմակերպությունը համալրվում էր բեղվինական փոքր ու աննշան ցեղերի անդամներով:

Ժամանակ առ ժամանակ Մեքքայի հրապարակում գտնվող մի հատուկ տան մեջ, որը կոչվում էր «դար-ան-նադվա» («Ժողովների տուն») հավաքվում էր ցեղի ավագանին՝ շեյխները, ցեղերին վերաբերող զանազան հարցեր լուծելու համար: Սակայն այդ խորհուրդն իր տրամադրության տակ շուներ հարկադրման միջոցներ, որպեսզի անհնազանդներին ստիպեր ենթարկվելու իր որոշումներին:

Մեքքայում տարվա մեջ սահմանվել էին չորս այսպես կոչված «սրբազան ամիսներ», երբ դադարում էին պատերազմական գործողությունները և ազգաքնակշությունը կարողանում էր մի տեղ համախմբել, կատարել առևտրափոխանակություն, զվարճանալ և այլն: Այդ «սրբազան խաղաղությունների» ընթացքում ստեղծվում էին շուկաներ և տոնավաճառներ, որտեղ բեղվինները կատարում էին ապրանքափոխանակություն: Առավել հայտնի էր Մեքքայից մի քանի կիլոմետր հեռավորության վրա գտնվող Ուկկազ կոչված վայրի շուկան, որտեղ աշխույժ առևտրի հետ միաժամանակ ամեն տարի տեղի ունեցող տունավաճառում բանաստեղծները կարդում էին իրենց ստեղծագործությունները: Բանաստեղծական այդ մրցույթը («մուֆակկարա») հաղթողին պարզեցում

Էր սեծ համբավ, միաժամանակ փառքի արժանացնելով այն ցեղին, որին պատկանում էր մրցույթում հաղթանակ տարած բանաստեղծը: Հաղթողների քասիդները գրվում էին սև մետաքսյա կտորի վրա ոսկե տառերով և մեկ տարի շարունակ դրանք կախում էին Քաարայի տաճարի ներսում, որպեսզի բոլորը վայելեն այդ բանաստեղծությունների հմայքը: Ավանդությունը պատմում է, որ հենց Ուկկազի տոնավաճառում Մուհամմադը հասկացել էր, որ արաբների համար խոսքը ոսկուց ավելի թանկ արձել:

Մերքայում տները որպես կանոն կավաշեն էին հարթ տանիքներով: Կային նաև հարուստներին պատկանող քարաշեն տներ, որոնք կառուցվում էին քաղաքից ոչ հեռու գտնվող քարհանքից բերված քարից: Քաղաքի զիսավոր փողոցը, որը միևնույն ժամանակ քարավանային ճանապարհ էր, անցնում էր ողջ քաղաքի միջով: Օրվա բոլոր ժամերին այդ ճանապարհով երթևեկում էին առևտրական քարավանները: VII դարի սկզբին Մերքայում հաշվում էր մի քանի տասնյակ ընտանիք: Այդ ժամանակ քաղաքի բնակչության ընդհանուր թիվը կազմում էր 6-7 հազար մարդ:

Ահա այդ քաղաքում էր ծնվելու և գործելու համաշխարհային նոր կրոնի՝ իսլամի հիմնադիր Մուհամմադը:

ՄՈՒՀԱՄՄԱԴ ՄԱՐԳԱՐԵՆ

Պատմությունն իր տրամադրության տակ չունի նոր համաշխարհային կրոնը ստեղծած Մուհամմադի մասին ժամանակակիցների թողած գրավոր հավաստի տեղեկություններ: Իսկ մահմեդական ավանդույթի կողմից հաղորդած տեղեկությունները վերաբերում են առասպելների բնագավառին: Իսլամի մարզարեի առաջին համակարգված և կանոնակարգված կենսագրությունը՝ այսպես կոչված «սիրան» («Սիրաթ ռասուլ Ալլահ» - «Վարք Ալլահի մարզարեի») ավելի ուշ ժամանակաշրջանի աղբյուր է: Այդ կենսագրականի հեղինակները VIII դարում ապրած Մադինացի Իբն Խոհակն է (մահացել 767 թ.), ինչպես նաև Իբն Խիջամը (մահացել է 834 թ.), Իբն Սա՛ադը և ուրիշներ: IX դարում Մուհամմադի կենսագրությունը հարստացվել է արաբ պատմիչների, մասնավորապես աթ-Թաբարիի (մահացել է 923 թ.) հաղորդած նոր տվյալներով: Մուհամմադի կյանքի մասին որոշակի նյութ է հայթայթում նաև մուտուլմանների սուրբ Գիրքը՝ Ղուրանը, որը սակայն չի կարելի համարել կարևորագույն աղբյուր հիշյալ հարցի կապակցությամբ:

Տարաբնույթ աղբյուրներից քաղված տեղեկությունները վկայում են, որ Ալլահի մարզարեն եղել է ոչ թե մտացածին, երևակայական, այլ ռեալ կերպով գոյություն ունեցած պատմական անձնավորություն: Ինքը՝ Մուհամմադը և բազմիցս հայտարարել է, որ ինքը ամենասովորական մարդ է, օժտված մարդկային թուլություններով: Սակայն հետազայում ավանդությունը նրա մասին իյուսել է բազմաթիվ առասպելներ և առասպելախառն պատմութ-

յուններ, որոնցից դժվար է տարաբաժանել ճշմարիտը ստից և ի-րականը մտացածինից:

Աստիճանաբար մուսուլմանական ավանդույթը մշակել ու ձևավորել է Մուհամմադի կենսագրության վերաբերյալ մի վարկած, որն ընդունելի էր դարձել բոլոր մուսուլմանների կողմից:

Ի՞նչ առարելությամբ էր այդ մարդը զայիս աշխարհ: Միանգամայն հասկանալի ու բնական է, որ արաբական հասարակության մեջ տեղ գտած ճգնաժամային երևույթները, որոնք ցայտուն կերպով նշմարվում էին արդեն VI դարից սկսած, չէին կարող հավերծ շարունակվել: Արաբիան կենսականորեն կարիք ուներ փոփոխությունների: Եվ ահա VII դարի 20-կան թվականների սկզբներին արաբների բնօրրանում հանդես է զայիս մի արտասովոր անձնավորություն Մուհամմադ անունով (արաբերեն այդ անունը նշանակում է «փառապանծ»), որը և հանդիսացավ իսլամի մարգարե՛նաբի, համաշխարհային այդ նոր կրոնի հիմնադիր ու ստեղծող, միաժամանակ դառնալով միմյանցից ցրված ու տարանջատված արաբական ցեղերի միավորողն ու արաբական միասնական կենտրոնացված պետության հիմնադիրը:

Համաձայն ավանդույթի Մուհամմադը (Մուհամմադի իբն Աբդալլահ) ծնվել 570 թ. օգոստոսի 29-ին (մուսուլմանական ուարքի ալ-ավվալ ամսի 8-րդ օրը) Սեբբայում (մեկ այլ վարկածի համաձայն 571 թ.): Մահացել է 632 թ.: Նա սերում էր կուրայշ (նշանակում է «շնաձուկ», որը հանդիսանում էր հիշյալ ցեղի տուտեմը) ցեղի Հաշիմի (Հաշիմյան) տոհմից: Կուրայշ ցեղի մեջ մտնում էին տասնյակ տոհմեր, որոնցից հաշիմյանների տոհմը ամենանշանավորներից էր: Այդ ժամանակ Սեբբայում տիրապետող դիրքեր ուներ կուրայշ ցեղի Ումմայա (Օմայա) տոհմը, իսկ հաշիմյանները չնայած իրենց ազնվազարմ ծագմանը, աշքի չէին ընկնում ոչ ի-

թենց հարստությամբ ու ունեցվածքով, և ոչ էլ իրենց ունեցած դիրքով:

Մուհամմադի ծննդյան վերը նշված թվականի հավաստիությունը զիտնական-իսլամագետների կողմից ապացուցված չէ: Առհասարակ, մինչև Սադինա տեղափոխվելու ժամանակաշրջանը (հիջրան, որը կատարվել է 622 թ.) նրա կյանքի վերաբերյալ որևէ անվիճելի տվյալ գրյություն չունի: Ինքը՝ մարգարեն ասել է, որ «ես ծնվել եմ արդար թագավորի օրոր», նկատի ունենալով Սասանյան արքա Խոսրով I Անուշիրվանին (531-579 թթ.): Մեկ այլ ավանդության համաձայն, Մուհամմադը ծնվել է «փողի տարում», այսինքն Եմենում եթովպական թագավորի տեղապահ Աբրահի Մեքքայի դեմ անհաջող արշավանքի ժամանակ, որի ընթացքում, ինչպես նշվել է վերևում, նրա բանակում եղել են փղեր:

Նույն ավանդության համաձայն այն գիշերը, երբ ծնվեց իսլամի մարգարեն, տեղի են ունեցել արտասովոր իրադարձություններ: Իրանի բոլոր զրադաշտական տաճարներում իբր հանգել է զրադաշտականների «անմահ կրակը», որ ծննդյան գիշերը լուսավորված է եղել այնպիսի պայծառ լույսով, որ Մուհամմադի մայրը կարողացել է Դամասկոսի շուկաները նշմարել ցերեկվալույսի նման, որ Խոսրով Անուշիրվան թագավորի զահը ճոճվել է և այլն: Մեկ այլ ավանդույթի համաձայն, Մուհամմադի հայրը, Շեքքայի որդի Արդալլահը, որն առևտրական գործերով մեկնել էր Սիրիա, հետդարձի ճանապարհին մահացել է, այդպես էլ չտեսնելով իր բացակայության ժամանակ ծնված զավակին:

Մուհամմադի պապի՝ Արդ ալ-Մութալիբի և հոր՝ Արդալլահի մասին տեղեկությունները համարյա բացառապես առասպելական բնույթի են: Սակայն հավաստի հայտնի է, որ Արդ ալ-Մութալիբի տոհմի ձեռքում է եղել ուխտավորներին ջրով մատակա-

բարելու վերին աստիճանի պատվավոր ու եկամտաքեր իրավունքը, որը վկայում է այդ ընտանիքի ազգեցության ու կշռի մասին:

Ավանդություններից մեկի համաձայն, Արդ ալ-Սուլայման Շեյքան երկար ժամանակ արու զավակներ չի ունեցել, իսկ արաբների մոտ արու զավակ չունենալը ընկալվում էր որպես մեծ դժբախտություն, ուստի ուխտել է, որ ունենալու դեպքում նրանցից մեկին զոհ է մատուցելու իր աստծուն: Ի վերջո նա ունենում է տասնմեկ որդիներ և հավատարիմ մնալով իր երդմանը, որոշում է նրանցից մեկին զոհ մատուցել: Սակայն «աստծո կամոր» վիճակահանությունը ընկնում է 100 ուղտերի վրա, որի հետևանքով էլ զոհաբերվում են այդ կենդանիները, իսկ սիրեցյալ զավակը փրկվում է:

Չնայած իր ազնվազարմ ծագմանը, մարզաբեկ մանկությունը երջանիկ չի եղել: Նա բոլորովին չի տեսել իր հորը, որը մեռնելիս իր այրուն՝ Ամինային, քողել է միայն հինգ ուղտեր, մի քանի ոչիսար և մեկ հաբեշ-ստրկուիի: Հետևելով արաբների մոտ ընդունված կարգին, Սուհամմադի մայրը վեց ամսական երեխային տալիս է քոչվորական Բանու Սաադ ցեղից Խալիֆա անունով մի ծծմոր, որը բնակվում էր Մեքքայից հարավ-արևելքում, 90 կմ հեռավորության վրա գտնվող Թայիֆ օազիսից ոչ հեռու մի վայրում:

Այդ քոչվորների ընտանիքում մանուկ Սուհամմադի վերաբերյալ տեղեկություններ չեն հասել մեզ, ի բացառյալ հետևյալ առասպելի, որը հետազոյում որպես իրողություն բազմիցս պատմվել է հենց իր Սուհամմադի կողմից: Համաձայն այդ առասպելի, իրենց վրանից ոչ հեռու խաղացող երեք տարեկան Սուհամմադին և նրա կաթնեղոր առջև հայտնվել են սպիտակ հագուստով երկու տղամարդ: Նրանցից մեկի ձեռքին գտնվել է ձյունով լի ոսկե մի լազան: Սուհամմադին պառկեցնելով մեջքի վրա, նրանք ձեղում

են նրա կուրծքը, դուրս քաշում սիրտը և նրանից հանում մի սև կաթիլ: Այնուհետև բացված կրծքի ներսը մաքրում են ձյունով և սիրտը կրկին դնելով կրծքի մեջ՝ հեռանում: Վախեցած կաթնեղքայրը վազում է ծնողների մոտ և պատմում ամբողջ եղելուրյունը: Վերջիններս մոտենալով դալկացած ու գունատ դեմքով Սուհամադին, նրան հարցնում են տեղի ունեցածի մասին: Վերջինս ճշտիվ պատմում է այն, ինչ նրանց պատմել էր իր կաթնեղքայրը: Վախեցած ծծմայրը համոզում է իր ամուսնուն Սուհամմադին վերադարձնել իր ընտանիքը: Հետազոյում մեկնաբանելով վերոհիշյալ իրադարձությունը, Սուհամմադն ասել է, որ այդ անծանոթները եղել են աստծո կողմից ուղարկված հրեշտակներ, որպեսզի իրեն մաքրեն արատներից:

Եթե լրանում է Սուհամմադի վեց տարին, մայրը վերցնելով իր որդուն և հաբեշ-ստրկուհուն մեկնում է Յասրիք իր ազգական-ների մոտ: Հետդարձի ճանապարհին նա հիվանդանում է և մահանում: Նրան թաղում են Սերքա տանող ճանապարհից ոչ հեռու գտնվող Արվա կոչվող վայրում:

Այդ առթիվ Դուրանում ասվում է. «Շուտով քո Տերը քեզ կը-տայ եւ դու գոհ կլինես: Միթե նա քեզ որք չըգտաւ եւ պատսպարեց, իսկ քեզ մոլորւած գտաւ եւ առաջնորդեց, եւ քեզ գտաւ աղքատ և հարստացրեց: Դու էլ որքին մի՝ անարգիք: Սուրացողին ել դուրս մի անիր» (93:5-8):

Ումմ-Այման անունով ստրկուհին երեխային բերում է Սերքա, որտեղ նրա դաստիարակությամբ սկզբնական շրջանում զբաղվում է իր հորական պապը՝ Արդ ալ-Սուրալիք Շեյքան: Պապը շերմորեն սիրում էր իր թռոանը և նրան շրջապատում գուրգուրանքով, քանի որ նա իրեն հիշեցնում էր իր կորցրած սիրեցյալ որդուն: Ամբողջ օրեր Շեյքան անց էր կացնում Քաարայում, Սու-

համմադին վերցնելով իր հետ: Հավանաբար դա նպաստել կր նրան, որ դեռևս վաղ մանկության հասակում երեխայի մոտ արթնանա հետաքրքրությունը կրոնի նկատմամբ:

Սակայն փոքրիկ Մուհամմադը շարունակում էր ենթարկվել ճակատագրի անողոր հարվածներին: Եթի լրացավ նրա ուր տարին, սիրելի պապը մահացավ: Վերջինս ինչ-որ դիվանագիտական առարելությամբ մեկնել էր Եմենի մայրաքաղաք Սանա, քանակցելու համար այնուեղ հաստատված պարսկամետ կառավարության հետ կարգավորելու համար նրա հետ Մերքայի հարաբերությունները: Ճանապարհին նա հիվանդանում է և վերադառնալով Մերքա, նրա համար պարզ է դառնում, որ հասել է իր կյանքի ավարտին: Նա իր բոլոր գործերը հանձնելով ավագ որդուն՝ Աբու Թալիբին, նրանից խնդրում է, որ հոգ տանի Մուհամմադի նկատմամբ: Այնուհետև իր մոտ կանչելով իր բոլոր զավակներին, տալիս է իր վերջին հրաժեշտը և կնքում իր մահկանացուն: Սիրեցյալ պապի մահը ցնցող ազդեցություն է թողել Մուհամմադի վրա: Եթի կրկնակի որբանալով նա անցավ հորեղբոր խնամքի տակ, արդեն բոլորել էր իր կյանքի ուր տարին:

Ապագա մարգարեն հնարավորություն չի ունեցել կրթություն ստանալու համար: Ըստ երևույթին հորեղբայրը՝ Աբու Թալիբը չէր ցանկացել ավելորդ ծախսերի տակ ընկնել: Թեև Մուհամմադը երբեք վատ չի արտահայտվել իր հորեղբոր մասին, սակայն, ըստ երևույթին, նրա ընտանիքում ապրելով մշտապես իր վրա զգացել է որբության դրոշմը:

Հորեղբոր՝ Աբու Թալիբի տանը Մուհամմադը զբաղվել է չարքաշ աշխատանքով, որի մասին վկայություններ ենք գտնում Ղուրանում: Նրա հիմնական զբաղմունքն է եղել հորեղբոր այծերը, ոչխարներն ու ուղտերը արածեցնելը: Սակայն ազատ ժամե-

թին սիրել է խաղալ իր տարեկիցների հետ: Մերքայի մանուկների շրջանում ամենատարածված խաղը եղել է պատերազմը: Տղաները պետք է իրենց պատրաստեին հասուն կյանքի համար, ուստի այդ խաղը մեծերի կողմից խրախուսվել է:

Մուհամմադը վաղ մանկության տարիներից դրսեւրել է աշխույժ հետաքրքրասիրություն, սիրել է ներկա լինել մեծերի խոսակցություններին, տարբեր հարցերի վերաբերյալ քննարկումներին և այլն: Իր հորեղբորը օգնելով առևտրական գործերի մեջ, երեխան շատ արագ ձեռք էր բերում նաև առևտրական ունակություններ:

Չնայած իր հորեղբոր ընտանիքի անդամների ջերմ վերաբերմունքին դեպի մանուկը, ավելի ուշ նրան տրված այն հարցին, թե ինչպիսին է եղել նրա մանկությունը, Մուհամմադը միանշանակ պատասխանել է. «Ես որք էի, և դրանով ամեն ինչ ասված է»:

Մանուկ Մուհամմադի մոտ առկա է եղել անզուսազ հետաքրքրություն դեպի հեռավոր եզերքները և նա միշտ խնդրել է հորեղբորը իր առևտրական գործերով ճանապարհորդությունների ժամանակ իրեն վերցնել հետը: Սակայն հորեղբայրը մշտապես մերժել է, պատճառաբանելով, որ անջուր անապատներով, կիզիչ արևի տակ ճանապարհորդությունը երեխաների համար չէ: Վերջապես, երբ Մուհամմադը 12 տարեկան էր, Արու Թալիբը համաձայնվել է նրան իր հետ վերցնել Սիրիա կատարած իր ճամփորդության ժամանակ: Ուղտերի քարավանը օրեկան կտրում անցնում էր 30-40 կիլոմետր ճանապարհ և մինչև Սիրիա ուղևորությունը տեսել է մոտ երկու ամիս:

Անկասկած այդ ճանապարհորդությունը վերին աստիճանի տպավորիչ է եղել երեխայի համար: Նա ոչ միայն տեսնում է հայրենի երկրի բնությունը, այլև ծանոթանում նրա բնակչության, ինչ-

պես նաև հարևան երկրների մարդկանց կյանքի պայմանների հետ: Ավանդության համաձայն, Սիրիայի Բուսրա քաղաքում Սուհամմադը հանդիպում է Բահիրա անունով մի քրիստոնյա ճգնավորի հետ, որը հանձինս պատանի Սուհամմադի գուշակում է ապագա մարզարեի երևան զալը: Արաբական վարկածի համաձայն ճգնավորի ազգությունն անհայտ է: Մեկ այլ վարկածի համաձայն, նա եղել է ասորի, հետևելով քրիստոնեության նեստորական ուղղությանը: Շրջանառվել է նաև մի վարկած, ըստ որի ճգնավորը հայ է եղել: Այս վարկածին հանդիպում ենք հայ մատենագրության մեջ (Կիրակոս Գանձակեցու, Մովսես Կաղանկատվացու, Թովմա Արծրունու և Անանուն կոչվող պատմիչի գործերում):

14 տարեկան հասակում 584 թ. Սուհամմադը առաջին անգամ դառնում է պատերազմի մասնակից: Հայտարարված սրբագան ամիսների ժամանակ, երբ արգելված էր պատերազմներ մղելը, կինանա ցեղը, խախտելով այդ օրենքը, հարձակում է գործում Եմենից դեպի Եփրատ գետի ափերը ուղենորվող քարավանի վրա, որի անվտանգությունն ապահովելու համար ուղեկցում էին Քայս այլան ցեղի մարդիկ: Կուրայշիները, որոնք հանդիսանում էին կինան ցեղի հավատարիմ դաշնակիցները, անմիջապես հանդես են զալիս զորակցելով նրանց: Վճռական ճակատամարտը տեղի է ունենում Թայիֆի և Մեքքայի միջև ընկած մի օազիսի մոտ: Այդ ընդհարման ժամանակ Սուհամմադը լոկ հանդիսանում էր իր հորեղբոր զինակիրը և նրա զիսավոր պարտականությունն էր հավաքել նետերը, և տալ հորեղբորը: Դրանով հանդերձ, նա ականատես է լինում արյունոտ ու կատաղի մի ճակատամարտի, որն անկատակած, մեծապես ազդելու էր նրա ողջ աշխարհայացքի վրա: Ճակատամարտը տևել է մի ամբողջ օր և ավարտվել մեքքացիների հաղ-

քանակով: Ըստմավարը տեղնուտեղը բաժանվել է հաղթողների միջև, իսկ զերիներին տարել են Մեքքա, սպասելով, որ նրանց ազատության համար պարտվածները կվճարեն փրկազին: Մի քանի օր անց եմենցիների հետ կնքվեց պայմանագիր, որն արգելում էր նրանց անցումը Կայս Այլան ցեղի տարածքով, իսկ նրանք ստորագրեցին համաձայնագիր Մեքքայի հետ համագործակցելու վերաբերյալ: Դրանից հետո մեքքացիները կատարելապես մենաշնորհացրին առևտուրն Իրաքի հետ:

Այդ պայմանագիրը հետազայում մեծ դեր էր կը խաղալու Սուհամմադի կյանքում:

590 թ. քսանամյա Սուհամմադը մասնակից է դառնում նաև Ուկկազա վայրի մոտ տեղի ունեցած ճակատամարտին և Խիլմ ալ-Ֆուդուլ ցեղի հետ հաշիմիների կնքած դաշինքին:

Քսան տարեկան դառնալուց հետո Սուհամմադը սկսում է աշխատել որպես առևտրական քարավաններին ուղեկցող: Քարավանատեր-վաճառականները նրան հաճույքով վերցնում էին աշխատանքի, քանի որ առևտրի և դրա հետ կապված բոլոր բնագավառների վերաբերյալ նա արդեն կուտակել էր քավականին մեծ փորձ: Բացի այդ, տարիների ընթացքում նա ձեռք էր բերել անբասիր վարք ունեցող և կարգապահ մարդու համբավ: Նոյնիսկ նրան կնքել էին «Ճշմարտասեր», «վստահության արժանի» («ալ-ասմին») մակղիրները:

Հասունության տարիքի հասած Սուհամմադը որոշում է ամուսնանալ և ընտանիք կազմել: Բեղլինական հասարակության մեջ լայնորեն ընդունված էին ազգականների միջև ամուսնությունները: Ուստի նա խնդրում է իր հորեղբոր՝ Աբու Թալիբի սղջկա՝ Ումմ Հանիի ձեռքը, սակայն ստանում է մերժում: 595 թ. այդ ընդունակ ու ազնիվ երիտասարդի վրա ուշադրություն է դարձ-

նում եռանդուն, խելացի, գործունյա և հարուստ մի այրի կին՝ Խաղիշա բինտ Խուվայլիդը (Խուվայլիդի աղջիկ Խաղիշան), որը զբաղվում էր Սիրիայի հետ քարավանային առևտրով և սեփական առևտրական տան դեկավարն էր: Կորցնելով իր երկու ամուսիններին, նա հարկադրված էր իր առևտրական գործերը առաջ տանելու համար իր մոտ ծառայության վերցնել գիտակ ու ձեռներեց գործավարների ու վաճառականների:

Իր ստրուկ Մայսուրի միջոցով Խաղիշան Մուհամմադին առաջարկում է ապրանքներով բեռնավորված իր քարավանը տանել Սիրիա և այնտեղ գնելով հունական ու պարսկական ապրանքներ, հետ վերադառնալ: Մուհամմադը տալիս է իր համաձայնությունը և իր կյանքում երկրորդ անգամ քարավանով մեկնում Սիրիա: Ձեռնտու գներով վաճառելով Խաղիշայի ապրանքները, նա այնուհետև գնում է իրեն հանձնարարված ապրանքները և հետ վերադառնում Մերքա:

Մեկ ամիս շարունակ Սիրիայում մնալը վերին աստիճանի հետաքրքիր ու օգտակար էր Մուհամմադի համար: Այնտեղ թեև ինքը ճշտիվ կատարում էր կուրայշ ցեղի դավանած բոլոր կրոնական ծիսակատարությունները, սակայն արդեն վաղուց իրեն համարում էր հանիֆների ուսմունքի հետևորդ: Սիրիայում Մուհամմադին հիացմունք էր պատճառել հանիֆների բարեկեցիկ և մարդակենցաղ կյանքը, նրանց շեշտված արժանապատվության զգացումը: Մտորելով իր տեսածների մասին, Մուհամմադը հանիֆների բարեկեցիկ կյանքը համեմատում էր իր ցեղի մարդկանց ապրելակերպի ու կենցաղի հետ, հանգելով այն համոզման, որ այդ ամենի պատճառը հանիֆների կողմից միաստվածությանը հետևելն է:

Նոր տպավորություններով ու մտքերով հարստացած, Սուհամմադը վերադառնում է Մեքքա և Խաղիջային ներկայացնում հաշվետվություն իր կատարած աշխատանքի մասին, միաժամանակ նրան հանձնելով իր հետ բերած ապրանքը: Քանի որ այն բարձր որակի էր, Մեքքայում վաճառվում է բարձր գներով: Սիանգամայն զոհ իր աշխատակցի կատարած զործից, Խաղիջան նրան վճարում է կրկնակի անգամ ավել, քան նախատեսված էր պայմանավորվածությամբ: Դրանից հետո նա մշտապես Սուհամմադին հանձնարարում էր վարել իր գործերը:

Որքան շատ էր Խաղիջան շփում իր երիտասարդ աշխատակցի հետ, այնքան ավելի էր նա դուր զալիս իրեն: Նրա ազնվությունը, աշխատասիրությունը, խելացիությունը և առևտրական տաղանդը ուղղակի հմայել էին այդ կնոջը: Մտորելով իր կյանքի հետագա ընթացքի մասին, ի վերջո Խաղիջան հանգում է այն եզրակացության, որ Սուհամմադը կարող է լինել ոչ միայն իր առևտրական գործակատարը, այլև հավատարիմ ամուսինը: Իր ապագա կողակցի աղքատությունը չէր մտահոգում նրան, քանի որ ինքը չափազանց հարուստ էր: Նրա կարծիքով Սուհամմադի աղքատությունը հենց նրա առավելությունն էր այն առումով, որ նա իրենից մշտապես կգտնվեր կահման մեջ և չէր ամուսնանա ուրիշ կանանց հետ: Դժվար է ասել, թե Խաղիջայի որոշումը կառուցված էր նմանատիպ հաշիվների վրա, թե նա անկեղծորեն ու անշահախնդիր կերպով սիրահարվել էր Սուհամմադին: Բոլոր դեպքերում, երբ Խաղիջան իր ձեռքն առաջարկեց նրան, վերջինս առանց որևէ երկմտանքի ընդունեց այն: Այսպիսով 25-ամյա Սուհամմադը ամուսնանում է իրենից 15 տարի մեծ կնոջ հետ: Զնայած տարիքային այդ տարբերությանը, դա երջանիկ ամուսնություն էր: Ավանդության համաձայն, Սուհամմադը իր ողջ կյանքի

ընթացքում պահպանել է իր կապվածությունը Խաղիջայի հետ, հավատարիմ է մսացել նրան: Նրա կենդանության օրոր չի ամուսնացել ուրիշ կանանց հետ, իսկ նրա մահվանից հետո ի հիշատակ նրա՝ ժամանակ առ ժամանակ կազմակերպել է հյուրասիրություն աղքատների համար: Դա անշուշտ, վկայում է այն մասին, որ այդ կինը մեծ հեղինակություն էր վայելում իր ամուսնու մոտ: Իր հերթին Խաղիջան, որը նախկինում իրեն միշտ զգացել է որպես ընտանիքի գլխավոր, հեզ ու հնազանդ է եղել ամուսնուն:

Չույզերի ամուսնությունը տեղի ունեցավ 595 թ.: Հարուստ Խաղիջայի հետ ամուսնությունը Մուհամմադին տվեց նյութական ապահովություն, նրան ազատելով մի կտոր հաց վաստակելու տանջալից հոգսերից, հետևաբար, նաև լայն հնարավորություններ մտավոր զարգացման համար:

Ծնայած իր առաջացած տարիքին, Խաղիջան Մուհամմադին պարզեց մի քանի զավակներ: Առաջինը ծնվեց մի տղա, որին տվեցին ալ-Խասիմ անունը: Սակայն ծնողների ուրախությանը վիճակված չէր երկար տևելու. երկու տարեկան հասակում որդին մահացավ: Այնուհետև Խաղիջան իրար հետևից ծնեց չորս աղջկ-ների՝ Զայնարին, Շուրայային, Ումմ-Քուլսումին և Ֆարհմային: Վերջինս հետազայում դարձավ մարզարեի սերնդի մեծարիվ ճյուղավորումների հիմնադիր և միաժամանակ Մուհամմադի ցեղի միակ շարունակողը:

Խաղիջան կրկին երջանկացրեց Մուհամմադին, ծնելով արու զավակ, որին ի պատիվ պապի (Մուհամմադի հոր) անվանկոչեցին Աբդալլահ: Սակայն վերջինս ապրեց ավելի քիչ, քան նախորդ տղան: Երրորդ որդին, որի անունը դրեցին աթ-Թահիր, իր մահկանացուն կնքեց ծնունդից շատ քիչ ժամանակ անց: Դրանից հետո Խաղիջան այլևս զավակներ չունեցավ:

Ամբողջ կյանքում իսլամի մարզարեն տվայտանքներ է ունեցել արու զավակ չունենալու պատճառով: Արաբների մոտ մեծ ամոթանք էր արու զավակ ժառանգորդ չունենալը: Սովորույթը թույլ էր տալիս ունենալու անսահմանափակ թվով կանայք: Առավել նս, որ հարուստ մարդը հեշտությամբ կարող էր գնել երիտասարդ գեղեցիկ ստրկուիու: Սակայն քանի որ Մուհամմադը նվիրական կերպով կապված էր Խաղիջայի հետ, նա չգնաց այդ քայլին: Փոխանակ ուրիշ կին վերցնելու, նա որոշեց որդեգրել երկու տղաների, իր հորեղբայր Աբու Թալիֆի որդի Ալիին և Խաղիջայի կողմից իրեն նվիրած ստրուկ Զայդին:

Ավանդության համաձայն, Մուհամմադը ոչ միայն հավատարիմ ամուսին էր, խոհական անձնավորություն, կարեկցող ու աղքատախնամ, այլև իր կյանքում ու կենցաղում հասարակ մսարդ: «Ահա այսպիսի մի անշուր արտաքինի մեջ էր թաքնված այն քնական հանճարը, որը բարձրացրեց նրան արաբական առօրեության մակերեսույթից և կանգնեցրեց համամարդկային մեծությունների շարքում», - գրում է Լեռն:

ՄՈՒՀԱՄՄԱԴԻ ՀԱՅՏՈՒԹՅՈՒՆԸ ԵՎ ՆՐԱ ՄԱՐԳԱՐԵՇՈՒԹՅՈՒՆՆԵՐԸ: ԽՍԼԱՍԻ ԾԱԳՈՒՄԸ

Ըստանեկան երջանկությունը չէր խանգարում Մուհամմադին զբաղվելու կրոնական հայեցողություններով: Եթե հավատալու լինենք ավանդությանը, ապա նա Մեքքայի շրջակայրում, հայուկապես Հիրա սարի քարանձավում, առանձնանալով ու մեկուսանալով, խորասուզվում էր մտքերի մեջ և մտորում իրեն հուզող հարցերի մասին: Այդ ստվորությունը նրա մոտ հայտնվել էր կամ տարերային կերպով, կամ քրիստոնյա ճգնավորների ազդեցության ներքո: Ժամանակ առ ժամանակ Խաղջան ևս գնում էր նրա հետ և նրանք առանձնանալով՝ աղոթում էին միասին: «Միշտ մտածող, զգայուն, տպավորվող մի բնավորություն,- գրում է Լեռն,- նա որոնում էր առանձնություն և քաշվելով իր քաղաքի մոտ գտնվող լեռները, օրերով անձնատուր էր լինում բնության ազդած տպավորություններին, լոիկ մտածողություններին, անհանգիստ որոնումներին: Այդ ժամանակներում, այն միջավայրում այդպիսի մի բնավորություն կարող էր լոկ կրոնական կերպարանավորումների մեջ գտնել իր որոնածը»:

Մուհամմադը շատ ժամանակ էր հատկացնում ինքնահայեցմանը (մեղիտացիային), ինքնասենումանը և կրոնական ներշնչանքին: Միաժամանակ լինելով դեպի միստիցիզմը հակում ունեցող մարդ, նա մեծ նշանակություն էր տալիս իր երազներին: Իր տեսած երազների ու նրանց պարունակած խորհրդի մասին Մուհամմադը կիսվում էր Խաղջայի և առանձնապես նրա հորեղորդի Վարաքա իրն Նաուֆալի հետ, որը հարում էր հանիֆների կամ «աստվածորոնողների» աղանդին: Ըստ երևույթին հավատա-

լով իր առանձնահատուկ առաքելությանը և ի վերուստ իրեն սահմանված կոչմանը, Սուհամմադն աշխատում էր հասկանալ, թե ինչ են ուզում իրեն ասել աստվածները իր քնի ժամանակ:

Համաձայն ավանդության Սուհամմադը սիրում էր կրոնական հարցերի վերաբերյալ զրուցել իրեաների և քրիստոնյաների հետ: Այդ զրուցների շնորհիվ նա ընդհանուր բնույթի տեղեկություններ էր քաղում հուդայականության և քրիստոնեության մասին: Ակզրնական շրջանում նա հստակորեն չի պատկերացրել, թե ինչ տարբերություններ կան այդ երկու կրոնների միջև: Սակայն իր համար կարենորն այն էր, որ նրանցում առկա էր իրեն ոգեշնչող միաստվածության զաղափարը և այն, որ նրանց հետևորդները մարգարեների միջոցով աստծուց ստացել են հայտնություններ: Կասկածից վեր է, որ քրիստոնեության ու հուդայականության մասին տեղեկությունները Սուհամմադը ձեռք է բերել ոչ թե զրերից, այլ բանավոր զրուցների միջոցով:

Իր ավագ որդու մահվանից հետո Սուհամմադը ունենում էր ընկնավորության նոպաներ, որոնց ժամանակ նրա մարմինը դողում էր և դեմքը գունատվում ու դալկանում: Դրանից հետո նրան համակում էր անասելի տիբրություն և չեր ցանկանում ոչ որի հետ շփվել: Չնայած Խաղիջայի համար պնդումներին, նա չցանկացավ դիմել ոչ բժիշկներին և ոչ էլ կախարդությամբ զբաղվող մարդկանց, համարելով, որ իր հետ տեղի ունեցածը ոչ թե հիվանդություն է, այլ ինչ որ այլ, մեծ բան, որն ինքը դեռևս չի կարող հասկանալ: Միառժամանակ անց նա սկսեց ասել, որ զիշերային իր տեսչիքներից զատ ցերեկը ևս իր առջև հայտնվում է աստծո կողմից ուղարկված ինչ որ «ողի»:

Սուհամմադը հաճախ ջերմեռանդորեն աղոթում էր, դրա համար օգտագործելով իր տան դատարկ սենյակը, մի բան, որ

այդ ժամանակներում դիտվում էր որպես արտառոց ու տարօրինակ: Այն ժամանակ աղոթում էին աստծուն մարմնավորող որևէ կուռքի առջև: Սակայն Սուհամմադը զարմանք արտահայտողներին ասում էր, որ աստված ամենուրեք է, ուստի կարևոր չէ, թե որտեղ ես աղոթում և աղոթքի ժամանակ որ կողմն ես շրջում դեմքը:

Մի քանի տարվա հոգեկան խռովքից հետո, երբ նա 40 տարեկան էր, 610 թ. Ռամադան ամսի 24-ի գիշերը, Հիրալ լեռան (այդ լեռը կամ բլուրը, որը գտնվում էր Մեքքայի հյուսիս-արևելյանում, կոչվում էր նաև Զարալ նուր (Լույսի լեռ) քարանձավում քնած ժամանակ նրա առջև հայտնվում է լույսերի մեջ շոշողացող, ամպերի մեջ ճախրող և մետաքսյա կտորի մեջ փաթաթված մի եակ, ձեռքին ունենալով մի գիրը.

- Կարդա՝, հրամայում է այդ ոգին: Ես կարդալ չգիտեմ, պատասխանում է Սուհամմադը: Կարդա հանուն քո Տիրոջ, որ ստեղծել է մարդուն քանձրացած արյունից, կարդա՝ և քո Տերը զքառատ է, որ ստվորեցրել է մարդուն այն, ինչ որ չգիտեր (96:1-5), - ասում է: ոգին և հեռանում:

Այնուամենայնիվ այդ տեսիլքը հոգեկան խռովք է պատճառում Սուհամմադին և նա այդ մասին պատմում է Խաղիջային: Նա իր տուն է հրավիրում նաև Վարաքա իրն Նառֆալին և խնդրում նրան կարծիք հայտնել տեսիլքի վերաբերյալ: Վերջինս լսելով երելությունը ասում է. «Եթե դա ճիշտ է, ապա դա նշանակում է, որ Սուհամմադի վրա իջել է մեծ օրենքը, որը ժամանակին իջել էր Սովուսի վրա: Հետևաբար տեսիլքի խորհուրդն այն է, որ Սուհամմադը մեր ժողովրդի մարզարեն է»:

Խաղիջայի ներշնչումների ներքո Սուհամմադը աստիճանաբար հանգստանում է և վերագտնում իր հոգեկան անդորրը: Դրանից հետո նա տևական ժամանակի ընթացքում այլևս չէր ստա-

նում որևէ հայտնություն, որը նրա մոտ առաջ է բերում խորը տվյալտանքներ և կասկածներ իր առաքելության և ի վերուստ իր համար սահմանված կոչման վերաբերյալ: Սակայն երկու տարի անց ողին կրկին հառնում է Մուհամմադի առջև և արտաքերում հետևյալ խոսքերը: «Դու, Մուհամմադ, Աստծո մարզարեն ես (ռասուլ), իսկ ես նրա պատգամաբեր Զիբրիլն եմ (Զիբրայելը, այսինքն Գաբրիել հրեշտակապետը – Վ. Բ.):

Շուտով Մուհամմադի մոտ առաջ է գալիս այն համոզումը, որ ինքն ընտրված է մարզարե լինելու, այսինքն Աստծո ավետաբեր, մի միջնորդ, որի միջոցով Աստված ցանկանում է մարդկանց փոխանցել իր ցանկությունները: Իր հայտնությունների մասին երկար ժամանակ Մուհամմադը ոչ ոքի չէր պատմում, բացի Խաղողայից և նրա ազգական Վարարայից: Խաղողան եղել է առաջինը, որ հավատացել է Մուհամմադի մարզարեական առաքելությանը և ընդունել է նրա ստեղծած նոր կրոնը՝ իսլամը: Այդ կրոնի մեջ Աստված և նրա մարզարեն անխօնիորեն կապված են միմյանց: Եթե մեկը հավատում է Աստծուն, ապա պետք է ընդունի նաև, որ Մուհամմադը նրա մարզարեն է:

Խաղողայից հետո նոր կրոնն ընդունեց Մուհամմադի հորեղբորորդի, նրա որդեգիր զավակ Ալին, որն այդ ժամանակ բոլորել էր իր կյանքի 15 տարին: Նրանից հետո նոր հավատն ընդունեց Մուհամմադի երկրորդ որդեգիր զավակ Զայդը (Զայդ իբն Հարիս), որն ինչպես նշվել է վերևում, նախկինում եղել էր Խաղողայի ստրուկը, որին հետագայում նա նվիրել են Մուհամմադին, իսկ վերջինս նրան ազտելով ստրկությունից որդեգրել էր: Խալամն ընդունեցին նաև Մուհամմադի աղջիկները՝ Ռուբայան, Ռւմմ Քուսումը և Ֆաթիման:

Չնայած այն հանգամանքին, որ մարգարեի հարազատները նոր կրոնն ընդունում էին գաղտնապես, սակայն այդ կրոնի մասին սկսում էին իմանալ ավելի ու ավելի շատ մարդիկ: Մի անգամ Մուհամմադի հորեղբայր Աբու Թալիբը Մերքայից դուրս անապատում գտնվելիս պատահմամբ հանդիպում է իր որդուն և եղբորորդուն, որոնք բարձրածայն աղոթում էին: Զարմացած նա հարցնում է, թե այդ ամայի անապատային վայրում նրանք ում են երկրպագում: Մուհամմադը ազնվորեն պատմում է ամեն ինչ և կրքուտ կերպով սկսում է համոզել հաշիմյանների տոհմի առաջնորդին ընդունելու միասնական Աստծուն: Հորեղբայրը պատասխանում է, որ ինքը պատրաստ չէ հրաժարվելու իրենց հայրերի կրոնից, բայց և միաժամանակ ավելացնում է, որ ոչ մի վատ բան չի տեսնում այդ նոր կրոնի մեջ և չի արգելի իր որդուն հետևել նոր մարգարեին: Միաժամանակ գիտակցելով, որ նոր կրոնը անխուսափելի հորեն գտնելու է անհաշտ հակառակորդներ, խոստանում է, որ եթե հարցեր առաջանան, ապա հաշիմյանները պատրաստ են թիկունք կանգնելու և պաշտպանելու Մուհամմադին:

Ստանալով աջակցության ու պաշտպանության երաշխիք, Մուհամմադը որոշում է հետևելով ի վերուստ տրված հրամանին քարոզել երկնքի պատգամները: Այդ քարոզները ունկնդիրներին ներկայացվում էին որպես ոգու միջոցով աստծուց ստացված «հայտնություններ»: Այդ քարոզի հետևանքով մի շաբթ անձինք ընդունեցին նոր հավատը: Դրանցից մեկն էր Թայմ կոչված տոհմի առաջնորդ Աբու Բարրը: Նա ավանդությունների և տոհմաբանության հիանալի գիտակ էր, սիրում էր խելացի գրույցները և հայտնի էր որպես անբասիր վարքի տեր ու ազնիվ վաճառական: Ոգեշնչվելով Մուհամմադի քարոզներով, Աբու Բարրը սկսեց ամեն կերպ աջակցել նրան, իր հերթին խսլամ քարոզելով իր ընկերների և բո-

լոր նրանց շրջանում, ովքեր հարգանքով էին վերաբերվում իր նկատմամբ, կամ ենթարկվում էին իրեն: Շուտով որոշեց խալամն ընդունել նաև Արու Բաքրի ընկերը՝ Օսման իրն Աֆֆանը, որն Արդ Շամս հզոր տոհմից էր: Խալամն ընդունեցին նաև Ասաղ տոհմից Ազ Զուբեյրը, Զուհրա տոհմից ազդեցիկ Արդ ար-Ռահման իրն Առուֆը, որն առևտրի միջոցով կուտակել էր խոշոր հարստություն, Սա՛ադ իրն Վաքքասը (հետազայում հայտնի զորահրամանատար, որը 637 թ. Կաղիսիի ճակատամարտում հաղթանակ էր տարել պարսիկների նկատմամբ): Վազ շրջանում խալամն ընդունածների թվում էր նաև հովիկ Աբդալլահ իրն Մասուդը, որը նախկինում եղել էր ստրուկ, իսկ հետազայում դարձավ Մուհամմադի ամենաաչքի ընկնող զինակիցներից մեկը: Տեղեկանալով այն մասին, որ հիշյալ մարդիկ ընդունել են ինչ որ նոր կրոն, Մեքքայի վերնախավը հայտարարեց, որ նրանք բոլորը խելազարվել են:

Մեքքայի ազնվականական վերնախավը, որը բաղկացած էր վաճառականներից, վաշխառուներից ու ստրկատերերից, Մուհամմադի քարոզչության նկատմամբ վերաբերվեց քացահայտ թշնամանքով: Այդ թշնամանքի պատճառը լոկ կրոնական մոլեոնանդությունը չէր: Նոր մարզարի քարոզչությունը, որն ուրդված էր կոապաշտության դեմ, նրանց համար թվում էր վտանգավոր Մեքքայի առևտրական ու քաղաքական շահերի համար: Այդ քարոզչությունը կարող էր հանգեցնել Քաքքայի կուլտի անկմանը, որն անխուսափելիորեն առաջ կրերեր ոչ միայն ուխտագնացության կտրուկ նվազում, այլև Մեքքայի առևտրական կապերի թուլացում: Խակ ամենակարենորը այդ սրբավայրի քաղաքական կշռի անկում:

Ահա թե ինչու, կուրայշ ցեղի վերնախավը Մուհամմադի քարոզչությունը համարեց իր շահերի համար ծայրահեղ վտան-

զավոր և թունոտ ատելությամբ լցվեց նրա հանդեպ: Սակայն նրանք չէին համարձակվում սպանել նրան, քանի որ դա անխուսափելիորեն առաջ կրերեր հաշիմյան տոհմի կողմից արյան վրիժաւության իրագործում: Արաբական հին սովորութային իրավունքի համաձայն, տոհմի յուրաքանչյուր անդամ պարտավոր էր պաշտպանել իր տոհմը, իսկ տոհմը իր հերթին իր յուրաքանչյուր անդամին, թեկուզ նա լիներ ոչ իրավացի կամ մեղավոր: Բայց և առիթը բաց չէին թողնում հալածանքների ենթարկելու համար Մուհամմադին, նրան ենթարկելու ծաղր ու ծանակի և այլն:

Թեև իսլամը արդեն դուրս էր եկել Մուհամմադի տան շրջանակներից, բայց նրա քարոզությունը շարունակում էր կատարվել գաղտնիության պայմաններում: Նոր մարգարեի հետևորդներ ձեռք բերելու հունձը, սակայն, այնքան էլ մեծ չէր: Երեք տարվա ընթացքում նոր կրոնի հետևորդների թիվը Մեքքայում ավելացավ ընդամենը 50 մարդով: Հիմնականում դրանք մարդիկ էին, որոնք կյանքում չէին կարողացել հասնել հաջողությունների, նյութապես ապահովված չէին, հետևաբար և կորցնելու առանձնապես բան չունեին: Իսլամն ընդունողների մեջ կային նաև ստրուկներ, որոնք հանձինս Մուհամմադի տեսնում էին անարդարության դեմ մարտնչողի և իրենց պաշտպանի: Մարգարեի կողմից քարոզվող «Ահեղ դատաստանի» օրվա վերաբերյալ սպառնալից նախազգուշացումները ստրուկների կողմից ընկալվում և նրանց երեակայության մեջ ուրվագծվում էր որպես իրենց հարստահարող ու ճնշող տերերի նկատմամբ արդար հատուցման ու պատժի օր:

Ի՞նչն էր իրապուրում մարդկանց հրաժարվելու իրենց հայրերի ու նախնիների դավանանքից և ընդունելու նոր կրոնը: Մեր օրերում, հետին թվով իհարկե դժվար է հստակ պատասխան տալ այդ հարցին: Սակայն միանգամայն հավաստի է, որ Մուհամմադը

բոլոր տառապյալներին, ընշագուրկներին, կյանքում մերժվածներին, անհաջողակներին և առհասարակ բոլորին, բոլորին խոստանում էր մի ապահով ու շողջողուն ոսկեղար, մի աշխարհ, որտեղ բոլորը հավասար են, բոլոր մարդիկ պատրաստակամ են աշակցելու և օգնելու միմյանց և որտեղ բոլորը Աստծո առջև կրում են հավասար պատասխանատվություն:

Նա ասում էր, որ չի կարող ճշմարիտ հավատացյալ լինել նա, ով չի սիրում իր եղբայր մահմեղականին և պատրաստակամ չէ նրան հասնելու օգնության, թե Աստծուն երկրպագելուց հետո ամենալավագույն գործը միմյանց սիրելն է: Մարդը չի կարող իրականացնել իր պարտականություններն Աստծո առջև, քանի դեռ նա չի սիրում իր մերձափորին: Սուհամմաղն ասում էր, որ սերը սկսվում է ընտանիքից, որտեղ ամուսինը սիրում է իր կնոջը և հոգ է տանում նրա նկատմամբ, իսկ նա բարեպաշտ է և նվիրված իր ամուսնուն: Ծնողները պետք է սիրեն իրենց զավակներին, իսկ զավակները՝ ծնողներին: Որ ընտանիքում երեխաները նույնիսկ մտովի, իրավունք չունեն հանդիմանելու և կշտամբելու իրենց ծնողներին՝ նրանց այս կամ այն արարքի համար:

Սուհամմաղը խոստանում էր իր հետևորդների կյանքը առավելագույնս դարձնել երջանիկ ու հանգստավետ հենց այս կյանքում, միաժամանակ «արդարներին» խոստանալով «հավետ երանություն» հանդերձյալ կյանքում: Նա համոզում էր, որ նոր կրոնը կոչված է միավորել մարդկանց, այլ ոչ թե նրանց բաժանել իրարից: Նա դատապարտում էր մարդկային անտեղի դաժանությունը: Օրինակ, նա խստիվ մերժում էր նորածին աղջիկներին սպանելու բռչվոր-արարների մոտ տարածված դաժան սովորությը: Իսկապես, ընդամենը մի քանի տասնամյակ հետո այդ բարոսական սովորությը գործնականում մոռացության մատնվեց:

Մարգարեն հանդես էր գալիս նաև արյան վրիժառության սովորույթի դեմ, արգելելով սպանել «ամեն մի կենդանի արարածի, որին աստված թույլ չի տվել սպանելու, ի բացառյալ այն դեպքերի, եթե դա տեղի է ունենում համաձայն օրենքի ու իրավունքի»:

Մուհամմադը չեր դատապարտում ստրկատիրությունը: Նա գտնում էր, որ պատերազմի գերիներին ստրկացնելը օրինական է: Սակայն ստրկատերերին խորհուրդ էր տալիս մեղմ վերաբերմունք դրսեորել հանդեպ նրանց, «որոնց տիրել է ձեր բազուկը»: Նա ասում էր, որ մուսուլմանը չի կարող մեկ այլ մուսուլմանի մոտ ստրկական վիճակում լինել, իսկ այլ դավանանքի պատկանող իրենց ստրուկներին ազատություն պարզենելը նա համարում էր աստվածահածո գործ, քանի որ բոլոր մարդիկ, եթե նույնիսկ նրանք այլազգի են և այլազավան, Աստծո արարչագործության արդյունք են: Ուրիշներին օրինակ ծառայելու համար Մուհամմադը ազատություն շնորհեց իր ստրուկներին, որոնք հետազայում որպես ազատ մարդիկ ընդունեցին իսլամը և դարձան իրենց նախկին տիրոջ հավատարիմ ու անդավաճան կողմնակիցները:

Իր ժամանակակիցներին, որոնք սիրում էին աշխարհիկ բարիքները, Մուհամմադը սպառնում էր ահեղ պատիճներով հանդերձալ աշխարհում: Նա ասում էր, որ վերջին դատաստանը անխուսափելի է: Առհասարակ միասնական արարչի և ահեղ դատաստանի գաղափարները հանդիսանում էին Մուհամմադի ուսմունքի անկյունաքարը: Ալլահի անունից Ղուրանում ասվում էր, որ «մենք մարդս ստեղծել ենք տառապանքի համար» (90:4): Իր «հայտնություններում» նա խարազանում էր «քերակշռողներին» («ալ-մութաֆֆիֆին»), այսինքն Մեքքայի վաճառականներին: «Վայ ծուռ չափողներին, որ իրանց համար չափելիս կատարեալ չափ են պահանջում, բայց եթք ուրիշների համար են չափում կամ

կշռում, պակասեցնում են» (83:1-3): Դատապարտում էր հարստությամբ տարվելը, հարստությունը բազմապատկելու մարմաքը (արաք. «թաքասուր»), քանի որ այն մարդկանց ստիպում է մոռանալ աստծուն: «Վայ ամեն մի բամբասող հայիոյողի, որ ստացածք է հաւաքում և հաշիւներ անում, նա կարծում է, թէ նրա ստացւածքը նրան անմահ կը շինեն», - ասվում է Ղուրանում (104:1-3): «Իսկ երբ փողի սաստիկ հնչումը կը գայ, նույն օրը մարդու իր եղբօրիցը կը փախչէ, նաև իր մօրիցը եւ հօրիցը, ու իր կնկանիցը և որդկանցիցը» (80:33-36): Նա նաև ասում էր, որ ինչպես Մեքքայում, այնպես էլ մյուս քաղաքներում հարուստ ու սպնվազարմ մարդիկ մեղավորներ են: Ընդ որում, նա դատապարտում էր անազնիվ ճանապարհով ձեռք բերված հարստությունը և ոչ թե հարստությունն ընդհանրապես: Մուհամմադի քարոզները անհասկանալի էին մնում կուապաշտ հեթանոսների համար: «Եւ երբ նրանց ասում է, թէ «հաւատացեք այն քանին որ Աստուած իշեցրել է» ասում են «մենք հաւատում ենք այն քանին, որ Աստուած մեզ համար է իշեցրել» եւ նրանից զատ մնացեալն ուրանում են» (-Ղուրան, 2:85):

Ի՞նչ է անհրաժեշտ, որ մարդն ապահովի իր փրկությունը. երկրպագել միայն միասնական աստծուն, այն էլ անկեղծորեն ու ջերմեռանդորեն, աղոթել և տալ ողորմություն: Ով առատաձեռն է ու աստվածավախ, նրա համար կրացվի հեշտ ճանապարհ դեպի արքայություն:

Մուհամմադի կողմից առաջ քաշված ողորմություն տալու սկզբունքը կոչված էր համահարթել նոր-նոր ձևավորվող մահմեդական համայնքում սոցիալական անհավասարությունը: Ով չի տալիս ողորմություն, նա չի կարող համարվել մահմեդական, այսպիսին էր մարզարեի սկզբունքը: Ողորմության չափը կանո-

նակարգված չէր, սակայն ինքը՝ Մուհամմադը օրինակ էր ցույց տախս, իր և Խաղիջայի ունեցվածքից բաժին հանելով համայնքի աղքատ մարդկանց: Դրա հետևանքով նրա ունեցվածքը կարձ ժամանակամիջոցի ընթացքում հալվեց և ինքը ևս ըստ էության դարձավ համայնքի աղքատ անդամներից մեկը: Ըստ որում, ողորմությունը Մուհամմադի կողմից բաժանվում էր հավասար, նա տարբերություն չէր դնում իր ազգականների ու մերձավորների և համայնքի շարքային անդամների միջև:

Քարոզելով չափավորություն և հրաժարում հարստությունից և պերճանքից, միաժամանակ Մուհամմադն ասում էր, որ իշխանությունը գտնվում է «ժանտ ու դաժան մարդկանց ձեռքերում»: Աշխարհը, ըստ նրա, շատ ավելի բարդ երևույթ է, քան կարող է թվալ հասարակ մարդկանց. այնտեղ ապրում են ինչպես հրեշտակներ, այնպես էլ դեեր և որպեսզի մարդը հարմարվի այդ աշխարհի հետ, հարկադրված է ընդունել բազում դժվարին որոշումներ: Մուհամմադի բերանով Դուրանում խոսվում է նաև մարդկանց հավասարության մասին. «Ո՛վ հաւատացեալներ, մի ազգ չը պիտի ծաղրէ միւս ազգին, թէեւ ինքը նրանցից լաւ էլ լինի. եւ ոչ էլ մի կնիկ ծաղրէ ուրիշ կնկան թէեւ ինքը նրանցից աւելի լաւ էլ լինի. եւ միւսեանց մի՛ բամբասէք եւ իրար մի՛ վատարանէք գէշ մականուններով» (49:11):

Իսլամի մարգարեի քարոզում վերոհիշյալ զաղափարները դյուրությամբ էին ընկալվում Մերքայի բնակչության որոշակի խավերի կողմից, քանի որ այդ ժամանակներում սոցիալական շերտավորումը այդ քաղաքում հասել էր զագաթնակետին և զգացվում էր նոր մարգարեի և նոր հավատի կարիք, որն ի վիճակի լիներ հավասարեցնել բոլորին: Նրա քարոզչությունը հեշտությամբ տեղ էր հասնում մարդկանց մտքերին, քանի որ, ինչպես

նշում է իսլամագետ Գ. Ե. Ֆոն-Գրյունեբաումը, Սուհամմադը խոսում էր ոչ միայն աստծո անունից, այլև արաքների անունից, այլ կերպ ասած նա իր ժողովրդի առջև հանդես էր զալիս որպես հարազատ «արաքական մարզարե»:

Կար նաև հարցի մի այլ կողմ. «Սուհամմադը,- նշում է Լեռն,- ինչպես և յուրաքանչյուր կրոնի հիմնադիր, իմացավ, թե ինչպես պետք է բոի մեջ հավաքել տգետ ու մութ, հետևարար և վախեցող ու հավատացող զանգվածները»: Դուրանը ապստամբ-ներին, անհնազանդներին սպառնում է գեհենի կրակներով (89:10): «Եւ ով ապստամբի Աստուծոյ եւ նրա մարզարէի դէմ, նրա համար կայ դժոխքի կրակը, որի մեջ կը մնան այդպիսիները յափ-տեան» (72:24):

Իսլամական համայնքը համարյա ամեն օր հերթով հավաք-վում էր այս կամ այն անդամի տանը աղոթելու: Սակայն խիտ ընակեցված Մերքայում չափազանց դժվար էր կատարել աղոթքի արարողություններ, առանց կողմնակի մարդկանց կողմից նկա-տելի դառնալու: Ուստի համայնքը գիշերները գնում էր անապատ առանձնության մեջ հանգիստ աղոթելու: Այդ ընթացքում աստի-ճանաբար իսլամական համայնքը վերածվում էր կուռ ու հա-մախմբված իսկական եղբայրության: Սակայն չնայած դրան, Սու-համմադն ապրում էր ներքին տագնապ և անհանգստություն: Ըստ երեսույթին նրա զյլավոր մտահոգությունն այն էր, որ մու-սուլմանական համայնքը չէր մեծանում և վտանգ կար, որ նա այդպես էլ կմնար մի աննշան աղանդ, որոնցով լիբն էր շրջապա-տը: Մերքայի ազնվագարմ ու ազդեցիկ մարդիկ ոչ միայն չէին ու-գում ընդունել իսլամը, այլև հակառակ էին այդ նոր կրոնին: Այս ամենը Սուհամմադին պատճառել էր խորը հուսալքություն ու վհատություն: Տանջալից մտորումները և խորը թախիծը նրան

հասցրել էին մինչև հուսահատության եզրը: Ավանդության համաձայն, մարգարեն նոյնիսկ սկսում էր խորհրդածել ինքնասպանության մասին: Սակայն թերևս նրան այդ ծայրահետ քայլից հետ էր պահում այն, որ խալամը դատապարտում է ինքնասպաններին, ինչպես և այն մարդկանց, ովքեր ընկել են հուսահատության ու վհատության գիրկը:

Մուհամմադի դրության ծանրությունը կայանում էր նրանում, որ հրեշտակի տեսիլքները դադարել էին և ինքը չէր ստանում նոր հայտնություններ իր հետագա անելիքները որոշելու համար: Այլ կերպ ասած, նրա համար ստեղծվել էր մի տեսակ փակուղային վիճակ:

Ընկնելով այս ծանր մտորումների մեջ, Մուհամմադը մենամենակ գնում էր անսապատր և օրեք շարունակ շրջում այնտեղ, չխմանալով, թե այսուհետև ինչ պետք է անի: Հաճախ կանգում էր անդունիների եզրին և մտածում, արդյոք շարժե մեկ թռիչքով մարդել հաշիվները կյանքի հետ:

Պատմվում է, որ մի անգամ, երբ կատարյալ հուսալքության մեջ Մուհամմադը կանգնած էր մի խորը անդունի եզրին, հայտնվում է Զաքրայիլը և արտաքերում հետևյալ բառերը. «Մի մոռացիր, որ դու Աստծո Մարգարեն ես»: Այդ տեսիլքը օգնեց Մուհամմադին ձերբազատվելու սուր ընկճվածության նոպայից, սակայն դրանից հետո ևս նրա տրամադրության մեջ արմատական փոփոխություններ տեղի չունեցան, մանավանդ որ համայնքի անդամների աճի մեջ ոչ մի դրական տեղաշարժ չէր նկատվում:

Մուհամմադը շարունակում էր իր մենավոր բափառումներն անսապատում, երբ մի օր, հանկարծ գլուխը բարձրացնելով, Հիրա լեռան վրա նկատեց իրեն այցելած հրեշտակին: Նա բազմեց մի հսկայական զահի վրա: Տեսարանը սահմոկեցուցիչ էր:

Հայտնի արևելագետ ակադեմիկոս Վ. Վ. Բարտոլդը գտնում է, որ Մուհամմադը իսկապես կարող էր երկնքում տեսնել մի պատկեր, սակայն դա ընդամենը իր իսկ անդրադարձն էր: Գիտության մեջ այդ երևույթը կոչվում է «Բրոկենյան ուրվական»: Այդ երևույթը հաճախ է դիտվում Գերմանիայում Հարց կոչված լեռնային զանգվածում: Օպտիկայի վերաբերյալ բազմաթիվ գրքերում այդ երևույթի վերաբերյալ կան նաև լուսանկարներ, երբ հարյուրապատիկ անգամ մեծացած մարդու ստվերն ընկնում է առավոտյան մշուշի մեջ և որոշակի հեռավորության վրա ձևավորվում է մարդկային կերպարանքով պատկեր:

Հրեշտակի չքանալուն պես Մուհամմադն անմիջապես զնում է տուն, տեսածի մասին պատմում կնոշը և ըստ իր սովորության փաթաթվելով թիկնոցի մեջ լսում է մի ձայն: Այդ ձայնը այնքան հզոր էր, որը կարող էր պատկանել միայն Աստծուն: Զայնը հրամայում է: «Վեր կաց և հանուն քո Տիրոջ համբերիք»:

Մուհամմադը հասկանում է, որ դա փաստորեն հրաման է հրապարակային քարոզ սկսելու համար և որ իրեն հրամայում են դուրս գալ ստվերից դեպի լույս: Քառասուն տարեկան հասակում Մուհամմադը սկիզբ է դնում իր հրապարակային քարոզներին: Մերքայում ընդունված կարգի համաձայն, որևէ կարևոր իրադարձության դեպքում, որը պահանջում էր քաղաքի բնակիչների միշտամուրյունը, մերքացիներին կարող էր հավաքել ցանկացած մարդ: Օգտվելով այդ կարգից, վաղ առավոտյան Մուհամմադը բարձրացավ Մերքայի կենտրոնում գտնվող աս-Սաֆա բլուրը և հականե-հանվանե թվարկելով բոլոր տոհմերի ներկայացուցիչների անունները, հորդորեց նրանց հավաքվել «Ժողովների տանը»:

Այդ կոչը քաղաքում առաջ բերեց իսկական խուճապ, քանի որ սովորաբար ընդհանուր հավաք էր հայտարարվում քաղաքի

վրա այլ ցեղերի ասպատակության, կամ նման կարգի այլ տհած դեպքերում: Ուստի շատ մեքքացիներ հավաքին ներկայացան իրենց զենքերով: Սակայն ի զարմանս բոլորի, Մուհամմադը սկսեց խոսել միասնական աստծո, մահվանից հետո հանդերձալ կյանքի, աղոթելու և բարի գործեր անելու անհրաժեշտության մասին: Նա մեքքացիների աստվածներին անվանեց անկենդան կուռքեր, իսկ նրանց, ովքեր երկրպագում են այդ բարե արձաններին՝ խավար ու տգետ մարդիկ:

Մի պահ ժողովների տանը տիրում է քար լոռություն: Նախապես տրամադրված լինելով, որ տեղի է ունեցել ինչ-որ արտասովոր բան, ներկաները ամեն ինչ սպասում էին, բացի կրոնական քարոզից: Բայց երբ վերջում Մուհամմադը հայտարարեց, որ ինքը մարզարե է, աստծո ավետաբերը, ինչպես որ եղել են Իբրահիմը (Աբրահամը), Մուսան (Մովսեսը) և Իսան (Հիսուս Քրիստոսը), ներկաների անհանգստությունն ու տագնապը փոխարինվեց ծիծաղով ու հոհոցով: Նրանք սկսեցին սուլոցներով ու անպատվարեր խոսքերով ծաղրել Մուհամմադին:

Նորընծա մարզարեի հորեղբայր Մուհամմադ Արու ալ-Ռազզան առաջիններից մեկն էր, որ սկսեց բարձրածայն հայինյել ու լուսանքներ թափել նրա զլխին: Մուհամմադը չդադարող աղմուկ-աղաղակի պայմաններում սպառնաց հորեղբորը, որ նրան սպասում են դժոխքի կրակները, իսկ նրա կինը՝ Ումմ Զամիլը փայտեր պետք է դնի կրակների վրա: Հենց այդ օրվանից Արու ալ-Ռազզայի մականունը դրեցին Արու Լահար, որ նշանակում է «նա, ում դժոխքում տեղ է պատրաստված»:

Իր առաջին քարոզի կատարյալ ձախողումը Մուհամմադին կրկին նետեց խորը հուսահատության ու վիատության զիրկը:

Սակայն ի վերուստ նրա ականջին հասավ մի ձայն. «Վեր կաց և քարոզի՝ թ, խորհուրդ եմ տալիս սկսել քո հարազատներից»:

Մուհամմադը հրավերը ուղարկեց հաշիմյանների տոհմին, որն արդեն վաղուց կորցրել էր իր նշանակությունը Մերքայում, ուստի և հարմար ատաղձ էր մահմեդականությունն ընդունելու համար: Այդ տոհմի մոտ քառասուն անձինք հավաքվեցին Մուհամմադի տանը: Ներկաների մեջ էին նաև նրա հորեղբայրները՝ Աբու Թալիֆը, Աբբասը, Համզան և նույնիսկ Մուհամմադի զիլին լուտանքներ թափած Աբու Լահարը, որն եկել էր լսելու, թե ինչ նոր բան պետք է ասի «մարզարեն»:

Սկզբում հյուրերը սկսեցին խոսել գործերից, այնուհետև նստեցին խնջույքի: Առատ հյուրախրությունից հետո, երբ Մուհամմադը փորձեց քարոզել, Աբու Լահարը բացականչեց. «Աեր տանտերը կկախարդի մեզ»: Այդ լսելով, հաշիմյանները տեղն ու տեղը լրեցին ու հեռացան Մուհամմադի տնից:

Սակայն որոշ ժամանակ անց Մուհամմադը կրկին հավաքեց հաշիմյաններին և այս անգամ հնարավորություն ունեցավ ասելու իր ասելիքը: Ընդ որում, նա հատուկ շեշտադրումներ էր անում այն բանի վրա, որ հաշիմյանների տոհմի բախտը բերել է, որ մարզարեն հենց իրենց տոհմից է:

Նրա այս ասույթը մեծագույն հաճույքով ընդունվեց կյանքի բարձրունքներից զահավիժած և իր նախկին բարեկեցությունը կորցրած հաշիմյանների կողմից: Անշուշտ ներկաները Մուհամմադի ասածները հալած յուղի տեղ չընդունեցին, առավել ևս, նրանցից ոչ մեկը դժվար թե հավատար, որ Մուհամմադը իսկապես մարզարեն է: Սակայն նրանք սկսեցին կռահել, որ նոր կրոնը իրենց տոհմին կարող է օգտակար լինել: Բայց խորամանկ ու զգույշ այդ մարդիկ չէին շտապում պաշտոնապես ընդունելու իս-

լամը, մտածելով, որ եթե այդ կրոնը պարտություն կրի, ապա ի-
րենց տոհմի վրա առհասարակ կարելի կլինի խաչ քաշել:

Իր քարոզի վերջում Մուհամմադը հայտարարեց. «Ո՞վ է զա-
լու իմ հետևից և դառնալու իմ եղբայրը, իմ կտակակատարը, իմ
ժառանգորդը»: Սակայն պատասխանը քար լուսավորունն էր: Այն-
ժամ նրա որդեգիր զավակ Ալին, որը մատուցում էր սեղանը, քա-
ցականչեց. «Օ՛ Աստծօն մարզարե, ես կլինեմ քո օգնականը»: Գրկե-
լով տղային Մուհամմադն ասաց. «Ահա իմ եղբայրը: Լսեցեք ու
հնազանդվեցեք նրան»:

Դրանից հետո ծաղրելով Արու Թալիբին, որ նա այսուհետև
ենթարկվելու է սեփական որդուն, հյուրերը ցրվեցին:

Թեև այս հանդիպման ընթացքում ևս Մուհամմադի քարոզը
նախորդի նման հաջողություն չունեցավ, սակայն այնուամենայ-
նիվ ձեռք բերվեց շոշափելի մի նվաճում. հաշվարկելով, որ իսլա-
մը կարող է օգնել իրենց ձեռք բերելու նախկին հզորությունը, հա-
շիմյանները խոստացան Մուհամմադին, որ եթե նրան նեղացնեն,
կամ իրադարձություններն ունենան տագնապալից զարգացում,
իրենք կկանգնեն ազգակցի կողքին:

Մարզարեն սկսեց զալ այն համոզման, որ իր քարոզների
հաջողությունը մեծապես կարող է կախված լինել իր պերճախո-
սությունից: Ուստի նա գրագետ ու գիտակ մարդկանց օգնությամբ
սկսեց յուրացնել արաբական հին ավանդությունները, ծանոթա-
նալ Հին Կոտակարանի և քրիստոնեական ավանդագրույցների,
պարսկական ասքերի հետ և այլն և իր խոսքը համեմել պերճ ու
գեղեցիկ դարձվածքներով: Նրա քարոզները սկսեցին հնչել ավելի
գրագետ, բազմազան և բանաստեղծական ներշնչանքով համակ-
ված հարուստ լեզվական արտահայտություններով:

Մուհամմադը անդուլ կերպով համոզում էր իր ունկնդիրներին, որ իր առաջարկած նոր կրոնը կատարելապես համապատասխանում է արաքների շահերին, որ այն նրանց կրերի հանգստություն, բարեկեցություն և հավատ ապագայի նկատմամբ: Մինչդեռ Մերքայի հարուստ վաճառականները, ապահով ու ազդեցիկ կուրայշ ցեղի անդամներից շատերը, հատկապես ումայյա տոհմի մարդիկ, լրջորեն անհանգստացած էին, որ եթե կռապաշտությունը փոխարինվի մեկ այլ կրոնով, իրենք կարող են զրկվել հարստությունից, դիրքից և ուխտագնացներին ուտելիքով, խմիչքով, հազնելիքով ու տանիքով ապահովելու իրենց եկամտաքեր արտոնությունից: Նրանք վախենում էին նաև, որ նոր կրոնի գաղափարների քարոզը կարող է հանգեցնել Քաարայի կուլտի անկմանը, որը կարող էր նվազեցնել ուխտագնացությունը, հետևաբար և նրանից ստացվող եկամուտները, սահմանափակել առևտուրը, և վերջապես նպաստել Մերքայի՝ բոլոր քոչվորական ցեղերի այդ ձգողության կենտրոնի քաղաքական հեղինակության անկմանը:

Բացի այդ, նրանց բնավ դուր չեր գալիս, որ իր վաղ շրջանի քարոզներում Ալլահի մարզարեն դատապարտում էր չափից ավելի մեծ հարստությունը, կոչ անելով նրանից բաժին հանել աղքատներին ու ընչազուրկներին, զեկենի կրակներով էր սպառնում վաշխառուներին, որոնք իրենցից ստրկական կախման մեջ էին դրել ամբողջ բեղվինական ցեղերի: Ահա թե ինչու կուրայշ ցեղի վերնախավը Մուհամմադի քարոզությունը հենց սկզբից համարեց իր շահերի համար խիստ վտանգավոր, ուստի և նրա նկատմամբ որդեզրեց թշնամանքով ու ատելությամբ լի դիրքորոշում:

Բոլոր նրանք, ովքեր չեին հավատում, որ Մուհամմադը աստծո ընտրյալն է, կամ պարզապես ցանկանում էին դիմակազերծել

ու վարկաբեկել նրան, Մուհամմադից պահանջում էին կատարել որևէ հրաշագործություն, օրինակ, հայտնաբերել մաքուր ջրի նոր աղբյուր, այնպես անել, որ Մեքքայի մոտակայքում գետ հոսի, սարերը հետ տանի քաղաքի սահմաններից, լուսինը երկու կես անի ինչպես կիսում են հացը, կամ թեկուզ հարություն տա իրենց ցեղի նախապապ Կուրայշին: Նրանք պնդում էին, որ միայն այդ դեպքում կհավատան նրան և կճանաչն որպես մարզաք:

Իրեն «պատին դեմ տալու» ցանկություն ունեցողներից ոչ պակաս Ճարպկությամբ մարզաքն պատասխանում էր, որ նախ ինքը չի համարձակվի աստծուց հրաշագործություն խնդրել և ապա ինքը այստեղ է ուղարկված բոլորովին այլ նպատակներով: Սակայն երբ հրաշագործության պահանջ ներկայացնողների պնդումները դարձան ավելի համառ, Մուհամմադի կողմնակիցներն ու հետևորդները ևս, որոնց նույնպես բաժին էր հասնում հակառակորդների թունոտ ծաղրերից, իրենց մարզաքից սկսեցին խնդրել որևէ հրաշագործություն այդ հակառակորդների «քերանը փակելու» համար: Մուհամմադը սրանց համար ևս ուներ պատրաստի պատասխան, այն է. «Մի՞թե գոյություն ունի ավելի մեծ հրաշք, քան Ղուրանը: Այդ գիրը որպես հայտնություն ուղարկված է Ալլահի կողմից: Մի՞թե կարող է ավելի մեծ հրաշք լինել, քան դա»:

Տարց է առաջանում, այդ բարբարոսական ժամանակներում, երբ մարդու կյանքը առանձնապես մեծ զին չուներ, ինչն և Մուհամմադի թշնամիները չղիմեցին նրա հետ ֆիզիկական հաշվեհարդար տեսնելու քայլին: Դրա պատասխանը մեկն է՝ որովհետև ողջ հաշիմյանների տոհմը, որից սերել էր մարզաքն, նրան սպանելու դեպքում դրան կպատասխաներ արյան վրիժառությամբ:

Մուհամմադի «բաց» քարոզները սկսելուց մեկ տարի անց ևս նոր հետևորդներ ձեռք բերելու հունձքը դարձյալ մեծ չէր: Դրանց թիվը Մեքքայում թեև կրկնապատկվեց, սակայն չէր գերազանցում մեկ հարյուրակը: Մարզարեն հասկացավ, որ անհրաժեշտ է փոխել մարտավարությունը և սովորական քարոզների հետ միաժամանակ դիմել ավելի կտրուկ քայլերի: Ըստ այնմ, նա հարձակումների կրակը կենտրոնացրեց Քաարայում երկրպագվող հեթանոսական աստվածների վրա: Դա համարելով ոչ քավարար, նա նաև արգելեց իսլամն ընդունած իր կողմնակիցներին աղոթել իրենց հեթանոս նախնիների համար: Որպես դրա հիմնավորում, իր քարոզների ժամանակ Մուհամմադն անդադրում կերպով կրկնում էր, որ կուրայշ ցեղի անդամների բոլոր երկրպագվող հեթանոս նախնիները այժմ ապրում են դժոխրում և նրանց հոգու հանգստության համար մուտուլմանի կողմից աստծուն դիմելը մեծ մեղք է: Սա, անշուտ, վերին աստիճանի համարձակ և արմատական բնույթի քայլ էր, քանի որ արարական միջավայրում իրենց արմատների պաշտամունքը սրբագործված երևույթ էր:

Մարզարեի այդ հանդուզն քայլերի դեմ մեծ աղմուկը Մեքքայում իրեն երկար սպասել չտվեց: Սակայն աղմկողներից զատ կուրայշ ցեղի զլսավորների մեջ գտնվեցին նաև խոհեմ ու հեռատես մարդիկ, որոնք սկսել էին կռահել, որ Մուհամմադը նոր կյունի հետ միաժամանակ կյանքի է կոչում նոր կլան, որը ոչնչով կապված չէր լինելու հին տոհմի հետ: Բացի այդ, եթե իրենք նրան ընդունեն որպես աստծո մարզարե, պետք է նրան ճանաչեն նաև որպես առաջնորդ: Դա անընդունելի էր նրանց համար: Բացի այդ, գործնական մտքի տեր այդ մարդիկ անմիտ էին համարում, որ այդքան աննշան մի մարդու աստված ընտրեր որպես իր մարզա-

թեի: Ուստի նրանք բացարձակապես հավատ չեին ընծայում մարգարեի այն պնդմանը, որ ինքը հրեշտակների միջոցով ստանում է Աստծո պատգամները: Դա նրանց համար թվում էր անմիտ ու անհավանական նաև այն պատճառով, որ Մուհամմադը ծնվել ու մեծացել էր իրենց աշքի առջև և տարեցները նրան հիշում էին դեռևս մանկության տարիներից, երբ նա արածացնում էր ոչխարներ ու այծեր: Ուստի երկուսից մեկը՝ կամ Մուհամմադը խելագար է (մաջնուն), կամ վերին աստիճանի վտանգավոր մի մարդ: Մեծամասնության կարծիքով, նա առողջ բանականության տեր մարդ էր, որի վարքագիծը պայմանավորված էր իշխանություն ու շահ ձեռք բերելու ցանկությամբ: Եվ եթե դրա դեմք չառնվի, Մուհամմադը կարող է Մեքքայում ողջ իշխանությունը հավաքել իր բույր:

Ինչպես բոլոր խելացի ու խոհեմ մարդիկ, Մեքքայի իշխանական վերնախավի ներկայացուցիչները ևս որոշեցին նախ փորձել հարցին լուծում տալ բանակցությունների ճանապարհով: Նրանց թվում էր, որ եթե նույնիսկ իրենց շհաջողվի հետ կանգնեցնել այդ վտանգավոր մարդուն իր ընտրած ճանապարհից, գեթ կհաջողվի շափակորել շատ հեռուն գնացող նրա ծրագրերը: Կողմերի միջև հանդիպումը տեղի ունեցավ Քաարայի հետին պատի մոտ: Քաղաքի անվանի մարդկանց և մեծաթիվ ամբոխի ներկայությամբ Մուհամմադին հարց տրվեց, թե վերջին հաշվով ի՞նչ է նրա ուզածը: Դրան ավելացվեց նաև զործարքի առաջարկ: որպեսզի Մուհամմադը դադարեցնի իր հարձակումներն ու պարսավանքը իրենց աստվածների ու նախնիների պաշտամունքի նկատմամբ, առաջարկվեց ընտրություն կատարել հարստության և իշխանության միջև: Անկասկած դա շատ վտանգավոր հարցադրում էր: Կարելի է նույնիսկ անվարան ասել, որ ավելի շուտ այդ

առաջարկի նպատակը Մուհամմադին վարկաբեկելն էր կամ նրա դիմակը պատռելը: Եթե նա համաձայնվեր այդ առաջարկի հետ, ամբոխին պարզ կդառնար, որ նորաքուս մարգարեի համար նոր կրոնը՝ իսլամը՝ այնքան էլ կարևոր չէ: Հանդիպման ժամանակ բանակցողները Մուհամմադին դիմեցին ասելով. «Մենք գիտենք, որ դու խոհեմ մարդ ես: Կարիք չկա քեզ ասելու, թե քաղաքում ինչպիսի խառնակություն և անկարգություններ կարող է առաջ բերել քո քարոզությունը: Ո՞րն է քո նպատակը: Դու դրա՞մ ես ուզում: Մենք քեզ կտանք: Դու ցանկանում ես դառնալ քաղաքի զլո՞ւս: Մենք պատրաստ ենք քեզ ընտրել որպես քաղաքի զլուս: Բայց քարի եղիք և այլս մի ասա, որ նրանք, ովքեր երկրպագում են մեր աստվածություններին, իրենց դատապարտում են դժոխքի հավիտենական կրակներին: Եթե դու հիվանդ ես, մենք քեզ համար կգտնենք մարմնի և հոգու լավագույն բժիշկներին»:

Սակայն ճկուն ու խելացի այդ մարդուն հնարավոր չեր «մերկ ձեռքերով» բռնել: Նա ի լուր ամենքի հայտարարեց, որ իր ուզածք ոչ հարստություն է և ոչ էլ իշխանություն, որ իրեն պետք է միայն մեկ բան, դա նա է, որ արաբներն ընդունեն ամենազոր ու գթառատ Ալլահին որպես միասնական աստծո և խզեն իրենց բոլոր կապերը Քաաքայի, այլևայլ կուլտերի և հեթանոս աստվածների հետ, որոնք հնարված են իրենց պապերի կողմից և բացի այդ աղոթեն ու ողորմություն բաշխեն: Պետք է ենթադրել, որ «բաց բանակցությունների հետ միաժամանակ կողմերի միջև տեղի են ունեցել նաև «փակ» կամ զադտնի բանակցություններ, որոնք նույնպես որևէ արդյունքի չեն հանգեցրել: Բանակցությունները փակութի մտնելուց հետո որոշվեց անկոտրում ու համար մարգարեի վրա ազդել իր իսկ տոհմի անդամների միջոցով: Ըստ այսմ, կուրայշ ցեղի գլխավորներից բաղկացած մի պատվիրակություն

գնաց Մուհամմադի հորեղբայր Աբու Թալիբի տուն: Նրանք ասացին, որ նրա եղբոր տղան հայիոյում է իրենց հավատն ու աստվածներին և անհարգալից վերաբերմունք է դրսեռորում դեպի իրենց նախնիները, իրահրում է խոռվություն և վտանգի տակ է դնում ողջ քաղաքի հանգստությունն ու նրա բնակչների բարեկեցությունը: Առաջարկությունը հետևյալն էր. կամ ինքը պետք է սանձահարի Մուհամմադին, կամ շխանգարի, որ դա անեն ուրիշները: Այլ կերպ ասած, պահանջվում էր, որ երկրորդ դեպքում հորեղբայրը հանի Մուհամմադի անձի նկատմամբ արյան վրիժառության արգելը և համաձայնվի, որ նա հայտարարվի տոհմից ու ցեղից վտարված անձ («խալի»), որը փաստորեն հավասարազոր էր կործանման վճռի:

Աբու Թալիբը պատասխանեց, որ անձամբ ինքը հավանություն չի տալիս իր եղբորորդու վարրազգին և նույնիսկ համարում է, որ նա կամ հիվանդ է, կամ դիվահար: Իսկ իրենց պապերի սահմանած օրենքով չի կարելի հոգեկան հիվանդներին սպանել: Ինչ վերաբերում է նրանց խնդրանքին, որ ինքը շխանգարի, որ Մուհամմադին «խոսք հասկացնեն», ապա հայտնի բան է, որ ոչ ոք և ոչ մի ժամանակ իրավունք չունի մարդկանց օրենքից դուրս հայտարարել հիվանդության կամ մոլագար լինելու պատճառով: Հետևաբար ինքը ևս չի կարող դա թույլ տալ:

Բնականաբար այդ պատասխանը չէր բավարարելու Մեքրայի ավագների պատվիրակությանը, ուստի, որոշ ժամանակ անց նրանք կրկնեցին իրենց այցելությունը Աբու Թալիբին: Այս անգամ նույն առաջարկը համեմված էր թունդ սպառնալիքներով ամբողջ հաշիմյանների տոհմի հասցեին: Նրանք հայտարարեցին, որ եթե Աբու Թալիբը չկարողացավ ստիպել Մուհամմադին որ լոի, ապա թող նա իմանա, որ այսուհետև լինելու է այլ կերպ և

կարող է արյուն թափվել: Դա նշանակում էր, որ եթե հաշիմյանները չիրաժարվեն Մուհամմադից, այդ տոհմից բոլոր նրանք, որոնք աջակցում ու պաշտպանում են նրան, կոչնշացվեն նրա հետ միասին:

Սպառնալիքներից մտահոգված Արու Թալիբը իր մոտ է կանչում Մուհամմադին և նրան բացատրելով իրադրությունը թախանձում՝ ասելով. «խղճա և ինձ և քեզ: Ինձ վրա մի դնի այն բեռը, որ ես չեմ կարող տանել»:

Սակայն Մուհամմադը անդրդվելի էր: Նա պատասխանում է հորեղբորը, որ եթե իրեն քարոզները դադարեցնելու առաջարկով նույնիսկ խոստանային արեն ու լուսինը, միևնույնն է, ինքը կիրաժարվեր: Որ ավելի շատ մադրիբն ու մաշրիբը (արեմուտքն ու արենելքը) կփոխեն իրենց տեղերը, քան մարդիկ կարող են ստիպել իրեն, որ ինքը փոխավի: Քանի դեռ Ալլահը իրեն մահ չի ուղարկել, ինքը շարունակելու է կատարել իր պարտականությունը Բարձրյալի առջև: Այնուհետև իր խոսքը եզրափակում է հետևյալ արտահայտությամբ. «ինձ վրա դրված է խլամը տարածելու առաքելությունը և ես երբեք չեմ հրաժարվելու այդ առաքելությունից, քանի որ զիտեմ, որ Ալլահը օգնելու է ինձ»:

Երբ խոսակցությունը ավարտված համարելով Մուհամմադը վեր է կենում, որ զնա, հորեղբայրը կանգնեցնում է նրան և ասում. «Դու զիտես իմ վերաբերմունքը քո քարոզների նկատմամբ, բայց ես քեզ նրանց ձեռքը չեմ տա»:

Ըստ երևույթին կուրայշ ցեղի վերնախավը որոշում է առայժմ ձեռնպահ մնալ տոհմերի միջև բացահայտ առճակատման գնալուց: Ուստի փորձում է ևս մեկ անգամ համաձայնության գալ Արու Թալիբի հետ: Նրանք նոյն կազմով կրկին զալիս են նրա մոտ նոր առաջարկով. Մուհամմադին փոխանակել Վալիդ իրն

ալ-Մուտիրի որդի Ամմարի հետ, որը համարվում էր ցեղի ամենաաւտեղ ու ամենագեղեցիկ պատանին: Ընդ որում, նրանք չեն խորշում բացահայտ հայտարարելու այդ փոխանակման իմաստը՝ այն է սպանել Մուհամմադին, քանի որ նա վիրավորել է իրենց բոլոր սրբություններին, ստորացրել է իրենց հավատը և փորձում է պառակտում մտցնել իրենց ծողովորի մեջ:

Սակայն զայրացած Արու Թալիբը նրանց առաջարկած գործարքն անվանում է «կեղտոտ», դրան ավելացնելով, որ ստացվում է, որ ինքը պետք է կերակրի ու մեծացնի ինչ-որ մեկի զավակին, իսկ իր հարազատին ուղարկի դեպի հաստատ մահ: Հունից դուրս եկած այդ մարդը իր այցելուներին դուռն է ցույց տալիս, զայրացած բացականչելով. «արեք այն, ինչ որ ցանկանում եք»:

Դրանից հետո Մեքքայի ավագները որոշում են Մուհամմադի և նրա հետևորդների նկատմամբ կիրառել պատժամիջոցներ: Որպես առաջին քայլ խւամի հետևորդներին գրկեցին Քաարայում աղոթելու իրավունքից: Սակայն նորաթուի մուսուլմանները, արհամարելով այդ արգելքը, շարունակում էին իրենց այցելությունները Քաարա, թեև այնտեղ նրանց բուռն կերպով ծաղրում և հայինում էին: Այդ նույն կերպ նրանց հետ վարվում էին նաև Մեքքայի փողոցներում: Ամբոխը Մուհամմադին համարում էր կախարդ, շատերը մեղադրում էին նրան, որ կաշառված է Մեքքայում բնակվող քրիստոնյաների ու հուդայականների կողմից: Իսկ որոշները նրան խաբերայության մեջ մեղադրելու նպատակով պահանջում էին, որ եթե նա իսկապես մարգարե է, թող ասի: որ օրն է տեղի ունենալու իր հայտարարած ահեղ դատաստանը: Այդ հալածանքներին միանում էին նաև քաղաքի բանաստեղծները, որոնք ծաղրալից ուսանավորներ էին արտասանում Մուհամ-

մաղի հասցեին: Բնականաբար այդ բոլորը լրջորեն դժվարացնում էր նոր կրոնի հետևորդնրի թիվն ավելացնելու գործը:

Գնալով հալածանքները ավելի ու ավելի էին ուժեղանում: Կատաղի մոլուցքով տարված ամբոխը նույնիսկ հիշեցնում էր, որ Սուհամմաղի բոլոր որդիները մանուկ հասակում մահացել են, իսկ դա նշանակում է, որ աստվածները նրան արհամարհում են:

Այն, որ Ալլահի մարգարեն նման դառն նախատինքներն ու ծաղրերը թողնում էր անպատասխան, իր ժամանակների համար վերին աստիճանի տարօրինակ ու օտարոտի երևույթ էր: Քոչվորբերվինների հոգեբանությամբ Սուհամմաղը մի մարդ էր, որը չէր կարողանում պաշտպանել ոչ իրեն և ոչ էլ իր տոհմը: Այդպիսի մարդը բեղվինական օրենքների համաձայն չէր կարող հարգանքի արժանանալ:

Մարգարեի հալածիչները թիրախ դարձրին նաև Սուհամմաղի ինքնասիրությունն ու նրա անձնական պատիվը: Նրա աղջկներից մեկը՝ Ռուքայան, որն ընդունել էր իսլամը, իր ամուսնու՝ Աբու Լահաբի որդու կողմից հետ ուղարկվեց հոր տունը: Ճիշտ է, քիչ ժամանակ անց Սուհամմաղը նրան ամուսնացրեց ապագա երրորդ «քարեպաշտ» խալիֆ Օսման իրն ալ-Աֆֆանի հետ, սակայն ամենայն հավանականությամբ իրեն հասցված վիրավորանքը դրոշմվել էր մարգարեի սրտում:

Մի անգամ, եթք մուսուլմանների փոքրիկ համայնքը հավաքվել էր մի կիրճում հավաքական աղոթք կատարելու համար, միանգամայն անսպասելի կերպով հայտնվում են մի քանի հերանոսներ և սկսում են ծաղրել նրանց հավատքը: Սկսված տաք վեճը վեր է ածվում ծեծկոտուքի, որի ժամանակ Աբու Վաքքասի որդի Սաադը իր ձեռքը վերցնելով մոտակայքում ընկած ուղտի ծնոտը նրանով հարվածում է հեթանոսներից մեկին և պատում նրա

դեմքը: Այսպիսով, Սաաղը դարձավ այն առաջին մարդը, որն արյուն հեղեց հանուն իսլամի:

Հիշյալ դեպքից հետո Մեքքայում մուսուլմանների նկատմամբ վերաբերմունքն էլ ավելի վատացավ: Օդում արդեն սավանում էր մոտակա հալածանքների ստվերը: Մուհամմադի առավել եռանդուն ու վտանգավոր թշնամիներ դարձան Օմայանների տոհմի ներկայացուցիչ, հարուստ վաճառական Արու Սուֆյանը, Ամր իրն Խիջամը, որին Մուհամմադի կողմնակիցները կնքեցին Արու Զահի («Տզիտուրյան հայր», այսինքն հեթանոս) մականունը, մարզարեի հարազատ հորեղբայր Արդ ալ-Ուզզա իրն Արդ ալ-Մութալիբը կամ ինչպես նրան անվանում էին Արու Լահաբը և ուրիշներ: Փողոցներով անցնող Մուհամմադի նկատմամբ տեղում էր ոչ միայն հայիոյանքների տարափ, այլև ցեխի կույտեր, իսկ նրա դրան շեմին հարեանները զիշերները լցնում էին կեղտաջուր: Մուսուլմանների, առավել ևս Մուհամմադի վիճակը Մեքքայում այն աստիճանի վատացավ, որ նա 614 թ. սկզբին ստիպված էր տեղափոխվել իր կողմնակցի՝ Մահգում տոհմից երիտասարդ Արքամ իրն Արդ Մանաֆի տունը, որտեղ նա ժամանակավոր ապաստան էր գտել իրեն նվիրված մարդկանց պաշտպանության ներքո:

Ծայր էր առնում իսլամի նկատմամբ հալածանքների շրջանը: Ուշագրավ է նշել, որ ալ-Աքքամի տունը տեղափոխվելուց հետո Մուհամմադի ընտանիքի անդամների նկատմամբ հալածանքների ալիքը չէր տարածվում: Մասնավորապես Խաղիջային ոչ ոք թշնամի չէր համարում: Բեղվինների շրջանում գործող «աղաթը» իրավունք չէր տալիս կանանց նկատմամբ հալածանքներ գործադրել: Առավել ևս, որ բոլորին հասկանալի էր, որ կինը պետք է ամեն ինչում հետևի իր ամուսնուն:

Քանի որ արյան վրիժառության կարգը բույլ չէր տալիս ֆիզիկական հաշվեհարդար տեսնել իսլամն ընդունածների հետ, ուստի կուրայշ ցեղի ավագները որոշեցին նրանց նեղը զցել տնտեսական լծակների օգնությամբ։ Որոշվեց նախազգուշացնել զնումների համար Մեքքա եկող բոլոր ցեղերի անդամներին, որ Մուհամմադը և նրա հետևորդները անարգում են իրենց աստվածներին, ուստի պետք չէ նրանցից որևէ բան գնել և ոչ ել որևէ բան վաճառել։ Բոլոր քարավանային ճանապարհների վրա նշանակվեցին մարդիկ, որոնք վերոհիշյալ ոգով գրույցներ էին անց կացնում Մեքքա ժամանողների հետ։ Շուկայում ևս կարգվեցին դիտորդներ, որոնք գրի էին առնում մուսուլմանների հետ գործ ունեցող կարգազանց մարդկանց, նրանց հետ «առանձին» խոսելու համար։

Այդ բոլորը տհաճ իրողություն էր Մուհամմադի համար, քանի որ բոլոր առաջին մահմեդականները նույն սոցիալական դասից էին, այսինքն հանդիսանում էին մանր առևտրականներ և որոնց սպառնում էր սնանկացումն ու ապրուստի միջոցներից զրկվելը։ Մուհամմադի ընտանիքը ևս անմիջապես իր վրա զցաց տնտեսական բոյկոտի ողջ ծանրությունը։ Խաղիջայի առևտուրը սկսեց կտրուկ անկում ապրել։ Թեև տնտեսական հարվածը որոշ չափով թերթանում էր շնորհիվ այն բանի, որ տոհմերի միջև առաջ եկան տարածայնություններ այն հարցի շուրջը, որ բոյկոտը ձեռնոտու չէ իրենց, բանի որ դրանից շահում են միայն նրանք, ովքեր այն հայտարարել են, սակայն բոլոր դեպքերում այն ուժգին հարված հասցրեց մահմեդականների համայնքին։ Հետևանքը եղավ այն, որ սնանկացման եզրին հասած մի շարք նորաքուս մահմեդականներ լրեցին Մուհամմադին և կրկին սկսեցին երկրպագել Քաաբայի կուտքերին։ Դրությունը մարգարեի կողմնակից-

ների համար գնալով ավելի ու ավելի էր վատանում: Հալածանք-ներն այն աստիճանի ուժին և վտանգավոր էին դարձել, որ Մուհամմադի խորհրդով 615 թ. առաջին դավանափոխների մի ոչ մեծ խումբ, որոնց թվում նաև կանայք ու մանկահասակ երեխաներ, Օսման իրն ալ-Աֆֆանի զիսավորությամբ հեռացան Մեքքայից և շարժվեցին Կարսիր ծովի կողմը: Զիդդայի մոտ նստելով նավ, նրանք ուղևորվեցին դեպի Եթովպիա: Որոշ ժամանակ անց այդ նույն ճանապարհով մեկնեց երկրորդ խումբ, այնուհետև երրորդը: Մուսուլմանների այդ զաղթը ստացել է «առաջին հիջրա» (զաղթ) կամ «Եթովպական հիջրա» անվանումը: Եթովպիա զաղթեց 83 մարդ, Մեքքայում մնացին ընդամենը 52 մահմեղականներ:

Գաղթի դիմածները Եթովպիայի քրիստոնյա թագավորի՝ Նեգուսի կողմից թույլտվություն ստացան հիմնավորվել այդ երկրում և զբաղվել առևտրով: Կարճ ժամանակ անց Եթովպիայից Արաբիա սկսեցին ժամանել ապրանքներով քեռնավորված քարավաններ, որոնք պատկանում էին մահմեղականներին: Այդ եղանակով Մուհամմադը աշխատում էր խափանել Մեքքայի ավագանու կողմից կազմակերպված տնտեսական բոյկոտի քաղաքականությունը և միաժամանակ կործանիչ հարված հասցնել կուրայշ ցեղի իր հակառակողըների առևտրական մենաշնորհին: Մուհամմադը կրկին ապացուցեց, որ ինքը մարզաք լինելուց բացի նաև հիանալի վաճառական է: Որպես պատասխան բայլ, նեղն ընկած նրա հակառակորդները որոշեցին Եթովպիա՝ Նեգուսի մոտ ուղարկել մի պատվիրակություն հարուստ նվերներով, թագավորից խնդրելու համար, որ իրենց հանձնի տոհմերի «աստվածութացներին ու դավաճաններին»: Նախնադարյան համայնական այն օրենքը, ըստ որի մարդու տերը իր տոհմն է, Եթովպիայում անըն-

դունելի էր համարվում, ուստի պատվիրակությունը ձեռնունայն վերադարձավ Մեքքա: Այդ ձախողման հետևանքը հանդիսացավ այն, որ մուսուլմանների նկատմամբ հալածանքներն ել ավելի ուժեղացան: Սակայն միևնույն ժամանակ մուսուլմանների ու քրիստոնյաների միջև ծնունդ առավ փոխադարձ համակրալից վերաբերմունք: Ինքը՝ Մուհամմադը խորհուրդ էր տվել Մեքքայից տեղափոխվածներին, դառնալ հարեշների բարեկամ:

Այդ դժվարին օրերին միանգամայն անսպասելի կերպով իսլամն ընդունեց Մուհամմադի զիխավոր թշնամի Աբու Ջահիլ եղբորորդի Օմար իբն ալ-Խաթթաբը: Այդ երիտասարդ, եռանդուն, ազդեցիկ ու խիզախ մարդու կողմից նոր կրոնի ընդունումը մեծ ազդեցություն գործեց իսլամի հետագա ճակատագրի վրա (ի դեպ, Օմարը հետագայում դարձավ երկրորդ «քարեպաշտ» խալիֆը): Այդ նույն ժամանակ իսլամն ընդունեց նաև Մուհամմադի հորեղբայր Համզա իբն Աբդ ալ-Մութավիլը, որը թեև աղքատ ու ոյուրագրգիր մարդ էր և հակված էր զինեմոլության, սակայն ուներ խիզախ զիխավորի համբավ (հետագայում նա ստացավ «Ալլահի և նրա մարգարեի առյուծ» մականունը): Կրոնին վերաբերող հարցերի և Մուհամմադի քարոզներին անտարբերությամբ վերաբերող այդ մարդը տարված էր իր ցեղի ու տոհմի պատվասիրության ուժեղ զգացումով: Նա գտնում էր, որ ով դիպչում է իր տոհմի առանձին անդամներին, նա ունաճություն է կատարում ողջ տոհմի նկատմամբ: Այսպիսով, Համզան Մուհամմադի նկատմամբ հալածանքներին արձագանքում էր իբրև բեղվին, դրսերելով ցեղային համերաշխություն: Աբդ ալ-Մութավիլի կողմից խալամի ընդունումը նշանակալից չափով նպաստեց կուրայշիների կուսակցության և նոր զաղափարախտության հետևողների միջև վերջնական պառակտման առաջցցմանը, քանի որ առաջինները տես-

նում էին, որ իրենց շարքերը գնալով նոսրանում են: Պատասխան հարվածը իրեն երկար սպասեցնել չուվեց: Հալածանքները «հայրենական աստվածներին» դավաճանողների նկատմամբ դարձան ավելի կտրուկ ու դաժան: Մարդկանց շրջայակապ նետում էին մուշ նկուղները, սովորաբար սպասեցները վիճակը: Ստրկատերերը նրանց պարտադրում էին ուժից վեր ծանր աշխատանք, որ պեսզի նրանք «խելքները գլուխները հավաքեն»: Ավանդության համաձայն, իսլամն ընդունած մի քանի ստրուկներ և ստրկուիիներ դարձան նոր կրոնի առաջին նահատակները:

616 թ. մեծահարուստ ազդեցիկ Աբու Զահլը եռանդուն ջանքեր սկսեց գործադրել իսլամականների շարքերը պառակտելու համար: Խոստանալով որոշակի շահեր առնտրական գործունեության բնազավառում, նրան հաջողվեց իր կողմը գրավել հաշիմյաններին աջակցող Զուհրա, Թայմ և Աղի տոհմերին: Որպես հաշիմյանների կողմանակից մնաց միայն թույլ և փոքրաթիվ ալ-Սութալիբ տոհմը:

Դրանից անմիջապես հետո Մեքքայի ավագանու ներկայացուցիչները կրկին այցելեցին Աբու Թալիբին, պահանջելով կամ «հանգստացնել» Սուհամմադին և կամ նրան հանձնել իրենց: Ապառնալով, որ հաշիմյաններն այլևս ընտրություն կատարելու հնարավորություն չունեն և պետք է կատարեն իրենց պահանջը, միաժամանակ նրանք հայտարարեցին, որ մերժմանը կհետևի անողոր պատերազմը այդ տոհմի դեմ:

Աբու Թալիբը այս անգամ ևս կտրականապես հանդես եկավ իր ազգականի պաշտպանի դերում: Դրան 616 թ. հետեւ հաշիմյանների տոհմի դեմ «պատերազմը», որն առաջմ իրականացվում էր բոյկոտի ձևով: Մեքքայի բնակիչներին արգելվեց որևէ քան վա-

ձառել նրանց, կամ նրանցից գնել, կնության վերցնել նրանց աղ-
ջիկներին, կամ իրենց աղջիկներին հարս ուղարկել հաշիմյաննե-
րի մոտ: Որոշվեց մարզարեի վրա փորձել նաև կաշառքի զայթակ-
դությունը: Կուրայշ ցեղի հեղինակավոր անձացից մեկին՝ Աբու
ալ-Վալիդին ուղարկեցին Սուլհամմադի մոտ, նրան առաջարկելու
համար մի շարք պայմաններ, որոնց հիմքի վրա հնարավոր լիներ
կնքելու խաղաղության դաշինք: Գալով մարզարեի մոտ, Աբու ալ
Վալիդը նրան ասում է. «Օ՛, իմ եղբոր զավակ: Դու հայտնի ես որ-
պես մեր ցեղի հարզարժան անդամ: Սակայն այն, ինչ որ դու ես
անում, հանգեցնում է մեր համայնքի պառակտմանը: Դու վիրա-
վորում ես մեր աստվածներին ու վարկարեկում մեր հավատքը: Լ-
սիր ինձ, ես ուզում եմ քեզ անել մի քանի առաջարկներ, դրանց
մասին լավ մտածիր»: Այնուհետև նա ասում է, որ եթե Սուլհամմա-
դի իսկական նպատակը հարստությունն է, ապա իրենք իրենց ու-
նեցվածքից կհավաքեն այնքան, որ նա դառնա հարուստ մայդ: Ե-
թե նա ցանկանում է Մեքքայում լավ դիրքերի տեր դառնալ, ապա
իրենք պատրաստ են նրան ընտրելու իրենց առաջնորդ և այսու-
հետև ոչ մի հարց չլուծել առանց նրա համաձայնության ու թույլտ-
վության: Եթե նա փափագում է իշխանություն, ապա իրենք պատ-
րաստ են նրա համար ապահովելու մեծ իշխանություն:

Սակայն մարզարեն մնում է անդրդվելի: Ավելին, նրա հետ
շփումը ուղղակի կերպարանափոխում է կուրայշ ցեղի ավագների
պատվիրակին, որը Սուլհամմադի հետ հանդիպումից հետո վե-
րադառնալով իրեն ուղարկածների մոտ փորձում է համոզել
նրանց, որ «եթե Սուլհամմադը հաղթի, ապա այն իշխանությունը,
որը նա կունենա, կլինի նաև ձեր իշխանությունը: Եվ դուք այդ իշ-
խանության պայմաններում կլինեք ամենաերջանիկ մարդիկ»:

Հալածանքները մարգարեի նկատմամբ զնալով ավելի ու ավելի էին խստանում: Նրա համար ստեղծվել էր ծայրահեղ դժվարին ու վտանգավոր վիճակ: Նա սկսեց հազվագյուտ դուրս գալ տնից որպեսզի չենթարկվի նվաստացուցիչ վիրավորանքների և ավելին, կյանքը վտանգի չենթարկվի: Ի վերջո նա եկավ այն համոզման, որ Մեքքայում մնալը իր համար այլևս անհնար է: Սակայն չգիտեր ուր փախչել: Իհարկե կար Եթովպիայի տարբերակը: Սակայն նա վստահ չէր, որ այնտեղ իրեն չեն համարի կեղծ մարգարե: Իսկ Եթովպիայի քրիստոնյա թագավորը շատ արագ և փութացանորեն մահվան էր դատապարտում թե սեփական և թե դրսեկ մարգարեներին: Կար նաև հարցի մեկ այլ կողմը. դա այն էր, որ Մուհամմադը լեզուներ չգիտեր, և ուրիշ երկիր փախուստի դեպքում հարկադրված էր լինելու մոռանալ իր մարգարեական առաքելության մասին և դառնալու պարզապես իսլամականների ոչ մեծ համայնքի սովորական դեկավարը:

Ի վերջո Մուհամմադը որոշում է մնալ Մեքքայում և մուսուլմանական համայնքի ընտանիքների հետ տեղափոխվել Արու Թալիբի տունը, որը գտնվում էր հաշիմյանների լավ ամրացված թաղամասում: Այս անգամ նրա թշնամիները որոշում են դադարեցնել ամեն տեսակի հարաբերությունները հաշիմյանների և Արդ ալ-Մուտալիբի տոհմի հետ: Մահմեդական համայնքը հայտնվեց կուռ շրջափակման օդակում: Եթե պաշարվածների ազգականներն իրենց կյանքը վտանգի ենթարկելով, զադունի ձանապարհով նրանց ուտեստ շհասցնեին, ապա հավանական է որ սովորական պատճառով նրանք բոլորը կմեռնեին:

Այդ դժվարին օրերին մահմեդականներին օգնության հասան հեթանոսական օրենքները: Մրբազան ամիսների ժամանակ, երբ հայտարարվում էր համընդհանուր խաղաղություն և նույ-

նիսկ դադարում էր գործելուց արյան վրիժառության օրենքը, շրջափակման ենթարկվածները շուկաներում աներկյուղ առևտուր էին անում Մերքայի բնակչության և դրսից եկած ուխտավորների հետ, նրանցից ձեռք բերելով սննդամթերք և դրանք կուտակելով Աբու-Թալիբի տանը: Ի դեպ, բոյկոտը չէր խանգարում հաշիմյաններին նաև քարավաններ ուղարկելու Սիրիա, որտեղ նրանք կատարելապես ազատ առևտուր էին անում:

Այդ նույն սրբազն ամիսները մարզարեի համար դառնում էին եռանդուն քարոզների ժամանակաշրջան:

Դժվարին պահին իրենց հավատակից եղբայրներին օգնելու համար Եթովպիայից վերադարձան թվով երեսուներեք մահմեղականներ, այդ թվում նաև Սուհամմադի փեսա Օսման իրն ալ-Աֆֆանը իր կողմէ՝ Ռուբայայի հետ: Մերքա վերադարձած մահմեղականները դիմում էին իրենց մոտիկ ազգականներից որևէ մեկին, որպեսզի նա իրենց վերցնի պաշտպանության տակ: Այդ ազգականները վերադարձածներին տանում էին Քաարա և ի լուր բոլորի քարձրածայն հայտարարում, որ տվյալ անձը գտնվում է իր հովանավորության ներքո և նրան վնաս հասցնելու դեպքում գործ կունենան իր հետ: Ուշագրավ է նշել, որ մահմեղականներին պաշտպան կանգնածների թվում կային նաև Սուհամմադի ոխերիմ թշնամիններից, որոնք տվյալ դեպքում առաջնորդվում էին արյան վրիժառության օրենքներով:

Բոյկոտի տարիներին մարզարեի համար ստեղծվել էր դժվարին վիճակ նաև այն պատճառով, որ նա մուսուլմաններին խոստանում էր քարեկեցություն և հանգիստ ու ապահով վիճակ հենց այս, երկրային կյանքում, մինչդեռ այդ մարդիկ հարստության ու վայելքների փոխարեն կրում էին լոկ գրկանքներ: Համայնքում այդ առթիվ ծայր էին առել 22ուկներ և մարզարեն ստիպված

Եր բացատրել,թե այնուամենայնիվ ինչու Ալլահի աշքի առջև նրա նվիրյալները հեթանոսների կողմից ենթարկվում են հալածանք-ների և ինչպես է Ամենաբարձրյալը վերաբերում դրան: Տիած նորություն էր նաև այն, որ մուսուլմաններից ոմանք լքեցին մահմե-դականների համայնքը և հրաժարվելով խլամից հեռացան և կամ մասամբ հասարակական կարծիքի, մասամբ էլ բոյկոտի բերած զրկանքների պատճառով շփումների մեջ մտան հեթանոսների հետ և մնալով մուսուլման, գաղտնապես երկրպագում էին Քա-րայի կուռքերին:

Առաջ եկած այդ բոլոր հարցերը կարիք ունեին լուծման: Եվ ահա հրեշտակի միջոցով մարզարեին է հասնում Ալլահի հրամա-նը. Մուհամմադը չպետք է զբաղվի երկրային առօրյա գործերով:

Երեք տարի տևած բոյկոտը ի վերջո 619 թ. հասավ իր տրա-մաբանական ավարտին: Կուրայշ ցեղի ավագանին այդպես էլ ի վիճակի չեղավ կոտրելու ոչ հաշիմյանների տոհմին և ոչ էլ իս-լամ՝ ընդունածներին: Մինչդեռ այդ ընթացքում միջտոհմական հակասություններից ծվատվող Մեքքան առևտրի կրծատման պատճառով խոշոր նյութական կորուստներ էր ունենում:

Բնականաբար բոյկոտի դադարեցումը հալածանքների թի-րախ դարձած մուսուլմանների համար վերին աստիճանի ուրա-խալի իրադարձություն էր: Սակայն չնայած դրան, 619 թվականը մուսուլմանական տարեգրության մեջ մտել է «Սզո տարի» անվա-նումով: 65 տարեկան հասակում իր մահկանացուն կնքեց Մու-համմադի սիրեցյալ կինը՝ Խաղիջան: Մարզարեի հետ համատեղ կյանքի 25 տարիների ընթացքում նա հանդիսանում էր իր ամուս-նու խորհրդատուն, նրա կյանքի հավատարիմ ընկերուիին, նրա ֆինանսական նեցուկը և նոր կրոնի առաջին հետևորդը:

Անդառնալի կորստի պատճառով մարգարեի վիշտը անսփոփելի էր, չնայած նրան, որ իրեն հայտնված Զարրայիլ հրեշտակը տեղեկացրեց, որ երկնքում Խաղիջայի համար պատրաստված է ամբողջությամբ մարգարիտներից սարքված մի շքեղ տուն: Խաղիջայի մահվանից անմիջապես հետո Մուհամմադին վիճակված էր տանելու երկրորդ ծանր հարվածը: Լրացել էր հաշխմյանների տոհմի ավագ Աբու Թալիֆի 90 տարին և բնականաբար պարզ էր, որ նրա կյանքի երկարատև ճանապարհը այնուամենայնիվ հասել է իր ավարտին: Խսկապես, նա շուտով մահացավ: Մուհամմադը զրկվում էր իր հուսալի և անդավաճան պաշտպանից, առավել ևս, որ հաշխմյանների տոհմի ղեկավար դարձավ մարգարեի ոխերիմ թշնամի Աբու Լահարը, որը ժառանգեց իր մեռած եղրոր պաշտոնը: Դուրանում Աբու Լահարը նզովկում է ամենասաստիկ ձեռվ. «Կորչե՛ն Աբու Լահարի ձեռքերը, եւ կորչի՛ ինքը. նրան չօգնե՛ նրա ստացւածքը եւ վաստակածը: Նա բոցավառ կրակի մէջն ընկնի՛, նրա կինն էլ փայտ շալակի՛ ու իրան վզումը մի չուան լինի՛ արմաւենու մանրաթելերից» (111:1-5): Կասկածից վեր է, որ իր պաշտպանից զրկվելը ունենալու էր ծանր հետևանքներ Ալլահի մարգարեի համար, ել ավելի բարդացնելով նրա վիճակը:

Սակայն չնայած իր խորը ատելությանը նոր կրոնի և նրա հետևորդների նկատմամբ, Աբու Լահարն այնուամենայնիվ չէր կարող անմիջապես Մուհամմադին հանձնել նրա թշնամինների ձեռքը, քանի որ դա կդիտվեր որպես արյան վրիժառության օրենքների կոպիտ ոտնահարում, որի համար հասարակությունը կարող էր նրան խստիվ դատապարտել: Ուստի նա որոշեց սպասել մի հարմար պահի, որպեսզի Մուհամմադի մի որեւէ անզգույշ արարք պատճառ բռնելով, նրանից հանի հաշխմյանների տոհմի պաշտպանությունը: Շուտով այդպիսի պատրվակ գտնվեց: Աբու

Զահիլի խորհրդով Աբու Լահաբը Սուհամմադին մեղադրեց «հաշիմյաների տոհմի պատիվը վիրավորելու» մեջ: Այդ ծանր մեղադրանքը հիմնավորելու նպատակով վկաների ներկայությամբ Սուհամմադին հարց տրվեց: Մահվանից հետո ո՞ւր է ընկնելու Աբու ալ-Սուլթալիբը, դրա խոտ, թե դժոխը: Դրան անսմիջապես հետևեց մարզարեի պատասխանը: «անկասկած դժոխը»: Հաշիմյանների տոհմի նահապետի հասցեին նման անարգանքը անմիջապես օգտագրծվեց Աբու Լահաբի կողմից: Առանց մեծ դժվարության նակարողացավ համոզել տոհմի ավագներին, որ Սուհամմադին վոնդէն տոհմի կազմից: Քաարայի պատերի մոտ, խուռներամբագրության ներկայությամբ հայտարարվեց այդ մասին և այդպիսով իսլամի մարզարեն դարձավ «խալի», այսինքն մի մարդ, որը ոչ ցեղ ունի և ոչ էլ տոհմ, որի հետ կարելի է վարվել ցանկացած ձեռվ. անպատիծ կերպով վիրավորել, ծեծի ենթարկել, կողոպտել և այլի: Բերդվինական օրենքներով, սակայն նման մարդուն սպանել ցանկալի չէր համարվում, քանի որ ուժի մեջ կմտներ արյան վրիժառության օրենքը:

Մերքայում ծայր առավ Սուհամմադի նկատմամբ անողոք ու դաժան հալածանք: Սոլեզնած ամբոխը նրա վրա շարտում էր քարեր, ցեսախառն կեղտ, նրա աղոթքի վայրերում լցնում էր կեղտաջրեր: Ավելի հանդուզն և մոլեռանդ մարդիկ սպանում էին սպանել նրան: Սուհամմադը հասկացավ, որ Մերքայում մնալը այլս անհնարին է: Ոչ որի ոչինչ չասելով, մեն-մենակ, 619 թ. հուլիսի 15-ին (շավկալ ամսի 26-ին) նա ճանապարհ ընկավ դեպի սարիփ ցեղին պատկանող Թայիֆ օսպիսը, որը գտնվում էր Մերքայից արևելք մոտավորապես երկու օրվա ճանապարհի վրա: Այդ հարուստ ու բարեքեր օազիսում Մերքայի հարուստներն ունեին հողային կալվածքներ: Նախկինում սարիփ ցեղի վերահսկողութ-

յան տակ էր գտնվել Եմենի և Պարսից ծոցի ափերի բնակչության միջն կատարվող ողջ առևտուրը: Սակայն կլանային պատերազմ-ներից մեկի հետևանքով կրելով պարտություն, այդ ցեղը ստիպված է եղել ամեն ինչ հանձնել կուրայշ ցեղի հսկողությանը: Այդ ժամանակներից սկսած, օազիսում առկա էր Մերքայի կուրայշիների թշնամի մի հավաքականություն, որը թեև բացահայտ կերպով չէր դրսեորում իր ատելությունը, սակայն ոխը պահում էր իր սրտում: Ենթադրվում է, որ տեղյակ լինելով այդ բոլորին, Մուհամմադը որոշել էր խաղալ այդ հակասությունների վրա և գերժամանակավորապես ապաստան գտնել Թայիֆում: Այստեղ նա բնակություն հաստատեց տեղական ազդեցիկ մարդկանցից մեկի՝ Աբդ Զալայլա իրն Ամրայի տանը: Մի քանի օր շարունակ նա գրուցում էր տանտիրոց և նրա եղբայրների հետ, փորձելով նրանց համոզել, որ իրենց մոտ ընդունեն իսլամն ընդունած համայնքի ներկայացուցիչներին: Անշուշտ մարգարեի ներկայությունը օազիսում զաղտնի էր, սակայն շուտով այդ լուրը տարածվեց: Կուրայշիների կողմանակից ամբոխը հավաքվեց իրն Ամրայի տան մոտ, նրանից պահանջելով վրնդել իր տոհմից ու ցեղից վտարված մարդուն: Մուհամմադը ստիպված էր հեռանալ հյուրընկալ տնից: Անեծքներ ու լուտանքներ թափելով և քարեր շարտելով կատաղած ամբոխը հալածեց մարգարեին մինչև Թայիֆի սահմանները: Մուհամմադը զգուշացավ մուտք գործել Մերքա և թարնվեց Հիրալեռան ծերպերում: Այդտեղից նա սկսեց բանակցել քաղաքի ազդեցիկ հեթանոսների հետ, որպեսզի նրանք հովանավորեն իրեն, մի քան, որ համարյա անհնարին էր: Սակայն միանգամայն անսպասելի կերպով Նաուֆալ տոհմի առաջնորդ ալ-Մութիմ իրն Աղին իր համաձայնությունը տվեց Մուհամմադին վերցնելու իր պաշտպանության տակ: Մինչև ատամները զինված իր ազգականների

հետ իրն-Աղին գնաց Քաաբա և մարդկանց ներկայությամբ հայտարարեց, որ Սուհամմաղը գտնվում է իր պաշտպանության տակ: Դրանից հետո միայն մարզարեն ալ-Մութիմ տոհմի պահակախմբի ուղեկցությամբ մուտք գործեց Մեքքա:

619 թ. ողջ երկրորդ կեսին Սուհամմաղը եռանդուն կերպով բանակցում էր քոչվոր-քեղվինների հետ, փորձելով նրանց համոզել, որ իրենց մոտ ընդունեն մուսուլմանական համայնքին: Սակայն ոչ մի ցեղ կամ տոհմ չցանկացավ նման քայլով վտանգավոր առճակատման մեջ մտնել Մեքքայի հետ: Բանակցությունները լրիվ անարդյունք չավարտվեցին, քանի որ այդ ընթացքում ոչ մեծ թվով քոչվորներ ընդունեցին իսլամը: Դա նշանակում էր, որ միաստվածության վրա հիմնված նոր կրոնը դուրս է գալիս Մեքքայի շրջանակներից: Այդ լուրք կայծակի արագությամբ տարածվեց անծայրածիր անապատում: Դրանից հետո Սուհամմաղը սկսեց իսլամը ներկայացնել ոչ թե որպես մեկ ցեղի՝ կուրայշիների կրոն, այլ որպես համայն արաբների դավանանք

Ինչպիսի՝ հունով էր ընթանում մարզարեի անձնական կյանքը իսլամի սկզբնավորման այդ նախնական շրջանում: Քանի դեռ Խաղիջան կենդանի էր, Սուհամմաղը որևէ մեկին կնության չեր վերցնում: Սակայն 619 թ. նրա մահվանից հետո մի քանի ամիս անց, նա ամուսնացավ Եթովպիայում քրիստոնեություն ընդունած մի հավատորաց մահմեդականի՝ Սավդեի (Սաուդա) հետ: Մեկ այլ վարկածով նրա ամուսինը մահացել էր Հաբեչստանում: Այդ կինը ոչ հարստության տեր էր, և ոչ կը ուներ հարուստ ազգականներ: Սակայն հայտնի էր իր հեզությամբ ու առաքինությամբ: Վերադառնալով Մեքքա, նա զուրկ էր ապրուստի նվազագույն միջոցներից: Ուստի Սուհամմաղի ամուսնությունը նրա հետ դիտվեց որպես գովեստի արժանի քայլ, մի տեսակ մահմե-

դականների համերաշխության ցուցադրում: Այդ քայլով մարզարեկի հեղինակությունը իպամական համայնքում էլ ավելի մեծացավ: Սակայն այդ ամուսնական դաշինքը երկար կյանք չունեցավ և մի քանի տարուց հետո Ալլահի մարզարեն առաջարկեց Սավդեկին ապահարզան տալ, խոստանալով նյութապես ապահովել նրան: Սակայն այդ կինը, հրաժարվելով ամեն տեսակի ամուսնական իրավունքներից, համոզեց նրան չհայտարարել ապահարզանի մասին: Ըստ երևույթին Սավդեն ցանկանում էր գեթ ձևականորեն մնալ որպես մարզարեի կողակից, կամ գուցե մտահոգված էր, որ ապահարզանը կարող է ազդել Սուհամմադի վարկի վրա:

Այս անգամ Սուհամմադը իրեն կնության վերցրեց Արու Բաքրի յոթնամյա աղջնակին, Այիշային, որը մինչ այդ նշանված էր իսլամն ընդունած իրն Սութիմի հետ: Աղջկա նշանադրությունը արագ քանդվեց և նոր փեսացուն սկսեց սպասել, թե անշափահաս իր հարսնացուն երբ կհասնի հասունության տարիքին, որն այդ ժամանակներում արարների մոտ տաս-տասնմեկ տարեկանն էր: Միջնադարյան Արաբիայում ամուսինների միջև տարիքային մեծ տարբերությունները չին համարվում արտասովոր ինչ որ բան: Երբ Այիշան դառնար տաս տարեկան, նա պետք է կնության գնար մի տղամարդու մոտ, որի հիսուն տարին արդեն լրացել էր:

Արու Բաքրը շատ ուրախ էր, որ ինքը ազգակցական կապի մեջ է մտնում Սուհամմադի հետ, մանավանդ որ իսլամին և նրա մարզարեին հավատարմորեն նվիրված այդ մարդուն դառնություն էր պատճառում այն հանգամանքը, որ ինքը և Սուհամմադը տարբեր տոհմերից են: Ուստի նա սկսեց մարզարեի համար պատրաստել արժանավոր կին, նրան տալով ժամանակի համեմատ լսվագույն կրթություն:

Այիշայի հետ ամուսնական դաշինք կնքելուց հետո շատ շանցած մարզարեի անձնական կյանքում տեղի ունեցավ նաև մեկ այլ կարևոր իրադարձություն: Նրա որդեգիր զավակ Ալին ամուսնացավ Մուհամմադի կրտսեր աղջկա՝ Ֆարիմայի հետ: Դա կրկնակի արյունակցական կապ էր, քանի որ Ալին մարզարեի հորեղբարորդին էր: Ալիի և Ֆարիմայի ամուսնությունից ծնվեցին Հասանը և Հուսեյինը, որոնք հետազայում հանդիսացան քսան շիական իմամներից առավել հարզարժանն ու պատվելին: Նրանց սերունդներից էին սերում մարզարեի ընտանիքի բազմաթիվ ներկայացուցիչներ՝ սեյիդներ և շարիֆներ:

ՄԱՐԳԱՐԵՒ ՀԻԶՐԱՆ

620 թ. ամունը Մերքայում տեղի ունեցած հերթական տոնավաճառի ժամանակ մեծ թվով ուխտավորներ էին ժամանել Քաաբայում գտնվող իրենց աստվածներին երկրպագելու և զոհ մատուցելու համար: Նրանց թվում կային նաև հազրաջ և առև ցեղերին պատկանող մարդիկ Յասրիք քաղաքից, որը գտնվում էր Մերքայից 350 կմ հյուսիս-արևմուտք ընկած մի խոշոր ու բարեբեր օազիսում: VI դ. կեսերին 55 քառ. կմ տարածք ունեցող այդ օազիսը ընկավ Հարավային Արաբիայից սերած քանու կայլա ցեղի տիրապետության տակ, որի երկու՝ առև և հազրաջ ճյուղերը մի քանի սերունդների կյանքի ընթացքում անընդհատ պատերազմում էին միմյանց դեմ:

Յասրիքի բնակչությունը կրոնական համոզմունքների առումով ևս միատարր չէր: Օազիսում բնակվող տարբեր ցեղերի պատկանող արաբները հեթանոս-կռապաշտներ էին, իսկ հրեաները դավանում էին հուղայականությունը:

Պատահեց այնպես, որ տոնավաճառում Մուհամմադը գրույցի բոնվեց նաև թվով վեց յասրիքիների հետ, նպատակ ունենալով հանձինս նրանց իր համար գտնել նոր հետևորդներ: Այդ գրույցի ժամանակ մարզարեն նրանց պատմում է նոր կրոնի մասին և առաջարկում հրամարվել հեթանոսությունից և «իրենց սիրտը բացել իսլամի առջև»: Մարզարեի ցանած սերմերը գտել էին պարարտ հոդ: Յասրիքիների վրա նախ ցնցող տպավորություն է գործում Մուհամմադի հոգեկան կորովը: Այնուհետև, նրանց շատ դուր էր եկել ումմայի՝ հավատացյալների ընկերակցության զաղափարը, որի մեջ երկապահություններն ու գժությունները

իբր տեղ շունեն: Իսկ յասրիբցիների համար միջցեղային ու միջկլանային երկպառակությունները ամենացավոտ հարցն եք: Բանը նրանումն է, որ տարիներ շարունակ առևս և հազրաջ ցեղերը բազմից փորձել էին բանակցությունների ճանապարհով լուծել իրենց հակասությունները և վերջ տալ փոխադարձ թշնամանքին, սակայն արդյունքի չէին հասնել: Ըստ երևույթին բոլորի համար պարզ էր դարձել, որ կարիք կա հեղինակավոր միջնորդի, որն ի վհճակի լինի կատարելու արդար դատաստան:

Հանդիպման ժամանակ նրանք պատմում են Մուհամմադին, որ իրենց քաղաքում նույն արմատներից սերած ցեղերը ոչ մի կերպ չեն կարողանում իրար հետ գտնել ընդհանուր լեզու, անընդհատ զժուվում ու պայքարում են միմյանց դեմ: Նոր կրոնի մասին Մուհամմադի պատմածներից նրանք հանգում են այն եղբակացության, որ եթե իրենց պառակտված ու միմյանց նկատմամբ խորը թշնամանքով տրամադրված ցեղերն ընդունեն մի միասնական ու ընդհանուր հավատք՝ իսլամը, միգուցե Ալլահը իր զքասրտությամբ միավորեր նրանց և վերջ տար նրանց թշնամանքին:

Յասրիբցիները անմիջապես կռահեցին, որ նոր կրոնը իրենց ձեռնտու է նաև հետևյալ առումով. նրանք Մեքքայի նկատմամբ տածում էին թշնամական տրամադրություններ: Դրա պատճառը մասամբ հինավորց ցեղային թշնամանքն էր, մասամբ էլ այն իրողությունը, որ բազմաթիվ յասրիբցի հողագործներ պարտքերի մեջ խճճված էին Մեքքայի վաշխառուների ու վաճառականների մոտ: Ուստի նկատի ունենալով, որ Մուհամմադը հանդիսանում էր Մեքքայի տոհմիկ ազնվականության թշնամի, յասրիբցիները նրան ընկալեցին որպես իրենց բնական դաշնակից: Բացի այդ, Յասրիբը ավելի շուտ հողագործական կենտրոն էր, քան

առևտրական, ուստի այդ օազիսի վրա հաճախակի կատարվում էին անապատային բեղվինների ասպատակություններ: Մի խոսքով ներքին հակասություններից ծվատվող և մշտական հարձակումների թիրախ դարձած այդ օազիսի բնակչության կյանքը գնալով դառնում էր անտանելի: Եվ բնակ պատահական չէ, որ նրանք իրենց երկրամասում խաղաղությունը վերականգնելու հույսերը կապեցին նոր կրոնի հետ: Այդ մարդիկ հույս ունեին, որ Սուհամմադը կօգնի իրենց քաղաքին ձեռք բերելու ոչ միայն քաղալի խաղաղություն, այլև կայունություն ու քարգավաճում:

Վերջապես առկա էր նաև հարցի զգացմունքային կողմը: Սուհամմադը Յասրիբի համար բոլորովին էլ օտար մարդ չէր, քանի որ նրա մեծ տատը՝ Աբդ ալ-Սութալիբի մայրը և նրա նախնիները ծնունդով Յասրիբի օազիսից էին:

Սարգարեի հետ գրույցի ավարտին յասրիցինները հայտարարում են, որ իրենք պատրաստ են անհապաղ ընդունելու իսլամը և վերադառնալով իրենց բնակավայրը կանեն ամեն հնարավորը, որ նոր կրոնն ընդունեն նաև իրենց համերկրացինները: Նրանք հավաստիացնում են նաև, որ եթե իրենց երազանքն իրականացվի և Ալլահը միավորի Յասրիբի պառակտված ժողովողին, ապա Սուհամմադը իրենց համար կդառնա ամբողջ աշխարհում ամենաթանկագին մարդը:

Վերադառնալով Յասրիբ, իսկապես այդ մարդիկ ծավալեցին հզոր քարոզչություն, իրենց համերկրացիններին համոզելով ընդունել իսլամը և դառնալ մարգարեի օգնականներ՝ անսարներ: 621 թ. Սեքքա ժամանեցին 12 յասրիցիններ, որոնք նպատակադրվել էին Սուհամմադի հետ վարելու լուրջ բանակցություններ: Հանրագումարում մի ամայի վայրում, Ակաբա կոչվող բլրի լանջին, 620 թ. տեղի ունեցած հանդիպման ժամանակ յասրիցինները

հանդիսավոր երդում տվին Սուհամմադին խլամն ընդունելու և Ալլահի բոլոր պատվիրանները կատարելու վերաբերյալ: Այդ իրադարձությունը ստացել է «Ակաբայի մոտ առաջին երդում» անվանումը: Այդ երդման մեջ դեռևս ոչ մի խոսք չկար զենքը ձեռքին մարգարեին և խլամը պաշտպանելու վերաբերյալ: Այդ հասկացությունը կյանքի կոչվեց ավելի ուշ: Ակաբայի մոտ երդման կարեռագույն խորհուրդն այն էր, որ Սուհամմադը փաստորեն կամավոր կերպով խօսում էր կապերը իր «ընտանիքի» տոհմի ու ցեղի հետ, դրանով իսկ հավաստելով, որ կլանի օրենքը հնացել է և որ կարենոր են ոչ թե արյունակցական կապերը, այլ միասնության կապեր՝ խարսխված ընդհանուր գաղափարի վրա: Ցեղի հասկացությունը պետք է իր տեղը զիջի համայնք՝ ումմա հասկացությանը:

Տասներկու նորադարձ մուսուլմանների հետ Սուհամմադը որպես հալատի ուսուցիչ Յասրիք ուղարկեց իր հեռավոր ազգական Մուսար իբն Ումայյային: Վերջինս հիանալի գլուխ բերեց իրեն վստահված հանձնարարությունը: Դրա արդյունքը եղավ այն, որ գործնականում Յասրիքի բոլոր տոհմերում արդեն կային խլամն ընդունածներ: Բացառություն կազմեց միայն Առու-Մանաթ տոհմը: Սակայն տեղական մուսուլմաններին առանձնապես դուր չեր գալիս, որ իրենց աղոթքները դեկապարում է դրսեկ մեկը: Ուստի որոշ ժամանակ անց Մուսարն իր լիազորությունները հանձնեց Ազադ իբն-Զուրաբին:

Յասրիքում գտնվելու օրերին Մուսարը Սուհամմադից ստացել էր նաև զաղտնի հրահանգ, որպեսզի նա այդ քաղաքում հող նախապատրաստի մուսուլմանական համայնքը Մերքայից այնտեղ տեղափոխելու համար: Իր հերթին Մերքայում մարգարեն ևս մուսուլմանական համայնքի անդամներին ներշնչում էր, որ ի-

թենք հետազա վտանգներից ազատվելու և զարգացում ձեռք բերելու համար պետք է լրեն իրենց քաղաքը: Սակայն բացի մի շարք այլ հանգամանքներից, այդ զաղափարի իրազործման դժվարությունը կայանում էր նաև նրանում, որ Մերքայում խլամն ընդունածների մեծ մասը զբաղվում էր առևտրով, մինչդեռ Յասրիբում, ի բացառյալ երկրագործության, գործնականում այլ զբաղմունք գոյություն չուներ: Դրան ավելացրած, Քաարան մուսուլմանների կողմից ընկալվում էր որպես աշխարհի կենտրոնի նման մի բան, որին լրելն ու հեռանալը թվում էր անկարելի: Հետևաբար Մուհամմադի առջև կանգնած դժվարին, բայց և առաջնահերթ խնդիրներից մեկն էլ այն էր, որ նա պետք է կարողանար համոզել իր հետեւրդներին, որ Քաարան լրելն ու հեռանալը անհրաժեշտություն է:

Եթք նշված հարցերի կապակցությամբ մարզարեն գտնվում էր խորք տվայտանքների մեջ, մի քանի ժամ տևած աղոթքից հետո քնի մեջ տեսավ մարզարեական մի երազ: Երազը տեսնելու այդ գիշերը մուսուլմանների կողմից ստացել է «Լեյյաթ աթ-միրաջ» («Համբարձման գիշեր») անվանումը: Պարզ չէ, թե դա հայտնություն էր, երազ, թե հոգեկան բնույթի մի երևույթ: Մարզարեն իրեն տեսավ Քաարայում քնած վիճակում: Արքնացնելով Զարրայիլը հրամայում է նրան դուրս գալ տաճարից: Կատարելով այդ հրամանը, Մուհամմադը նկատում է Բուրակին (բուրակ՝ արաբերեն բարակա բառից՝ «փայլել», «շողշողալ»), որը կիսով չափ ջորի էր և կիսով չափ սպիտակ գույնի ավանակ, մարդկային դեմքով և հսկայական թեշրով: Հրեշտակը Մուհամմադին նստեցնում է Բուրակի մեջքին և շուտով նրանք հայտնվում են Երուսաղեմի տաճարում (ալ-մասջիդ ալ-Աքսա), որտեղ նրանց սպասում էին մարզարեներ Աբրահամը (Իբրահիմը), Մովսեսը (Մուսան), Քրիստոսը

(Բասն) և այլ մարզարեներ: Մարզարեների համատեղ աղոթքից հետո Մուհամմադին մատուցում են ջրով, կաթով, զինիով լի երեք գավաթներ: Մուհամմադն ընտրում է կաթով լի զավաթը: Տեսնելով այդ, Զաբրայիլը բացականչում է. «Հիրավի, դու ճիշտ ճանապարհի վրա ես՝ դու և քո ժողովուրդը: Գինին արգելվում է ձեզ համար»: Դրանից հետո Երուսաղեմի տաճարի դրան մոտ եղած աստիճաններով Մուհամմադը բարձրանում է յոթերորդ երկինք: Ճանապարհին, առաջին երկնքում նրան ողջունում է արաբների նախահայր Իսմայիլ մարզարեն: Աստիճանաբար անցնելով բոլոր յոթ երկինքները, վերջին երկնքում Մուհամմադը նկատում է մի հիանալի գահի վրա բազմած Իբրահիմին: Վերջինս նրան ուղեկցում է դեպի դրախտ և հանկարծ Մուհամմադը հայտնվում է Ալլահի հայացքի առջև: Նա հրամայում է Մուհամմադին, որ նրա հոտը օրական հիսուն անգամ պետք է աղոթի: Սակայն Իսա մարզարեի (Հիսուս Քրիստոսի) ներկայությամբ տեղի ունեցած տևական բանակցություններից հետո աղոթքների թիվը իշեցվում է մինչև հինգի: Այդ բոլորից հետո Մուհամմադը աստիճաններով իշնում է հետ, դեպի Երուսաղեմի տաճար, որտեղից նա տարվում է Մեքրքա: Հետազայում VII և VIII դարերի սահմանազդին խալիֆ Աբդ ալ-Մալիքի օրոք այդ նույն վայրում կառուցվել է մուսուլմանական տաճարային մի համալիր Հարամ աշ-շարիֆ անունով, ինչպես նաև ալ-Աքսա մզկիթը, որը հանդիսանում է մուսուլմանական կարևորագույն սրբավայրերից մեկը:

Այդ գիշերը տեղի ունեցած հայտնության արդյունքը հանդիսացավ մուսուլմանական աղոթքի կանոնների սահմանումը:

Ճանապարհորդությունը տևել է վայրկյանների ընթացքում: Պատմվում է, որ իբր Զաբրայիլը կուժը ձեռքից զցել էր քնած Մուհամմադի անկողնու մոտ և երբ վերջինս վերադարձավ իր երկնա-

յին ճանապարհորդությունից, հասցրեց բռնել ընկնող կուժը և նրանից ոչ մի կաթիլ ջուր չքափվեց:

Մուհամմադի երազի և նրա միստիկական հայտնության լուրջ վայրկյանապես տարածվեց Մեքքայում, առաջ բերելով ոչ միայն կրապաշտ-հեթանոսների ծաղրը, այլև նվիրյալ մուսուլմանների: Նույնիսկ Մուհամմադի հավատարիմ զինակիցը՝ Աքու Բաքրը, ինչ որ մեկից լսելով այդ պատմությունը, բացականչել է, թե մարգարեն չէր կարող նման բան պատմել, դա զրապարտություն է: Բայց տեղեկանալով, որ դա ճշմարիտ է, Աքու Բաքրը փոխել է իր տեսակետն ասելով, որ «ինչ որ նա ասել է, ուրեմն եղել է»: Ավելին, նա դառնում է մարգարեի երկնային ճանապարհորդության ճշմարտացիության շերմեռանդ պաշտպան, որի համար Մուհամմադի կողմից արժանացել է «Սիդդիկ», այսինքն «ճշմարտացիության վկա» անվանակոչմանը:

Խորհրդավոր ճանապարհորդությունից հետո Մուհամմադը փոխեց դիբլան, այսինքն աղորդի ուղղությունը: Այսուհետև աղորդելիս մուսուլմանները դեմքով պետք է շրջվեին ոչ թե դեպի Քաաքայի կողմը, այլ դեպի Երուսաղեմ:

622 թ. սկզբին ուխտագնացության համար կրկին Մեքքա ժամանեցին մի խումբ հեթանոս և խլամն ընդունած յասրիցիներ: Մուսուլմանների թիվը 75 մարդ էր, որը վկայում էր այն մասին, որ Յասրիբում խլամն ընդունողների թիվը, ի տարբերություն Մեքքայի, արագորեն աճում է: Ըստ երևույթին, այդ իրողությունը մեկ անգամ ևս զալիս էր համոզելու Մուհամմադին, որ անհրաժեշտ է Մեքքայից տեղափոխվել Յասրի: Իրենց հերթին յասրիցիները համոզում էին մարգարեին հեռանալ Մեքքայից և տեղափոխվել իրենց քաղաքը, որտեղ նրա նկատմամբ կցուցաբերվի

հարգալից ու պատվավոր ընդունելություն և նրան կճանաչեն որպես առաջնորդ ու դատավոր:

Ուխտագնաց մուսուլմանների Մեքքա ժամանելու հենց առաջին օրվա զիշերը Ակաբա բլրի անմարդաբնակ ու վայրի խորը ձորակում յասրիցի 75 ուխտավորներ՝ 73-ը տղամարդ և 2 կին բանակցություններ սկսեցին Սուհամմադի հետ:

Ալլահի մարգարեն յասրիցիներին ասում է, որ ինքը նրանց հետ պայմանագիր կկնքի այն պայմանով, որ նրանք իրեն կպաշտպանեն ճիշտ այնպես, ինչպես պաշտպանում են իրենց կանանց ու երեխաներին: Յասրիցիները միահամուր համաձայն վում են կատարել մարգարեի այդ, և առհասարակ բոլոր պահանջները: Հենց այդտեղ նրանք Սուհամմադին հայտարարում են մուսուլմանական համայնքի՝ ումմայի առաջնորդ և «շարիաթի ուսուցիչ» և հավատարմության երդում են տալիս նրան: Կողմերի միջև կնքում է պայմանագիր առ այն, որ ինչպես ինքը՝ Սուհամմադը, այնպես էլ Մեքքայի մահմեդական համայնքի անդամները ցանկության դեպքում կարող են տեղափոխվել Յասրիք, որտեղ նրանք կարող են բնակություն հաստատել առանձին համայնքի իրավունքով: Պայմանագրում խոսվում էր զենքի ուժով իսլամը պաշտպանելու անհրաժեշտության մասին, ուստի և այդ պայմանագիրը ստացավ Ակաբայի մոտ երկրորդ երդում կամ «պատերազմի երդում» անվանումը: Որոշ իսլամագետներ գտնում են, որ այդ պայմանագիրը վավերացվել է արյամբ:

Թեև բանակցություններն ընթանում էին բացարձակ զաղտնիության պայմաններում, սակայն այդ մասին կուրայշ ցեղի ավագանու լրտեսը, որին հանձնարարված էր ամեն բայլափոխում հետևել Սուհամմադին, տեղեկացավ և հայտնեց իր զիլավորներին: Սակայն այդ ավագանուն այդպես էլ չհաջողվեց պարզել, թե

կողմերի միջև կնքված պայմանագրում ինչի մասին է խոսքը գնում: Նույնիսկ ոչինչ չտվեց հափշտակված յասրիցու հարցարն-նությունը:

Մինչեո, Մոլհամմադը սկսեց պատրաստվել հիջրայի, այսինքն տեղափոխման համար, ձգտելով Յասրիբում ստեղծել միասնական ժողովուրդ՝ մարզարեի և աստծո պատգամաբերի ումմա: Անկասկած մարզարեի կողմից այդ վճռի ընդունման պատճառն այն էր, որ իր հարազատ քաղաքում տարիներ շարունակ վարած քարոզությունը անհաջողության էր մատնվել: Մերքայի սահմաններից դուրս նոր կրոնի հետևորդների որոնումները հենց պատճառ հանդիսացան, որ նա համաձայնության գա յասրիցիների հետ:

Փաստորեն Ակաբայում տեղի ունեցած իրադարձությունը շրջադարձային նշանակություն էր ունենալու խլամական համայնքի համար: Դա նաև նշանակում էր, որ մարզարեն կամավոր կերպով խզում է իր կապերը սեփական տոհմի հետ, դրանով իսկ հաստատելով, որ տոհմական օրենքները հնացել են և որ կարևոր են ոչ թե արյունակցական կապերը, այլ ընդհանուր գաղափարի վրա խարսխված միասնությունը: Այլ կերպ ասած, ցեղային պատկանելություն հասկացությունը պետք է իր տեղը զիջեր համայնք ումմա հասկացությանը:

Մարզարեի հորդորով սկսվեց Մեքքայից մուտքմանների հիջրան, այսինքն տեղափոխումը Յասրիք: Արդեն մինչև Ակաբայի մոտ երկրորդ երդումը որոշ թվով մահմեղականներ տեղափոխվել էին այդ քաղաքը: Տեղափոխվածներին անվանեցին մուհաջիրներ (բառացի նշանակում է «տեղափոխված»): Առաջին տեղափոխվածների խմբում էր նաև Մոլհամմադի մերձավորագրուն զինակիցներից մեկը՝ Օմարը: Այդ ժամանակ Մեքքայում կար ընդամե-

նը 150 մուսուլման, չհաշված Եթովպիա տեղափոխվածներին և իսլամն ընդունած ստրուկներին։ Ուստի փոքր խմբերով նրանց կազմակերպված տեղափոխությունը Յասրիբ, մեծ դժվարությունների հետ կապված չէր։

Ինքը՝ մարզարեն, որոշեց Միառժամանակ մնալ Մերքայում, որպեսզի առաջ չբերի ավելորդ կասկածներ։ Մուհամմադն անշուշտ գիտակցում էր, որ Արու Թալիբի մահվանից հետո ավելի մեծ համարձակություն ձեռք բերած կուրայշիները հանգիստ կարող էին հարձակվել իր վրա և նույնիսկ սպանել իրեն։ Նա եկել էր այն հաստատ համոզմանը, որ Մերքայում մնալու դեպքում վաղ թե ուշ դա տեղի կունենա։ Իրողություն էր նաև այն, որ մուսուլմանների հեռանալը Մերքայից այնքան էլ չէր մտահոգում կուրայշ ցեղի իշխանական վերնախավին, առավել ես, որ գոյություն ուներ մուսուլմանների տեղափոխման նախադեպը դեպի Եթովպիա, որտեղից նրանք չկարողացան որևէ վնաս պատճառել իրենց։ Նրանց հիմնական մտահոգության առարկան ինքը՝ Մուհամմադն էր։ Նրա հեռանալը Մերքայից ձեռնտու չէր իրենց նախ այն պատճառով, որ դրա անխուսափելի հետևանքը կլիներ նոր հավաքականությունների կողմից իսլամի ընդունումը և ապա, Մերքայում Մուհամմադի մնալու դեպքում իրենք գոնե կլարողանային վերահսկել նրա բոլոր գործողությունները։ Վերջապես Մերքայից դուրս մուսուլմանական համայնքի կենտրոնացումը և նրա աստիճանական հզորացումը անխուսափելիորեն տեղիք կտար այդ երկու ուժային կենտրոնների միջև խորը առճակատման, որն ի վերջո կարող էր հանգեցնել զինված դիմակայության։ Այլ կերպ ասած, բոլորը գիտակցում էին, որ այդ բոլորի վերջը պատերազմն է։

Որոշվեց Մեքքայում գումարել արտակարգ ժողով՝ որին վճիռ կայացնելու համար: Ժողովում այն հարցադրմանը, թե ինչպես վարվել Մուհամմադի հետ, տրվեցին ծայրահեղ կոշտ ու կտրուկ պատասխաններ: Ինչ որ մեկն առաջարկեց ձերբակալել նրան և ձեռքբերն ու ոտքերը շղթայակապ քողնել մի ինչ որ անմարդաբնակ տեղ, որ տանջալից մահով մահանա: Սակայն այդ առաջարկը չընդունվեց, որովհետև մտահոգություն հայտնեցին, որ եթե Մուհամմադի մարդիկ գտնեն նրան և ազատեն իրենց մարզարեին, դա կնշանակի ոչ թե պատերազմի առիթ, այլ ուղղակի պատերազմ: Մեկ ուրիշն առաջարկեց նրան վիճել քաղաքից, որպեսզի գնա ուր ուզում է: Սակայն այդ առաջարկությունը ևս հավանության չարժանացավ այն հիմնավորմամբ, որ եթե նա վտարվի, ի՞նչ երաշխիք կա, որ նա կհանգստանա: Առաջարկությամբ հանդես եկավ նաև Աբու Զահելը: Նա հայտարարեց, որ Մուհամմադից ազատվելու միակ միջոցը նրան սպանելն է: Տեսական վիճաբանությունից հետո այդ առաջարկն ընդունվեց: Արյան վրիժառությունից խուսափելու համար Մեքքայի յոթ տարբեր տոհմերից ընտրվեցին յոթ երիտասարդներ, որոնք գիշերով մտնելով Մուհամմադի տունը պետք է միաժամանակ իրենց սրերը միսրածեին նրա մարմնի մեջ: Այդ դեպքում դժվար կլիներ ասել, թե տոհմերից որ մեկի վրա կընկներ նրա արյունը, ուստի արյան վրիժառության մասին չէր կարող խոսք լինել: Իսկ Մուհամմադի արյան գինը ժողովին ներկա տոհմերի ավագները որոշեցին վճարել համատեղ կերպով: Գաղափարն արժանացավ համընդհանուր հավանության:

Դավադրության նախօրյակին Մուհամմադն, ավանդության համաձայն, ունենում է հայտնություն: Նրա մոտ է զայս Զիբրայիլ (Զիբրիլ) հրեշտակը և խորհուրդ տալիս չգիշերել սովորական

վայրում: Բոլոր դեպքերում հրեշտակի թե իր կողմնակիցների կողմից դավադրության մասին նախազգուշացված մարգարեն Աբու Բաքրի հետ միասին հեռանում է Մեքքայից: Ընդ որում, դրսերելով զգուշություն ու խոհեմություն, նրանք շարժվում են ոչ թե դեպի Յասրիք, որի ճանապարհին մարդասպանները կարող են հասնել իրենց և իրենց գործն անել, այլ մեկնում են հակառակ ուղղությամբ, դեպի հարավ Եմեն տանող ճանապարհով, թարնվելով Սաուր լեռան փեշերին գտնվող քարանձավի մեջ: Մուսուլմանական ավանդության համաձայն, Ալլահը մի սարդ է ուղարկում քարանձավի մուտքը սարդոստայնով հյուսելու համար, որպեսզի հետապնդողները չխուզարկեն քարանձավը:

Իրենց մտահղացման մեջ ձախողված ու զայրացած կուրայշիները Մուհամմադի գլխի համար խոստանում են պարզ հարյուր ուղտի չափով: Այդ ժամանակներում դա առասպելական թիվ էր: Համեմատության համար նշենք, որ այդ նույն ժամանակ սպանված մարդու արյան գինը ընդամենը 20 ուղտի արժեք ուներ:

Փախստականները անորսալի էին, քանի որ Աբու Բաքրի աղջիկը՝ Ասման և որդին՝ Աբդալլահը ժամանակին նրանց տեղեկացնում էին թշնամիների մտադրությունների և գործողությունների մասին: Ընդ որում, լինելով հեթանոսներ, նրանք իրենց այդ գործողությունների վերաբերյալ կուրայշ ցեղի ավագանու մոտ կասկածներ չեին հարուցում:

Երբ երեք օրից հետո որոնումները թուլացան, շրջանցելով քարավանային ճանապարհը, Կարմիր ծովի ափով Մուհամմադը և Աբու Բաքրը ուղղություն վերցրին դեպի Յասրիք: 622 թ. սեպտեմբերի 24-ին նրանք հասնում են օազիսի հարավային ծայրամասում գտնվող Կուրա կոչված վայրը: Այնտեղ չորս օր անցկացնելուց հետո հիգերորդ օրն իրեն ուղեկցող հավատակիցների հետ

մարգարեն մեկնում է Յասրիք, որտեղ նրան ողջունում են որպես Ալլահի մարգարե: Մուսուլմանների և մարգարեի տեղափոխությունը Մեքքայից Յասրիք ստացել է «հիջրա» (տեղափոխում) անվանումը: Հիջրան դա իսլամի պատմության մեջ դարակազմիկ իրադարձություն էր: Նրա սկզբ է համարվում 622 թ. հուլիսի 16-ը: Տասնյոթ տարի անց խալիֆ Օմարի օրոք (637 կամ 639 թթ.), հենց այդ օրը դարձավ մուսուլմանական օրացույցի առաջին օրը:

Այսպիսով, մարգարեի տառապանքների շրջանն ավարտվեց: Նրա Յասրիք ժամանումից հետո քաղաքը ստացավ նոր անվանում՝ Մաղինաք ան-Նարի (մարգարեի քաղաք), որը կրճատ հնչում էր որպես ալ-Մաղինա, Մեղինա: Իսկ այն մուսուլմանները, որոնք հետեւելով մարգարեի օրինակին Մեքքայից տեղափոխվեցին Մաղինա, կոչվեցին «մուհաջիրներ» («հիջրա կատարածներ», «տեղափոխվածներ»): Մաղինայում իսլամն ընդունած բնակիչները անվանվեցին «անսարներ» (արաբ. «անսար», եզակի թիվ «նասիր», այսինքն օգնական):

Հիջրան վճռական դեր խաղաց իսլամի ձևավորման ու տարածման գործում, տոհմական կապերի խզումը մահմեդական համայնքը դուրս բերեց մեկ առանձին ցեղի նեղ շրջանակներից, պայմաններ ստեղծելով պետության ստեղծման համար:

Մաղինայում Մուհամմադի առաջնահերթ խնդիրն էր իր շուրջը համախմբել այլազան տարրերին, լինեին դրանք մուսուլմաններ, հեթանոսներ, հուդայականներ թե քրիստոնյաներ: Դա բավականին բարդ խնդիր էր, քանի որ Մաղինայի օսպիտում միջցեղային լարվածությունը շարունակվում էր: Սակայն դրանով հանդերձ, Մաղինայում Մուհամմադը և նրա կողմնակիցները գտան իսլամը տարածելու ավելի բարենպաստ պայմաններ: Նախ Մաղինայի բնակչության մեջ մեծ թիվ էին կազմում այն մարդիկ,

որոնք անբարյացակամորեն էին վերաբերվում Մերքայի ազնվականության նկատմամբ: Բացի այդ, Մուհամմադի մայրը՝ Ամինան ծնվել էր Մաղինայում, հետևաբար կարելի է ենթադրել, որ այդ քաղաքում մարգարեն ուներ նաև ազգականներ, որոնք նեցուկ էին հանդիսանում նրան: Մաղինայում Մուհամմադին հարեցին նաև հանիֆները, որոնք իրենց կրոնական համոզմունքների պատճառով վտարված էին Մերքայից: Այսպիսով Մաղինայում աստիճանաբար Մուհամմադի կողմնակիցների թիվը սկսեց աճել: Դրան նպաստում էր նաև այն, որ մարգարեի կողմից միասնական աստծոն և «Ճշմարիտ հավատի» ընդունման քարոզը միմյանց նկատմամբ թշնամաբար տրամադրված ցեղերի կողմից ընկալվում էր իբրև խաղաղություն հաստատելու կոչ:

Մաղինայում Մուհամմադը երկու որք տղաներից գնեց մի հողակտոր և նրա վրա կառուցեց աշխարհի առաջին աղոթավայր-մզկիթը («մասշիդ»), որն ի պատիվ Ալլահի մարգարեի կոչվեց «մարգարեի մզկիթ» («մասշիդ ան-նարի»): Ուշագրավ է նշել, որ այդ «երկրպագության վայրում» աղոթում էին դեմքները դարձնելով ոչ թե Երուսաղեմի կողմը, որը գտնվում էր հյուսիսում, այլ դեպի արևելք: Այդ մզկիթը ոչ միայն աղոթատուն էր, այլև հասրակական ժողովների վայր, ընդունելությունների տուն և այլն: Որոշվեցին ամենօրյա աղոթքների ժամերը: Իմամի, այսինքն աղոթքը դեկավարողի (աղոթարարի) պարտականությունը կատարում էր ինքը՝ Մուհամմադը, Աբու Բաքրը կամ Օմարը: Նշանակվեց նաև առաջին մուեզզինը, որը դարձավ նախկին ստրուկ, եթովպացի Բիլալը: Նրա պարտականությունն էր ազան կանչել, այսինքն հավատացյալներին իրավիրել աղոթքի: Սահմանվեցին նաև ծիսական լվացումների և պահրի կանոնները:

Շուտով Յասրիբի կենտրոնում սկսվեց հիմնական մզկիթի շինարարությունը, որի շուրջը սկսեցին կառուցել նաև մուսուլմանների տները: Սուհամմադը մյուսներին հավասար մասնակցում էր շինարարությանը: Մի քանի ամսից հետո մզկիթի շինարարությունն ավարտվեց և 623 թ. նրան կից կառուցվեց նաև մի կավաշեն տուն Սուհամմադի համար: Հենց այդ տանն էլ նշվեց նրա հարսանիքը տասնամյա Այիշայի հետ: Վերջնս հարս եկավ Սուհամմադի տունը, իր հետ բերելով իր խաղալիքները, այդ թվում նաև փայտե մի ձի, որը նա անվանում էր Սուլեյմանի ձի: Այիշան դարձավ մարզարեի սիրեցյալ կինը: Նրանց միջև եղած սերն ու ջերմ հարաբերությունները պահպանվեցին մինչև իրենց կյանքի վերջը: Մի անգամ Այիշայի այն հարցին, թե ինքը նրա համար արդյոք փոխարինել է Խաղիջային, Սուհամմադը պատասխանել է, որ Խաղիջային փոխարինելը անհնար է:

Սուհամմադի հարսանիքից քիչ անց կատարվեց նաև Ալիի և Ֆաթիմայի հարսանիքը: Յասրիբում մուսուլմաններն աւորում էին շատ աղքատ: Ինքը՝ Սուհամմադը, դառնալով քաղաք-պետության կառավարիչ և ձեռք բերելով հսկայական իշխանություն, շարունակում էր ապրել կավաշեն խրճիթում համեստ կենցաղով: Նա ազատորեն շփվում էր մարդկանց հետ, մեծագույն հարգանքով էր վերաբերվում տարիքավոր ու արժանավոր մարդկանց նկատմամբ: Նա մի առիթով ասել է. «Ես մեծ հարգանք ունեմ քաղաքավարի և բարեկիրք մարդկանց նկատմամբ և խորապես ատում եմ տխուր ու շատախոս մարդկանց»: Ավանդությունը պատմում է, որ մարզարեն իր առօրյա հարաբերություններում երբեք իրեն բարձր չէր դասում հասարակ մահկանացուներից, միշտ պատրաստակամ էր օգնել չունենորներին, որքերին և առհասարակ օգնության կարոտ մարդկանց:

Յասրիբում երբեմնի մեծահարուստ Աբու Բաքրը ևս դարձել էր համարյա հետին աղքատ: Նա իր ունեցվածքը ծախսել էր իսկա- մական համայնքին նյութապես աջակցելու և հեթանոսներից մու- սուլման-ստրուկներին հետ գնելու վրա, որոնց այնուհետև ազա- տություն պարզեցված թույլատրում էր, որ գնան ուր ցանկանում էն:

Մուսուլմանների վիճակը գերբնակեցված օազիսում դժվա- րանում էր նրանով, որ նրանց տրամադրության տակ բավարար չափով մշակելի հողեր չկային, բացի այն հողերից, որոնք նրանք սեփական միջոցներով գնել էին: Առևտուրը ևս, որ այդ վայրերում թույլ էր զարգացած, գտնվում էր ուժեղների ձեռքերում: Մարզա- րեի որդեգիր զավակ Ալին, օրինակ, իր ապրուստը հոգում էր նրանով, որ ջրհորից ջուր էր կրում աղյուս պատրաստելու հա- մար: Յուրաքանչյուր փայտյա դրույլի համար ստանալով մեկ ար- մավ, ամբողջ օրվա ընթացքում նա վաստակում էր ընդամենը 16 հատ պտուղ, որը նա կիսում էր Մուհամմադի հետ: Դա նրանց ամբողջ օրվա սննդի շափաբաժնն էր:

Շուտով Ֆաթիման Ալիին պարզեց երկու զավակներ՝ Հա- սանին և Հուսեյնին: Իսկ Մուհամմադը Մադինայում շարունա- կում էր իր քարոզները, միաժամանակ եռանդուն աշխատանքներ տանելով քաղաքում իշխանությունը զավթելու համար: Հայտ- նություններից մեկի ժամանակ նրան ասված էր, որ կրոնը առանց իշխանության չի կարող գոյություն ունենալ և եթե Ալլահը մարդ- կանց մի խմբին չզսպեր մյուսների միջոցով, ապա և՝ տաճարները, և՝ սինազո՞նները և՝ մզկիթները կրանդվեին ու կավերվեին: Միա- ժամանակ մարզարեն ցասումնալից ուղերձներ էր հղում Մեքքայի հեթանոսներին: Մադինացիները, որոնք հանձինս Մեքքայի տես-

նում էին իրենց մշտական մրցակցին, համախմբվեցին մարզարեի շուրջը:

Շուտով Մադինա սկսեցին տեղափոխվել նաև այն մուսուլմաններից շատերը, որոնք մինչ այդ ապրում էին Եթովպիայում: Ուշագրավ է նշել, որ Մերքայից ոչ բոլոր մահմեդականներն էին, որոնք տեղափոխվեցին Մադինա: Դրա պատճառը ըստ երևոյթին կայանում էր նրանում, որ ոմանք չցանկացան ենթարկվել Սուհամմադի հրամաններին, իսկ ոմանց պարզապես արգելեցին կուրայշիները: Ընդամենը Մադինայում հավաքվեց մի քանի հարյուր իսլամն ընդունած մարդ, որոնցից մոտ հարյուր տղամարդ պատրաստ էր «իր ձեռքը վերցնել նիզակը»:

Համայնքը շարունակում էր նաև մահմեդական-ստրուկների հետզնումը: Օրինակ, հայտնի է, որ հետզնվածների թվում էր նաև Սալման Պարսիկ (Սալման ալ-Ֆարիսի) անունով մի ստրուկ, որը որոշել էր ընդունել իսլամը: Եթի նրա տիրոջը բերեցին ազատություն պարզելու համար պահանջված գումարը, նա հրաժարվեց ազատ արձակել իր ստրուկին, ասելով, որ եթե նա մինչև վերջ չկատարի իրեն հանձնարարված գործը, հողը չփորի և չտնկի փյունիկյան արմավենիների տնկիների պահանջված քանակը, ազատություն չի տեսնի: Ողջ մուսուլմանական համայնքը վերցրեց քահերը և մի քանի օրվա ընթացքում աշխատանքը հասավ իր ավարտին: Իսկ Սալմանը դառնալով ազատ մարդ և ընդունելով իսլամը, մինչև իր կյանքի վերջը մնաց Սուհամմադին նվիրված ընկեր ու զինակից:

Ընդհանրապես իսլամը Մադինայում ընդունում էին հեշտությամբ: Այստեղ չկային այն հալածանքները, որոնք ուժգին թափով ծավալվում էին Մերքայում և իսլամը ոչ այնքան կրոն էր, որքան «քաղաքական շարժում», որը կոչված էր միավորել ու հա-

մախմբել յասրիբցիներին: Եթե Մեքքայում մուսուլման էին դառնում «մանր ու աննշան մարդիկ», ապա այստեղ նոր կրոն ընդունում էին բոլորը՝ աղքատներից մինչև հարուստները: Դրանով հանդերձ, օազիսում մի քանի ցեղեր այդպես էլ չընդունեցին իսլամը, մնալով հեթանոսներ: Առայժմ դա մտահոգություն չեր պատճառում մարզարեին, մանավանդ որ Յասրիք մտնելու հենց առաջին օրը նա հայտարարել էր, որ «հավատի մեջ հարկադրանք չկա»:

Մադինա տեղափոխվելուց հետո Մուհամմադի առջև սկզբնական շրջանում հառնեցին նաև մի շարք այլ կարգի դժվարություններ: Չնայած նրա ժողովրդականությանը, ամբողջ իշխանությունը դեռևս գտնվում էր տեղական համայնքների առաջնորդների ձեռքերում: Բացի այդ, ինչպես նշվել է, մարզարեի կողմանակիցների թիվը այնքան էլ մեծ չեր: Ամենափոքր անզգուշությունն անզամ կարող էր հանգեցնել տեղական ցեղերի հետ պայմանավորվածության խախտմանը: Ուստի մարզարեն դրսնում էր վերին աստիճանի զգուշություն, ամեն կերպ աշխատելով բարյացակամ հարաբերություններ հաստատել մուհաջիրների և տեղական բնակչության միջև: Մադինայում իր առաջին հանրային աղոթքի ժամանակ Մուհամմադը մադինացիներին դիմում է կոչով՝ միմյանց հետ հարաբերությունները կառուցել եղբայրության ու բարեկամության հիմքի վրա:

Մադինայում մուսուլմանական կրոնական համայնքում, որ բաղկացած էր մեքքացի մուհաջիրներից ու իսլամն ընդունած մարինացիներից՝ անսարներից, արյունակցական կապի վրա հիմնված բոլոր տեսակի կապերը մերժվում էին հետևյալ սկզբունքով՝ «իսլամի մեջ բոլոր մարդիկ եղբայրներ են»: Իհարկե, բոլոր մահմեդականների եղբայրության գաղափարը ոչ մի կերպ չեր

նշանակում իրական սոցիալական հավասարություն: Մարզարեի քարոզներում ևս սոցիալական հավասարության մասին կոչերը խսպառ բացակայում էին: Սակայն մահմեղականների «հավասարության» իսլամական գաղափարը անկախ ծագումից և տոհմացեղային պատկանելությունից, կարևոր նախապայման էր սկզբում Մադինայի արաբների, իսկ ապա նաև բոլոր արաբների քաղաքական միավորման համար: Կասկածից վեր է, որ կրոնական ընդհանրության գաղափարը նպաստելու էր ցեղային տարանջատվածության և ցեղային անջատողականության հաղթահարմանը:

Անվարան կարելի է ասել, որ Մադինայում դրվեցին համարաբական իսլամական պետության հիմքերը և Յասրիի օազիսի քաղաքական միավորումը հանդիսացավ այդ պետության սահմը: Իսլամն այժմ ոչ միայն կրոնական հոսանք էր, այլև վերածվել էր քաղաքական գործոնի:

Սակայն մարզարեի համար ամեն ինչ չէր, որ հեշտ հունով էր ընթանում: Թեև Մադինայում զգալի թիվ էին կազմում Մուհամմադին անվերապահորեն նվիրված նորադարձ մահմեղականները («մու'մինան») և «սովորական» մահմեղականները («մուսլիման»), սակայն այնտեղ ձևավորվել էր անսարների մի կուսակցություն իրն Ուրայի զիսավորությամբ, որի հետևորդները արտաքուստ ընդունելով իսլամը, զադոնաբար գործում էին մարզարեի դեմ և ձգտում էին ներսից քայրայել մահմեղական համայնքը, կամ պարզապես դեռ տատանվում էին և համայնքի գործերին ակտիվ մասնակցություն չեին ցուցաբերում: Այլ կերպ ասած, Մադինայում պայքարն ընթանում էր ոչ թե արտաքին, այլ ներքին ճակատում: Մուհամմադին այդ մարդկանց անվանում էր մունաֆիքուն («երկերեսանիներ», «անվճռական», «տատանվող»):

Դրանք հիմնականում խլամն ընդունած տեղական ազնվականության ներկայացուցիչներ էին, որոնք փորձում էին իրենց ձեռքից բաց շքողնել իշխանությունը: Մինչդեռ Մուհամմադը պնդում էր, որ որոշումներ կայացնողը պետք է լինի միայն ինքը: Կողմերի միջև գործը չեր հասնում ուղղակի առաջարկատման ու ընդհարումների, թեև մի քանի առավել մոլեոնանդ երիտասարդ մահմեդականներ, որոնք դասվում էին «հավատարիմների» շարքը, «երկերեսանիների» մորուքներից քաշելով նրանց դուրս էին հանում մզկիթից, թույլ չտալով, որ աղոթեն: Վերջիններս ստիպված եղան կառուցել իրենց սեփական՝ ալ-Դիրաք մզկիթը, որը Մուհամմադն անվանեց «պիղծ»: Սակայն դա չխանգարեց, որ այդ մզկիթը տարիներ շարունակ մնա կանգուն: Այս տիաճ պատմությունը Մուհամմադին բերեց այն համոզման, որ թերևս խլամը կարող է գոյություն ունենալ նաև առանց մարզարեի: Առկա էր նաև մեկ այլ մտահոգիչ խնդիր: Մադինայում Մուհամմադի իշխանության աստիճանական ամրապնդումը ուղեկցվում էր նրա դեմ տեղի հրեաների թշնամական տրամադրությունների ուժեղացմամբ:

Սկզբնական շրջանում քրիստոնյաներին և հուդայականներին համարելով «Գրքի մարդիկ» («ահլ ալ-քիթար», «Մուրք Գիրք ունեցող ժողովուրդ»), Մուհամմադն աշխատում էր նրանց ներգործավել իր կողմը: Ըստ էության «Գրքի մարդկանց» գաղափարը նրա կողմից առաջ էր քաշվել զուտ գործնական նպատակներով: Ըստ երևույթին նա հույս է ունեցել նաև, որ հանձինս իրեն քրիստոնյաներն ու հուդայականները կճանաչեն աստծո մարզարեին: Սակայն նրա այդ ձգտումները ոչ միայն արձագանք չզտան հրեաների մոտ, այլև արժանացան թշնամական վերաբերմունքի: Դա պայմանավորված էր նրանով, որ հրեաները չեին ցանկանում հոգաց կամքով իրենց իրավունքները զիջել նորահայտ մուսուլմա-

նական համայնքին: Նրանք նաև կտրականապէս Մուհամմադին չընդունեցին որպէս մարգարե, դա զիշավորապէս հիմնավորելով նրանով, որ «մարգարեները չեն գալիս սրով ու մարտակառքերով»: Համոզված լինելով, որ մարգարեություն անելու շնորհը պատկանում է միայն հրեաներին ու Իսրայելին, Մադինայի հրեաները ծաղրում էին Մուհամմադին և նրա քարոզած կրոնը: Անկասկած դա լուրջ սպառնալիք էր մարգարեի հեղինակության համար: Ղուրանում մենք գտնում ենք այդ իրողությունների արձագանքը. «Եւ նրանք ասում են, թէ քնար մեկը դրախտը չի մտնի, եթէ չի լինի Հրեայ կամ Քրիստոնեայ: Այդ նրանց բաղձանքներն են: Ասա՝ «բերէք ձեր ապացոյցները, եթէ ճշմարիտ եք» (2:105):

Ուստի Մուհամմադը խզեց իր կապերը հրեաների հետ, նրանց ևս անվանելով «երկերեսանիներ» և իր թշնամիները: Սիածամանակ նա որոշեց սպասել հարմար պահի նրանց շեշտակի հարված հասցնելու համար:

Խզելով ամեն տեսակի կապերը հրեաների հետ, Մուհամմադը դեռ մի որոշ ժամանակ շարունակում էր հույսեր փայփայել: Որ իրեն կհաջողվի զեթ մերձենալ քրիստոնյաների հետ և նրանց հետ կնքել դաշինք: Ղուրանի մեջ մի տեղ ասվում է, որ մուսուլմանների ամենահամառ թշնամիները հրեաներն են ու բազմաստվածության հետևորդները, իսկ անկեղծ բարեկամները՝ նազարյանները (քրիստոնյաները): Սակայն մադինական շրջանի վերջում Մուհամմադը խզեց իր կապերը նաև քրիստոնյաների հետ: Ըստ երևույթին դա այն շրջանում էր, եթք սկսվեցին առաջին սահմանային բախումները բյուզանդական գորքերի հետ: Հրեաների և քրիստոնյաների հետ կապերի խզումը ոչ այնքան պայմանավորված էր կրոնական տարածայնություններով, որքան նրանով, որ նրանք հրաժարվում էին Մուհամմադին ճանաչել որպէս մարգարե:

Փաստորեն Մուհամմադը հրեաների ու քրիստոնյաների դեմ սանձագերծեց պատերազմ: Դատափետելով միաստվածություն դավանող այդ կրոնները, նա սկսեց պնդել, որ նրանց սուրբ գրքերը աղավաղված են, աղոթում են ոչ Ճիշտ, խախտում են աստծո պատվիրանները և այլն: Այդ պատերազմը միայն հոգեոր ենթատերստ շուներ: Մուսուլմանները ցանկանում եին նաև վերացնել իրենց տնտեսական մրցակիցներին և տեր դառնալ նրանց հայրուստ շարժական և անշարժ ունեցվածքին: Գաղափարական առումով Մուհամմադը դա արդարացնում էր նրանով, որ նրանք երկուսն էլ հեռացել են միաստվածությունից:

Որպես պատասխան, տեղացի հրեա և քրիստոնյա բանաստեղծները սկսեցին Մուհամմադի հասցեին ծաղրական ոտանա-վորներ հորինել, ինչպես մի ժամանակ անում էին Մեքքայի բա-նաստեղծները:

Ի նշան հուդայականությունից ու քրիստոնեությունից կա-տարյալ ձերբագատման, Մուհամմադը կրկին փոխեց դիբլայի՝ ա-ղոթքի ուղղությունը: Այսուհետև իալամը դավանողները աղոթքի ժամանակ դեմքով պետք է շրջվեին ոչ թե Երուսաղեմի, այլ Քաա-բայի, այսինքն Մեքքայի կողմը: Այսպիսով արարական հին ա-վանդույթը հաղթանակ տարավ հուդայականության անցողիկ ազդեցության նկատմամբ: Ընդ որում, աղոթքի դեմքի ուղղության այդ փոփոխությունը միանգամայն համապատասխանում էր հրեաների նկատմամբ Մուհամմադի քաղաքականության շրջա-դարձին, ինչպես նաև ապագա քաղաքական ծրագրերին, այն է՝ Մեքքայի գրավման անհրաժեշտությունը, որը պետք է դառնար իսլամի կրոնական մայրաքաղաք:

624 թ. սկզբին (այլ տվյալներով 622-623 թթ.) Մուհամմադը կազմեց Մադինայի մահմեդական համայնքի մի կանոնադրություն, որը եվրոպական իսլամագետների կողմից անվանվել է «-

Մադինայի սահմանադրություն»: Նրանում վառ կերպով դրսենորդում է ոչ միայն մարզարեի քաղաքական իմաստությունը, այլև կրոնական ոգին: Դրանով նա իրեն դրսենորեց որպես տաղանդավոր քաղաքագետ: Այդ փաստաթղթում հայտարարվում էր, որ այսուհետև մուհաջիրներն ու անսարները կազմում են մեկ միասնական համայնք: Այդ համայնքի մեջ մտնում են նաև հրեաներն ու հեթանոսները, պահպանելով իրենց կրոնը: Մադինայում պետք է տիրապետեր կատարյալ կրոնական հանդուրժողականությունը, համաձայն Սուհամմադի հոչակած «կրոնի մեջ հարկադրանք չկա» սկզբունքի: Կանոնադրության մեջ Մուհամմադը արաբներին ու հրեաներին համարում էր մեկ միասնական քաղաքական ամբողջություն, ելնելով այն զաղափարից, որ ինքը քարոզում է մի ուսմունք, որը ժամանակին քարոզել են Սովուեսը և Աբրահամը:

Վերոհիշյալ փաստաթղթում առաջին անգամ գրավոր կերպով ճանաչվում էր Մուհամմադի մարզարե լինելու հանգամանքը: Միաժամանակ այնտեղ խնամքով գրառված էին ինչպես մուսուլմանների, այնպես էլ առանձին ցեղերի պարտականություններն ու իրավունքները: Բոլորը պետք է օգտվեին հավասար իրավունքներից, անկախ իրենց կրոնից և այս կամ այն ցեղի պատկանելությունից: Եթե որևէ մեկը կատարեր սպանություն, նա չպետք է պաշտպանություն գտներ ցեղերից որևէ մեկի մոտ: Ցեղերի միջև չպետք է լիներ թշնամություն և չպետք է գործեր արյան վրիժառության սկզբունքը: Միջցեղային վեճերը լուծելու իրավասությունը պետք է պատկաներ Մուհամմադին: Պահպանելով իրենց ինքնավար գոյությունը, յուրաքանչյուր ցեղ իր ընտրությամբ իրավասու էր շփումներ ունենալու և համաձայնագրեր կնքելու Մադինայի օազիսից դուրս գտնվող ցանկացած այլ ցեղերի հետ, քացի Մեքքայի կուրայշ ցեղից, որը դիտվում էր իբրև թշնամի: Հատուկ

նշվում էր, որ Մադինայի մուսուլմանական համայնքը օժտված է լինելու այն նույն իրավունքներով, ինչ իրավունքներ որ ունեն օազիսի բոլոր ցեղերը:

Հստ փաստաթղթի, դաշինքի մեջ մտնող բոլոր ցեղերը կազմելով մի համադաշնություն, պարտավոր էին մեկը մյուսին պաշտպանել և միմյանց երաշխավորել փոխադարձ անվտանգություն: Բոլոր նրանք, ովքեր կիրաժարվեին ենթարկվել գործող իշխանությանը, հայտարարվում էին անհավատ («քաֆիր»), իսկ նոր կրոնի կողմնակիցները կոչվելու էին մուսլիմ կամ մուսուլմաններ: Մադինայում պետք է տիրապետեր կատարյալ կրոնական հանդուրժողականություն:

Տրեսները իրավունք ունեին միանալու համաձայնագրին: Նրանում պարունակվում էր հատուկ հոդված, որտեղ ասվում էր. «Եթե հրեաներից որևէ մեկը միանա մեզ, ապա նա իրավունք կունենա ստանալու այն օգնությունն ու աջակցությունը, որը ստանում են մուսուլմանները, պայմանով, որ նրանք վերջիններիս նկատմամբ հանցանքներ չզործեն»: Մադինայի հեթանոսները և այդ քաղաքի հրեաները պետք է շփումներ չունենան Մեքքայի հեթանոսների հետ: Տրեսները պարտավորվում էին ֆինանսապես աջակցել մուսուլմաններին: Մադինա քաղաքի պաշտպանության պարտականությունը հավասարապես դրվում էր մուսուլմանների, հեթանոսների և հրեաների վրա: Բոլոր ծագող խնդիրները պետք է լուծվեին Ալլահի և նրա մարգարե Մուհամմադի կողմից:

Տիշյալ փաստաթղթից ակնհայտորեն երևում է, որ հանդիսանալով մահմեդական համայնքի կրոնական ղեկավար (իմամ), միաժամանակ Մուհամմադը իրեն վերագրում էր Մադինայի կառավարչի, գերագույն դատավորի, քաղաքական առաջնորդի և գլխավոր հրամանատարի դեր:

Այդ բոլոր պաշտոնները կենտրոնացնելով իր ձեռքերում Մուհամմադը պարզապես ընդօրինակում էր տոհմա-ցեղային ավանդույթների սկզբունքները, երբ ցեղի առաջնորդ սայյիդը իրականացնում էր հասարակական բոլոր գործերը, բանակցություններ էր վարում այլ ցեղերի հետ, դատում էր իր ցեղակիցներին, պատերազմների ժամանակ զիսավորում էր աշխարհազորայիններին, երբեմն դեկավարում էր նաև կրոնական կուլտի արարողությունները: Այդ բոլոր գործառույթները Մուհամմադը կենտրոնացրեց իր ձեռքերում: Ըստ էության նա դարձավ ոչ թե մեկ ցեղի, այլ ողջ մուսուլմանական համայնքի սայյիդ: Այսպիսով, ի սկզբանե մուսուլմանների զիտակցության մեջ համայնքը և պետությունը, կրոնը և քաղաքականությունը, հոգեոր և աշխարհիկ իշխանությունն ընկալվեցին որպես մի անբաժանելի միասնություն: Անկասկած Մահմենայի շրջանում որպեցին համապարական խւլամական պետության հիմքերը: Իսկ իսլամը այսուհետև բացի կրոնից, վեր էր ածվում նաև քաղաքական գործոնի: Կրոնական ընդհանրության գաղափարը գալու էր հաղթահարելու ցեղային տարանջատվածությունն ու անջատողականությունը:

Ումմայի անդամների հետ անձնական հարաբերություններում ևս Մուհամմադը իրեն պահում էր ինչպես սայյիդ, որը համաձայն ցեղային ավանդույթի պետք է լինի առատաձեռն, հյուրասեր, օգնի որբերին, որբեվայրի կանանց և այլն:

Մահմեդական համայնքի կանոնադրության համաձայն, արաբների և իրեաների նախկին ցեղային օրենքները փոխարինվում էին «արդարադատություն բոլորի համար» սկզբունքով, անկախ սոցիալական դիրքից, մաշկի գույնից ու դավանանքից: Այլ կերպ ասած, Մուհամմադը ձգտում էր հիմնել մի եղբայրակցություն ոչ թե արյան, այլ կրոնական կապերի հիմքի վրա:

Այսպիսով Մադինան փաստորեն վեր էր ածվում քաղաք-պետության, իսկ Սուհամմադը դառնում էր նրա լիիրավ դեկա-վարը: Ծնունդ էր առնում մարդկանց մի նոր հավաքականություն, որի կապող օղակ էր հանդիսանում ոչ թե ցեղակցությունը արյու-նակցական կապի հիմքի վրա, այլ հավատն առ միասնական աստվածը: Դա մուտքմանական համայնք էր՝ ումմա:

Վերոհիշյալ փաստաթղթի համաձայն, թեև Սուհամմադը ճանաչվում էր Մադինայի դեկավարը, սակայն այնուամենայնիվ նա դեռ իրավունք չուներ լուծելու պատերազմի ու խաղաղության հարցերը, հավաքելու հարկեր կամ տնօրինելու ումմայի դրամա-կան միջոցները: Հետևաբար այսուհետև նրա խնդիրն էր մնացած իշխանությունը ևս վերցնել իր ձեռքը: Սակայն դա այնքան էլ հեշտ գործ չէր. մուսուլմանների դեմ միավորվել էին և՝ քրիստոն-յաններն ու հուդայականները, և՝ հեթանոսները, և նոյնիսկ «երկե-րեսանիները», որոնք դավանում էին իսլամը: Հանգստություն գո-յություն չուներ նաև մուսուլմանական ճամբարում. հակասութ-յունները աղքատների ու հարուստների միջև շարունակվում էին: Մադինայում ծաղկում էր վաշխառությունը: Գույքային ու սոցիա-լական անհավասարությունը պահպանվում էր ինչպես մուհա-ջիրների, այնպես էլ անսարների շրջանում: Զմոանք չոր ու անա-պատային շրջաններից և Մեքքայից Մադինա եկած եկվորները տառապում էին սառը խոնավությունից, որին նրանք սովոր չէին: Շատերը հիվանդանում էին դողերոցք, որից չխուսափեց նաև Աբու Բարը: Մադինայում տեղի էին ունենում միջցեղային երկ-պառակություններ: Դժգոհության ալիքը ավելի էր մեծանում սար-սափելի աղքատության պատճառով: Մարդիկ, հատկապես եկ-վորները, սնվում էին հիմնականում արմավով ու ջրով, թեև Սու-համմադն արդեն այս աշխարհում նրանց խոստացել էր հարս-տություն և բարեկեցիկ կյանք: Մուհաջիրները տագնապով զի-

տակցում էին, որ իրենց հետ Մեքքայից բերած միջոցները սպառվելուց հետո իրենք հայտնվելու են աղետալի վիճակում, եթե չգտնեն իրենց համար որևէ եկամտաքեր զբաղմունք: Ճիշտ է, անսարների մեջ կային մարդիկ, որոնք անհատույց օգնության ձեռք էին մեկնել մուհաջիրներին, նրանց տրամադրելով իրենց տները, հարակից շինությունները, սննդամթերք և այլն: Սակայն որքա՞ն երկար կարող էր տևել նման բարեգործությունը: Մի խոսքով, Մաղինայում ձևավորվել էր ներքին ընդունություն մարզարեի նկատմամբ: Նման պայմաններում Մուհամմադը հարկադրված էր ընդունել ինչ որ վճռական որոշում: Նա որոշում է գործել իբրև բեղվին, այսինքն իր առջև ծառացած դժվարին մարտահրավերներին որոշում է լուծում տալ ասպատակությունների միջոցով: Այդ ասպատակությունները հնարավորություն էին տալու ձեռք բերելու սնունդ, եղջերավոր անասուններ և ուղտեր: Վերջիններս անհրաժեշտ էին նաև կազմավորվող բանակի համար: Հատկապես ասպատակությունների թիրախ դարձան մեքքացիների առևտրական բարականները:

623 թ. դեկտեմբերին մուհաջիրները կողոպտեցին մի հրուստ քարավան և մեծ ավարով ու գերիներով վերադարձան Մաղինա: Այդ ասպատակության ժամանակ Մուհամմադի մարդկանցից մեկը սպանվել էր, որը ճնշող տպավորություն էր թողել մուսուլմանական համայնքի վրա, մանավանդ որ այդ սպանությունը տեղի էր ունեցել ուսաբ սրբազն ամսում, որի ժամանակ արգելված էր արյուն հեղեղը: Սակայն այդ ճնշող տրամադրությունը փարատվեց, եթե Մուհամմադն ունեցավ հայտնություն, որի ժամանակ ի վերուստ ասվում էր, որ մեքքացիների կողմից գործած մեղքերը գերազանցում են սպանության այն մեղքը, որ կատարվել է սրբազն ամսվա ընթացքում:

ՄԵԶՔԱՅԻ ՀԵՏ ԱՌԱԿԱՏՄԱՆ ՄՐՈՒՄԸ ԵՎ ՊԱՏԵՐԱԶՄԱԿԱՆ ԳՈՐԾՈՂՈՒԹՅՈՒՆՆԵՐԻ ԾԱՎԱԼՈՒՄԸ: ԲԱԴՐ ՀՈՎՏՈՒՄ ՏԵՂԻ ՈՒՆԵՑԱԾ ՃԱԿԱՏԱՄԱՐՏԸ:

Սուհամմադը հասկացել էր, որ մինչ այդ պահը իր վարած պաշտպանողական մարտավարությունը մեքքացիների նկատմամբ այլևս չի արդարացնում իրեն: Որ անհրաժեշտ է անցնել եռանդուն հարձակողական քաղաքականության: Մարզարեն, որ միշտ քարոզում էր խաղաղություն, Ալլահից ստացավ նոր հայտնություններ, որոնք թույլատրում էին իրեն վիճ լրիծ լրիծ Մեքքայից իրենց վոնդելու պատճառով: «Պատերազմեցեք նրանց դեմ, ովքեր չեն ընդունում Աստծուն, պատերազմեցեք այնքան, մինչև որ նրանք իրենց կյանքի համար չվճարեն փրկագին, մինչև որ ուժասպառ շինեն ու չոչնչանան», - ասվում է Ղուրանում: Մարզարեն նոր հայտնություն է ստանում, որ մուսուլմաններին թույլատրվում է ինքնապաշտպանության նպատակով հայտարարել սրբազն պատերազմ՝ ջիհադ:

623 թ. գարնանից սկսվեց Մեքքայի նկատմամբ ասպատակությունների շրջանը, որոնք ոչնչով չէին տարբերվում հեթանոսական շրջանի ասպատակություններից: Խսկական արարի պես Սուհամմադը հարձակումներ էր գործում առևտրական քարավանների վրա և հափշտակած ավարք բաժանում արշավանքի մասնակիցների միջև, ժամանակի սովորության համաձայն: Մեքքացիների համար առավել խոցելի տեղը նրանց քարավաններն էին, ուստի Սուհամմադը իր առջև խնդիր էր դրել կաթվածահար

անել նրանց առևտուրը, հատկապես կտրելով Մեքքայից Սիրիա տանող քարավանային ճանապարհը, որն անցնում էր Մադինայի մոտով: Ինչպես կարելի է դատել Ղուրանից, Մադինայի երկրագործ բնակչությունը հակված չէր մասնակից դառնալու մուտքամանների կազմակերպած ասպատակություններին: Նրանց դիմադրության արձագանքները մենք գտնում ենք Ղուրանի 2-րդ սուրայում, որը կոչվում է «Կով» («ալ-Բաքարա») «Զեզ պատուիրած է պատերազմը, բայց նա զգելի է ձեզ համար: Սակայն կարելի է դուք մի բանից զգվում եք, որ նա ձեզ օգտակար է եւ մեկ բան սիրում եք, որ նա ձեզ վնաս է: Եւ աստուած է, որ զիտէ, բայց դուք չզիտեք», - ասվում է Ղուրանում (2:212-213):

Առհասարակ Մադինայում բնակություն հաստատելու օրվանից սկսած, Մուհամմադը իր հետևորդների հետ միասին չէր պատրաստվում դադարեցնելու պայքարը Մեքքայի հեթանոսազնվականության դեմ: Ասպատակություններն ու քարավաններ կտրելը մի միջոց էր նաև իսլամական համայնքը ծայրահեղ աղքատությունից դուրս բերելու համար: Կասկածից վեր էր նաև, որ ռազմական ավարի ձեռք բերման ձգուումը ընդունակ էր համախմբել ու ոգեշնչել իր կողմնակիցների շարքերը:

Ավանդությունների համաձայն, մարզարեի բանակը բաղկացած էր մի բանի հարյուր մարդոց: Ընդ որում, որոշ ասպատակությունների նա բերում էր իր անմիջական մասնակցությունը, դեկավարելով ռազմական գործողությունները: Ընդհարումներից մեկի ժամանակ Մուհամմադը նոյնիսկ վիրավորվել էր: Այդ պատերազմների ժամանակ մարզարեն իր հայտնությունների ճանապարհով սահմանեց մի շարք նոր օրենքներ՝ գրավված հողերը, ռազմական ավարը, մահացածների գույքը բաժանելու վերաբեր-

յալ և այլն: Օրինակ, այդ օրենքների համաձայն, ռազմական ավարի իինգերորդ մասը պատկանելու էր մարզարեին:

Այսպիսով դառնալով միաժամանակ և հավատացյալների և Մաղինայի դեկավար, որպեսզի հարգեն իր իշխանությունը, Մուհամմադը դարձավ զինված մարզարե: Տասներեք տարի շարունակ քարոզություն վարելուց հետո նա հասկացել էր, որ արաբների մոտ խորը արմատացած հեթանոսական աշխարհայցքի պայմաններում նրանց «Ճշմարտության ուղու» վրա հանելը միայն հասարակ քարոզների միջոցով այնքան էլ հեշտ չէ: Ուստի, եթք նրա կողմնակիցների թիվը հասավ թիվ թե շատ ընդունելի չափերի, մարզարեն որոշում է դիմել այլ մեթոդների: Ըստ այնմ, նա հանդես է գալիս հետևյալ հայտարարությամբ. «Ալլահը մարդկանց մոտ է ուղարկել տարբեր խառնվածքի և հակումների տեր մարզարեների, որպեսզի մարդկանց տանեն դեպի ճշմարիտ հավատը: Մուսային (Մովսեսին) նա պարզել է զթարտություն, փափկություն և նախախնամության շնորհ, Սուլեյմանին՝ իմաստություն և վեհապաննություն, իսկ Իսային՝ (Քրիստոսին) ճշմարտացիություն, խորիմաստություն և հզորություն: Իր հզորությունն ու ուժը Իսան ցուցադրեց կարդալով մարդկային սրտերը և գործելով հրաշքներ: Եվ չնայած Ալլահի կողմից ուղարկված մարզարեների այդ հատկանիշներին, ցանկալի արդյունքներ ձեռք չբերվեցին: Ուստի ես, լինելով մարզարեներից վերջինը, աշխարհ եմ ուղարկվել սուրբ ձեռքիս»:

Իր այդ ասույթով մարզարեն հիմնավորում էր հեթանոսության դեմ զինված պայքարի անհրաժեշտությունը: Ընդ որում, նա հատուկ շեշտում էր, որ այն մարդիկ, որոնք չեն ընդունել իսլամը, բայց կանոնավոր կերպով իսլամական համայնքին վճարում են իրենց վրա դրված հարկերը, չեն հետապնդվի:

Հանուն հավատի զինված պայքարում իր կողմնակիցներին ոգեշնչելու և մարտի դաշտը խիզախորեն նետվելու համար մարգարեն խոսում էր մարդկանց ճակատազրի կանխորոշված լինելու մասին: Մուհամմադի բերանով Ալլահն ասում էր, որ ոչ ոք չի կարող մեռնել իր համար նախանշված ժամանակից ոչ շուտ և ոչ էլ ուշ: Մարդու համար որոշված մահվան ժամը վրա է հասնում ամենուրեք՝ լինի դա սեփական անկողնում, թե ճակատամարտի դաշտում: Մարզարեն իր ռազմիկներին հավաստիացնում էր, որ սպանելով նա իրազործում է բարձրագույն էակի՝ Ալլահի կամքը, որը նախօրոք նախատեսել ու կանխատեսել է ամեն ինչ և նրա մասին հոգ տարել նաև այն դեպքի համար, եթե նա զոհվի մարտի դաշտում:

Հանուն հավատի մեռնելը դա մուսուլմանի համար պատիվ է: Այդ առթիվ Ղուրանում ասվում է, որ սպանվածը հարկադրված չի լինի սպասելու ոչ մեռածների հարություն առնելու օրվան և ոչ էլ ահեղ դատաստանին: Նա միանգամից կհայտնվի դրախտում (3:163-165):

Իբն Խոհակի-իբն Խոհամի «Գիրք Ալլահի մարգարեի վարք» գրվածքից մենք տեղեկանում ենք, որ Բաղրի ճակատամարտից առաջ, եթե մարզարեն խրախուսում ու ոգեշնչում էր իր ռազմիկներին, ասել է. «Երդվում եմ նրանով, ում ձեռքերում որ գտնվում է Մուհամմադի ոգին, որ այսօր ամեն ոք, որ դուրս կգա թշնամու դեմ և հանուն Ալլահի նկատմամբ տածած սիրո ճակատամարտի ժամանակ կսպանվի, անմիջապես դրախտ կրկնի»: Օմար իբն Ալ-Խուումում անունով ռազմիկներից մեկը, որն այդ ժամանակ ուսում էր արմավի պտուղներ, բացականչում է. «Ուրեմն իմ ու դրախտի միջև գտնվում է միայն այդ մարդկանց կողմից հասցվող մա՞հը»:

Դա ասելով նա շպրտում է արմավի պտուղները, վերցնում իր սուրբ և նետվում թշնամու դեմ ու կովում մինչև իր ապանվելը:

Մարգարեի ռազմական ու քաղաքական ծրագրերի կարևորագույն թիրախը Մեքքան էր: 624 թ. Մուհամմադը մուսուլմանների մի փոքր ջոկատ ուղարկեց Մեքքա հետախուզության համար: Ճանապարհին Նահլ կոչված վայրում այդ ջոկատը հանդիպեց Թայիֆից եկող մեքքացիներին պատկանող մի քարավանի, որը բեռնված էր համեմունքներով, քիչմիշով և այլ ապրանքներով: Հետախուզները գրոհեցին քարավանի վրա, ումանց սպանեցին, ումանց գերի վերցրին: Միայն մեկին հաջողվեց փախչել և լուրը հասցնել մեքքացիներին:

Երեք ամիս անց, 624 թ. մարտի 15-ին կամ 17-ին Մադինայից հարավ-արևմուտքում գտնվող Բաղր կոչված վայրի մոտ մարգարեն խոշոր հարձակում կազմակերպեց մեքքացիներին պատկանող մի մեծ քարավանի վրա, որը զլիսավորում էր Կուրայշ ցեղի Օմայա տոհմի ներկայացուցիչ Աբու Սուֆյանը, որը ոչ միայն անվանի ու հարուստ վաճառական էր, այլև մուսուլմանների դեմ Մեքքայի թշնամական ուժերի խմբավորման պարագլուխը:

Այդ քարավանը բաղկացած էր հազար ուղտերից և 100 ձիերից: Քարավանին ուղեկցում էր 950 հոգուց բաղկացած զինված պահակախումբը: Մուսուլմանների 313 հոգուց բաղկացած ջոկատը, որին զլիսավորում էր անձամբ ինքը՝ մարգարեն, անկասելի գրոհով գրոհեց քարավանի վրա: Տեղի ունեցավ կատաղի ճակատամարտ, որի ընթացքում մուսուլմանները տարան ջախչախիչ հաղթանակ: Ճակատամարտի ելքը որոշեց մահմեդականների ռազմավարական արվեստը, նրանց կարգապահությունը և կրոնական ներշնչանքը:

Սպանվածների մեջ էին գտնվում իսլամի ոխերիմ թշնամի Աբու Զահլը, Աբու Սուֆյանի որդի Խանզալան և ուրիշներ: Գերվածներից իսլամի համար թշնամիների զգալի մասը սրի քաշվեց, մնացած գերիները կամ ընդունեցին իսլամը, կամ փրկագնով ազատ արձակվեցին: Այդ ճակատամարտում Սուհամմադի հորեղբայր Աբբասը կովում էր Մերքայի հեթանոսների շարքերում և զերի ընկավ մուսուլմանների մոտ: Նրան թույլատրեցին Վերադառնալ Մերքա ըստ երևույթին այն բանի համար, որպեսզի նա դառնա Սուհամմադի զաղտնի գործակալը:

Գերվածներից նրանք, որոնք ժամանակին Մերքայում մասնակցել էին Սուհամմադի նկատմամբ կազմակերպվող հալածանքներին, մահափորձերին և այլն, կամ անձնական վիրավորանք էին հասցել նրան, մարզարեն հրամայեց տեղնուտեղը սպանել: Դրանց թվում էր նաև Ան-Նադր անունով մեկը, որը ժամանակին հայտարարել էր, թե Սուհամմադը իր արտասանած բառերը Ալլահից չի ստանում, այլ պարզապես պատմում է հին պարսկական հեթիաթներ:

Ճակատամարտում ձեռք բերված ռազմական ավարը, որը զնահատվել էր 50 հազար դինար, Սուհամմադը պետք է բաժաներ արշավանքի մասնակիցների միջև: Սակայն սկսվեցին տար վեճեր այն հարցի շուրջը, թե ում ինչքան պետք է հասնի: Անհրաժեշտ էր շտապ ելք գտնել այդ վտանգավոր վեճերին վերջ տալու համար: Եվ ահա մարզարեն ստանում է հայտնություն, որտեղ ավարի բաժանումը հանձնարարվում է իրեն: Դրան է նվիրված Ղուրանի 8-րդ սուրան, որը կոչվում է «Ավար» (ալ-Անֆալ, 8:1,42):

Բաղրի մոտ տեղի ունեցած ճակատամարտը մարզարեի առաջին խոշոր հաղթանակն էր: Դա իսլամի հետագա ճակատագրի համար ունեցավ կարևորագույն նշանակություն: Բարձրացավ

մուսուլմանների բարոյական ոգին, նրանք հավատացին իրենց ուժերին: Այն բարձրացրեց նաև Սուհամմադի քաղաքական և կրոնական հեղինակությունը: Բաղրի ճակատամարտը մարզարեի կողմից գնահատվեց որպես մի հաղթանակ, որը ձեռք էր բերվել երեք հազար հրեշտակների բանակի օգնությամբ, որոնց զիսավորում էին Զաբրայիլ և Միքել հրեշտակները: Դրանով նա ներշնչեց իր զինվորներին, որ իրենք աստծո ընտրյալներ են և Ալլահը իրենց կողմից է: Սուհամմադը մեծ վարպետությամբ օգտվեց իր հետևորդների խանդավառության այդ վերելքից, ինչպես նաև իր հարսւածուն մեծացող հեղինակությունից: Ի դեպ, հենց այդ ժամանակվանից սկսած շրջանառության մեջ մտավ «ջիհադ» («սրբազն պատերազմ») հասկացությունը ընդդեմ Ալլահի թշնամիների: Այն նահմեղականները, որոնք զոհվեցին Բաղրի ճակատարմարտում, կոչվեցին շահիդներ՝ նահատակներ, որոնք անհավատների դեմ պատերազմում իրենց մահվամբ «հաստատեցին իրենց հավատը»: Հետևաբար այդ նահատակներին սպասում էր հավետ երանությունը:

Անկասկած Բաղրի ճակատամարտը դա սովորական ռազմական բախում չէր: Նախ առաջին անգամ իսլամը հաղթանակ էր տանում զենքի ուժով: Այդ ճակատամարտն այնուհետև փորձություն էր երկու կրոնական զաղափարախոսությունների և հոգեոր աշխարհների միջև: Դա ոչ միայն արյունավի բախում էր տարբեր ցեղերի միջև, այլև պատերազմ արյունակցական կապերի մեջ գտնվող հարազատների միջև. հայրը գնում էր որդու դեմ, եղայրը՝ եղբոր: Օրինակ, այդ ճակատամարտում Արու Բաբրը և նրա որդիներից մեկը՝ Աբդալլահը կովում էին մուսուլմանների կողմից, իսկ նրա մյուս որդին՝ Արդ ար-Ռահմանը՝ հեթանոսների կողմից: Եթե մարզարեի հորեղբայրներից մեկը՝ Շամզան, կովում

Էր հանուն Ալլահի, ապա մյուս հորեղբայրը՝ ալ-Աբբասը, սուր էր քարձրացրել իր կոտոքերին պաշտպանելու համար: Ալի իբն Աբի Թալիբը մուսուլմանների կողմից էր, իսկ նրա եղբայր Աբիլը՝ մեքքացիների կողմից: Հիրավի, Բաղրի ճակատամարտը աննախընթաց կերպով մեծացրեց Մուհամմադի հեղինակությունը թե՝ իր կողմնակիցների, և թե՝ թշնամիների շրջանում: Մեքքայի վաճառականները ստիպված էին խոստվանել, որ մարզարեն քաջ ու խիզախ է, նրա հետևորդները ուժեղ են իրենց համոզմունքով: Իսկ իրենց՝ մեքքացիներին և նրանց առևտրին սպառնում է ռեալ վտանգը:

Բաղրի մոտ տեղի ունեցած ճակատամարտի օրերին մարզարեն ունեցավ նաև անձնական կորուստ. մահացավ նրա դուստր Ռուքայան, որը մեծ դառնություն պատճառեց հորը: Նրա ամուսինը, ապագա երրորդ «քարեպաշտ» խալիֆ Օսմանը, ևս շատ ծանր տարավ այդ կորուստը: Իր այդ զինակցի վիշտը սփոփելու համար Մուհամմադը նրան կնության տվեց իր մյուս աղջկան՝ Ումմ-Քուլսումին:

Բաղրի ճակատամարտից մոտ մեկ ամիս անց, Մուհամմադը հալածեց ու վոնդեց Մադինայի երեք հրեական ցեղերից մեկին՝ քանու կայսուկա ցեղին, որը հրաժարվում էր Մուհամմադին ճանաչել որպես մարզարե, հետևաբար և ենթարկվել նրա իշխանությանը: Այդ հալածվածները ստիված էին Մադինայում թողնել իրենց անշարժ ունեցվածքը, որն ամբողջովին բռնազրավվեց հօգուտ մուսուլմանների:

Թեև Բաղրի ճակատամարտից հետո ասպատակությունները մեքքացիների դեմ ժամանակ առ ժամանակ շարունակվում էին, սակայն այս անգամ պայքարը մուսուլմանների առջև ավելի բարձր նպատակներ: Ե՛վ Մեքքան, և՝ Մադինան, սակայն,

դեռ պատրաստ չեին վճռական ճակատամարտի, հակառակորդին մահացու հարված հասցնելու համար: Երկու կողմերն էլ կուտակում եին ուժեր:

Ի դեպ, Սաղինայում ոչ բոլորն էին համաձայն Սուհամմաղի զավթողական ծրագրերի հետ: Օրինակ, մի քանի բանաստեղծներ, որոնց հետ Սուհամմաղն ուներ վաղեմի թշնամանք, իրենց բանաստեղծություններով բազմաթիվ մարդկանց շեղում էին մարզարեի գծած ճանապարհից: Լսելով, որ Սաղինայում մեծ հոչակ վայելող, հարյուր տարեկան բանաստեղծ Աբու Աֆարը դատապարտել է Սուհամմաղի կողմից իր թշնամիներից մեկի սպանությունը, մարզարեն իր մարդկանց հարցրել է.- ո՞վ կսպանի սրիկային հանուն ինձ: Զառամյալ բանաստեղծի ազգականներից մեկը տվեց իր համաձայնությունը և զնալով ծերունու տուն նրան սրախողիսող արեց: Քիչ ժամանակ անց սպանվեց նաև Սաղինայի բանաստեղծուի Սարվանի դուստր Ասմուն: Այդ սպանությունը ևս կատարեց իսլամ ընթրունած նրա ազգականներից մեկը, ուստի ընտանիքի ներսում կատարված սպանությունը արյան վրիժառության պահանջ չառաջադրեց:

Նման դաժան միջոցներով Սուհամմաղը աստիճանաբար Սաղինան հավաքում էր իր բուռը:

Մինչդեռ մեքքացիների քարավանների որսը շարունակվում էր: Սովորաբար ասպատակությունները զլխափորում էր Սուհամմաղը: Նրա բանակը ևս զնալով ավելանում էր, հասնելով 450 մարդու: Այդ բանակի զինվորները, որոնք ներշնչված և մոլեռանդ մահմեղականներ էին, ձեռք էին բերում մարտական մեծ փորձ: Սաղինայի շրջակայրում այդ բանակը սարսափի մեջ էր պահում բոլորին:

Դասեր քաղելով Բաղրի ճակատամարտի դառը փորձից, մեքքացիները իրենց առևտուրը շարունակելու համար որոնում էին այնպիսի ճանապարհներ, որոնցով քարավանները աննկատ կարող էին անցնել: Նրանք կազմում են արծաթով բեռնավորված մի քարավան, որը մեկնում է դեպի հյուսիս խոլ և անջուր տեղանքով: Տեղեկանալով այդ մասին, մարզարեն կարգադրում է Զայդ իրն Հարիսին գրավել այդ քարավանը: Իր հետ վերցնելով 100 հեծյալներ, նա կատարում է մարզարեի հրամանը: Որպես ռազմական ավար ձեռք բերելով 100 հազար դիրիեմ և երեք գերիների, Զայդի ջոկատը վերադառնում է Մաղինա: Ավարի հինգերորդ մասը անցնում է բեյթ ալ-մալին (պետական զանձարանին), իսկ մնացած մասը բաժանվում է մուհաչիրներին:

ԱՌՃԱՎԱՏՈՒՄԸ ՄԵՔՔԱՅԻ ԵՎ ՄԱԴԻՍԱՅԻ ՄԻՋԵՎ ՇԱՐՈՒՆԱԿՎՈՒՄ Է

625 թ. գարնանը մուսուլմանները հերթական անգամ կրողապտեցին մեքքացիների քարավանը: Այդ իրադարձությունը վերջնականապես համոզեց մեքքացիներին, որ այլևս արշավանքը Մադինայի դեմ հետաձգել չի կարելի: Կուրայշիների ազդեցիկ դեմքերից մեկի՝ Աբու Սուֆյանի զիսավորությամբ երեք հազար հոգուց բաղկացած մի զորախումբ, որի կազմում երկու հարյուրը հեծյալներ էին, 625 թ. մայիսի 11-ին դուրս եկան արշավանքի Մադինայի մուսուլմանների դեմ: Այդ արաշավանքին իրենց մասնակցությունն էին քերում նաև Կինանա, Թիփիսանա և մի շարք այլ քոչվորական ցեղեր: Այն ժամանակների համար դա մի հսկայական քանակ էր: Արշավանքին մասնակցում էր նաև հետազայում փառարանված արարական զորավար Խալիլ իբն ալ-Վալիդը: Արշավանքի նպատակներից մեկը Բաղրի մոտ տեղի ունեցածի վրիժառության լուծումն էր: Զորքերին ուղեկցում էին հիսուն կանայք, որոնց ազգականները զոհվել էին այդ ճակատամարտում: Նրանք իրենց աղմկալից ողբով զինվորներից պահանջում էին վրեժին-դիր լինել և անխնա սրի քաշել մուսուլմաններին: Թշնամու դեմ դուրս եկած հազար մուսուլմաններից մոտ երեք հարյուր մարդ, որոնք մունաֆիրներ էին («երկերեսանի»), դիմեցին դասալքության և լրելով մարզարեին հետ վերադարձան Մադինա:

Հակառակորդները միմյանց հանդիպեցին Մադինայի մատուցներում, Ուխուդ լեռան մոտ, որտեղ մարտի 23-ին տեղի ունեցավ կատաղի ճակատամարտ: Այն ավատվեց մուսուլմանների պարտությամբ: Ճակատամարտին մասնակցում էր նաև Մուհամ-

մաղթ, որը մարտում վիրավորվեց և քիչ էր մնում գերի ընկներ: Զինվորները նրան գտան մեռածների մեջ: Ճակատմարտում սպանված շահիդների թվում էր նաև մարզարեի հորեղբայր, «Ալլահի առյուծ» պատվանունը կրող Համզան: Վերջինս Բաղրի ճակատամարտում սպանել էր Աբու Սուֆյանի կողմէ Հինդի (Հինդա) հորը: Ուստի այդ կինը դաշույնով ճեղքեց Համզայի կուրծքը, որպեսզի հանի նրա լարդը և ուտի, դրանով հազեցնելու համար իր վրիժառության այրող զգացումը: Այդ նույն կերպ գերյալների հետ վարվեցին նաև մեքքացիներին ուղեկցող մյուս կանայք: Կտրելով մեռած մուսուլմանների քաներն ու ականջները, նրանցից շատերը դրանք շարում էին թելը և կախում իրենց զգից:

Մեքքացիները չզարգացրին իրենց հաջողությունը և նույնիսկ ասպատակ չսփռեցին Մադինայի վրա, թերևս նպատակ ունենալով ցույց տալ, որ իրենց գործողություններն ուղղված են բացառապես Սուհամմադի և Մեքքայից տեղափոխված մուսուլմանների դեմ, այլ ոչ թե բոլոր մադինացիների դեմ: Սակայն ավելի հավանականը այն է, որ նրանք չհամարձակվեցին հարձակվելու Մադինայի վրա, վախենալով, որ մուսուլմանները թիկունքից կհարվածեն իրենց:

Մեքքացիների բանակը հապճեավ հեռացավ ճակատամարտի վայրից: Հավանական է նաև, որ դրա պատճառը ճակատամարտում կրած մեծ կորուստներ էին և զորքի չափից ավելի հոգնածությունը:

Մարզարեն իր կրած պարտությունը մեկնաբանեց այն առումով, որ մուսուլմանների շարքերում բացակայում էր կարզապահությունը և որ մունաֆիքները դիմեցին դավաճանության: Դրանում առկա էր ծշմարտության հատիկ: Իսկապես, ճակատամարտի սկզբում մեքքացիները համարյա պարտություն էին

կրում, սակայն Սուհամմադի կողմնակիցները անտեսելով նրա հրամանները, մոտակա հաղթանակով արրեցած, նետվեցին ավար ձեռք բերելու: Թշնամին անմիջապես օգտվեց դրանից և սրընթաց հարձակմամբ շախչախնեց մադինացիներին:

Այդ պարտությունից հետո մարզարեի հեղինակությունը Մադինայում լրջորեն սասանվեց: Նրա վիճակը ուղղակի դարձավ տագնապալից: Հրեաները, հեթանոսները և «երկերեսանիները» անմիջապես զլուխ բարձրացրին: Միայն Սուհամմադի կողմնակիցների համախմբվածությունը նրան հնարավորություն տվեց վերստին տիրապետելու իրադրությանը:

Իր խաթարված հեղինակությունը վերականգնելու և իրադարձությունների մեջ բեկում մտցնելու նպատակով, ճակատամարտի հենց հաջորդ օրը, մարտի 24-ին, մարզարեն հրաման արձակեց, որ իրեն նվիրված բոլոր զինվորները պատրաստվեն Մեքքայի վրա արշավանքի: Սակայն այդ արշավանքը սկսվելուց հետո, երբ Սուհամմադի զինված ջոկատները Մադինայից 20 կմ հեռանալուց հետո այդպէս էլ չհանդիպեցին թշնամու ուժերին, վերադարձան հետ: Սուհամմադը հայտարարեց, որ այդ արշավանքը կրոնական հերոսություն էր:

Մինչդեռ Մադինայի շրջակայքում բնակվող ցեղերը, որոնք վախինում էին Սուհամմադից և մուսուլմաններից, ուստի և հակված չէին համագործակցելու նրանց հետ, տեղեկանալով մարզարեի կողմից տանուլ տրված ճակատամարտի մասին, սկսեցին անթաքույց ձևով նրա և մուսուլմանների նկատմամբ դրսւորել թշնամական տրամադրություններ: Այդ թշնամիների թվում էին նաև Մադինայում և նրա մերձակա վայրերում բնակվող երեք հրեական ցեղերը՝ Բանու-Կայնուքան, Բանու-Նադիրը և Բանու-Կուրայզան, որոնք Սուհամմադի դեմ դաշինքի մեջ մտան մերքա-

ցիների և արաբական մի շարք ցեղերի հետ: Մարզարեն որոշեց, որ ճիշտ ժամանակն է հաշվեհարդար տեսնելու հուղայականների հետ: Հաշվեհարդարը վերին աստիճանի անողոք էր. տղամարդկանց մեծ մասի գլուխները կտրեցին, իսկ կանանց ու երեխաներին վաճառեցին ստրկության: Հրեաների այդ ջախչախումը նպատակ էր հետապնդում նաև տիրանալ նրանց հարստություններին: Հրեաները զրկվեցին իրենց իսկ հողերի նկատմամբ սեփականատիրական իրավունքներից և ընդհուպ մինչև խալիֆ Օմարի օրոք իրենց վտարումը Արաբիայից նրանք հանդիսանում էին լոկ հաղթողների կողմից իրենցից զավթված հողերի վարձակալներ: Հրեաներից բռնագրավված տները, արմավենու պուրակները և այլն նույնպես մարզարեն որոշմամբ անցան մուսուլմանական համայնքին:

Որպես կանոն պատերազմների և ասպատակությունների ժամանակ ձեռք բերված ռազմական ավարը Մուհամմադը հավասարաշափ բաժանում էր մուսուլմանական համայնքի անդամներին, այդ թվում նաև պատերազմներում զոհված զինվորների այրիներին ու որբացած երեխաներին: Հաճախ նա այդպես էր վարվում նաև իրեն հասանելիք ռազմական ավարի հինգերորդ մասի («խումա») հետ: Անկասկած առաջնորդի այդ վարմունքը բարձրացնում էր նրա հեղինակությունը, որի հետևանքներից մեկը հանդիսացավ այն, որ մուսուլմանական բանակին սկսեցին զինվորագրվել ավելի ու ավելի մեծ թվով մարդիկ: Մարզարեն այդ շոայլ առատաձեռնությունն անշուշտ պարունակում էր նաև քաղաքական կարևոր ենթատեսաւություն: Նման ճանապարհով նա իր շուրջն էր համախմբում մահմեդական համայնքը՝ ումման: Այդ բոլորով հանդերձ, թիշ չեին նաև մարզարեն բացահայտ և բանքնված թշնամիները: Ուխուղի ճակատամարտից հետո չորս ամիս

անց նրա կյանքի դեմ կրկին կազմակերպվեց մահափորձ, որը սակայն այս անգամ ևս ձախողվել էր շնորհիվ այն բանի, որ իբր մարզարեն ի վերուստ ստացել էր նախազգուշացման վերաբերյալ հայտնություն:

Իր դիրքերն ամրապնդելու համար մարզարեն օգտագործում էր բոլոր միջոցները: Նա նույնիսկ իր ամուսնությունների մի մասը օգտագործել է քաղաքական նպատակներով: Խաղիջայի մահվանից հետո Մուհամմադը սկսեց պահել հարեւմ:

Արևելագետ Վ. Բարտողյանը ենթադրում է, որ քազմաթիվ կանայք պահելու Մուհամմադի այդ վարմունքի պատճառը ոչ այնքան նրա ուշ արթնացած ցանկասիրությունն էր, որքան ինն արաբական հասկացությունները, ըստ որոնց հարեւմն անհրաժեշտ էր քաղաքական ղեկավարի վարքն ու արժանապատվությունը պահպանելու համար: Սակայն անժիստելի է նաև այն իրողությունը, որ ամուսնությունների միջոցով մարզարեն աշխատել է ամրապնդել իր անձնական կապերը իր գինակիցների, կամ իրեն պիտանի մարդկանց հետ: Օրինակ, քաղաքական ամուսնություններ էին ապագա խալիֆներ Աբու Բաքրի աղջկա՝ Այշայի, Օմարի աղջկա՝ Խաֆսայի, Մեքքայի ազդեցիկ ցեղապետերից մեկի՝ Աբու Սուֆյանի աղջկա՝ Ումմ Հաբիբայի, Մեքքայի կուրայշ ցեղի հայտնի տոհմերից մեկի՝ Մահզում տոհմից սերած Հինդայի և այլոց հետ ամուսնությունները: Մուհամմադը կնության էր վերցրել նաև Բանու Մուսաթալիք ցեղի առաջնորդի աղջկան՝ Զուվարիին, որը գերի էր ընկել մուսուլմանների մոտ: Աղջկա համաձայնությամբ մարզարեն նրան հետ էր զնել իր գինվորներից, դարձնելով իր կինը: Այդ ամուսնությունը ևս հաջող դիվանագիտական քայլ էր, քանի որ Բանու Մուսաթալիք ցեղը իր հսկողության տակ էր պահում դեպի Միջերկրական ծով տանող կարևորագույն քարավանային

ճանապարհներից մեկը և մուսուլմանները, մարզարեի ազգակցական կապերի շնորհիվ դառնալով հիշյալ ցեղի դաշնակիցը, տնտեսական առումով մեծապես շահեցին: Մարզարեն հայտարարել էր, որ Ալլահը իրեն որպես մարզարեի թույլատրել է առանց սահմանափակումների ունենալ անսահմանափակ թվով օրինական կանանց, չհաշված հարձերին և բոլոր նրանց, ովքեր «իրենք էին իրենց հանձնում մարզարեին»: Դժվար է ասել, թե որքան կին ուներ Մուհամմադը: Վարկած կա այն մասին, որ նրա կանանց թիվը հասնում էր 14-ի: Հետազայում անթույլատրելի է համարվել Մուհամմադի կանանց և հարձերի թիվը հաշվելը և այդ մասին տարեգրություններից բոլոր տեղեկություններն անհետացել են:

Առհասարակ պետք է նշել, որ մարզարեի օրինաստեղծ գործունեության շրջանակից կանանց հարցը դուրս չէր մնացել: Մարզարեն բոլոր մահմեդականների համար ամուսնությունը սահմանափակել էր չորս օրինական կանանցով, որոնց կարելի էր ունենալ միաժամանակյա ձևով: Նա սահմանել էր հատուկ կարգ, ըստ որի արգելվում էր կնության վերցնել այնպիսի կանանց, որոնք նախկինում ամուսնացած են եղել մարզարեի հետ: Մարզարեի կանայք կողմնակի անձանց հետ կարող էին շփվել միայն միջնորդի միջոցով: Առհասարակ Մուհամմադի ընտանեկան կյանքը խստիվ կանոնակարգված էր. իր կանանցից յուրաքանչյուրին նա հերթականությամբ հատկացնում էր մեկ օր: Երբ մեկնում էր արշավանքների, վիճակահանությամբ որոշվում էր, թե իր կանանցից որ մեկը փակ պատզարակով պետք է ուղեկցի իրեն:

Արաբ-քոչվորների մոտ կնոջ կողմից ամուսնական դավաճանություննը պատժվում էր անօրինակ դամանությամբ, առանց դաս ու դատաստանի: Մարզարեի սահմանած օրենքի համա-

ձայն, եթե որևէ մեկը ամուսնական դավաճանության մեջ մեղադրեր ազնիվ ու անբիծ վարքի տեր կնոշ և այդ առթիվ չկարողանար ներկայացնել փաստը հաստատող չորս վկաների, նա կճանաչվեր որպես զրպարտիչ և կենթարկվեր մտրակի 80 հարվածի: Մարգարեի սահմանած այդ օրենքն, անշուշտ, կոչված էր պաշտպանել կանանց սանձարձակ և հանիրավի բռնություններից:

Անշուշտ այդ բոլոր օրենքները հասարակությանն էին մատուցվում Ալլահից ստացված հայտնությունների ձևով: Առհասարակ վկայակոչելով ի վերուստ ստացած հրամանները, Մուհամմադը կանոնակարգեց մուտքմանների ընտանեկան կյանքը, արգելեց ազգականների միջև ամուսնությունները և ըստ որոշ տվյալների նաև ժամանակավոր ամուսնությունները, երբ վաճառականը առևտրական գործերով մեզկնելով հեռավոր վայրեր, միքանի ամսվա համար իր հետ վերցնում էր կանանց:

Այսպիսով, մարգարեն կարողանում էր հարմարեցնել երկնքի հայտնությունները կյանքի առօրյա դեպքերին: Ի դեպ, նրա այդ քաղաքականությունը Դուրանի մեջ առաջացնում էր հակասություններ ու խառնակություններ, որոնց բացատրությունը մեծամեծ շանքեր են պահանջել իսլամական աշխարհի իրավագետներից:

Մինչդեռ առճակատումը Մեքրայի և Մադինայի միջև շարունակվում էր: 627 թ. մարտի կեսերին մեքրացիները կարողացան հավաքել մի մեծ աշխարհազոր (որն իբր բաղկացած էր 10 հազար մարդուց, այլ տվյալներով յոթ և կես հազար զինվորներից), որի մեջ բացի 4 հազար մեքրացիներից ու դաշնակից ցեղերի կովորներից գտնվում էին նաև վարձկան եթովպացիներ: Այդ հակառակությունը պահպանվում էր մասնաւոր առաջնայի վրա: Քաղաքի վրա կախվեց մեծ վտանգ: Մուհամմադը հասկացավ, որ հեծելազորի բացակայության պայմաններում իրեն սպա-

սում է պարտությունը, առավել ևս, որ հաջողվեց հավաքել ընդամենը երեք հազար մարտիկների: Երկար մտորումներից հետո մահմեղականությունն ընդունած նախկին ստրուկ պարսիկի՝ Սալման ալ-Ֆարիսիի խորհրդով նա որոշեց Մադինայի շուրջը փորել լայն ու խոր պաշտպանական խանդակ (խրամ), որն անհաղթահարելի էր լինելու մեքքացիների հեծելազորի համար: 60 օրվա ընթացքում խանդակը փորվեց և նրա շրջագծով խրամատների մեջ տեղափորկեցին նետաձիգները: Ինքը՝ Մուհամմադը ևս անձամբ մասնակցում էր խանդակի փորման աշխատանքներին:

Ուշագրավ է նշել, որ չնայած քաղաքական և կրոնական տարածայնություններին, քաղաքի պաշտպանության գործին իր մասնակցությունը բերեց Մադինայի ողջ բնակչությունը: Միայն հուդայականությունը դավանող Բանու Կուրայքա ցեղը հայտարարեց, որ ինքը պահպանելու է չեզոքություն: Սակայն ճակատամարտը սկսվելուց հետո խախտելով այդ չեզոքությունը, հրեաները ոչ միայն սկսեցին օգնել իսլամի թշնամիներին, այլև իրենց անմիջական մասնակցությունը բերեցին ռազմական գործողություններին:

Մարտի 31-ին, երբ թշնամին մոտեցավ քաղաքին, մեծ խորությամբ փորված չորս կիլոմետրանոց խանդակը արդեն պատրաստ էր: Տեսնելով այդ խորը փոսը և տեղյակ լինելով, որ Մուհամմադի գորքերը աշքի են ընկնում իրենց բարձր կազմակերպվածությամբ, մեքքացիները չհամարձակվեցին գրոհելու քաղաքի վրա, այլ այն պաշարեցին: Մադինայի շրջապատումը, սակայն ձգձգվում էր: Պատրաստ չլինելով նման պատերազմի, պաշարողները մնացին առանց սննդամթերքի: Հսկայական բանակը կարիք ուներ սնվելու և ուղտերի հոտերը կերակրելու: Իսկ դաշտերում այլևս բերք չկար: Այդ բոլորին ավելացավ նաև այն, որ չնայած

ապրիլ ամիսն էր, սկսեց ցրտել, ծայր առան ուժեղ անձրևներ: Իսկ կուրայշիների բանակը կացարան չուներ և գտնվում էր բաց երկնքի տակ: Պաշարումից հետո 15 օր անց սկսվեց ուժեղ փոթորիկ, որի հետևանքով մերքացիների վրանները պոկվում էին տեղից, հանգչում խարույկները, քամին ցրում էր ուղտերին ու ձիերին: Եղանակի փոփոխությունը մարզաքեն վերագրեց հրեշտակների աջակցությանը և դա ավելացրեց իր զորքերի վստահությունը ճակատամարտի բարենպաստ ելքի նկատմամբ: Մինչդեռ հարձակվողների շարքերում կուր համախմբվածություն գոյություն չուներ: Զանազան բեղվինական ցեղերից ու եթովպացիներից բաղկացած բանակում առկա չեր նաև շահերի միասնություն: Շուտով այդ բանակի շարքերում սկսվեցին երկպառակություններ:

Այդ բոլորի հետևանքով, ընդամենը երեք շաբաթից հետո Արու Սուլֆյանը ստիպված էր հանել քաղաքի պաշարումը և հեռանալ: Սուլհամմադի համար դա հաղթանակ էր: Անշափի մեծ էր նաև «Խանդակի մոտ տեղի ունեցած ճակատամարտի» բարոյական նշանակությունը: Մինչդեռ մերքացիները կրել էին պարտություն, որի անխուսափելի հետևանքը հանդիսացավ այն, որ քոչվորների հետ նրանց դաշնակցային կապերը ստացան ուժգին հարված: Ողջ Արաբիան, որը շունչը պահած հետևում էր Մադինայի մոտ ծավալվող իրադարձություններին, համոզվեց, որ նույնիսկ ունենալով այդպիսի մեծ բանակ կնարավոր չէ հաղթել Սուլհամմադին: Խանդակի մոտ տեղի ունեցած ճակատամարտից հետո, երբ թշնամական ուժերի վերջին ջոկատը հեռացավ Մադինայից, մարզաքեն դիմելով իր մարդկանց ասում է. «Նրանք այսուհետև այլևս չեն զա մեր դեմ: Այժմ հերթը մերն է»: Ճակատամարտից հետո բեղվինները ավելի ուժգին կերպով զգացին մարզաքեի իշխանության հզորությունը:

Ճակատամարտից հետո Սուհամմադը սկսեց մեկ առ մեկ հաշվեհարդար տեսնել ներքին թշնամու՝ «դավաճանների» հետ, որոնք ճակատամարտի ընթացքում կամ օգնել էին մերքացիներին, կամ իրենց ձևացնելով մահմեղականների կողմնակիցներ պահպանել էին չեզորություն: Բանու Կուրայքա ցեղի դաշնակից Առւս ցեղի ավագները միջնորդում են Սուհամմադի առջև, որպեսզի նա իրեն դավաճանած այդ ցեղին թույլ տա, ինչպես մինչ այդ թույլատրել էր Բանու նադիր ցեղին, որ իրենց ընտանիքներով ու ինչքով հեռանան, առանց նրանց նկատմամբ բռնություն գործադրելու: Այդ հարցի օրինական լուծման համար մարզարեն թույլ է տալիս ընտրել մի հաշտարար դատավոր: Որպես դատավորի թեկնածու առաջարկվում է Ասադ իրն Սոււազի թեկնածությունը: Բանու Կուրայքա ցեղի հրեանները համաձայնվում են այդ թեկնածության հետ: Սուսուլման դատավորը վախենալով, որ իր մեղմ վճիռը կարող է առաջ բերել մարզարեի զայրույթը, կայացնում է հետևյալ վճիռը. մեղավորները պետք է պատժվեն իրենց իսկ հին օրենքների համաձայն: Ըստ այնմ դատավորը վկայակոչում է Աստվածաշունչը, որտեղ ասվում է, որ չպետք է խնայել դավաճաններին: Դատավորի վճիռը անողոր ու դաժան էր. բոլոր դավաճան տղամարդկանց սրի քաշել, նրանց կանանց ու երեխաններին մատնել ստրկության, իսկ պատժվածների ունեցվածքը բռնազրավել ու բաժանել մուսուլմանների միջև: Վճիռը ի կատար ածելու համար շուկայի հրապարակի մոտ փորեցին խորը փոսեր, որոնց մոտ բերեցին կապկապված հրեա տղամարդկանց և հերթով կտրելով նրանց գլուխները, նետեցին փոսերի մեջ: Իսկ նրանց կանայք և երեխանները ստրկության վաճառվեցին Նեցղի բեղվիններին: Սուսուլմանները հիմնահատակ կործանեցին նաև հրեական այդ ցեղի բնակավայրը, իսկ նրանց հողերը զավթեցին: Բանու

Կուրայզա ցեղը ամբողջապէս ոչնչացվեց: Այսպիսով, 627 թ. տեղի ունեցավ այսպէս կոչված «ներքին թշնամու»՝ հրեաների մաքրագործումը: Այսուհետև Մադինան փաստորեն դարձավ մուսուլմանական ուսմմայի համածին քաղաք:

Այդ դաժան հաշվիհարդարների լուրը կայծակի արագությամբ տարածվեց ողջ Արաբիայում: Տեսնելով, որ բոլոր այն ցեղերը, որոնք կամովին հանձնվել են մարզարեին և ընդունել նրա իշխանությունը վնասներ չեն կրել, բեղվինական մի շարք ցեղեր որոշեցին հետևել այդ օրինակին: Իր հերթին, իրադարձությունների տրամաբանության հետ կատարյալ համապատասխան, 628 թ. Մուհամմադը սկսեց պահանջել, որ ցանկացած խմբավորում, որը ցանկանում է միանալ իրեն, նախքան իր հետ համապատասխան դաշինքի կնքումը պարտավոր է ընդունել իսլամը:

«Խանդակի» ճակատամարտում ձեռք բերած հաղթանակից հետո Մուհամմադը որոշեց իր ուշադրությունը կրկին սեղող Մերքայի վրա: Հստ այնմ ուժեղացան մեքքացիների քարավանների վրա հարձակումները: Դրա հետ մեկտեղ, մարզարեն ծրագրել էր արմատական քայլեր կատարել իր թշնամուն ծնկի բերելու համար՝ Մերքան ենթարկել «Հացի շրջափակման»: Մուհամմադի խնդրանքով երկրագործական Յեմամ շրջանից, որտեղ գործում էր Մուսեյլիմա մարզարեն, դադարեցվեց ցորենի մատակարարումը Մերքային:

Քաղաքական թոհուրոհի պայմաններում մարզարեն չէր մոռանում նաև իր անձնական լյանքն ու գործերը դասավորելու մասին: Նա կանոնավոր կերպով ստանում էր ռազմական ավարի հինգերորդ մասը: Միաժամանակ նա ցանկություն հայտնեց ամուսնանալու կուրայշիների շեյխի կնոջ՝ հրեուիի Ռայխանայի հետ: Բայց վերջինս չցանկացավ ընդունել իսլամը, ուստի և դար-

ձավ սոսկ մարգարեի հարճը և ապրում էր նրա մյուս կանանցից առանձին: Մի քանի ամիս անց Մուհամմադը որպես հյուր այցելում է իր որդեգրած հոգեզավակ Զայդին և նրա տանը տեսնում նրա կնոջը՝ Զայնաբին թեթև տնային հազուստով: Շփոթահար լինելով, նա դուրս է զալիս տնից և հեռանում: Սակայն Զայնաբը նկատում է, որ իրեն տեսնելով մարգարեի աշքերը փայլատակել են և այդ մասին նա պատմում է իր ամուսնուն՝ Զայդին: Վերջինս գնում է Մուհամմադի մոտ և նրան խնդրում, որ օրինություն տա իր ապահարզանին, որպեսզի մարգարեն Զայնաբին վերցնի կնության: Մարգարեն արգելում է Զայդին դիմելու այդ քայլին: Սակայն Զայդը այնուամենայնիվ որոշում է բաժանվել կնոցից, գուցե աշքի առաջ ունենալով հեռահար հնարավոր վտանգը: Բոլոր դեպքերում այդ պատմությունը ավարտվում է Զայնաբի հետ Մուհամմադի ամուսնությամբ: Այդ առթիվ Ղուրանում ասվում է: «Եւ երբ դու նրան, որին Աստուած ողորմել է եւ դու էլ ես ողորմել ասացիր, «կնկանդ պահի ր մոտդ, և վախի ր Աստուածանից» եւ դու (ով Մուհամմեդ) ծածկում էիր իր սրտումը, ինչ որ Աստուած արդէն յայտնել էր, եւ վախում էիր մարդկանցից, թէեւ աւելի է վայելում որ Աստուածանից վախես,- եւ երբ Զեյդը պետք եղածը իր կնոց համար վճարեց, մենք քեզ նրա հետ ամուսնացրեցինք, որ հաւատացեալների համար նեղութիւն չը լինի իրանց որդեգրածների կնիկներն առնելու, երբ նրանց ապահարզանը նրանք կը վճռեն Աստուծոյ պատերը պետք է կատարի» (33:37):

Մադինայում անմիջապես սկսեցին խոսակցություններ գնալ, որ մարգարեն ինքն է խախտում պատվիրանները, քանի որ ամուսնացել է հարսի հետ: Ինչքան էլ որ Մուհամմադը բացարում էր, որ Զայդը իր հարազատ որդին չէ, այլ որդեգրած զալակ, միևնույնն է, անօգուտ էր: Ուստի նա ստիպված եղավ հրապարա-

կայնորեն չեղյալ հայտարարել որդեգրման վերաբերյալ պայմանագիրը:

Իր հասցեին ամբոխի այդ մեղադրանքները զայրացրին ու հունից հանեցին մարգարեին: Այդ զայրույթը նա տարածեց նաև իր կողմնակիցների վրա: Օրինակ, հայտարարվեց, որ այսուհետև մուսուլմաններին չի թույլատրվում առանց հիմնավոր պատճառի, հենց այնպես, մտնել մարգարեի տունը: Որ իր տան այցելուները այսուհետև իր կանանց հետ կարող են խոսել միայն վարագույրի հետևից: Օրենքի ուժ ստացավ նաև այն սովորույթը, որ մարգարեի կանայք կողմնակի մարդկանց ներկայությամբ պետք է ծածկեն իրենց դեմքերը: Մինչ այդ արաբ կանայք իրենց դեմքերը ծածկում էին կիզիչ արևի ճառագայթներից պաշտպանվելու համար, իսկ այժմ մարգարեի կանայք պարտավոր էին իրենց դեմքը ծածկել բոլոր կողմնակի տղամարդկանցից: Աստիճանաբար այդ սովորույթը տարածվեց բոլոր մահմեդական կանանց վրա:

Մուհամմադի անձնական կյանքում տեղի ունեցավ նաև մեկ այլ տհաճ միջադեպ, որը հանդիսանում էր վարկաբեկիչ սպառնալիք: Այս անգամ պատմությունը կապված էր իր սիրեցյալ կնոջ՝ Այիշայի հետ: Ուղտերի քարավանով ինչ որ վայր մեկնելիս Այիշան ճանապարհին անսպասելի կերպով անհետացել էր: Գտնվել էր հաջորդ օրը, երբ զինվորներից մեկը ուղտի վրա նստած նրան հետ էր քերել: Քարավանից հետ մնալու պատճառը նա մեկնաբանել էր հետևյալ կերպ: Նստելով իրեն տեղափոխող պատգարակի մեջ, հանկարծ հիշում է, որ վրանում թողել է մարգարտյա մանյակը և անմիջապես վերադարձել է հետ այն վերցնելու: Իսկ պատգարակը տանող մարդիկ, որոնք կանգնած են եղել քիչ հեռու, երբ մարգարեի կինը նստում էր նրա մեջ, չեն նկատել, որ նա դուրս է եկել պատգարակից և շարունակել են իրենց ճա-

նապարից: Եվ Այիշային պատահմամբ հանդիպել է այդ կողմերից անցնող Սալֆան անունով զինվորը, որը մարզարեի կնոջը բերել ու հանձնել է իր ամուսնուն:

Ողջ Մադինայում սկսում են պտտվել շշուկներ, որ մարզարեի կինը դավաճանել է: Նոյնիսկ տեղական քանաստեղծները հորինում են ոտանավորներ սիրային մանյակի մասին: Ոչ ոք չէր հավատում մանյակի վերաբերյալ վարկածին, համարելով, որ դա նրբին ձևով պլանավորված սիրային հանդիպում է եղել: Մուհամ-մադը շատ էր սիրում Այիշային և չէր ուզում հավատալ նրա դա-վաճանությանը: Բայց և հասկանում էր, որ եթե ներեր նրա այդ վարմունքը, ապա վերջնականապես Մադինայի բնակչության շրջանում կկորցներ իր հեղինակությունը:

Տեղական ժամանակ նա աղերսագին աղոթքներով դիմում է Ալլահին, որպեսզի բարձրյալն իր համար բացահայտի Ճշմար-տությունը և ահա այդպիսի աղոթքներից մեկի ժամանակ ստա-նում է հայտնություն, որ կնոցը դավաճանության մեջ մեղադրելու համար անհրաժեշտ է չորս վկաների վկայություններ, իսկ քանի որ վկաներ չկան, հետևաբար Այիշան մաքուր է: Իսկ բոլոր նրանք, որոնք առանց որևէ հիմքի մարզարեի կնոց նկատմամբ ներկա-յացնում են այդպիսի ծանր մեղադրանք, ենթակա են պատճի մտրակահարության միջոցով: Մի քանի այդպիսի մարդիկ հրա-պարակավ պատժեցին, իսկ մյուսները այլևս փակեցին իրենց բերանները: Հարցը փակվեց: Կուրանում այդ մասին ասվում է: «Ահա՝ նրանք, որ զրպարտութիւն են անում, նրանք ձեզ ազգական են, նրանց վնասակար մի՛ համարեք ձեզ համար, այլ նրանք ձեզ օգուտ են. նրանցից ամեն մի մարդու կը վայելէ այն պատիժը, ինչ հանցանք որ գործել է, եւ նա որ նրանցից մեծ սուտն է ասել, նրա համար մեծ պատիժ կայ» (Ղուրան, 24:11):

Մինչդեռ գնալով, մարգարեն ավելի վճռականորեն էր տրամադրվում իր նոր կրոնը տարածելու և նորանոր հավաքականություններ իր իշխանությանը ենթարկելու համար: Նա սկսեց տարբեր ուղղություններով ուղարկել զինված ջոկատներ, քոչվոր հեթանոսներին ստիպելու համար, որ ընդունեն իսլամը: Այդ դժվարին գործը զլուխ բերելու համար քաղաքական կամքի հետ միաժամանակ անհրաժեշտ էին միջոցներ, շատ միջոցներ, մարտունակ բանակ պահելու և զինվորներին վարձատրելու համար: Ուստի մարգարեն ձեռնամուխ եղավ իր սեփական քարավանային առևտրի կազմակերպմանը:

Այդ բոլոր համալիր միջոցառումների իրականացման արդյունքները իրենց երկար սպասեցնել չտվեցին: Շուտով քոչվորները ևս հասկացան, թե ով է անապատում իրական տեր ու տիրականը և իրար հետևից սկսեցին Մադինա ժամանել բեռնավորված քարավաններ, իրենց հետ բերելով հարուստ նվերներ մարգարեի համար: Սուհամմադին այցելության էին զայխ նաև ցեղերի առաջնորդների դեսպանություններ, աշխատելով կանխել մյուսներին և իրենց համար կորզել ավելի ձեռնոտու պայմաններ:

Այս բոլորի տրամաբանական հետևանքը հանդիսացավ այն, որ 627 թվականին ստեղծվեց համադաշնություն հեթանոսքոչվորների, իսլամն ընդունած քոչվորների և մադինացիների միջև:

628 թ. Սուհամմադը հայտարարեց, որ ինքը նոր հայտնություն է ստացել, որի ժամանակ Ալլահը իրամայել է իրեն «փոքր ուխտագնացություն» (ումրա) կատարել Մեքքա Քաաբային երկրապագելու համար: Երբ նա իր հայտնության մասին պատմեց մուտքամաններին, նրանք որոշեցին արշավանք կազմակերպել Մեքքա մտնելու համար, քանի որ այլապես մարգարեին չէին թույ-

լատրի մտնելու այդ քաղաքը, որտեղից նա վտարված էր: Մուհամմադին այդ ուխտագնացության ժամանակ ուղեկցեց յոթ հարյուր մարդ (այլ տվյալներով մինչև 1500):

Մադինայից ուխտագնացները շարժվեցին ոտից զլուխ զինված, սակայն առաջին խև հանգստի ժամանակ, մարզարեն իր վրայից հանեց զրահը և հագնվեց ուխտագնացի սպիտակ զգեստ, համենայն դեպք սուրբ կապելով իր կողքին: Նույն կերպ վարվեցին նաև մյուսները: Շուտով հետախուզությունը տեղեկություն բերեց, որ մեքքացիները ուխտագնացների դեմ ուղարկել են հեծյալ մի ջոկատ և իրենց աստվածների անուններով երդել են մուսուլմաններին թույլ չտալ մտնելու քաղաք: Իր առջև հարուցված այդ արգելքը հաղթահարելու նպատակով, Մուհամմադը գտավ տեղանքը լավ իմացող ուղեկցորդների, որոնց օգնությամբ լեռնային արահետներով ինքը և իր մարդիկ մոտեցան Մեքքային և ճամբար դրեցին քաղաքի մատուցներում գտնվող Խուդայիշխան կոչված վայրում: Ի դեպք, մարզարեն նախազգուշացրեց բոլորին, որ առաջիկա մարտերը մղվելու են հանուն հավատի և հորդորեց քիչ մտածել ավարի մասին: Նա իր փեսա Օսման իրն ալ-Աֆֆանին ուղարկեց քաղաք կուրայշիների հետ քանակցություններ վարելու: Օսմանը նրանց առաջարկեց, որ թույլ տան մուսուլմաններին խաղաղ, առանց հետին մտքերի մտնելու քաղաք Քաարբայում իրենց աղոթքը աստծո ականջին հասցնելու համար, խոստանալով, որ իրենց այդ խնդրանքին ընդառաջ գնալու դեպքում մուսուլմաններն այլևս հարձակումներ չեն գործի մեքքացիների քարավանների վրա:

Մինչդեռ քաղաքում կրքերը եռում էին. բոլորի համար պարզ էր, որ չի կարելի թողնել, որ մարզարեն մտնի քաղաք, քանի որ դա կդիտվեր որպես մեքքացիների պարտություն: Մյուս կող-

մից, սակայն չթողնել ևս չեր կարելի, որովհետև դա կլիներ սրբապղծություն, եթե մարդկանց արգելվում է երկրպագել աստծուն:

Մազարեի այդ փոքր ուխտագնացության թաքնված իմաստը կայանում էր հետևյալը: Բանը նրանումն էր, որ Մեքքայում գոյություն ուներ ծաղտված մուսուլմանամետ մարդկանց մի ուժեղ կուսակցություն և մարզարեն հույս ուներ, որ իր գորքերի քաղաք մտնելուն պես այնտեղ տեղի կունենա հեղաշրջում: Սակայն նրա այդ սպասելիքները չիրականացան: Ավելին, քոչվորները լուր բերեցին, որ մարզարեի բանագնաց փեսան՝ Օսմանը, սպանված է: Այդ լուրը ուղղակի հունից հանեց Սուհամմադին և նա հայտարարեց, որ հետ չի վերադառնա, մինչև որ կործանիչ հարված չհասցնի իր թշնամիներին: Բոլոր մահմեդականները մեկ մարդու պես մոտենալով նրան, երդվեցին, որ մինչ ի մահ կռվելու են:

Սակայն շուտով բանագնացի մեռնելու մասին լուրը հերքվեց և հայտնի դարձավ, որ նա ընդամենը պատանդ է վերցվել: Քիչ ավելի ուշ Սուհամմադի ռազմական ճամբարը ժամանեց կուրայշիների պատվիրակությունը Սուխայլ իրն Ամրի զլխավորությամբ, որն իր հետ բերեց նաև մարզարեի փեսային: Պատվիրակության դեկավարը հայտնեց, որ Մեքքայի ավագանին պատրաստ է տաս տարի ժամկետով Սուհամմադի հետ կնքել խաղաղության պայմանագիր: Առաջարկը ծանր ու թերեւ անելուց հետո մարզարեն տվեց իր համաձայնությունը և 628 թ. մարտի 13-ին կողմերի միջև կնքվեց հաշտության պայմանագիր, որը հայտնի է Խուղայիրի պայմանագիր անունով: Ըստ էության դա մի գրավոր երդում էր (արար. բայ'ա), որը ներառում էր հետևյալ պայմանները, կողմերի միջև 10 տարի ժամկետով հաստատվում է խաղաղություն. մահմեդականներին թույլատրվում է ուխտագնացութ-

յան մեկնել Մեքքա, սակայն առանց գենք կրելու (թույլատրվում էր ունենալ միայն սուր՝ ինքնապաշտպանության համար): Մուհամմադը պարտավորվում էր հարձակումներ չգործել Մեքքայի քարավանների վրա: Պայմանագրում Մուհամմադը չէր ընդունվում որպես մարզարե, ուստի և նրա անունը հիշատակելիս այդ բառը բացակայում էր: Պայմանագրում նաև նշվում էր, որ եթե մեքքացիներից որևէ մեկը, որն առանց այն մարդկանց համաձայնության, որոնք նրա նկատմամբ դնեն օրինական իշխանություն, անցնի Մուհամմադի կողմը, նա պետք է վերադարձվի մեքքացիներին, իսկ եթե Մուհամմադի կողմից որևէ մեկը անցնի մեքքացիների կողմը, նա չպետք է վերադարձվի: Եթե որևէ ցեղի մարդիկ ցանկանում են Մուհամմադի հետ մտնել դաշինքի մեջ, ապա նրանք կատարելապես ազատ են այդ կերպ վարվելու, իսկ նրանք, որոնք ցանկանում են դաշինքի մեջ մտնել մեքքացիների հետ, նույնպես ունեն դրա իրավունքը: Պայմանագրում այնուհետև ասվում էր, որ ուղիղ մեկ տարի Մուհամմադն ու իր կողմնակիցները իրավունք չունեն մտնելու Մեքքա և պարտավոր են հեռանալ նրա շրջակայթից: Իսկ մեկ տարի հետո կուրայշիները պարտավորվում են երեք օրով հեռանալ Մեքքայից, որի ընթացքում Մուհամմադն իրավունք ունի իր զինված զոկատներով մտնել քաղաք, այդ երեք օրերի ընթացքում մնալ այնտեղ և Քաարայում աղոթել ու կատարել ուխտավորի իրենց պարտականությունը:

Մուհամմադը և մուսուլմանական վերնախավը այդ պայմանագիրը գնահատեցին որպես դիվանագիտական հաղթանակ, նկատի ունենալով, որ առաջին անգամ կուրայշյան ազնվականությունը Մուհամմադին ճանաչեց որպես հավասար կողմ: Սակայն շարքային մուսուլմանների գանգվածը, որն ատում էր Մեքքայի հարուստների օլիգարխիային և երազում էր այդ քաղաքը

հաղթական մուտքի մասին, ծայրահեղորեն դժգոհ էր: Առանձնակի դժգոհություն էին դրսերում Մուհամմադի զինվորները, որոնք տրամադրվել էին արյունահեղ ճակատարմատի համար, իուս ունենալով ձեռք բերել հարուստ ավար: Նրանք գտնում էին, որ ոչ մի դեպքում հեթանոսների հետ չպետք է կնքվի պայմանագիր: Դժգոհությունն ավելի մեծացավ այն բանից հետո, եթե մարդարեն հայտարարեց, որ Քաարայի փոխարեն աղոթքը և զոհերի մատուցումը պետք է տեղի ունենա հենց իրենց ճամբարում: Չնայած տրտունջներին, ոչ ոք սակայն շհամարձակվեց առարկել Մուհամմադի այդ որդշմանը: Չնայած այդ դժգոհությանը, Մուհամմադի քաղաքական հեղինակությունը Խուղայիրի պայմանագրի կնքումից հետո էլ ավելի բարձրացավ: Արաբական մի շարք ցեղեր, հատկապես նրանք, որոնք թշնամարար էին տրամադրված Մեքքայի նկատմամբ, ճանաչեցին և ընդունեցին Մուհամմադի քաղաքական իշխանությունը: Նրանց հետ կնքելով պայմանագրեր, մարզարեն ոչ միշտ էր նրանցից պահանջում ընդունել իսլամը: Նույնիսկ կուրայշիների առանձին ներկայացուցիչներ, որոնք նախկինում հանդիսանում էին իսլամի թշնամիներ, այժմ անցնում էին մարզարեի ճամբարը և դառնում մահմեդականներ:

Այդ կերպ վարվեցին, օրինակ, Խալիֆ իրն ալ-Վալիդը, Ասրի իրն ալ-Ասր և ուրիշներ, որոնք հետագայում դարձան արաբական խալիֆայության փառաբանված զորավարներ ու պետական գործիչներ: Այդ մարդիկ, որոնք որպես կանոն անտարբեր էին կրոնի նկատմամբ, սակայն այժմ տեսնում էին, որ իսլամը վեր է ածվել լուրջ քաղաքական ուժի, որին միանալը իրենց խոստանում է մի շարք առավելություններ ու օգուտներ:

Խուղայիրի պայմանագրի ստորագրումը միաժամանակ նշանակում էր, որ ճանաչվում է իսլամական ումմայի քաղաքա-

կան ստատուսը որպես իր նշանակությամբ հավասար Մեքքայի գործընկեր: Դա միաժամանակ նշանակում էր, որ Մեքքայի իշխանությունները վերջապես հասկացել են, որ խաղը տանուլ է տրված և քանի դեռ դա հնարավոր է, իրենք պետք է աշխատեն պահպանել քաղաքի առկա վիճակը մահմեղական համայնքի հետ ինտեգրվելու ձանապարհով: Ակնառու կերպով տեսնելով, որ քանակում առկա է դժգոհություն, Սուհամմադը հայտարարեց, որ Մեքքա մեկնելը և այնտեղից Սադինա վերադառնալու հրամանը իրեն տրված է Ալլահի կողմից և ինքը միայն կատարել է նրա կամքը: Նրա ասելով, ամենազոր Ալլահը միշտ առատաձեռն կերպով պարզեցում է նրանց, ովքեր հավատարմորեն կատարում են նրա կամքը: Դրան նա ավելացնում է, որ հետղարձի ձանապարհին զորքերին սպասում է հարուստ ավարը: Ի դեպ, նրա այդ խոստումը անհիմն չէր: Բանը նրանումն է, որ մեքքացիներն առաջարկել էին Սուհամմադին քաղաքի մոտերքից իր մարդկանց հեռացնելու դիմաց, որպես փրկագին իրավունք տալ կողոպստելու Մեքքայից հյուսիս գտնվող Խայբար հարուստ օազիսի հրեաներին, որոնք հանդիսանում էին մեքքացիների դաշնակիցները և միաժամանակ իսլամի անհաշտ թշնամիներ: Այդ օազիսում ապաստան էին գտել նաև հրեական կայնուկա և ան-Նադիր ցեղերի մարդիկ, որոնք մարզարեի գործադրած հալածանքների հետևանքով Խանդակի մոտ տեղի ունեցած ձակատամարտից հետո փախել էին և հիմնավորվել Խայբարում:

Սադինայում մի որոշ ժամանակ հանգստանալուց հետո, 628 թ. մայիսին Սուհամմադը հավաքեց մի ուժեղ ջոկատ և շարժվեց դեպի Խայբարի օազիսը, որը հիմնականում բնակեցված էր հրեաներով: Նրա հետ մեկնեցին միայն նրանք, ովքեր եղել էին Մեքքայի պատերի մոտ: Դա մի տեսակ պարզեցատրում էր հավա-

տարմության, ինչպես նաև զինվորների դժգոհության ալիքը մարելու համար: Իր զինվորների հարվածների տակ օազիսի մանր ամրոցները մեկը մյուսի հետևից ընկան: Իսկ հրեա հողագործները, որոնք կազմում էին Խայբարի հիմնական մասը, նույնիսկ դիմադրություն ցույց չտվեցին: Մուսուլմանները համառ դիմադրության հանդիպեցին միայն օազիսի կենտրոնական մասում գտնվող ամրոցների զինվորների կողմից, որի հետևանքով տվեցին 25 զոհեր: Խայբարում գործն ավարտելուց հետո, մարզարեն գորքերը այնուհետև շարժվեցին ոչ հեռու գտնվող Ֆուդաք (Ֆադաք) օազիսը, որը հանձնվեց առանց դիմադրության, համաձայնվելով, որ իրենց բնակավայրերում բնակիչները մնան որպես իրենց իսկ հողերի վարձակալ և դառնան հարկատու, Մուհամմադին հանձնելով իրենց բերքի կեսը: Օգտվելով քարեպատեհ առիթից, մարզարեն ջախջախեց նաև Վադի ալ-Քուրա, Ֆաթաք և Թայմէ օազիսների հրեական զաղութները: Հրեաներից նրանք, ովքեր դիմադրություն չէին ցուցաբերում մարզարեի զորքերին, նրանց թույլատրվում էր հեռանալ Արաբիայի սահմաններից:

Հրեական վերոհիշյալ զաղութներից, հատկապես Խայբարից ձեռք բերված ավարը ուղղակի առասպելական էր. ուսկի, արծաթ, մեծ թվով ստրուկներ և այլն: Խայբարի հրեաների հետ Մուհամմադը կնքեց հաշտության պայմանագիր՝ տրված «Մովսեսի օգնական և եղբայր, մարզարեների ճիշտ վկայություն Մուհամմադից Հին Կտակարանի հետևորդների խմբին»: Խայբար օազիսը Մուհամմադը բաժանեց առանձին կտորների, յուրաքանչյուր հետեակ զինվորին հատկացնելով մեկ բաժին, իսկ հեծյալին՝ երկու բաժին: Մուհամմադին հասանելիք ավարի թվում էր նաև տասնյոթամյա մի զեղեցկուի հրեա Սաֆիա անունով, որի հետ

մարզարեն ամուսնացավ, նախապես հրամայելով սպանել նրա ամուսնուն:

Այնուհետև իրար հետևից Մուհամմադը ընկճեց ու իր իշխանությանը ենթարկեց Վաղի ալկուրա, Թայմա վայրերի ցլղերին, որոնք պարտավորվեցին իրենց բերքի որոշ մասը տրամադրել մարզարեին և վճարել զլխահարկ՝ գտնվելու համար խսլամի հովանավորության տակ:

Խայրարի անկումից հետո մարզարեի նկատմամբ վրիժառությամբ լցված հրեաները փորձում էին մահափորձ կատարել նրա կյանքի դեմ: Ավանդությունը պատմում է, որ մի ստրկուիի, ենթադրաբար հրեուիի, որը կորցրել էր իր բոլոր հարազատներին, որոշում է Մուհամմադից լուծել իր ցեղի և անձամբ իր վրեժը: Չնացնելով, թե ինքը հակված է խալամն ընդունելու, նա որպես նվեր մարզարեին մատուցում է մի եփված ոչխար, որի վրա քաված էր ուժեղ ներզործող թույն: Մի քանի հյուրերի ներկայաւթյամբ պատրաստվելով ընթրիքի, Մուհամմադը կարգադրում է մատուցել այդ ոչխարը: Մի պատառ վերջնելով իր բերանը, նա զգում է տհաճ համ և դուրս քրում բերանի պարունակությունը: Հյուրերից մեկը, որն արդեն կուլ էր տվել մսի մի կտոր, տեղնուտեղը մահանում է: Սակայն Մուհամմադը ևս էժան չի պրծնում: Դրանից հետո, ինչպես ինքն է ասել, այլևս երբեք իրեն լիարժեք առողջ չի գտացել: Իր կյանքի մայրամուտին ձեռք բերված հիվանդությունը և նրան հաջորդած մահը ևս մարզարեն վերագրել է այդ թունավորմանը: Սակայն վարկած կա այն մասին, որ մարզարեի անառողջ լինելու պատճառը պարբերաբար կրկնվող դողերոցը էր (մալարիա), որը տարածված հիվանդություն էր Խայրարի և Մադինայի կողմերում:

Չորս տարի տևած անընդմեջ զինված արշավանքների հետևանքով մուսուլմանների բանակը դարձավ հիանալի կազմակերպված, կարգապահ և մարտունակ մի ուժ: Այդ բանակի զինվորները հասկացել էին, որ ոչ մի այլ զբաղմունք, այդ թվում նաև առևտուրը, հախուտն ու անկազմակերպ ասպատակությունները և այլն ի վիճակի չեն իրենց բերելու այնպիսի մեծ շահույթ, ինչպիսին բերում էին կազմակերպված ռազմական արշավանքները:

Բանակում և պետական կառավարման մեջ իրենց հավատարիմ մարդկանց թիվն ավելացնելու նպատակով Սուհամմադի կարգադրությամբ Եթովպիայից վերադարձան այնտեղ դեռ մնացած առաջին մուսուլմանները: Դրանց թվում էին նաև մարզարեի հորեղբորորդի Զաֆար իբն Աբու Թալիբը, ինչպես նաև Աբու Սուֆյանի հարազատ դուստր Ումմ Հաբիբան, որը շուտով դարձավ Սուհամմադի հերթական կինը: Այդ ամուսնությամբ մարզարեն իրեն կապեց Օմայանների հարուստ և ազդեցիկ տոհմի հետ:

Մերքա կատարած ուխտագնացությունից հետո Սուհամմադը սկսեց նամակներ հղել շրջակա պետությունների տիրակալներին՝ Բյուզանդիայի կայսր Հերակլին, պարսից շահնշահ Խոսրով Բ Փարվեզին, Սիրիայի բյուզանդական տեղապահին, Հարբեշտանի նեցուսին, հարավ-արևելյան Արաբիայի բանու հանիֆա ցեղի առաջնորդին, Հասանիների իշխանության թագավոր Հարիթ VII-ին, Եգիպտոսի կառավարիչ ալ-Սուկառկիսին, դասանյան իշխանին, Օմանի, Եմենի թագավորներին, Բահրեյնի, Յամանայի կառավարիչներին և այլն: Այդ նամակները սկսվում էին հետևյալ բառերով. «Սուհամմադի, Ալլահի մարզարեի կողմից»: Այդ ուղերձներում նա կոչ էր անում բոլորին ընդունել իսլամը որպես միակ ճշմարիտ կրոն, ճանաչել Ալլահին և Մադինայի հետ կնքել խաղաղության պայմանագիր: Այդ ժամանակվա աշ-

խարիի տիրակալների մոտ այդ նամակները առաջ էին բերում ոչ միանշանակ արձագանք: Օրինակ, Եզիպտոսի տեղապահը նամակով պատասխանեց մարզարեին և որպես նվեր նրան ուղարկեց երկու ստրկուհիների, որոնցից մեկի հետ, որը դպտի քրիստոնյա էր Մարիամ անունով, Մուհամմադն ամուսնացավ: Ի դեպ, նրանց ամուսնությունից ծնվեց մի տղա Իբրահիմ անունով, որը սակայն վաղ մանկության հասակում մահացավ: Իսկ Իրանի շահ Խոսրով Փարվեզը զայրանալով, որ նամակում իր անունը զրկած է Մուհամմադի անունից հետո, պատում է այն և նույն օրը Եմենում իր տեղապահին ուղարկում է նամակ հետևյալ բռվանդակությամբ. «Յասրիբում հայտնվել է մի խելազար, որն իրեն երևակայում է որպես մարզարե: Ինձ ուղարկիր կամ նրան, կամ նրա զլուխը»: Ավանդության համաձայն, երբ մարզարեին տեղեկացնում են, որ շահը պատառուտել է իր նամակը, նա ասել է. «Ինչի որ վերածեց նա իմ նամակը, նույնի կվերածվի նրա թագավորությունը Ալլահի կողմից»:

Սանր իշխանավորներին զրած նամակներում Մուհամմադը խոստանում էր, որ եթե նրանք դառնան մահմեղական և հնագանդվեն Ալլահին ու նրա մարզարեին և որպես տուրք վճարեն ստացվող բերքի տասներորդ մասը, ապա նրանք կգտնվեն Ալլահի և Մուհամմադի պաշտպանության ու հովանավորության ներքո:

Սակայն իսլամի հաղթարշավն ապահովելու համար խաղաղ հորդորներից առավել մարզարեն օգտագործում էր զենքի ուժը: 628 թ. երկրորդ կեսին և 629 թ. սկզբին նա շարունակում էր ընկճել ու իրեն ենթարկել նորանոր քոչվորական ցեղերի, ջոկատ ջոկատի հետևից ուղարկելով անսպատ: Ըստ որում, նա ինչպես պարտավորվել էր Խուդայի խաղաղության պայմանագրով, չէր

անհանգստացնում ոչ Սեքքայի կուրայշիներին և ոչ ել նրանց դաշնակիցներին: 629 թ. մարտին մոտ երկու հազար մուսուլմաններ մարգարեի զիխավորությամբ շարժվեցին դեպի Սեքքա ուխտագնացության՝ Քաքաբային երկրպագելու համար: Դա նախատեսված էր Խուղայրիի պայմանագրով: Սակայն կուրայշիները խախտեցին պայմանավորվածությունը և Սեքքայից երեք օրով չհեռացան, ինչպես որ խոստացել էին: Սակայն այնուամենայնիվ թույլատրեցին, որ ուխտավորները մտնեն քաղաք և երեք օր կատարեն իրենց ուխտը: Այդ ուխտագնացության ժամանակ Սուհամմադն իր հարեմը համալրում է ևս մեկ նոր անդամով, կնության վերցնելով Սայմուն անունով մի կնոջ, որը այրի մահմեղական էր: Այդ կինը ազգակցական կապերով կապված էր Սեքքայի բազմաթիվ աշքի ընկնող ընտանիքների հետ, հետևաբար այդ ամուսնությունը նույնպես ուներ քաղաքական ենթատերսություն:

Երբ լրացավ ուխտագնացների Սեքքայում գտնվելու երրորդ օրը, կուրայշիները Սուհամմադին հիշեցնում են Խուղայրիի պայմանագրի համապատասխան կետը և առաջարկում անմիջապես հեռանալ քաղաքից: Սուհամմադը նրանց պատասխանում է, որ ինքը կնության է վերցրել կուրայշիներից մի կին և նրանց հրավիրում է հարսանիքի: Հատ երևույթին մարգարեի հաշվարկը կառուցված էր նրա վրա, որ այդ հրավերը կարող էր հաշտեցնել թշնամիներին: Սակայն մերքացիները կտրականապես մերժեցին Սուհամմադի առաջարկը և վերջինս ստիպված եղավ իր հարսանիքը նշել քաղաքային դարպասներից դուրս:

Մարգարեի հերթական փորձը խաղաղ ճանապարհով նվաճելու Սեքքան այս անգամ ևս ավարտվեց անհաջողությամբ: Նա իր մարդկանցով վերադարձավ Մադինա: Նրա հետ մեկնեց նաև մերքացիների մի խումբ, որը գաղտնապես ընդունել էր խլամը:

Չնայած ձախողմանը, Մուհամմադի «ուխտագնացությունը» Մեքքա այնուամենայնիվ ունեցավ շրջադարձային նշանակություն: Նախ բոլորը համոզվեցին, որ Մեքքայի օրերը հաշված են: Այնուհետև, հեթանոսության միջնաբերդ հանդիսացող այդ քաղաքի ամենաակտիվ և ուներ մարդիկ զանգվածորեն սկսեցին ընդունել իսլամը և փախչել Մադինա: Կուրայշիների հետ կորված պայմանագրում Մուհամմադը խոստացել էր փախստականներին չընդունել իր մոտ և սկզբում իսկապես կատարում էր իր այդ խոստումը: Սակայն այն փախստականները, որոնց թույլ չտրվեց մտնելու Մադինա, համախմբվեցին և կազմեցին մի ոչ մեծարիկ բանակ և սկսեցին կողոպուտի մատնել կուրայշիների քարավանները: Վերջիններս դիմեցին Մուհամմադին, խնդրելով սանձել այդ մուտքմաններին: Բայց մարզաքն պատասխանեց, որ իր քաղաքում ինքը չի ընդունել նրանց, համաձայն պայմանագրի, հետևաբար նրանց արարքների համար պատասխանառու չէ:

Ի վերջո, համարելով չարյաց փոքրագույնը, և մտավախություն ունենալով, որ նորադարձ մահմեդականները Մեքքայում կղառնան «հինգերորդ զորասյուն» և կկազմակերպեն ներքին խռովություններ, կուրայշիները համաձայնվեցին, որ Մուհամմադն ընդունի փախստականներին: Իսկ դրա անխուսափելի հետևանքը եղավ այն, որ նորադարձ մահմեդականների հոսքը Մեքքայից Մադինա աննախընթաց չափով ուժեղացավ: Սկսեցին Մադինա տեղափոխվել նաև Մեքքայի ազնվազարմ ծագում ունեցող և մեծ հեղինակություն վայելող անձինք, ինչպիսիք էին, օրինակ, Եզիպտոսի ապագա նվաճող Ամր իբն ալ-Ասը և հետագայում մեծ զորավար Խալիդ իբն ալ-Գալիդը, որոնք հավաստիացրին Մուհամմադին, որ իբրեւ այսուհետև նրա հետ են: Մարզաբերի կողմն անցավ նաև նրա հորեղբայր ալ-Աբբասը, որը հետա-

գայում հանդիսացավ Աբբասյանների արքայատան նախահայրը: Այդ մարդը Մեքքայում հանդիսանում էր վերին աստիճանի աշխի ընկնող և մեծ ազդեցություն ունեցող դեմք:

Խալիդ իրն ալ-Վալիդին և Ամր իրն ալ-Ասին, որոնք ոչ շատ վաղուց հեթանոսներ էին, Սուհամմադը նշանակեց մուսուլմանական ջոկատների հրամանատարներ: Թեև դա «հին» մուսուլմանների շրջանում առաջ բերեց դժգոհություն, բայց Մեքքայի շատ հեթանոսներ, տեսնելով, որ խլամն ընդունելով կարելի է արժանանալ դիրքի ու պաշտոնի, շտապեցին դառնալ մահմեդականներ: Վերոհիշյալ նշանակումները Սուհամմադի կողմից կատարված միայն դիվանագիտական քայլ չէին: Իր սուր աչքով մարզարեն այդ մարդկանց մեջ նկատել էր զորավարական անուրանալի տաղանդ և բնավ չէր սխալվել: Հետազոյում այդ զորավարներն աշխի ընկան իրենց տարած բազմաթիվ փառահեղ հաղթանակներով:

Վերադառնալով Մեքքայից, Սուհամմադը սկսեց նախապատրաստել նոր արշավանք դեպի հյուսիս, այս անգամ Բյուզանդիայի սահմանները: Հավանաբար նա այդ ժամանակ եկել էր այն համոզման, որ մուսուլմանական համայնքը պահպանելու և մահմեդականների միջև կոնֆլիկտներն ու պատերազմները կանխարգելելու միակ միջոցը անընդհատ նվաճողական արշավանքներ կազմակերպելն է: Բացի այդ, պատերազմները կարող եին հանդիսանալ հարուստ ռազմական ավարի աղբյուր:

Բյուզանդիական արշավանքի պատրվակ հանդիսացավ այն, որ Բյուզանդիայի դաշնակից հասանիները սպանել էին մարզարեի դեսպանին: Արդեն վաղուցվանից Սուհամմադը ումմայի բյուջեի հինգերորդ մասը հատկացնում էր նոր զինատեսակների ձեռք բերմանը, սակայն նախապատրաստվելով նոր մեծ արշավանքի,

նա ռազմական ծախսերի վրա օգտագործեց վերջին արշավանք-ների ընթացքում ձեռք բերված ողջ ռազմավարը: Այդ բոլորի հետևանքով արդեն աշխանք նրա տրամադրության տակ կար մարտերում կոփիված և լավ զինված երեք հազարանոց բանակ: Սակայն ծանր հիվանդությամբ տառապող Մուհամմադը այլևս չեր կարող անձամբ զիխավորել իր բանակը: Նա մնաց Մադինայում, իսկ արշավանքի ընթացքում գորքերը զիխավորելու պարտականությունը դրեց Զայդի վրա, նրա տեղակալներ նշանակելով մարզաքերի հորեղորորդի Զաֆար իբն Աբու Թալիբին և Աբդալլահ իբն Ռավախին: Միայն այս երեք անձինք էին տեղյակ արշավանքի իրական նպատակների և հիմնական խնդիրների մասին:

Մեղյալ ծովի հարավային ափերի մոտ, Մուտ կոչված հովտում, մուսուլմանների արշավող գորքերը 629 թ. սեպտեմբերին հանդիպեցին թվաքանակով մի քանի անգամ իրենց գերազանցող բյուզանդական կանոնավոր բանակի և բյուզանդացիների դաշնակից արաք հասանիների գորաջոկատների հետ: Ճակատամարտը դաժան էր և արյունահեղ: Առաջին իսկ ընդհարման ժամանակ մուսուլմանական գորքերի հրամանատարներից երկուսը սպանվեցին: Մեծ էր նաև նրանց կենդանի ուժերի կորուսը: Մարզարեկի բանակը ցիր ու ցան եղավ և միայն Խալիֆ իբն Վալիդի անդուլ ջանքերի շնորհիվ հաջողվեց գորքերի մնացուկները հավաքել ու համախմբելով բերել Մադինա: Քաղաքի բնակիչները պարտվածներին դիմավորեցին վիրավորական արտահայտություններով: Սակայն դրսորելով ճշմարիտ առաքինություն, Մուհամմադը շնորհակալություն հայտնեց Խալիդին բանակը փրկելու համար: Միաժամանակ նա հրապարակավ երդվեց վրեժ լուծել իր մերձավորների արյան համար:

ՄԱՐԳԱՐԵՒԻ ՀԱՂԹԱԿԱՆ ՄՈՒՏՏՔԸ ՄԵԶՔԸ

Մերքայի հետ կնքված Խուղայրիի պայմանագիրը թեև ձեռնուուու էր մարզարեին, սակայն այն չէր բավարարում նրան, քանի որ նրա նվիրական նպատակը իր ժողովրդին Մերքա վերադարձնելն էր: Սուհամմադի առջև կանգնած կրոնական ու քաղաքական խնդիրներից կարևորագույնը Մերքայի ազատագրումն էր բազմաստվածության հետևորդներից և ալ-Քաաքայի մաքրումը հեթանոսական կուտքերից: Ուստի նա պատրվակներ էր որոնում զինադադարի վերաբերյալ պայմանագիրը խախտելու համար: Ստացվեց այնպես, որ կուրայշիների դաշնակից բանու բաքր ցեղի մարդիկ սպանեցին Սուհամմադի հետ բարեկամական հարաբերությունների մեջ գտնվող բանու խուզաա ցեղի մի քանի անդամների: Սա սովորական արյան վրիժառության հատուցման դեպք էր:

Տեղեկանալով այդ մասին, Աբու Սուֆյանը, որը շահագրգոված չէր կոնֆիլկտի մեջ մտնելու Սուհամմադի հետ, անմիջապես մեկնեց Մաղինա վեճը հարթելու համար: Սակայն մարզարեն նույնիսկ հրաժարվեց ընդունել նրան: Դրան անմիջապես հետևեց Մադինայում զինված բռչվորների հոծ զանգվածների կենտրոնացումը: Բայց ոչ որի հայտնի չէր, թե ինչ ծրագրեր է փայփայում Սուհամմադը: Ժամանակը զնում էր, շուտով սկսվեց ռամադանը և մեծ պատճ, երբ սովորաբար այդ օրերին մուսուլմանները ոչ մի եական ու կարևոր միջոցառում չեն ձեռնարկում, առավել ևս ռազմական արշավանքի իրականացում: Սակայն ռամադանի տասներորդ օրը, 630 թ. հունվարի 1-ին, զորքը դուրս բերվեց արշավանքի: Այդ օրը մարզարեի առաջին կնոջ՝ Խաղիջայի մահկան

տարելիցն էր, և գուցե հենց այդ պատճառով Սուհամմաղը հենց այդ նկատառումով էր ընտրել արաշավանքի օրը: Ռամադան ամսի 19-րդ օրը (630 թ. հունվարի 10-ին) Սուհամմաղի բանակը Մեքքայից 20 կմ հեռավորության վրա, Մարր-ալ-Զահրան վայրում ճամբար դրեց: Մարզարեն ինքն էր ղեկավարում արշավանքը: Չորքը շարունակում էր պահել պասը (բոլոր զինվորները արևածագից մինչև արեամուտ ոչինչ չեն ուտում, իսկ դա կարող էր ազդել զինվորների ֆիզիկական տոկունության վրա): Ուստի մարզարեն հրամայեց դադարեցնել պասը: Մինչև Մեքքա մնացել էր երկու օրվա ճանապարհ: Քաղաքում սկսվել էր աներևակայելի խուճապ: Բազմաթիվ ծպտված մահմեղականներ, լքելով քաղաքը, եկան Սուհամմաղի ճամբարը: Բոլոր այն մեքքացիներին, ովքեր արգելք չեն հանդիսանում մուտումանների մուտքին քաղաք, մարզարեն տվեց կյանքի և գույքի ապահովություն ու անձևոնմխելիության երաշխիք:

Աբու Սուֆյանը Մեքքայի ավագանու կողմից հանձնարարություն ստացավ այցելել Սուհամմաղի ռազմական ճամբարը՝ նրա հետ բանակցելու նպատակով: Եվ ի նշան անկեղծության ու հետին մտքի բացակայության, նա իր հետ վերցրեց իր պատանի որդուն: Անցնելով մուտումանների ռազմական ճամբարի միջով, որտեղ շատերը մի անհաջող շարժման դեպքում պատրաստ էին սպանել նրան, Աբու Սուֆյանը ծնկի չորեց Սուհամմաղի առջև և արտասանելով իսլամի հավատո հանգանակը, հայտարարեց, որ ինքը ընդունում է միասնական աստծուն և նոր կրոնը և իր տոհմակիցները ևս պատրաստ են ընդունելու իսլամը: Որպես պատասխան, մարզարեն ասում է. «Վերադիր Մեքքա և հայտնիր կուրայշիներին, որ բոլոր նրանք, ովքեր կհնազանդվեն, կարժանանան ներման: Քո տանը ապաստանողներին երաշխավորում

եմ անվտանգություն, Քաարայում ապաստանածներին, ինչպես նաև իրենց տների դռների հետևում թաքնվողներին շնորհում են անվտանգություն: Բայց Ալլահի թշնամիները ոչնչացվելու են նույնիսկ Քաարայում»:

Անշուշտ Աբու Սուֆյանի դարձի գալու պատմությունը զալիս էր ապացուցելու, որ Մեքքայի կուրայշիների կողմից փոխվել էր վերաբերմունքը իսլամի նկատմամբ: Եվ դա ոչ թե այն պատճառով, որ նրանք հանկարծակի սկսեցին ընդունելու երկրպագել միասնական աստծուն և Ճանաչել Սուհամմադի մարգարեական առաջելությունը, այլ այն պատճառով, որ իսլամը ցուցադրել էր իր քաղաքական ուժը և Արաբիան միավորելու ընդունակությունը: Հենց այդ պատճառով նախկինում մարգարեի ոխերիմ թշնամի Աբու Սուֆյանը ոչ միայն դադարեց Սուհամմադի նկատմամբ թշնամանք տածելուց, այլև նույնիսկ իր աղջկան կնության տվեց նրան: Մեքքայի առևտրական ազնվականությունը սկսել էր զիտակցել, որ կարելի է իսլամն օգտագործել սեփական շահերի օգտին: Ենթադրվում է նաև, որ Աբու Սուֆյանը և Մեքքայի մեծատոհիմիկ ազնվականության այլ ներկայացուցիչներ, այդ ժամանակ արդեն հաշվի էին առնում այն հնարավորությունը, որ միավորելով Արաբիան, հնարավոր կյինի կազմակերպել նվաճողական արշավանքներ արարական հողերից դուրս տարածքներում, որոնց վրայով անցնում էին միշերկրածովյան-ասիսկան քարավանային-ծովային առևտրի ճանապարհները: Հավանաբար այդ մարդիկ հանգել էին նաև այն եզրակացության, որ նման նվաճողական արշավանքների կազմակերպումը նպատակահարմար է իրականացնել իսլամի դրոշի ներքո:

Իր պատանդ որդուն թողնելով Սուհամմադի ճամբարում, Աբու Սուֆյանը վերադարձավ Մեքքա: Մինչդեռ 630 թ. հունվարի

սկզբին մաղինացիներից և դաշնակից ցեղերից կազմված 10 հազարանոց բանակի գլուխ անցած Մուհամմադը մոտեցավ Մեքքային և շրջապատեց քաղաքը: Մարզաքեն չէր ցանկանում, որ այդ քաղաքը գրավելիս լինի արյունահեղություն: Ուստի այն քոչվոր զինվորներին, որոնց կարգապահության նկատմամբ հավատ չէր ընծայում, նա առանձնացրեց ընդհանուր բանակից և նրանց հրամանատար նշանակեց Խալիլի իբն Վալիդին, իսկ անսարների ու մուհաչիրների զինավոր կարգեց Սաադ իբն Ուբայյին: Սակայն երբ վերջինս հայտարարեց, որ «Ճակատամարտի օրը սրբավայրը գոյություն չունեն», նրան փոխարինեց Ալիով:

Մեքքան պատրաստվում էր դիմադրության: Մուհամմադի ճամբարում հայտնվեց ոչ շատ վաղուց իսլամն ընդունած Արքասը: Վերջինս կազմակերպեց Մուհամմադի և նրա շրջապատի մարդկանց հանդիպումը Աբու Սուֆյանի հետ, որը և մարզաքեի հետ կնքեց նոր պայմանագիր Մեքքան հանձնելու մասին: Այդ պայմանագիրը պարունակում էր հետևյալ կետերը.

1. Մեքքան ճանաչում է Մուհամմադ մարզաքի իշխանության գերակայությունը:

2. Մեքքայի զինված ուժերը դառնում են մարզաքի բանակի մի մասը:

3. Այսուհետև այդ քաղաքը ստանալու է մուսուլմաններին հավասար ռազմական ավարի բաժինը:

4. Երաշխավորվում է բոլոր այն մեքքացիների անվտանգությունը, որոնք դուրս չեն գա իրենց տներից, կամ ապաստան կգտնեն Քաարայի սրբավայրի պատերի ներսում և կամ Աբու Սուֆյանի դաստակերտում: Միայն մեկ տասնյակի հասնող առանձնապես իսլամի համար հակառակորդների վրա չէր տարածվելու ներումը: Մեքքացի-հեթանոսները պարտավորվում էին ըն-

դունելու իսլամը: Անկասկած, հիշյալ պայմանագրի կնքումը իսլամականների համար ինչպես քաղաքական, այնպես էլ կրոնական հաղթանակ էր: Դա միաժամանակ քաղաքական և կրոնական կոմպրոմիս էր:

Ռամադան ամսի 19-ին, հիջրայի ութերրորդ տարում (630 թ. հունվարի 11-ին) Մուհամմադի բանակը երկու ուղղություններով մուտք գործեց Մերքա համարյա առանց արյունահեղության: Բացի մի քանի աննշան բախումներից, ճակատամարտ տեղի չունեցավ: Մուհամմադի կարգապահ բանակը կողոպուտի չենթարկեց խաղաղ բնակչությանը:

Մերքայի անկումը մուտքանների կատարյալ հաղթանակն էր, որն ունեցավ համաշխարհային պատմական նշանակություն:

Քաղաքի բնակչությունը առանց հարկադրանքի անցավ հաղթողների կողմը և խուսներամ կերպով ընդունեց իսլամը: Մուհամմադը սրբությամբ կատարում էր Ալլահի այն պատվիրանը, որ մարգարեի շրթներից առաջին անգամ արտաքերվել էին Մադինա զալու ժամանակ: «Հավատի մեջ հարկադրանք գոյություն չունի»: Ուստի երբ մի քանի հարուստ կուրայշիներ կտրականապես հրաժարվեցին ընդունելու իսլամը, նրանց նկատմամբ ոչ մի պատժամիջոց չկիրառվեց և նրանք խաղաղությամբ հեռացան: Մերքայի ազնվականությունը և առևտրական վերնախավը ոչնչով չտուժեցին: Նրանք հասկացել էին, որ Մերքայի վերածումը նոր, վերելք ապրող կրոնի կենտրոնի և արագորեն տարածվող հավատը Ալլահի նկատմամբ ոչ միայն չեն ոտնահարում իրենց իրավունքները, այլ բաց են անում նոր հնարավորություններ իրենց եկամուտները ավելացնելու հարցում:

Տեղյակ լինելով մարգարեի ազնվությանը և տված խոսքի կայունությանը Մերքայի հարուստները մարգարեին խոշոր գումարներ տվեցին հետազայում դրանք վերադարձնելու պայմանով։ Այդ փողը բաժանվեց զինվորներին նրանց ռազմաշունչ ավյունը հանգստացնելու և կողոպուտի կիրքը կանխարգելելու համար։

Քիչ ժամանակ անց, Մուհամմադը հրամայեց Քաարան մաքրել կուոքերից։ Այդ սրբավայրը վերածվեց մուսուլմանական զինավոր տաճարի՝ «Նվիրական մզկիթի» («Մասջիդ ալ-հարամ»)։ Մարգարեն ուղտի վրա նստած յոթ անգամ պտտվեց Քաարայի շուրջը՝ իր զավազանով շոշափելով տաճարի «սև քարը»։

Քաարայի քարակերտ կուոքերը ջարդ ու փշուր արվեցին, իսկ փայտից շինվածները՝ կրակի մատնվեցին։ Մուհամմադի փեսան՝ Ալին շատ էր ցանկանում, որ Քաարայի բանալիները հանձնվեն իրեն, սակայն մարգարեն դրանք վստահեց Արդ աղ-Դար տոհմին, իսկ ուխտագնացներին ջուր մատակարարելու եկամտաբեր գործը նախկինի պես մնաց Աբբասի և նրա տոհմի ձեռքերում։ Իսլամի թշնամիները Մուհամմադի կողմից սրի չքաշվեցին։ Կազմակերպելով հանրային դատ, նա մեծահոգաբար ներեց նրանց։ Պատժի ենթարկվեցին միայն երկու մահմեդականներ, որոնք հրապարակայնորեն հրաժարվել էին իսլամից և Մաղինայից փախել էին Մեքքա։ Նրանք մահվան դատապարտվեցին հավատուրացության մեղադրանքով։ Մահվան դատապարտվեցին նաև Ալ-Խուլայիս և Հաբբար իին ալ-Ասվադ անունով երկու մեքքացիներ, որոնց նկատմամբ Մուհամմադը իին ոխ ուներ։ Այդ տղամարդիկ տարիներ առաջ ծեծի էին ենթարկել մարգարեի երկու աղջիկներին։ Չինայեցին նաև Մուհամմադի քարտուղար Սաադին, որը նույնպես Մաղինայից փախուստի դիմելով Մեքքա, բոլորին պատմում էր, թե ինչպես էր ինքը «գրում» Ղուրանը, դրանով

իսկ հերքելով այն վարկածը, որ մահմեղականների սուրբ գիրքը մարդու կողմից ստեղծված չէ, այլ երկնառաք գործ է: Եթե Սաադին բերեցին Սուհամմադի մոտ և նա ընկնելով մարզարեի ոտքերը և արցունքն աշքերին ներումն էր խնդրում, Ալլահի մարզարեն սևացած դեմքով ընդունեց նրա նվաստացուցիչ մեղայականն ու ներողությունը: Սակայն եթե Սաադին թույլ տվեցին հեռանալ, Սուհամմադը իր մերձավորներին ասաց. «որպես մարզարե ես չեի կարող նրան չներել, բայց ինչո՞ւ ձեզանից ոչ մեկը չկտրեց նրա զլուխը»:

Ներում ստացավ նաև Համզային սպանած Վահշին, սակայն Սուհամմադը հրամայեց նրան այսուհետև ոչ մի անգամ իր աշքին չերեալ: Վահշին, որը հետագայում դարձավ Սուհամմադի բանակի քաջ ու անվեհեր զինվորներից մեկը, միշտ հիշելով մարզարեի խոսքերը, մինչև նրա կյանքի վերջը, աշխատում էր չերեալ նրա աշքին:

Սուհամմադը Մեքքայի բնակչության առջև հանդես եկավ ճառով, որտեղ հորդորում էր նրանց հրաժարվել իրենց կուտքերից և ընդունել «Ճշմարիտ կրոնը»՝ իսլամը: Այդ ճառում նա տվեց բազմապիսի բնույթի ցուցումներ: Այսպես, արգելում էր արյան վրիժառնությունն այն փոխարինելով արյան փրկազնով: Այսինքն սպանվածի ընտանիքին և մերձակա ազգականներին մարդասպանը կամ նրա հարազատները պետք է վճարեին արյան զին՝ հարյուր ուղտերի չափով: Այսուհետև մարզարեն կուրայշիներին զրկում էր բազմապիսի արտոնություններից և իրավունքներից, ի բացառյալ Քաաբայի պահպանության և Զամզամ ջրհորից ուխտավորներին ջուր մատակարարելու իրավունքից: Իր ճառի վերջում մարզարեն խորհուրդ էր տալիս կուրայշիներին, չպարծենալ իրենց ազնվազարմ ծագումով: Նա հայտարարեց, որ Ալլահը մեկ

անգամ ընդմիշտ ոչնչացրել է մարդկանց բաժանումը ազնվագարսների և ոչ ազնվազարսների, քանի որ նրանք բոլորը ծագում են մեկ արմատից՝ Աղամից: Մարդկանցից ով բարեպաշտ ու առարինի է, նա էլ ազնվազարմ է:

Մարգարեի ճառից հետո ողջ Մեքքայով մեկ մուսնետիկները բարձրածայն հրապարակեցին մուսուլմանական իրավունքի և բարոյականության այն բոլոր սկզբունքները, որոնք ձևավորվել են մահմեդական համայնքի գոյության ութ տարիների ընթացքում և որոնք իր ճառում մեկ առ մեկ շարադրեց Մուհամմադը: Բոլոր մուսուլմանները եղբայրներ են անկախ իրենց տարիքից և ծեր ու երիտասարդ լինելուց. իսլամի բոլոր հետեւրդները մեկը մյուսի համար կրում են պատասխանատվություն. չի կարելի սպանել այն քրիստոնյաններին ու հուդայականներին, որոնք օգնում են մուսուլմաններին. Ժառանգության իրավունքը կախված չէ կտակի բովանդակությունից. տարբեր դավանանքների պատկանող մարդիկ չեն կարող ժառանգել մեկը մյուսին. օրինական ամուսնությունից ծնված երեխայի նկատմամբ իրավունքը պատկանում է նրա հորը. ամուսնական անհավատարմություն կատարածները պետք է մահապատի ենթարկվեն քարկոծվելու միջոցով. կինը չի կարող առանց ամուսնու համաձայնության նրան պատկանող իրերը, գույքն ու կայքը նվիրել ուրիշների. մերձավորագույն ազգական ասելով հասկացվում է այն անձը, որի հետ արգելված է ամուսնությունը. առավոտյան և երեկոյան նամազը (աղոթքը) պետք է կատարվի ճիշտ նշանակված ժամին:

Նոյն օրը Մուհամմադը բարձրանում է Մեքքայի շրջակայքում գտնվող աս-Սաֆա բլրի զագաթը և այնտեղ ընդունում մեքքացիների հավատարմության երդումը: Երդում տվածները ընդունում են Ալլահի միակ ու եզակի լինելը, և մարգարեին խոստա-

նում գողություն ու շնորհյուն չանել, սուտ չխռուել և նորածին աղջկեներին չսպանել:

Մեքքայի նվաճումը հնարավորություն տվեց ուժեղացնելու պայքարը հեթանոսության դեմ, որը դեռևս տարածում ուներ ոչ միայն այդ քաղաքում, այլև հարևան տարածքներում: Անկասկած այդ քաղաքի նվաճումը նաև արագացրեց ու հեշտացրեց Արաբիայի իսլամականացումը:

Մեքքայի անկումից քսան օր անց սկսեցին լուրեր պտտվել, որ հավազին ու սաքիֆ կոչված ցեղերը միավորվելով Հիջազի քոչվորների, Թայիֆ օազիսի բնակչության և մի շարք այլ ցեղերի հետ, կազմել են մի հզոր դաշինք և ցանկանում են վերականգնել իրենց անկախությունը: Կարևոր է նշել, որ այդ շրջանում բեղվիների քաղաքական ենթարկումը Մուհամմադին ոչ միշտ էր նշանակում, որ այդ հնագանեցված ցեղերը ընդունում են հաղթողի հավատը: Ստացվում էր, որ առաջին անգամ բեղվիները միավորվում են ընդհանուր թշնամու դեմ: Ըստ Մեքքա հասած լուրերի, հավաքվել էր քսան հազարանոց բանակ: Ընդ որում, օազիսների նստալյաց բնակչության պնդմամբ դաշինքի մասնակից քոչվորները հավաքատեղի ներկայացան իրենց ընտանիքներով ու անասնահոտերով, որոնք երաշխիք էին ծառայելու այն բանի համար, որ այդ ցեղերի զինվորները վճռական պահին փախուստի չեն դիմի:

Տեղեկանալով այդ բոլորի մասին, Մուհամմադը շտապ կազմակերպեց զորահավաք, պատժից արաշավանք իրականացնելու նպատակով: Նրա բանակին միացան երկու հազար մեքքացիներ, որոնք հենց նոր էին ընդունել իսլամը: Երեք օր անց մարգարեի տասներկու հազարանոց բանակը սրբնթաց շարժվելով առաջ հասակ Հիջազի նախալեռնային շրջանները և 630 թ. հունվա-

թի 30-ին հանդիպեց թշնամուն: Խալիդի իրն Վալիդի կողմից գլխավորվող վերջապահ ջոկատը, որը բաղկացած էր քոչվոր-քեղվիններից, ընկավ դարանի մեջ: Անկարգապահ քոչվորները, տեսնելով, որ հակառակորդը իր թվաքանակով երկու անգամ զերազանցում է մարզարեի զորքերին, փախուստի դիմեցին, ոտնատակ անելով անսարներին ու մուհաջիրներին: Խուճապն ընդգրկեց ամբողջ բանակը, որը հակառակ Մուհամմադի հորդորների, դիմեց խուճապահար ու անկանոն փախուստի: Մարզարեի կողքին մնացին միայն տասը հավատարիմ մարդիկ, այդ թվում նաև Աբրասը, որը մի քանի անգամ օգնել էր մարզարեին նրա դժվարին վիճակներում: Այդ օրը ևս, եթե չլիներ նրա օգնությունը, մահմեդականների համար կլիներ ճակատագրական: Սուրբ ձերքին բարձրաձայն բղավելով, նա կարողացավ զինվորների մի մասին հետ վերադարձնել: Կարգի բերելով իր ուժերը, Մուհամմադը դիմեց սրընթաց գրոհի և արդեն մեկ ժամ անց գտնվում էր թշնամու ճամբարի մոտ: Այս անգամ սարսափի մատնված հակառակորդը լրելով իրենց ընտանիքներին ու մոռանալով անասնահոտերի մասին, խուճապահար փախուստի դիմեց:

Հայրթանակ տարած մուսուլմանների ռազմական ավարը հսկայական էր. թշնամու ճամբարում մնացել էին ավելի քան վեց հազար կանայք և երեխաներ, 24 հազար ուղտեր, 40 հազար մանր եղջերավոր անասուններ, 160 հազար դիրիկեմ ընդհանուր արծողությամբ արծաթ, զենքի ու թանկարժեք իրերի սարեր: Ռազմական ավարը թողնելով պահակախմբի հսկողության տակ, Մուհամմադը սկսեց հետապնդել դեպի Թայիֆ փախչող սաքիֆ ցեղին: Ցեղի անդամները հաջտապ լրելով իրենց տները շտապեցին դեպի ամրոցը, որը նախորոք պատրաստված էր վտանգի

դեսպում պատսպարվելու համար: Այդ ամրոցը գրավելու փորձերի ժամանակ մահմեղականներն ունեցան խոշոր կորուստներ:

Սուհամմադը ի լուր ամենքի հայտարարեց, որ Թայիֆի բոլոր ստրուկներին, որոնք կընդունեն իսլամը, կշնորհվի ազատություն: Նա առատ նվերներ խոստացավ նաև այն շեյխերին, որոնք կանցնեն իր հովանու տակ: Այս խոստումների հետևանքով շատերը միացան մուսուլմանների բանակին: Սակայն դիմադրությունը շարունակվում էր: Լեռներում ցրված քոչվորները հասկացել էին, որ Սուհամմադի դիրքերը խարիսուլ են և նա կարող է տանուլ տալ նոր ճակատամարտը: Ուստի նրանք կրկին սկսեցին հավաքվել ու բանակ կազմել: Խոկ մարզարեի կողմից կովող քոչվորները սկսեցին պահանջել, որ ռազմական ավարը անհապաղ բաժանվի: Վախենալով խոռվությունից, Սուհամմադը ստիպված էր ընդառաջ գնալ այդ պահանջին: Սակայն ավարը բաժաննելու ժամանակ, եթե իսլամը նոր ընդունած մուսուլմանները ստացան ավելի շատ, քան անսարները, վերջիններս սկսեցին բուռն կերպով բողոքել ասելով, որ իրենք են հանդիսանում իսլամի իսկական զավակները, մինչդեռ բարիքներից օգտվում են ուրիշները: Ըստ ավանդության, բանաստեղծ Աբբաս իրն Սիրդասը նույնիսկ բանաստեղծություն է գրում այդ անարդարության թեմայով: Տեղեկանալով այդ մասին, մարզարեն պոետին կանչում է իր մոտ և նրան նվիրում 60 ուղտ: Դրանից հետո Իրն Սիրդասը մինչև իր կյանքի վերջը խոսում ու գրում էր միայն Սուհամմադի առատաձեռնության մասին:

Մարզարեին հաջողվում է մեղմել նաև անսարների դժգոհությունը: Դիմելով նրանց, մարզարեն ասում է. «Մաղինացիներ, մի՞թե ես չեի, որ ձեզ ազատեցի ներքին երկապառակություննրից: Մի՞թե ես ձեզ չտարա ճիշտ ճանապարհով: Ես լավ հիշում եմ, որ

Երբ ինձ վռնդեցին Մեքքայից, այդ դուք էիք, որ ընդունեցիք ինձ, այդ դուք էիք, որ հավատացիք ինձ և ինձ վերցրիք ձեր հովանավորության տակ: Դուք կարծում եք, որ ես դա մոռացե՞լ եմ: Դուք դժգոհ եք, որ ես նրանց ավելի շատ ավար տվեցի, քան ձեզ: Դա ճիշտ է: Ես նրանց կապում եմ ինձ հետ երկրային բարիքներով, իսկ ձեզ ես տալիս եմ ինքս ինձ: Վերցնելով ոչխարներ և ուղտեր, նրանք հապշտապ հեռանում են, իսկ դուք գնում եք Ալլահի մարգարեի հետ: Ասացե՞ք, դուք ում հետ եք ուզում զնալ՝ ոչխարների ու ուղտերի, թե՞ Ալլահի մարգարեի հետ»:

Այնունամենայնիվ հասկանալով իր վիճակի անկայությունը, Մուհամմադը հակառակորդին առաջարկեց առանց որևէ փրկազնի վերադարձնել գերի ընկած նրանց կանանց ու երեխաներին, խաղաղություն խստանալու դիմաց:

Քսաներորդ օրը Մուհամմադը հրամայեց հանել ամրոցի պաշարումը: Դա մուսուլմանների բանակում առաջ բերեց դժգոհություն և ինչ որ մեկը նույնիսկ քաշեց ու շպրտեց մարգարեի վրայի թիկնոցը: Դժգոհության ալիքը գնալով ծավալվեց: Զինվորները ինքնազլուս հափշտակեցին ռազմավարի կեսից ավելին: Մուհամմադը կարողացավ զինվորներին կարգի հրավիրել միայն այն բանից հետո, երբ հայտարարեց, որ նրանցից յուրաքանչյորին ով կամովին չի վերադարձնի իր կողմից հափշտակված ավարը, նրան սպասում են դժոխային կրակներ, իսկ նրանց, որոնք կվերադարձնեն այն, ավարի ազնիվ բաժանումից կստանան իրենց հասանելիք բաժինը: Արդյունքում ճակատամարտին մասնակցած յուրաքանչյուր հետևակ զինվոր ստացավ չորս ուղտ, իսկ յուրաքանչյուր հեծյալ՝ 12 ուղտ: Զենքը, սպառազինությունը, զգեստները և հանդերձանքը որպես պարզ բաժանվեցին առավել խիզախ զինվորներին:

Անձամբ Մուհամմադը որպես ռազմական ավար ստացավ մի բաժին, որը գնահատվում էր 10 հազար ուղտի գին: Դա հեքիաթային հարստություն էր: Իր այդ բաժինը մարզարեն, ըստ ավանդության, ամրողությամբ բաժանեց իր հավատարիմ դաշնակիցներին: 630 թ. իսլամի պատմության մեջ ստացել է «պատգամավորությունների տարի» կամ «դեսպանությունների տարի» անվանումը: Արաբիայում բոլոր ծայրերից Մուհամմադի մոտ էին գալիս իսլամն ընդունելու ցանկություն ունեցող քոչորների ու օազիսների նստակյաց բնակչության ներկայացուցիչները: Իսլամի գիրկն անցան Կենտրոնական Արաբիայի բազմաթիվ ցեղեր: Արևմտյան Արաբիայի ողջ տարածքը Բյուզանդիայի սահմաններից մինչև Եմեն մաքրվեցին հեթանոսության բոլոր տեսակի խորհրդանիշներից: Հարավային Արաբիայի մի շարք վայրերի քրիստոնեական օազիսների կրոնական և քաղաքացիական առաջնորդները ստորագրեցին պայմանագիր, որով նախատեսվում էր, որ այդ վայրերի քրիստոնյաները գտնվելու են մուսուլմանների պաշտպանության ներքո և պետք է նրանց հարկատու լինեն: Հյուսիսում ևս Մուհամմադը աջակցություն գտավ Բյուզանդիայի սահմանների մոտ բնակվող քրիստոնյա ցեղերից: Մարզարեի հզորությունը օրեցօր ամրապնդվում էր:

Այսպիսով, 630-631 թվականներին Թայիֆի օազիսը և Արաբական թերակղզու մեծ մասն անցավ Մուհամմադի իշխանության տակ: Հիշյալ վայրերի բնակչության հնագանդեցումը մեծ մասսամբ ուղեկցվում էր նրանց կողմից իսլամի ընդունմամբ և կուռքերի ոչնչացումով: Բավարարվելով սկզբնական շրջանում իսլամի ձևական ընդունումով, Մուհամմադը ենթադրում էր, որ իսկական հավատը այդ մարդկանց մոտ կզա ավելի ուշ, եթե ոչ առաջին, սապա հետազա սերունդների օրոր:

Բանակը վերադարձավ Մադինա, որտեղ մարզարեխն սպասում էր ուրախ լուր. նրա կանանցից (գուցե հարձերից) մեկը՝ դպտի քրիստոնյա Մարիամը (Միրիամը), որին անցյալում Սուհամադին էր նվիրել Եզիզտոսի կառավարիչը, ծնել էր արու զավակ: Մարզարեխ ուրախությանը չափ չկար, քանի որ այդ արու զավակի ծնունդը հույս էր տալիս, որ իր տոհմը կշարունակվի: Երբ զավակի ծնվելուց հետո յոթերորդ օրը նորածնի համար անուն էին Ընտրում, ընտրությունը կանգ առավ Իբրահիմ անվան վրա:

Այդ երջանիկ իրադարձությունը մարոկանց կողմից մեկնաբանվեց այն առումով, որ Ալլահը օրինում է իր մարզարեխի գործողությունները: Սակայն որդու ծնունդը, քացի իրենից՝ մարզարեխից, ուրիշներին ուրախություն չպատճառեց, քանի որ դա խախտում էր Սուհամադի մերձավոր գինակիցների միջև իշխանության համար ստեղծված հավասարակշռությունը:

Այսպիսով, ընդհանրացնելով վերելքներով ու վայրէջքներով իսլամի մարզարեխ անցած ճանապարհը մինչև հեթանոսության միջնաբերդի՝ Մեքքայի զրավումն ու ընկճումը, պետք է արձանագրել հետևյալը. 630 թ. համարյա ողջ Սրարիան ճանաչեց Սուհամադի իշխանությունը: Վերջիվերջո, մեքքացիները ևս ընդունեցին նոր կրոնը: Նրանց գնահատանքին արժանացավ մարզարեխ ընդունակությունը իրարից տարաբաժանված և միմյանց նկատմամբ թշնամանքով լցված ցեղերին միավորելու ուղղությամբ: Ընդդիմադիր հիմնական ուժը՝ ողջ կուրայշ ցեղը մտավ իսլամական ումմայի կազմի մեջ և իր հնազանդությունը հայտնեց նրա զիխավորին, նրան ընդունելով որպես հոգևոր ու քաղաքական առաջնորդ: Որոշ հարցերում մարզարեխն ևս գնաց կոմսյորմիսիսի մեքքացիների հետ: Հաշվի առնելով Մեքքայի տնտեսական ու

կրոնական նշանակությունը, Ալլահի մարգարեն այն դարձրեց իր աստվածապետական պետության հոգեոր կենտրոնը: Միաժամանակ նաև Քանաքեռ-Նոր կամ Արաբական պատմական սրբավայր, ուր ուղղաղավանները, ինչպես նախկինում հեթանոսները, պետք է կատարեին ուխտագնացություն: Քանաքեռ անվանվեց «Ալլահի տուն» («Բայթուլլահ»): Միաստվածությունը որպես արաբների միասնության խորհրդանիշ եկավ փոխարինելու բազմաստվածությանը: Արաբիայի բնակչիների երնիկական և լեզվական ընդհանրությունը ամրակայվեց նաև կրոնական ընդհանրությամբ: Այդ առթիվ Դուրանում ասվում է. «Դուր բոլորդ բռնեցեք Ալլահի մեկնած պարանից և միք բաժանվի իրարից և հիշեցեք, որ Աստծո շնորհը ձեր վրա էր, երբ թշնամիներ էիր և նա ձեր սրտերը հաշտեցրեց իրար հետ և դուր նրա շնորհովը եղբայրներ դարձաք» (3:98):

Միաժամանակ իսլամը ստեղծեց նաև շահագործման նահապետական-ֆեոդալական տիպի իր համակարգը, որի պայմաններում «անհավատները» կամ ոչ մահմեղականները սկզբում Արաբիայում, իսկ ապա նաև Մերձավոր Արևելքի և Հյուսիսային Աֆրիկայի նվաճված երկրներում ենթակա էին լինելու անլուր ու դաժան շահագործման և նրանց աշխատանքի պտուղները յուրացնելուն:

Մերքան վերցնելուց հետո ևս Մուհամմադի նստավայրը շարունակում էր մնալ Մադինան: Ըստ ավանդության, վերադառնալով Մադինա, մարգարեն որոշում է այցելել մոր գերեզմանին, թեև մուսուլմանական օրենքներով հեթանոսների գերեզմաններին այցելելը արգելված էր: Ուստի Ալլահից թույլտվություն խնդրելով, նա կատարում է իր ուխտը և աղիողորմ լաց լինում:

Բայց քանի որ կար Ալլահի արգելքը, նա գերեզմանի վրա չի աղոթում:

Մերքան ընկճելուց և մեծ թվով ցեղերի դարձի բերելուց հետո, մուսուլմանական համայնքը սկսում է ձեռք բերել իսկական պյետության հատկանիշներ: Ոչնչացնելով կամ մահմեղական դարձնելով իր թշնամիներին, ինչպես ներքին, այնպես էլ արտաքին, զինվոր-մարզարեն դարձավ մարզարե-պյետական գործիք: Այսուհետև Սուհամմադի խնդիրն էր ստեղծել իրավական համակարգ և սահմանել օրենքներ, որոնցով պետք է ապրեր մուսուլմանական համայնքը: Այս նոր իրադրության պայմաններում Սուհամմադի հայտնությունները շարունակվում էին, սակայն դրանք ավելի շատ վերաբերում էին մուսուլմանական համայնքի կազմակերպման հարցերին: Օրինակ, մարզարեն արգելեց վաշխառությունը, այնուհետև թեև նա պահպանեց «ակն ընդ ական և ատամն ընդ ատաման» սկզբունքը, սակայն նրա հայտնությամբ ասվում էր, որ վրիժառությունը չպետք է ծնի նոր վրիժառություն: Այլ կերպ ասած, նա դատապարտում էր արյան վրիժառության սկզբունքը, սակայն այնքանով, որ այն չհանգեցներ վրիժառության անվերջանալի շղթայի: Այսպիսով, փաստորեն արյան վրիժառության հին համակարգը պահպանվում էր, սակայն առանց ծայրահեղությունների:

Օրենսդրության հետ գուգահեռ աստիճանաբար ձևավորվում էր նաև սովորույթների կողերսը՝ աղաթը: Սուհամմադը դատական վճիռները միանձնյա ձեռվ կայացնում էր հենվելով բեղվինական սովորական սովորութական իրավունքի վրա: Սակայն հարկ է նշել, որ Սուհամմադի կենդանության օրոր իրավական համակարգը դեռևս գտնվում էր սաղմսային վիճակում: Պահանջ-

Վեց համարյա մեկ դար, որ մշակվեն մուսուլմանական իրավունքի նորմերը:

Մուհամմադը մշակեց և գործողության մեջ դրեց նաև հարկային համակարգի հիմնական սկզբունքները: Մասնավորապես մազարեն արմատավորեց զարյաթ և սաղարա հարկատեսակների վճարման պարտավորությունը, որոնց նպատակն էր համայնքի աղքատ անդամներին, որքերին, ամուսիններին կորցրած այրիներին, հիվանդներին և այլն նյութական օգնություն ցուցաբերելը: Այդ նոր կարգի համաձայն, իրենց եկամուտների մի մասը մուսուլմանները պետք է մտցնեին հասարակական գանձարանը: Նշված համակարգի նպատակն էր նաև ինչ որ չափով հարթեցնել խսամական համայնքի ներսում առկա սոցիալական հակասությունները: Մուսուլմանները վճարելու էին միայն զարյաթ և սաղարա հարկատեսակները, իսկ ոչ մուսուլմանները պարտավոր էին վճարելու շնչահարկ կամ ջիզյա, ինչպես նաև հողային հարկ (խարաց): Սովորաբար ջիզյան որոշվում էր «հաշոռություն» կնքելու պահին և միջին հաշվով հավասար էր տարեկան մեկ դիրիեմի: Այդ հարկը կարելի էր մուծել նաև բնամթերով. ցորենով, արմավի (խուրմայի) պտուղներով, անսաւններով, կամ արհեստագործության զանազան արտադրանքներով: Ի դեպ, քոչվորների մեծ մասը հարկեր չէր վճարում, քանի որ նրանք երբեք էլ հարկեր չէին մուծել ուստի պարզապես քոչվորների շեյխերից Մուհամմադը ընդունում էր «նվերներ»:

Սակայն անսպասելիորեն պարզ դարձավ, որ խսամի հայուոն տարածման հետևանքով իրերի ստեղծված վիճակը մուսուլմաններին շահույթներ չի բերում. դաշտերի բերքը շշատացավ, առևտուրը չաճեց և այլն: Մադինայի հարուստ մուսուլմանները, որոնք արդեն սովորել էին իրենց ոչ մի բանից չգրկելու,

հասկացան, որ հարկերը չեն ծածկում իրենց աճող կարիքները: Զանգվածաբար Մուհամմադի մոտ էին զայս ոչ շատ վաղուց խլամն ընդունած աղքատներ, մինչդեռ մարզարեն ի վիճակի չէր բավարարել այդպիսի մեծ թվով մարդկանց նյութական պահանջները: Այդ ընչազուրկ մարդիկ ձգուում ունեին պատերազմել և ձեռք բերել ուզմական ավար, սակայն Մուհամմադն ի վիճակի չէր զինել այդպիսի մեծ թվով մարդկանց: Ուստի ուզմական բյուջեն լցնելու համար նա ստիպված էր մտցնել նորանոր հարկեր, իսկ դա պատճառ էր հանդիսանում աճող դժգոհության համար: Այս ու այն տեղերից սկսեցին լսվել տրտունջներ, նույնիսկ մեղադրանքներ ու վիրավորական արտահայտություններ մարզարեի հասցեին: Դրությունը շտկելու համար շտապ կարիք կար նոր հայտնության: Եվ ահա երկնքից իշնում է հերթական հայտնությունը, որտեղ ասվում էր, որ Ալլահը պահանջում է հարզալից վերաբերմունք ունենալ իր մարզարեի նկատմամբ: Այսուհետև Ալլահի հրամանով բոլորը պարտավոր էին ճանապարհը զիշել մարզարեին, նրան անունով շանվանել, երբ քարոզը վերջանում է ոչ թե հավարվել ու ինչ-ինչ հարցեր քննարկել, այլ քաշվել իրենց տները:

630 թ. ամռանը Սիրիայից Մադինա ժամանած վաճառականների միջոցով Մուհամմադը տեղեկություն է ստանում, որ Բյուզանդիայի կայսր Հերակլի բանակը պատրաստություններ է տեսնում Արաբիա ներխուժելու համար: Որ իբր այդ արշավանքին մասնակցելու պատրաստակամություն են հայտնել նաև Հորդանանի երկու արաբական ցեղեր:

Ուստի 631 թ. սեպտեմբերին մարզարեն կոչով դիմում է հավատացյալներին Բյուզանդիայի դեմ արշավանք սկսելու վերաբերյալ: Այդ արշավանքի համար ժամանակը ճիշտ էր ընտրված:

Հոռմեական կայսրության արևմտյան մասը գրավված էր բարբարոսների կողմից, արևելքում Բյուզանդիան միրճվել էր ներքին երկարակությունների մեջ: Սասանյան Իրանի դեմ պատերազմներում բյուզանդական կայսրությունը ծայրահեղորեն թուլացել էր: Այդ բոլորը իսլամի զինվորներին հնարավորություն էր ընձեռում լավագույնս օտագործել հակառակորդի համար ստեղծված քաղաքական անրարենպաստ վիճակը:

Պատերազմի կոչը վախեցրեց շատ մահմեդականների: Նրանցից ոմանք նույնիսկ հրաժարվեցին արշավանքին մասնակցելուց, պատրվակ բռնելով մերթ չափից ավելի շոգ ամառը, մերթ հասունացած արմավի պտուղները քաղելու անհրաժեշտությունը, մերթ իրենց հիվանդությունը, մերթ աղքատությունը և այլն: Մահմեդականներից մեկը նույնիսկ իր հրաժարումը պատճառաբանեց նրանով, որ ինքը ոչ չափավոր կիրք է տածում կանանց նկատմամբ և երբ տեսնի Բյուզանդիայի կանանց, տեղնուտեղը գետին կը լինի, հետևաբար ավելի լավ է մնա իր տանը: Մոլիամմաղը շատ չէր խորանում նման անհեթեթ պատճառաբանությունների մեջ, հավանաբար ենթադրելով, որ ավելի լավ է նման մարդիկ մնան տանը, քան ճակատամարտի ժամանակ դիմեն դասալքության:

Վերոհիշյալ և այլ կարգի դժվարությունները հաղթահարելու համար մարզարեն կարիք ուներ նոր հայտնության և այն չուշացավ: Դուրանի «Աթ-Թաուրա» («Ապաշխարհանք») սուրայի շատ այաթներ նվիրված են այդ հայտնությանը: Նրանցում մասնավորապես ասվում է. «Պատերազմի գնացք՝ ք թեթեւ եւ ծանր եւ պատերազմեցք ձեր ստացվածքով եւ ձեր անձերով Աստծո ճանապարհում. սա լաւ է ձեզ համար, եթէ հասկանաք»: «Ետ մնացողները ուրախացան իրանց տեղը աստուծոյ մարզարէի դեմ, եւ զգվում էին որ իրանց ստացւածքով եւ անձերով Աստուծոյ ճա-

նապարհում պատերազմեն եւ ասում էին, «այս տաքութիւնում դուրս մի՛ զնար պատերազմի»: «Դու ասա՛, «դժոխքի կրակը աւելի շատ տաք է եթէ հասկանան» (9:41, 82):

Չնայած վերոհիշյալ կարգի բազում դժվարություններին ու խոշընդուներին, Սուհամմաղին հաջողվեց արագ զորահավաք կատարել: Աղբյուրների վկայությամբ, մարզարեի դրոշի ներքո հավաքվեցին 30 հազար մարտիկներ, այդ թվում նաև 10 հազարանց հեծելազոր: Այդպիսի խոշոր բանակը զինելու համար պահանջվում էին խոշոր միջոցներ: Մարզարեն այլ ելք չուներ, բացի օգնության խնդրանքով ժողովրդին դիմելուց: Մուհամմադի այդ կոչին առաջինը արձագանքեցին նրա մերձավորագույն զինակիցները: Աբու Բաքրը, օրինակ, զոհաբերեց իր ողջ ունեցվածքը: Պատմվում է, որ երբ նա Մուհամմադին է հանձնում այն ամենը, ինչ ինքն ունի, չցանկանալով ընդունել այդ ողջ ունեցվածքը, մարզարեն հարցնում է. իսկ քեզ ի՞նչ մնաց. հետեւում է պատասխանը՝ Ալլահը և նրա մարզարեն:

Հօգուտ պատերազմական ֆոնի հատկացվեցին նաև սադակա հարկատեսակից զանձվող գումարները: Իր հերթին ողջ մուսուլմանական համանքը ևս ընդհանուր գործի մեջ դնելով իր լուման, տալիս է, ով ինչքան կարող է:

Արշավանքը անձամբ զիսավորում էր ինքը՝ Մուհամմադը: Մեկնելուց առաջ մարզարեն հրամայեց Ալի իբն Աբու Թալիբին մնալ Մադինայում և կառավարել մինչև իր վերադարձը:

Զորքերը արշավանքի մեկնեցին ոչ լիկ կազմով և արդեն ճանապարհին տեղի ունեցան դասալքության դեպքեր: Այդ ուղղությամբ առաջին օրինակը ցույց տվեցին «Երկերեսանիները», որոնք գորքի առաջին իսկ հանգստի վայրում շրջեցին իրենց ուղ-

տերի գլուխը դեպի հետ: Այնուհետև դասալրությունը ձեռք բերեց զանգվածային բնույթ:

Անցնելով 350 կիլոմետր, Մուհամմադի բանակը կանգ առավ Սիրիայի սահմանների մոտ գտնվող Թեքրուք (Թաքրուք) կոչված վայրում: Այստեղ իր հետախույզների միջոցով Մուհամմադը տեղեկանում է, որ սիրիական վաճառականների հաղորդած տեղեկությունը բյուզանդացիների մեծ արշավանքի մասին կեղծ է: Ուստի նա հրամայում է Թեքրուքի շրջակայրում ճամբար դնել: Հսկայական բանակի ներկայությունը սարսափի է մատում քաղաքի բնակչությունը: Չհամարձակվելով դիմադրություն ցույց տալ, նրանք մահմեդականներին առաջարկում են փրկազին: Այդ հեշտ հաղթանակը Մուհամմադին ոգեսրություն է պատճառում և նա որոշում է առիթն օգտագործել նոր տարածքների նվաճման համար: Այդ նպատակով նա ջոկատներ է ուղարկում մոտակա օազիսները: Դրանցում ապրող ցեղերն ու տոհմերը ևս որոշակի պայմաններով նույնպես համաձայնվում են անցնել Ալլահի և նրա մարզարեի հովանավորության տակ:

Բանակում սկսված տարածայնությունների և տարբեր բնույթի դժգոհությունների պատճառով Մուհամմադը չհամարձակվեց շարունակել ռազմարշավը և չանցավ Բյուզանդիային ենթակա տարածքների սահմանը: Նա սահմանափակվեց լոկ դեպի Կարմիր ծովի ափերը մի քանի արշավանքներ կազմակերպելով:

Ի վերջո 631 թ. դեկտեմբերին իսլամական բանակը հարուստ ավարով վերադարձավ Մադինա: Քաղաքում մնացած վախկոտներին, որոնք չմասնակցեցին արշավանքին, հայտարարվեց բոյկոտ: Վերջիններս սարսափահար Մուհամմադից աղերսեցին ներել իրենց: Ալլահը հերթական հայտնության ժամանակ տեղեկացրեց մարզարեին, որ ներման կարող են արժանանալ միայն

աղքատները, որբերը, այրի կանայք, հիվանդները և այլն ողորմություն տալով: Այդ մարդիկ ապաշխարելով իրենց մեղքը վճարեցին պահանջվող ողորմությունը, որը երբեմն կազմում էր նրանց ողջ ունեցվածքի երրորդ մասը: «Երկերեսանիների» առաջնորդ Արդալլահ իբն Ուրայան, ի դեպ, խուսափեց պատժից. Ճանապարհին նա ծանր հիվանդացավ և հրաժեշտ տվեց լյանքին: Կորցնելով իրենց դեկավարին, «Երկերեսանիները» այսուհետև դադարեցին կազմակերպված ուժ լինելուց, իսկ նրանց ալ-Դիրար մզկիթը շուտով Մուհամմադի կողմից հողին հավասարեցվեց:

Թերութիւն վերադառնալուց հետո մարզարեն որոշեց մեկնել Մերքա ուխտագնացության: Ալլահի ավետարերին անհրաժեշտ էր այդ ուխտագնացության միջոցով ցուցադրել խլամի ողջ հզորությունը: Նա Աբու Բարբին հանձնարարեց զլխավորել այդ հաջը: 632 թ. մարտին ուխտավորները դուրս եկան Մադինայից և ուղևորվեցին դեպի Մերքա Քաարային Երկրպագելու համար: Հիվանդությունից նվազած Մուհամմադը մնաց Մադինայում և Ալ-լահից ստացավ նոր հայտնություններ: Դրանք այն աստիճանի կարևոր էին, որ ուխտագնացների հետևից մարզարեն ուղարկեց Ալիին, որը հանձնարարություն ուներ ուխտավորների կողմից Քաարայում գրի մատուցելուց հետո հրապարակելու Ալլահի նոր կամքը: Բարձրյալը հրամայում էր, որ գրիարերության օրվանից հետո առաջիկա չորս ամիսների ընթացքում հեթանոսները պետք է զանվեն անվտանգության մեջ: Այդ ժամկետի ավարտից հետո բոլոր աստվածամերժներին, որոնց հետ խաղաղության պայմանագիր կնքված չէ, մուտուլմանները պետք է առաջարկեն ընդունել խլամը: Ովքեր կհրաժարվեն, նրանց դեմ կհայտարարվի պատեռազմ, բացի այդ, հաջորդ տարվանից չի թույլատրվելու, որ որևէ հեթանոս մոտենա Քաարային:

Երբ մարգարեի նոր հայտնությունը հաղորդվեց ժողովրդին, բոլորի համար պարզ դարձավ, որ Ալլահը հրամայել է իր ավետարերին հեթանոսների դեմ սկսել սրբազան պատերազմ՝ ջիհադ։ Ըստ էության հարցը դրվում էր հետևյալ կերպ. քազմաստվածության հետևորդները կամ պետք է ընդունեն խալամը, կամ մեռնեն՝ այլ ընտրություն նրանք չունեն։ Այդ առթիվ Դուրանում ասվում է. «Արդ երկրիս վրայ չորս ամիս ազատ ման եկէ՝ ք. եւ իմացէ՝ ք դուք չեք կարող Աստուծուն տկարացնել. բայց Աստուած անհաւատներին խայտառակող է» (9:2): «Բացի այն կռապաշտներից, որոնց հետ դուք դաշինք էք դրել եւ նրանք ձեզ դեմ ոչ մի բան չեն դրժել եւ ոչ մեկին էլ չեն օգնել ձեզ դեմ։ Ուրեմն կատարեցէք նրանց համար իրանց դաշինքը մինչեւ իրանց ժամանակը, որովհետև Աստուած սիրում է երկիւլածներին» (9:4): «Բայց երբ սուրբ ամիսները վերջացան, այն ժամանակ սպանեցէք կռապաշտներին որտեղ ել նրանց գտնեք, եւ բռնեցէք նրանց եւ պաշարեցէք եւ նրանց համար ամեն անցըերում դարան մտեք» (9:5):

Ալլահի պատվիրանում ասվում էր, որ ջիհադը պետք է վերջանա միայն այն ժամանակ, երբ անհավատությունը խսպառ արմատախիլ կլինի:

Այդ նույն օրերին հաստատվեց նաև մարգարեի կողմից հակարիստոնեական դիրքորոշումը։ Ալլահի հրամանով, որը որպես հայտնություն հաղորդվել էր մարգարեին, «Գրքի մարդիկ» ևս ենթակա էին ջիհադի, մինչև որ «ստորացված լինելով» իրենց ձեռքով չտան փրկազին և զլիսահարկ՝ ջիզիե։ Այս հայտնությունը պարունակում էր քաղաքական ենթատեքստ, քանի որ Մուհամմադը ծրագրել էր ծավալել լայն նվաճողական քաղաքականություն քրիստոնյա Բյուզանդիայի հյուսիսային նահանգների նկատմամբ։

Այսպիսով, դավանանքի ազատությունը, որը նախկինում քարոզվում էր մարգարեի կողմից, վերացվում էր:

Իսլամն ընդունելու համար հեթանոսներին հատկացված չորս ամիս ժամանակը լրիվ բավարար եղավ այն բանի համար, որ ընկճած ցեղերի շեյխերը գան Մուհամմադի մոտ և հնագանդորեն ընդունեն նրա կրոնը:

Այս ամենի ընթացքում իսլամական համայնքի ներսում ներքին խմորումները չեն դադարում: Նույնիսկ Մուհամմադի մերձակա զինակիցների շրջանում զնալով ավելի ու ավելի հաճախ էին տեղի ունենում կատաղի վեճեր: Պատճառը իշխանության տիրանալու անհազ ձգտումն էր: Մուհամմադը զգում էր, որ զնալով ավելի ու ավելի է նվազում իր ազդեցությունը այդ մարդկանց նկատմամբ: Միաժամանակ նա սկսում էր զիտակցել, որ բոլոր այդ մարդիկ հիանալի զիտեն Ղուրանը և հիանալի կարողանում են այն մեկնաբանել: Հետևաբար իր մարգարեկան առաքելությունը արդեն մոտենում է ավարտին:

Հարկ է նշել, որ դառնալով համարյա ողջ Արաբիայի քաղաքական առաջնորդը, Մուհամմադը թագավորական տիտղոս (մալիք) շնորհուեց: Նրա կյանքը և կենցաղը շարունակում էր մնալ շատ հասարակ, չտարբերվելով ունեոր քաղաքաբանակների կյանքից: Նա չէր ձգտում հարստության և պերճանքի, սակայն իր ընտանիքը և իր տոհմի անդամներին նա նյութապես ապահովեց, որոշելով, որ ուզմական ավարի հինգերորդ մասը (խումս) իրենից հետո պետք է հատկացվի մարգարեի ազգականներին ու սերունդներին, ինչպես նաև «սրբազն պատերազմում» զոհված զինվորների այրիներին ու նրանց որբացած զավակներին:

ՄՈՒՀԱՄՄԱԴԻ ՄԱՀԸ

632 թ. հունվարին Մուհամմադի որդին՝ Իբրահիմը անսպասելի կերպով հիվանդացավ դրդերոցը: Չնայած նրան, որ հայրը քժիշկ չմնաց, որ չկանչեր և զիշեր-ցերեկ աղոթում էր, որ Ալլահը փրկի իր միակ որդուն, բայց անօգուտ: 632 թ. հունվարի 27-ին Իբրահիմը մահացավ: Մուհամմադը աղջողորմ ու անդադար լաց էր լինում և ողբում որդու կորուստը: Այդ ողբը դատապարտվեց մուսուլմանների կողմից, որոնք հիշեցրին մարգարեին, որ և՛ կյանքը և՛ մահը՝ Ալլահի ձեռքերում է: Որդու մահը խիստ փոխեց Մուհամմադին: Երբ նա դադարեց լաց լինելուց, դարձավ բացարձակապես հանգիստ: Որոշ ժամանակ անց, առանց որևէ պատճառի, նա հանգիստ ու անվրդով ասաց իր աղջկան՝ Ֆաթիմային, որ շուտով կմեռնի: Վերջինս սկսեց լաց լինել, բայց Մուհամմադը ժպտալով ասաց. «Լաց մի լինի: Ինձ առաջարկվեց կատարել ընտրություն և ես ընտրեցի մահը»:

Ոչ միայն իր դառն նախատրամադրվածությունը, այլև չդադարող ու հյուծիչ հիվանդությունը օրըստօքն նրան հասցնում էին մահվան դրությունը: Նա ավելի ու ավելի հաճախակի էր տառապում զլիացավերից, սկսեց իր տան պատերի հետեւում ավելի շատ թաքնվել մարդկանցից:

632 թ. մարտ ամսին սկսվեց ուխտագնացության ժամանակը, Մուհամմադը մեկնեց Սեքքա: Մարգարեի այդ ուխտագնացությունը ստացել է «հրաժեշտի ուխտագնացություն» («Հաջ ալ-Վադա») անվանումը: Մարգարեի հաջը հավատացյալների մոտ առաջ բերեց մեծ խանդավարություն և համաձայն արար պատմիչների, նրա հետ ուխտագնացության մեկնեցին մոտ 60 հազար

հավատացյալներ: Մարգարեն իրեն զգում էր շատ հոգնած ու նվաղած և այլս ուժ չուներ ճշտիվ կատարելու կրոնական ծիսակատարությունները: Նրա փոխարեն դա անում էր Աբով Բագրի:

Այդ վերջին ուխտագնացության ժամանակ ի վերուստ մարգարեին ուղարկվեցին հայտնություններ հաջի կանոնների մասին, որոնց առ այսօր հետևում են բոլոր մուսուլմանները:

Մի փոքր հանգստանալոր հետո Մուհամմադը որոշեց Միսի և Մուգդալիֆի հովիտները, ինչպես նաև Արաֆաթ լեռը մաքրել հեթանոսական «անմարրություններից»: Հազարավոր հավատացյալներ գնում էին նրա հետևից և ջարդ ու փշուր անում հեթանոսական կուռքերը: Այնուհետև Մինի հովտում Մուհամմադը իր ժողովրդին դիմեց ճառով, որը կարելի է անվանել «հրաժեշտի ճառ»: Իր ճառում նա մեկ անգամ ևս կրկնեց Ալլահի պատվիրանները և ասաց, որ մահմեդականները տարեցտարի պետք է կատարեն ուխտագնացություն: Նա ասաց նաև, որ մուսուլմանները պետք է ապրեն խաղաղության ու միասնության մեջ, օգնեն մեկը մյուսին, արդարացի կերպով վերաբերվեն իրենց կանանց ու ստրուկների հետ և մոռանան արյան վրիժառությունը, որ յուրաքանչյուր մահմեդականի կյանքն ու սեփականությունը անձեռնմխելի ու սրբազն է: Տավատացյալներին կոչ էր արվում ուրիշներին վնաս չպատճռել, անարդարություններ չգործել և չհանդուրժել անարդարությունները: Նա ասում էր, որ կանանց նկատմամբ ձեզ տրված են իրավունքներ, բայց և նշում էր, որ նրանք ևս ձեր նկատմամբ ունեն իրավունքներ: Հորդորում էր լավ վերաբերվել սեփական կնոջ նկատմամբ, հիշեցնելով, որ նրանք «ձեր կողմնակիցներն են և հավատարիմ օգնականները»: Կոչ էր անում աղոթել, ծոմ պահել, իրենց ունեցվածքից զարյաթ վճարել հօգուստ շունչնորների: Որ վաշխառությունը հաճո չէ Ալլահին, հետևաբար

արգելվում է: Նա ասում էր, որ «արաբը առավելություն չունի ոչ արաբի նկատմամբ, սպիտակը սեի նկատմամբ և ոչ էլ սեր սպիտակի նկատմամբ: Մուսուլմանը պետք է լինի մուսուլմանի եղբայր»: «Ինձանից հետո,- շարունակում էր Մուհամմադը,- այլս չի լինելու ոչ մարզարե, ոչ Աստծո ավետարեր, չի լինելու նաև այլ հավատք: Ես ձեզ թողնում են երկու քան. Ղուրանը և Սուննան, հետևեցեք դրանց և դուք երբեք չեք ընկնի մոլորության ու խարխափումների մեջ»: Մարզարեն իր ճառն ավարտում է հետևյալ խոսքերով. «Հիրավի, ես կատարեցի այն, ինչ ինձ հանձնարարված եր»:

Ուխտագնացությունից Մաղինա վերադարձի ճանապարհին մարզարեն մի փոքր դադար է տալիս ուխտավորներին Ղաղիի Խում կոչված վայրում, որտեղ դիմելով նրանց ասում է. «Ես ցանկանում եմ ձեզ տալ երկու պատվիրան: Եթե դրանք կատարեք, ապա մինչև Ահեղ դատաստանը ոչ մի դժվարության չեք հանդիպի. դրանցից առաջինը Ալլահի խոսքին հետնելն է, այն թելին հետևելը, որը Բարձրյալը երկնքից իշեցրել է երկրի վրա: Երկրորդը ինձանից հետո իմ ընտանիքի նկատմամբ հոգ տանելն է»: Ուխտագնացները միահամուռ խոստանում են սրբորեն կատարել մարզարեի այդ պատվիրանները:

Վերադառնալով Մաղինա, անխոնց ու անհանգիստ խառնվածքի տեր մուսուլմանական համայնքի առաջնորդը սկսեց իր ժողովրդին նախապատրաստել նոր արշավանքի դեպի հյուսիս, Բյուզանդիայի սահմանամերձ Անդրիհորդանանի հողերը: Այդ արշավանքը զիսավորելու պարտականությունը նա դրեց Զայդի որդու՝ Օսամի վրա, որն ընդամենը քսան տարեկան էր: Եթե մարզարեն ճանապարհում էր քանակին, բոլորի համար պարզ դարձավ, որ նրա օրերը հաշված են:

Անցնելով մեկ օրվա ճանապարհ, զորքերը ճամբար դրեցին և սկսեցին լուրի սպասել Մուհամմադի առողջության, ավելի ժիշտ մահվան մասին: Բանակում գտնվող ազդեցիկ մարդիկ պատրաստվում էին մարզարեի մահվան գույժը լսելուն պես անմիշապես վերադառնալ Մեքքա և մասնակցել իշխանության բաժանմանը:

Այդ նույն գիշերը Մուհամմադը արթնացավ իր ականջների մեջ լսվող ձայներից, ինչ որ մեռեներ խնդրում էին իրենց համար աղոթել: Մուհամմադը հասկացավ, որ ինքը միշտ աղոթել է իր ումմայում բոլոր մեռածների համար, սակայն մոռացության է մատնել նրանց, որոնք մահացել են ռազմի դաշտում, իր արշավանքների ժամանակ: Հենց գիշերով, մի ստրուկի ուղեկցությամբ նա մեկնում է գերեզմանատուն, որտեղ դիմելով հանգուցյալներին ասում է. «Օ՛, հողում հանգստացողներ: Բացվող արշալույսը ձեզ համար ավելի հանգիստ է, քան կենդանի մարդկանց համար: Դուք նրանցից երջանիկ եք: Ի տարբերություն կենդանի մարդկանց, Ալլահը ձեզ ազատել է զալիք օրերի դժբախստություններից»: Այնուհետև դիմելով ստրուկին, նա ասում է. «Այստեղ ինձ առաջարկում են ընտրություն կատարել երկու ճանապարհների միջև. կամ մնալ այս աշխարհում, կամ գնալ Ալլահի մոտ: Ես ընտրում եմ երկրորդը»:

Առավոտյան Մուհամմադի վիճակը դառնում է չափազանց վատ: Նա խնդրում է իրեն տանել Այիշայի տունը: Այլևս նա քայլել չէր կարողանում: Հաջորդ օրը նոյնիսկ չկարողացավ վեր կենալ իր մահճից աղոթելու համար: Եթե նրան բարձրացրին, նա կորցրեց գիտակցությունը: Հանկարծ ուշիքի գալով, Մուհամմադը խնդրեց բերել թուլք ու գրիչ, որպեսզի գրի իր վերջին ցանկությունները: Սակայն այդ խնդրանքը չկատարվեց. ոչ մեկին պետք չէր մարզարեի կողմից նշանակված ժառանգորդ: Նրա գինակից-

ների նեղ շրջանը, փոխադարձ համաձայնության ճանապարհով ցանկանում էր ինքը որոշել այն մարդուն, որը մարզարեի մահվանից հետո կդառնար գլխավոր դեմքը: Անձամբ մարզարեի կողմից որպես ժառանգորդ առաջադրված մարդը ոչ մեկին ձեռնուու չէր, ավելին՝ ոչ ոք չէր ցանկանում, որ հենց ինքը լինի այդ մարդը: Միանզամայն պարզ էր, որ այդ ընտրյալին սպասում էր մահը:

Մադինայում սկսեցին պտտվել լուրեր, որ մարզարեն արդեն մահացել է, սակայն այդ իրողությունը թաքցնում են ժողովրդից: Սուհամմադի մերձավորագույն զինակիցները փորձում էին հաշտացնել, որ դա այդպես չէ, որ իիվանդությունը շուտով կնահանջի, բայց նրանց ոչ ոք չէր հավատում: Հունիսի 8-ին Այիշայի տան դոները բացվեցին, վերջինս հետ տարավ վարագույրը և դոների մեջ երևաց Սուհամմադը: Նրան կողքից բռնել էին, բայց կանգնած էր ինքը և նույնիսկ ձեռքով թափահարեց հավատացյալների կողմը: Ժողովուրդը հանգստացավ, բայց բառացիորեն մի քանի ժամից հետո մարզարեն մահացավ (632 թ. հունիսի 8-ին կամ Ռաբի ալ-ավկալ ամսի 13-ին), Մադինա տեղափոխվելու 11-րդ տարում, 63 տարեկան հասակում:

Այիշան կանչում է Սուհամմադի մյուս կանանց և նրանք սկսում են բարձրաձայն ողբը: Ժողովուրդը խառնվել էր իրար: Մարդիկ իրար հարց էին տալիս, թե մի՞ թե մարզարեն կարող է մեռնել, ինչպես սովորական մարդ: Սակայն Աբու Բարրը նրանց հիշեցրեց Ռիխուդ լեռան մոտ տեղի ունեցած ճակատամարտից հետո մարզարեի նոր հայտնությունը. «Սուհամմադը միմիայն մի ուղարկած է. նրանից առաջ էլ ուղարկածներ կային: Արդ եթէ նա մեռնի կամ սպանի, դուք արդեօ՞ք ձեր հետքերին ետ կը դառնաք: Հիմայ ով որ իրան հետքերին ետ դառնայ, նա աստուծուն ոչինչ չի վնասի. սակայն Աստուած անպատճառ վարձատրելու է երախտագիտներին» (3:138): Այդ տագնապալից օրերին Մերքայի փո-

խանորդ Աթթար իբն Ասիդը, վախենալով հուզումներից, տնից դուրս չեր գալիս: Բոլորին հուզում էր մի հարց. ի՞նչ է այսուհետև լինելու: Անմիջապես հայտնվում են կեղծ մարգարեներ: Շատերի մոտ կասկածներ են առաջանում իսլամի ճշմարտացիության վերաբերյալ և ցանկություն վերադառնալու իրենց նախնիների կրոնին: Բոլորին հուզում էր նաև հետևյալ հարցը. ո՞վ կփոխարինի մարգարենին: Այդ հարցի պարատասխանը չկար, քանի որ, ինչպես նշվեց, իր կենդանության օրոք մարգարեն ժառանգորդի անուն չեր տվել:

Սուհամմադին միշտ համատարիմ Օմարը փորձում էր բոլորին հանգստացնել, ասելով, որ մարգարեն չի մահացել, այլ պարզապես մեկնել է Ալլահի մոտ և շուտով կվերադառնա, իսկ ով կասկածում է դրանում, ինքը կկտրի նրա զլուխը:

Սակայն շուտով Այիշայի տան մոտ հայտնված Աբու Բարրը խուռներամ բազմության ներկայությամբ հայտարարեց, որ Սուհամմադը այլևս ոչ ևս է, նա մահացել է: Դիմելով հավաքվածներին նա ասում է. «Մարդիկ, եթե դուք երկրպագում եք միայն Սուհամմադին, ապա նա մահացավ: Եթե դուք երկրպագում եք Ալլահին, ապա նա չի կարող մեռնել: Սուհամմադը Ալլահի մարգարեն է: Ինչպես և իրենից առաջ եղած բոլոր մարգարեները, նա ևս մահացավ: Ինքը Ալլահը ևս իր Ղուրանում ասել է, որ Սուհամմադը լոկ նրա մարգարեն է և նա անպայման կմեռնի: Եվ ի՞նչ, այն քանի համար, որ մարգարեն մահացավ, դուք երես կթեքն՝ ք նրա հավատքից»:

«Նախկին աղքատ, վարձկան հովիվը,- գրում է Լեռն,- մեռնում եր իբրև մի ամբողջ երկրի տեր, իբրև մի թագավոր, որ մարմնացնում եր իր մեջ աստծո փոխանորդությունը: Նա միայն կրոնական զործիչ չեր: Կրոնի միջոցով նա ստեղծել էր մի ամբողջ քաղաքական կազմակերպություն, մի պետություն, որ միացնում էր

ամբողջ արարական աշխարհը և իրականացնում էր իին դարերի կրոնական իդեալը՝ աստվածապետություն, այն դրությունը, երբ աստված ինքն է պետության գլուխն ու կառավարիչը: Իր Դուրանով նա տվել էր այդ պետությանը ոչ միայն կրոնական կանոններ, քաղաքական կազմակերպության հիմունքներ, այլև օրենքներ՝ ներքին քաղաքացիական կյանքը կանոնավորելու համար»:

Համաշխարհային մեծ կրոններից մեկը ստեղծած մարզարեն թաղվեց ձիշտ այն նույն տեղում, որտեղ մահացել էր, Այշայի սենյակում: Նրա մահիճը կողքի քաշեցին և նրա տակ փորեցին գերեզման: Այդ նույն տեղում հետագայում կառուցվեց մեծ դամբարան, որը ներկայումս Մադինայում հանդիսանում է խլամի կարևորագույն սրբավայրերից մեկը:

Հանրագումարի բերելով մարզարեի կյանքի անցած ճանապարհը, խլամագետ Ա. Մասսեն գրում է. «Ընորիիվ Մուհամմադի կրոնական և քաղաքական հանճարի, որն ընդունակ էր միավորել ու համախմբել մարդկանց, արաբները, ճանաչելով իրենք իրենց, դուրս եկան տղիտության ու անիշխանության վիճակից և պատրաստ էին նրան, որ վճռականորեն գրավեն իրենց տեղը քաղաքակրթության պատմության մեջ:

Քանի որ մարզարեն չէր թողել արական սեոի ժառանգորդ, ուստի նրա ժառանգորդի հարցի շուրջը անմիջապես բորբոքվեց սուր քաղաքական ճգնաժամ: Սկսվեց իշխանության բաժանման շուրջը տենպագին պայքար: Հատկապես թեծ պայքար ծավալվեց մեքքացիների ու մադինացիների միջև: Ծնունդ առան բազմաթիվ կուսակցություններ ու քաղաքական խմբավորումներ: Մուհամմադի փեսա Ալին, որին աջակցում էին ազ-Զուրայրը և Թալխան, իր կողմնակիցներին հավաքեց Ֆաթիմայի տանը: Սաադ իրն Ուրայդան անսարների հետ միասին հավաքվեցին Բանու Սայդա քաղամասում: Մուհաջիրների մեծ մասը Օմարի (Օւմար) գլխա-

Վորությամբ բոլորին կոչ էին անում հավատարմության երդում տալ Արու Բարբին որպես Սուհամմաղի տեղակալ (խալիֆ), սակայն անսարները պահանջում էին խալիֆ ընտրել իրենց մարդկանցից մեկին: Արու Բարբը հրաժարվում էր դառնալ Սուհամմաղին հաջորդող, առաջարկելով Օմարի և Արու Ուրայդայի թեկնածությունները: Ստեղծվեց ներքին «քաղաքացիական» պատերազմի լուրջ սպառնալիք: Հասկանալով դա, Օմարն անհապաղ մեկնեց Արու Բարբի մոտ և նրանք միավորվեցին: Միաժամանակ առու ցեղի անսարները, մտավախություն ունենալով, որ իրենց հակառակորդ հազրաց ցեղը կարող է բարձրանալ, համաձայնվեցին հավատարմության երդում տալ Արու Բարբին: Իր հերթին Օմարը ևս հավատարմության երդում տվեց Արու Բարբին, նրա կողմը շրջեց մեծամասնությանը և սանձեց բոլորի կրքերը: Այսպիսով, վերացվեց պառակտման վտանգը: 632 թ. հունիսի 9-ին Արու Բարբը հոչակվեց խալիֆա («խալիֆա ուստի Ալլահ»), այսինքն մարզարեի տեղապահ (արաբ. խալիֆա, հոգն. խուլաֆա): Նա դարձավ ոչ միայն մահմեդական համայնքի ղեկավար, այլ նաև միաժամանակ արաբական պետության ղեկավար, քանի որ կրոնական համայնքի և պետության հասկացությունները չէին բաժանվում միմյանցից:

Տեղեկանալով այդ մասին, Ալին հասկացավ, որ ինքը ի վիճակի չէ ընդիմանալ դրան և նույնպես հավատարմության երդում տվեց Արու Բարբին: Անշուշտ Սուհամմաղի ազգական և փեսա Ալին, որ առաջիններից մեկն էր, որ ընդունել էր նրա ուսմունքը, կարող էր օգտագործել իր ունեցած այդ առավելությունները: Սակայն նա դրսնորեց անվճռականություն և չկարողացավ կազմակերպել իր կողմնակիցներին:

Հաջորդ օրը առավոտյան առաջին խալիֆին հավատարմության երդում տվին նաև ուսմայի մուսուլմանները:

ԲԱՐԵՊԱՇՏԻ ԽԱԼԻՖՆԵՐԸ

Չորս «բարեպաշտ» («ռաշիդուն») խալիֆներից առաջինը, այսպիսով դարձավ Արու Բաքր ալ-Միդդիկը, որը կառավարել է ընդամենը երկու տարի (632-634 թթ.): Աս-Միդդիկ մականունը նշանակում էր «Ճշմարտացի», «Ճշմարտության վկա»: Նա Մեքքա-յի հարուստ վաճառականներից էր և իբր եղել է տղամարդկանցից առաջինը, որն ընդունել էր խալամը (այդ նույնը ասկում է նաև մարզարեի մի քանի մերձավորագույն գինակիցների մասին): Նրա ծառայությունները խալամի հաղթանակի գործում չափազանց մեծ էին: Մինչև Մադինա տեղափոխվելը Արու Բաքրը մշտապես ֆինանսական աջակցություն էր ցուցաբերում մուսուլմանական համայնքին: Նա Մուհամմադին ուղեկցել էր հիջրայի ժամանակ, երբ հեռանալով Մեքքայից, նրանք երկուսով Մադինա տանող ճանապարհին թաքնվել էին քարանձավում: Այդ առթիվ Ղուրանում ասվում է. «... Երբ անհավատները նրան դուրս արեցին, և նա երկուսիցը երկրորդն էր, երբ նրանք քարայրում էին...» (9:40): Առհասարակ Արու Բաքրը եղել էր մարզարեի մշտական ուղեկիցը, նրա բոլոր ուղենորությունների և ռազմական արշավանքների ժամանակ, սակայն անձամբ ինքը չէր զիսավորել և ոչ մի նշանակալից քաղաքական կամ ռազմական գործողություն, չհաշված 631 թ. հաջը: Մուսուլմանական աղբյուրները նրան ներկայացնում են մեղմ ու հանգիստ խառնվածքի տեր մարդ, բոլորովին գուրկ իշխանատենչությունից: Նրա աղջիկը՝ Այիշան, Մուհամմադի սիրեցյալ կինն էր: Մարզարեն իր փեսային վատահում էր կարևոր գործեր:

Իր ընտրության (632 թ.) հաջորդ օրը Աբու Բաքրը արդեն որպես խալիֆ, ժողովրդի առջև հանդես եկավ քարոզով, որը սկսեց հետևյալ բառերով. «Մարդիկ: Թես ես ձեզանից լավագույնը չեմ, բայց ես ընտրվել եմ որպես ձեր խալիֆ: Իմ երդումը ես կատարեցի շատ հապճեպ, քանի որ վախենում էի անկարգություններից: Երդում եմ Ալլահով, որ ոչ ցերեկը և ոչ էլ գիշերը ես չեմ երազել իշխանության մասին: Եթե ես դառնամ լավ կառավարիչ, ապա դուք աջակցեք ինձ: Իսկ եթե ես թույլ տամ անարդարություն, ապա դուք ինձ ցույց տվեք ճիշտ ճանապարհը: Ճշմարտացիությունը դա հավատարմություն է, կեղծիքը՝ դավաճանություն: Դուք չեք լրի հանուն հավատի պայքարի դաշտը, քանի որ այն ժողովուրդը, որը լրում է այն, կենքարկվի դժբախտությունների: Ինչպես որ ես էի հնազանդվում Ալլահի մարգարեին, այնպես էլ դուք հնազանդվեցեք ինձ: Եթե ես գնամ ճշմարտության դեմ, դուք կարող եք ինձ չինազանդվել»:

Զքաղեցնելով պատասխանատու և բարձր պաշտոն, սկզբնական շրջանում Աբու Բաքրը նույնիսկ չփոխեց իր ապրելակերպը. նա շարունակում էր արածացնել իր ոչխարները և շուկայում զբաղվել շորեղենի առևտրով: Սակայն շատ արագ նա հասկացավ, որ իր առօրյա զբաղմունքների և համայնքի կենսական նշանակություն ունեցող հարցերի լուծման համատեղումը անհնարին է, ուստի ամբողջապես կենտրոնացավ խալիֆի զբաղմունքների վրա: Մադինա տեղափոխվելուց հետո լինելով հավատին բոլորանվեր նվիրված տիպար, նա իր ունեցած 40 հազար դիրիեմ կապիտալը ամբողջապես օգտագործեց աղքատներին օգնելու և մահմեղական համայնքի կարիքների վրա: Դադարեցնելով առևտրով զբաղվելը, խալիֆը համայնքից պահանջեց փոխհատուցում: Նրա ապրուստի և այլ ծախսերը հոգալու համար հա-

մայնքը նրան հատկացրեց տարեկան երկու հազար դիրհեմ: Արու Բաքրը այդ գումարը համարեց ոչ բավարար, ուստի հիշյալ գումարի վրա ավելացվեց ևս հինգ հարյուր դիրհեմ: Այդ ժամանակներում որակյալ արհեստավորի տարեկան եկամուտը կազմում էր 250-300 դիրհեմ: Չպետք է նաև մոռանալ, որ խալիֆը ռազմական ավարից ստանում էր նաև իրեն հասանելիք հինգերորդ մասը, թեև ըստ մեզ հասած տեղեկությունների, այդ փողերը Արու Բաքրը մինչև վերջին դիրհեմը բաժանում էր համայնքի անդամներին:

Գլխավորելով մուսուլմանական ումման, Արու Բաքրը շարունակում էր վարել վերին աստիճանի համեստ կյանք, բոլոր առիթներով շեշտելով, որ ինքը հանդիսանում է լոկ Մուհամմադի պատվիրանների պարզ իրազործողը:

Սարգարեի մահվանից հետո մուսուլմանական համայնքում ստեղծվել էր ճգնաժամային վիճակ: Այդ համայնքի կառավարումը, որն ամբողջապես խարսխված էր մարզարեի անձնական հեղինակության վրա, նրա մահվանից հետո հայտնվեց պառակտման վիճակում: Բեղվինների մի մասը վճռականորեն մերժեց իսլամը, մյուսները հրաժարվում էին հարկեր վճարել, երրորդները տատանվում էին և նրանց վարքագից պարզ երևում էր, որ նրանք անվատահելի տարրեր են: Համարյա ողջ Արարիան, բայց Մերքայից, Մադինայից և Թայփից, տեղեկանալով մարզարեի մահվան մասին հեռացան իսլամից:

Առհասարակ, Մուհամմադի մահվանից հետո նրա ստեղծած քաղաքական համակարգը ամենուրեք ճեղքվածքներ տվեց ու խարխլվեց: Բազմաթիվ կարևորագույն ցեղեր իրենց ազագին սլայմանազրային պարտավորություններից, վոնդեցին հարկահավաքներին և վերադարձան նախկին կյանքին: Ազատաւեր

բեղվինները միակողմանի կերպով պատռեցին ու ոչնչացրին այն դաշինքը, որը մադինացիների համար ապահովում էր նրանց տիրապետությունը Արաբական թերակղու մեծ մասի նկատմամբ: Մուհամմադի ստեղծած պետությունը զրկվեց քաղաքական միասնությունից: Ինչպես սովորաբար լինում է խոշոր քարոզչի մահվանից հետո, ողջ Արաբիայով մեկ հայտնվեցին քազմաթիվ կեղծ մարգարեններ, որոնցից մեկը նույնիսկ կին էր: Այդ մարդիկ ընդօրինակելով Մուհամմադին, սկսեցին ստեղծել իրենց համայնքները, նրանց մեջ հրապուրելով մահմեղականներին, ինչպես նաև աշխատելով, որ հեթանոսներն ընդունեն իրենց դավանած կրոնը:

632-633 թվականների շրջանը Արաբիայի պատմության մեջ ստուգել է ար-Ռիդա կամ «ոլիդանների պատերազմ» անվանումը, որ նշանակում է հավատուրացների դեմ պայքարի շրջան:

Միայն մադինացիների և մեքրացիների հզոր ռազմական ու ֆինանսական աջակցության շնորհիվ Աբու Բաքրին հաջողվեց տարանջատված ու պառակտված Արաբիան վերստին վերադարձնել իսլամի գիրկը: Ընդ որում, կրոնուրացների դեմ նա դրսենորում էր անհաջությանը: Այն ցեղերը, որոնք հեռացել են Մուհամմադի հետևորդ լինելուց, ալ-Արաբայի մոտ տեղի ունեցած ճակատամարտում կրեցին ջախջախիչ պարտություն: Ջախջախվեցին և ընկճվեցին նաև ամենաազդեցիկ կեղծ մարգարեններից մեկի՝ Մուսեյլիմի հետևորդները: 633 թ. Աքրաբի մոտ տեղի ունեցած այսպես կոչված «մահվան պարսպի» ճակատամարտում Խալիդը ջախջախեց Մուսեյլիմ մարգարեի քազմահազար հետևորդներին:

Աբու Բաքրի կողմից խալիֆի պաշտոնը զբաղեցնելուց հետո ընդամենը մեկ տարի անց ար-Ռիդան հաղթահարվեց: Ցեղա-

յին անշատողականությունը որպես պետականության սկզբունք պարտություն կրեց: Խսլամը կայունացավ Արաբիայում:

Աբու Բաքրը սկիզբ դրեց խսլամականացմանը որպես պետական քաղաքականություն: Նրա օրոր սկսեցին ձևավորվել պետականության գլխավոր հասլկանիշները, սկսվեց տիրապետող մահմեդական վերնախավի ձևավորումը: Քանի որ բնականաբար Աբու Բաքրը չուներ այն հեղինակությունը, ինչ Սուհամալար սկսեց ձևավորվել վաղ ֆեոդալական տիպի արարական աստվածապետական պետությունը՝ խալիֆայությունը (խալիֆաթ), որի գաղափարախոսությունը դարձավ խսլամը: Խալիֆները իրենցից ներկայացնում էին ինչպես քարձրագույն հոգեոր իշխանությունը՝ իմամությունը (իմամաթ), այնպես էլ աշխարհիկ, այդ բարեկան նաև քաղաքական ու ռազմական իշխանությունը՝ Էմիրությունը (Էմիրաթ):

Սլրազան պատերազմի դեկավարումը և նվաճված տարածքների կառավարումը հանդիսանում էր խալիֆի պարտականությունը: Խալիֆը անսահմանափակ տիրակալ էր: Նրա դեմ ապստամբելը նշանակում էր ապստամբել Ալլահի դեմ: Նա համարվում էր մարզաբեկ ներկայացուցիչը (նայիբը) և օրենքի (շարիաթի) պահապանը: Խալիֆը հանդիսանում էր բանակի գերագույն գլխավոր հրամանատարը (ամիր ալ-մումինին), հասարակական, աղոթքի դեկավարը (իմամ): Սկզբում խալիֆը հանդես էր գալիս նաև որպես դատավոր: Հետազայում նա իր այդ գործառույթը համանձնեց կաղիին:

Խալիֆի պաշտոնում Աբու Բաքրի կատարած կարևոր գործերից մեկը հանդիսացավ այն, որ նա կարգադրեց կազմել Ղուրա-

նի տեքստերի առաջին ցուցակը: Նա հանձնարարեց մարզարեի որդեգիր զավակ և նրա գրագիր Զայդ իրն Սաբիթին՝ հավաքել Ղուրանի բոլոր տեքստերը ասելով. «Դու, Զայդ, խելոք երիտասարդ ես, և մենք կասկածներ չունենք քո նկատմամբ»: Զայդի զիշավորությամբ ստեղծվում է Ղուրանի լավագույն գիտակների և այսպես կոչված հաֆիզների (Ղուրանն անգիր իմացող մարդկանց) մի խումբ: Ողջ երկրով մեկ ուղարկվում են կոչեր, խնդրանքով, որ ում մոտ որ կա Ղուրանի որևէ այաթ, այն տանի Մերքա: Բոլոր ուղղադավանները պատրաստակամությամբ արձագանքում են այդ կոչին և այսպիսով տեղի է ունենում իսլամի սուրբ գրի առաջին խմբագրումը: Ինչպես կտեսնենք ստորև, նրա վերջնական խմբագրումը տեղի ունեցավ ավելի ուշ, երբորդ բարեպաշտ խալիֆ Օսման (Ուսման) իրն Աֆֆանի օրոք:

Աբու Բաքրը շարունակեց իսլամի հաղթական երթը: Այդ կրոնը դարձավ արարական նվաճողականության դրոշը: Առաջին հարվածը որոշվեց հասցնել Բյուզանդիային: Արշավանքի ժամանակը ճիշտ էր ընտրված. անընդհատ պատերազմներն Իրանի դեմ հյուծել էին երեմնի այդ հզոր պետության նյութական ռեսուրսները: Սահմանամերձ բյուզանդական ամրոցները գտնվում էին ծայրահեղ վատ վիճակում, իսկ սահմանակից արարական ցեղերը, որոնք ավանդաբար կայսերական զանձարանից նպաստ էին ստանում, գտնվում էին կիսաքաղց վիճակում, բոլորից լրիված և թողնված իրենց ճակատազրին, նրանք չէին պատրաստվում հենց այնպես, ձրի կովել մուսուլմանների դեմ:

Պատերազմի վերաբերյալ Աբու Բաքրի մտքերը այնքան էլ ոգևորությամբ չընդունվեցին արարական ավազանու կողմից, սակայն արժանացան Օմարի և Ալիիի ջերմ հավանությանը: Երբ արշավանքի հարցը դրվեց ընդհանուր քննարկման, պարզվեց, որ

հակառակորդները մեծ թիվ են կազմում: Վիճաբանությունը համարյա վերածվեց մեկը մյուսի նկատմամբ անձնական վիրավորանքների և ծեծկոտուրի, երբ անսպասելիորեն Արու Բարբին պաշտպանեց Խալիդի իբն Սայիդը, ասելով, որ կենթարկվի խալիֆի ցանկացած որոշմանը: Արու Բարբը Խալիդին նշանակեց գործերի գլխավոր հրամանատար (ամիր) և հրամայեց նրան հանձնել իշխանության խորհրդանիշ հանդիսացող դրոշը: Ավելի ճիշտ դա դեռ դրոշ չէր, այլ մի սպիտակ կտոր, որն ամրացված էր նիզակի ծայրին:

Խալիդը իր մարդկանց հետ Զուրֆայում ձամբար դրեց և սկսեց կամավորներ հավաքել արշավանքի մեկնելու համար: Միայն Օմարը համաձայն չէր գլխավոր հրամանատարի ընտրության հարցում: Նա գտնում էր, որ այդ մարդը նման գործի համար հարմար չէ և Արու Բարբին անընդհատ համոզում էր, որ Խալիդը չափազանց զոռող և ամբարտավան է և նրա համար դժվար կլինի այդովանց հետ աշխատելը: Ի վերջո Խալիդին փոխեցին և նրա տեղը նշանակեցին միանգամից երեք հոգու՝ Յազիդ իբն Արու Սուֆյանին, Շուրահիլ իբն Հասանին և Արու Ուրայդ իբն ալ-Զարրահին: Սուսուլմանական բանակի ընդհանուր թիվը 15 հազար մարդ էր, յուրաքանչյուր ամիրին հատկացվեց 5 հազարական զինվոր:

Արու Բարբը հրամայեց արշավանքը սկսել: Յազիդի խմբավորումը բյուզանդյական զորքերին հանդիպեց Ղամբաթ ալ-Արաբ վայրի մոտ և ջախչւիսելով նրանց, շարժվեց դեպի Գազզա: Նրա մատուցներում, Դասյն գյուղի մոտ մոտուլմանական բանակի դեմ դուրս եկավ Կեսարիայից ժամանած բյուզանդյական երեք հազարանոց ջոկատը պատրիցիա Աերգիլի գլխավորությամբ: Արյունալի ճակատամարտում բյուզանդացիները կրկին պարտութ-

յուն կրեցին, տալով մոտ երեք հարյուր սպանվածներ, այդ թվում նաև գլխավոր հրամանատար Սերգիիին: Շարունակելով մարտերը բյուզանդական զորքերի հսմբավորումների դեմ, մուսուլմանները սպանեցին ևս չորս հազար բյուզանդական զինվորների: Սակայն Յազիդին այդպես էլ չհաջողվեց Գազզան զրավել:

Ինչ վերաբերում է Աբու Ուբայդի խմբավորման զործունեությանը, ապա նա խաղաղության պայմանագիր կնքեց Մաարայի բնակիչների հետ և առանց կորուստների անցավ նրանց տարածքներով, սակայն Զիզայի մոտ հանդիպեց Անդրիորդանանի քրիստոնյա արաբների ուժերին և պարտություն կրելով նահանջեց Հարավային Սիրիա:

Տեսնելով, որ իր զորքերը հայտնվել են աղետալի վիճակում, Աբու Բաքրը Խալիդի իրն ալ-Վալիդիին, որը մի քանի ճակատամարտերում իրեն դրսեորել էր որպես կարող և ունակ զրավար, ուղարկեց Սիրիա, հրամայելով ընդունել բանակի գլխավոր հրամանատարությունը: Իր հետ վերցնելով թվով 850 լավագույն մարտիկների, իինգ օրվա ընթացքում սիրիական անապատի վրայով Խալիդը անցում կատարեց դեպի նպատակակետը: Դա իսկապես մեծ զրավարի քայլ էր: Հընթաց գրավելով Թաղմորը, նա այնուհետև Սարջ ար-Ռախիդի վրայով շարժվեց դեպի Բասրա, որտեղ գտնվում էին հիմնական ուժերը: Մուսուլմանական բանակը զրոհով վերցրեց Բասրան և քաղաքի բնակիչները դարձան մահմեդականների հարկատուն: Վախենալով մուսուլմանական բանակի վրիժառությունից, հարևան քաղաքներն ու բնակավայրերը նույնպես հնագանդության մասին պայմանագրեր կնքեցին Խալիդի հետ: Այնուհետև վերջինս Աբու Ուբայդի հետ միասին, Շուրահիդին թողնելով Բասրայի մոտ, շարժվեցին դեպի Դամասկոս և պաշարեցին այդ քաղաքը:

Բյուզանդական Հերակլ կայսրը մուսուլմանական արշավանքի սկզբում գտնվում էր Եղեսչայում և կարևոր նշանակություն չտվեց դրան, ենթադրելով, որ դա քոչվորների սովորական ասպատակություն է: Սակայն Բասրայի անկումը և Դամասկոսի պաշարումը ստիպեցին նրան գիտակցել դրա լրջությունը, ուստի կազմելով մի խոշոր բանակ, նա այն շարժեց թշնամու դեմ: 634 թ. հուլիսի 30-ին հակառակորդները հանդիպեցին միմյանց: Ճակատամարտը դաժան էր և արյունահեղ: Այն ավարտվեց մահմետականների հաղթանակով: Որպես ռազմական ավար ձեռք բերված բյուզանդական զենքերով վերազինելով իր բանակը, Խալիդը վերադարձավ Դամասկոս և կրկին այն ենթարկեց պաշարման: Նա դեռ չզիտեր, որ օգոստոսի 23-ին խալիֆ Աբու Բաքրը մահացել է: Նա իր մահկանացուն կնքել էր 63 տարեկան հասակում, ճիշտ այն նույն տարիքում, ինչ և Մուհամմադը: Մուսուլմանները դրա մեջ տեսան առաջին խալիֆի մեծությունը և բարեպաշտությունը շեշտող Ալլահի հասուլ նշանը: Աբու Բաքրի խալիֆայության երկու տարիների ընթացքում (632-634 թթ.), խալամական զորքերը գրավեցին նաև իրանական պետությանը ենթակա Բահրեյնը, նվաճեցին Հարավային Արաբիան (Օման, Հայրամաութ): Խալամը կայունացավ Արաբիայում և սկսեց Սիրիայի և Իրաքի նվաճումը:

Մահվանից առաջ Աբու Բաքրը երկար և լրջորեն մտորել էր այն մասին, թե ով է լինելու խալիֆը իր մահվանից հետո: Ի վերջո նա կանգ է առել իր հավատարիմ զինակից ու խորհրդական Օմար իրն ալ-Խաթթարի թեկնածության վրա, որն արժանացավ շատերի հավանությանը:

Աբու Բաքրի թաղման արարողությունը համեստ էր, առանց որևէ պատիվների: Նրան թաղեցին Մուհամմադի կողքին: Խալիֆի կսնայր ու կին ազգականները փորձեցին հին ավանդույթների

համաձայն ողբ ու կոծ անել, սակայն Օմարը կտրականապես արգելեց, հետևելով Սուհամմադի կողմից սահմանված հեթանոսական ողբի արգելքին:

Հաջորդ օրը 634 թ., երկրորդ «բարեպաշտ» խալիֆ Օմարին ալ Խաթթաք ալ-Ֆարուքը (մոտ. 585-644) հավատարմության երդում տվեց: Ծագումով նա կուրայշ ցեղի բանու ալ-ադի իրն Քաք երկրորդական տոհմից էր: Զբաղվել էր կտորեղենի առևտրով: Խալամն ընդունել էր 616 թ.: Միայն Սադինայում նա ընդգրկվեց Մուհամմադի մերձակա շրջապատի մեջ և մարզարեին կնության տվեց իր աղջկան: Օմարը (Ումարը) մասնակցել էր մարզարեի բոլոր արշավանքներին, սակայն աչքի չեր ընկել որպես ուազմիկ: Նա Մուհամմադի և նոր հավատի անկեղծ և նվիրյալ կողմնակիցներից էր: Օմարը Աբու Բարից երիտասարդ էր, ոչ շատ վաղուց լրացել էր նրա հիսուն տարին: Անկասկած նա հանդիսանում էր իր ժամանակի խոշոր պետական գործիչներից և առհասարակ անհատականություններից մեկը: Նա իր խալիֆի տիտղոսին ավելացրեց «ամիր ալ-մումինին» («ուղղադավանների առաջնորդ») տիտղոսը: Օմարին հաջողվեց ստեղծել իսլաման աստվածապետական պետություն: Նրա օրոք արաբական մուսուլմանական պետությունը վերածվեց կայսրության: Ծնունդ առան բոլոր խալամիստական քաղաքական ինստիտուտները:

Արևմուտքում համարել են, որ Օմարը խալամի տարածման ու զարգացման մեջ համարյա նույնքան խոշոր դեր է կատարել, որքան Պողոս Առաքյալը՝ քրիստոնեական եկեղեցու կազմակերպման մեջ: Օմարի ժամանակ էր, որ խալամը դուրս եկավ Արաբիայի սահմաններից և իր տիրապետությունը իրով ու սրով տարածեց ողջ Մերձավոր ու Միջին Արևելքում: 636 թ. Յարմուկ գետի մոտ տեղի ունեցած ճակատամարտից հետո արաբները

նվաճեցին ողջ Սիրիան, երկու տարի անց նրանք իրենց խալիֆայությանը միացրին քրիստոնեական խոշոր կենտրոն Անտիոք քաղաքը, 638 թ. գրավեցին Երուսաղեմը, 640 թ. սկսեցին նվաճել Եգիպտոսը, 639 թ. հյուսիսում մուսուլմանական բանակը մտավ Հայաստան։ Դարձալ Օմարի ժամանակ նվաճելով Իրանի հարավ-արևելքում գտնվող Բալուչեսթանը, արաբները դուրս եկան Հնդկաստանի սահմանների մոտ։

Քանի որ մուսուլմանական բանակը չուներ լավ ամրացված քաղաքներ գրավելու փորձ, ուստի որպես կանոն արաբներն օգտագործում էին հետևյալ մարտավարությունը. պաշարելով քաղաքը, նրանք փակում էին դեպի քաղաք տանող բոլոր ճանապարհները և հանրագումարում քաղաքի կամ ամրոցի պաշտպաններին ծնկի էին բերում սովոր օգնությամբ։ Դամասկոսում, ըստ երևոյթին, կային սննդամբերքի խոշոր պաշարներ և երկար ժամանակ քաղաքը չէր հանձնվում։ Սակայն ի վերջո, չդիմանալով երկարատև պաշարմանը, 635 թ. օգոստոսին այդ քաղաքը ևս հանձնվեց։

Առհասարակ Օմարի տասնամյա կառավարումը դա խալամի հաղթական նվաճողականության և կայուն կազմակերպման ժամանակաշրջան էր։

Արաբների գարմանալի հաղթանակներին նպաստեցին մի քանի գործոններ. զորքերի շարժունակությունը (ուղտերի օգտագործումը հնարավորություն էր տալիս զորքերը արագ տեղափոխել ցանկացած վայրը), հակառակորդների միջև եղած երկպառակությունների վարպետ օգտագործումը, յուրաքանչյուր քոչվորմահմեղական պատրաստի զինվոր էր, որը հնարավորություն էր տալիս ստեղծելու հսկայական բանակներ։ Կարևոր գործոն էր նաև այն, որ Բյուզանդիայի բնակչությունը, որի վրա ծանրացած

Էր ֆեռդալական ծանր լրտեղ, արաբներին դիմավորում էր որպես ազատարարներ, քանի որ կյանքը համոզիչ փաստերով ցույց էր տվել, որ արաբական տիրապետությունը ավելի տանելի էր:

Չափազանց մեծ էր Օմարի դերը նաև իշխանության նոր համակարգ ստեղծելու գործում, որը կարելի է բնութագրել որպես արաբա-մուսուլմանական աստվածապետություն: Հիրավի, նվաճողական ընդունակության հետ միասին, նա դրսորեց նաև նվաճված երկրները և առհասարակ իսլամական պետությունը կառավարելու մեծ կարողություն: Նա Մուհամմադից հետո առաջին օրենսդիրն էր: Նա օրենսդրեց նաև այն հարաբերությունները, որ իսլամական պետությունը պետք է ունենար մյուս, ոչ իսլամ ժողովուրդների ու կրոնների նկատմամբ: Խալիֆ Օմարի կառավարման շրջանում Արաբական խալիֆայությունում ավարտվեց պետականության, վարչական ու հարկային համակարգի ձևավորումը:

Արաբիայի սահմաններից դուրս մուսուլմանական տիրույթների արագ ընդարձակումը (Եզիջտոսի, Սիրիայի, Իրաքի, Լիբիայի, Իրանի արևմտյան մասի նվաճումը), դավանակից-արաբների համայնքի վերածումը բազմազգ պետության, գերակշիռ այլադավան բնակչությամբ և վիթխարի ռեսուրսներով, հրամայողաբար Օմարից պահանջում էին ձևանարկել անհետաձգելի միջոցառումներ վարչական-հարկային համակարգ ստեղծելու և հսկայական եկամուտները բաշխելու սկզբունքներ մշակելու համար: Դրանցից կարևորագույնը նվաճված հողերի բաժանման վրա արգելք դնելն էր և դրա փոխարեն բոլոր ասխարբներին և զինվորներին աշխատավարձի (ա՛թա) և բնամթերքի (ռիզկ) վճարումն էր, ըստ նախապես կազմված հաշվեմատյանների (դիվանների): Այս բարեփոխումն իրականացնելու համար 638 թ. սկզբին

Օմարը մեկնեց Սիրիա և այցելեց իր գորքերի կողմից գրաված Երուսաղեմ: Ի դեպ, Երուսաղեմում նա հրապարակում է հրովարտակ, որով հաստատում է Մուհամմադ մարզարեի կողմից տրված ֆեթվան հայ առաքելական եկեղեցուն հատկացված իրավունքների, ինչպես նաև այդ քաղաքում բնակվող հայերի կյանքի և ունեցվածքի ապահովությունն ու անվտանգությունը երաշխավորելու մասին: Դրա հետ միաժամանակ Իրաքում իրականացվեց հողային կադաստրների հաշվառում և որոշվեցին խարաց և ջիգիե հարկատեսակների չափերը: Եզիպտոսը նվաճելուց հետո Օմարը կարգադրեց, որ այնտեղից ցորեն մատակարարվի Մեքքային և Մադինային:

Օմարի կառավարումն իրականացվում էր Մադինայից, որը շարունակում էր մենալ որպես արաքական պետության հոգենոր և վարչական կենտրոնը: Խալիֆի կարևորագույն միջոցառումներից մեկը հանդիսացավ այն, որ նա մտցրեց խլամական օրացույցը, որում թվարկությունը սկսվում էր 622 թվականից, այսինքն Մուհամմադի հիջրայի տարեթվից: Այդ նոր օրացույցը գործողության մեջ մտավ 637 թ. ապրիլի 16-ից (ուրիշ 1-ից): Մուսուլմանական ավանդույթը Օմարի անվան հետ է կապում նաև քաղմարթիվ կրոնա-իրավական սկզբունքների արմատավորումը. ամենամյա ուխտանքությունը, ամուսնական դավաճանության համար քարձեւ անելը, ճիպուտահարումը, արյան գնի (դիյա) չափի որոշումը և այլն:

Սակայն Օմարի կառավարման շրջանում նկատվեցին նաև երևույթներ, որոնք ավելի ուշ լուրջ անդրադարձներ էին ունենալու արաքական խալիֆայության ճակատագրի վրա: Բանք նրանումն է, որ եթե մուսուլմանական խալիֆայությունը իրենից ներկայացնում էր միևնույն ժողովրդի համադաշականներից բաղկացած

մի միավորում, քայց հետագայում, եթք խալիֆայությունը վերածվեց կայսրության, բուն Արաբիայի ժողովուրդը կազմում էր այդ պետության բնակչության ոչ ավել քան քառորդ մասը: Ընդ որում, նահանգները հաճախ ավելի զարգացած էին, քան ինքը մետրոպոլիան: Մշտապես տեղի էր ունենում նաև մուսուլմանների արտագաղթ դեպի նվաճված հողերը: Ծնունդ առավ հսկա պետության տրոհման վտանգ, զորահրամանատարներն ավելի ու ավելի էին ձգտում ինքնազլության ու անկախության և այլն:

Օմարը մահացավ 644 թ. նոյեմբերի 7-ին ոչ իր բնական մահով: Մադինայի մզկիթում նրան դաշույնի վեց հարված հասցրեց Արու Լալա Ֆայրուզ անունով մի պարսիկ, որը 642 թ. Նեհավենդի ճակատամարտում գերի էր ընկել արաբների մոտ և ստրկացվել: Ենթադրվում է, որ նա դավանում էր քրիստոնեությունը: Երեք օր տեսած մահվան գալարումներից հետո խալիֆը կնքեց իր մահկանացուն: Նոյնքան հասարակ ու խիստ, ինչպես Սուլհամմադն ու Արու Բաքրը, Օմարն իր փայլուն հաղթանակներից հետո ևս մնում էր այդպիսին: Իր մեջ ունենալով նվաճողի և կառավարչի գծերը, նրան բնորոշ էր ոչ միայն վիթխարի եռանդը, այլև նպատակոր հանգամանքները, մարդկանց և նրանց կրոնական խանդավառությունը օգտագործելու ունակությունը: Նրա հիմնական անվիճելի ծառայություններից մեկը կայանում էր նրանում, որ նա թույլ չտվեց, որ անջատողականները հղորանան և թելադրեն իրենց կամքը: Նա դրեց կայուն պետական կյանքի հիմքերը և կարողացավ տնտեսապես ու քաղաքականապես յուրացնել նվաճված երկրները:

Երկրորդ խալիֆի կառավարման շրջանում պետությունը առավել արդյունավետ կառավարելու նպատակով իրականացվեց խլամի ազդեցության գոտում գտնվող տարածքների վարչական

բաժանում: Այսպէս, Իրաքը և Սիրիան վերածվում էին Բասրայի, Քուֆիայի, Զազիրի և Սիրիայի նահանգների: Եզիպտոսը բաժանվում էր 30, իսկ Պաղեստինը 10 նահանգների: Իրանը բաժանվեց երեք վարչական տարածքների՝ Խորասան, Ֆարս և Ադրբեջան (Ատրպատական): Վարչական այդ բարեփոխումներին հետևեց կառավարման մարմինների ստեղծումը: Նահանգների կառավարումն իրականացնելու համար նշանակվեցին նահանգապետեր կամ խալիֆի փոխանորդներ, որոնց տեղակալը որպես կանոն տնօրինում էր ռազմական գործի գեկավարումը: Ստեղծվում էին դատական մարմիններ, որոշվում էին բյուջետային եկամուտների աղբյուրները, կարգավորվում էր հարկային համակարգը և այլն:

Խալիֆ Օմարը մահմեդականների շրջանում սահմանեց երկաթյա կարգապահություն: Նրան հաջողվեց արաբներին ներշնչել անձնուրաց հավատ, որ պայքարի ընթացքում զոհված մարտիկի՝ շահիդի մահը յուրաքանչյուր մահմեդականի սրբազն պարուն է, նրա կյանքի ողջ իմաստը:

Մահվանից առաջ Օմարը հասցրեց Մուհամմադի հին զինակիցներից կազմել վեց հոգուց բաղկացած մի խորհուրդ («Չուրա», նոր խալիֆ ընտրելու համար: Այդ խորհրդի կողմից մարզարեկի փեսա Ալիի թեկնածությունը մերժվեց նրա անհաշտ խառնվածքի և կտրուկ վարքագծի պատճառով: Ալին ցանկանում էր խլամը վերականգնել այն տեսքով, ինչպես որ գոյություն ուներ Մուհամմադ մարգարեկի ժամանակ, հաշվի չառնելով այն իրողությունը, որ այն ժամանակներից հետո տեղի էին ունեցել որոշակի փոփոխություններ: Ուստի ընտրությունը կանգ առավ Մուհամմադի մյուս փեսայի և զինակցի, Օսման (Ուսման) իբն Աֆֆանի վրա (մոտ. 644-656), որը 644 թվականին 70 տարեկան հասակում դարձավ երրորդ «բարեպաշտ» խալիֆը:

Օսմանը հարուստ մեքքացի վաճառական էր: Նա սերում էր ումայյա (օմեյյա) տոհմից: Առաջիններից մեկն էր, որ ընդունել էր խլամը: Նա նաև մարզարեի ազգականն էր՝ Սուհամմադի «կրկնակի» փեսան: Ակզրում նա մարզարեի Ռուբայա դստեր ամուսինն էր, ըստ որոշ տվյալների նրա այդ ամուսնությունը տեղի էր ունեցել դեռևս մինչև Սուհամմադի մարզարեկան առաքելության սկիզբը: Ռուբայայի մահվանից հետո Օսմանն ամուսնացել էր Սուհամմադի մյուս դստեր՝ Ումմ-Քուլսումի հետ, այդ պատճառվ մահմեդականները նրան անվանել են Զուլ-Ռուբայն, այսինքն «երկու լուսատունների տիրապետող»:

Հալածանքների ժամանակ Օսմանը մի խումբ մահմեդականների հետ արտազադել էր Եվրովյանա, այնուհետև վերադառնալով Մեքքա, մյուսների հետ կատարեց հիշրա դեպի Մեքքա և հաստատվեց այդ քաղաքում: Ի դեպ, Մեքքայում տեղի ունեցավ նաև Սուհամմադի ամուսնությունը Օսմանի աղջկա հետ:

Սուհամմադի կենդանության և առաջին երկու խալիֆների օրոք Օսմանը իրեն չէր դրսեորել որպես ռազմական ու քաղաքական աշքի ընկնող գործիչ, գերադասելով օգտվել կյանքի բարիքներից, որոնք մատչելի էին իրեն որպես հարուստ մարդու: Օսմանը մտել էր խալիֆի ընտրության համար ստեղծված այն խորհրդի (շուրա) կազմի մեջ, որը ստեղծվել էր Օմարի հանձնարարությամբ, որպես մահվանից առաջ նրա վերջին ցանկություն և խալիֆ էր ընտրվել, հավանաբար, այն պատճառով, որ այդ շուրայի միմյանց հետ մրցակցող անդամները նրան համարել էին առավել քիչ վտանգավոր անձնավորություն:

Իր հայացքներով Օսմանը նշանակալից չափով տարբերվում էր իրեն նախորդող խալիֆից: Եթե Օմարը խալիֆի հիմնական պարտականությունն էր համարում ումմայի նկատմամբ հո-

վանավորությունը և այն տեսակետին էր, որ խալիֆը պետք է ապրի համեստ կյանքով, բավարարվելով միայն պետական ռոճիկով, ապա Օսմանը հարստության ու ճոխության մեջ վատ բան չէր տեսնում:

Խալիֆի պարտականությունը ստանձնելու պահին Օսմանը արդեն բավականին տարեց և եռանդից գորկ մարդ էր և ընդունակ չէր նոյն թափով շարունակելու Օմարի գործը: Սակայն վերջինիս կողմից սկսած գործի իներցիան այն աստիճանի ուժեղ էր, որ պետության գործերը բնականոն հունով առաջ էին ընթանում: Իսկապես, Օմարը Օսմանին ժառանգություն էր թողել «լավ յուղված» պետական մեքենա, որի կառավարումը առանձնապես մեծ դժվարություն չէր ներկայացնում:

Օսմանի կառավարման շրջանում շարունակվում էին լայնամասշտաբ ռազմական գործողությունները նոր տարածքներ նվաճելու համար: Իր ավարտին հասավ Սասանյան պետության նվաճումը: Նվաճվեց Հյուսիսային Աֆրիկան մինչև Մարոկկո: Պարբերաբար տեղի էին ունենում արշավանքներ դեպի Փոքր Ասիա և Եգեյան ծովի կղզիները: 648-649 թթ. արաբները նվաճեցին Կիպրոսը, որի բնակչությունը պարտավորվեց վճարել զլիահարկ՝ ջիզիե: 651 թ. խոշոր ծովային գործողության հետևանքով խալիֆայությունը մեծ հաղթանակ տարավ բյուզանդացիների նկատմամբ, որի հետևանքով նրա հսկողության տակ անցան Մալթա, Կրետե և Ռոդոս կղզիները: Սկսվել էր Հայաստանի աստիճանական նվաճումը, ռազմարշավներ էին կազմակերպվում դեպի Հյուսիսային Աֆրիկա: 650-652 թթ. հաղթական արաբական գործերը նվաճեցին Հերաթը և Քաբուլը: Արևելյում խալամի ազդեցության գոտին ընդլայնվեց մինչև Ամու-Դարյա գետը, մինչև Չինաստանի սահմանները և Հինդոս գետի հովիտը, իսկ հյուսիսում

կայունացավ արարների դրությունը Հարավային Կովկասում: Այդ նվաճումների տարիներին Եգիպտոսի և Սիրիայի նավահանգիստներում կառուցվում և ջրարկվում էր հզոր մուտուլմանական մի նավատորմ, որը խալիֆայությանը հնարավորություն էր տալիս ծավալելու իր նվաճողական քաղաքականության շրջանակները:

Սակայն այդ բոլորով հանդերձ, խալիֆ Օսմանի առջև աստիճանաբար սկսեցին հառնել մի շարք դժվարություններ: Խալիֆայության հեռավոր արշավանքները դառնում էին ավելի ու ավելի դժվար, իսկ ավարը ոչ այնքան առատ, որքան նախկինում: Նվաճված ժողովուրդները խսլամն ընդունում էին ոչ թե կրոնական համոզմունքով, այլ որպեսզի վճարեն ավելի քիչ հարկեր: Արարների մոտ հայտնվել էր հակում դեպի ճոխ ու շքեղ կյանքը, որը նրանք տեսել էին նվաճված երկրներում: Այդ բոլորը ստեղծում էր ծայրահեղ դժվարին ֆինանսական վիճակ: Պայթյունավտանգ խնդիր էր նվաճված երկրներում հողերի բաժանման հարցը, որի վրա, սակայն, խալիֆը բավարար ուշադրություն չէր դարձնում: Ճետևանքը եղավ այն, որ պետության մեջ ծայր առան ներքին երկպառակություններ:

Եթե Օսմանի կառավարման առաջին վեց տարիներն անցան ներքին կայունության պայմաններում, ապա դրանից հետո ումմայի մեջ սկսեցին հասունանալ ներքին կոնֆլիկտները: Մի շարք արար պատմիչներ դա բացատրում են նրանով, որ Օսմանը չկատարեց այն խոստումները, որոնք ինքը տվել էր խալիֆ լնտրվելու ժամանակ: Սակայն ավելի հավանական է, որ ներքին կոնֆլիկտների աղբյուրը տնտեսական պատճառներն էին. պետությունը, որը կառուցված էր ռազմական սկզբունքների վրա, այդ նույն

սկզբունքների հիման վրա չէր կարող գոյություն ունենալ խաղաղ ժամանակ:

Պատահական չէ, որ Օսմանի կառավարման վերջին տարիներին առաջին անգամ ծնունդ առավ ընդդիմություն, նահանգներում սկսեցին բռնկել քաղաքական բնույթի հուզումներ, որոնք գուգակցված էին կրոնական երկպառակությունների հետ: Հենց պետության կենտրոնում՝ Մասհինայում, ձևավորվել էր ներքին ընդդիմություն: Նոյնիսկ Մուհամմադի դեռևս երիտասարդ այրի Այիշան սկսել էր գրադարձ քաղաքական խաղերով, մտադիր լինելով պետության մեջ խաղաղ եական դեր:

Սահմեդական վերնախավի ներկայացուցիչները, որոնք գրադադարում էին կարևոր պաշտոններ և ստանում բարձր աշխատավարձ, տենդագին կերպով նահանգներում տեղական հողատերերից գնում էին խոշոր հողային կալվածքներ և օրեցօր հարստանում: Մինչդեռ շարքային զինվորները խաղաղ պայմաններում քարշ էին տալիս կիսաքաղց գոյություն: Դա ևս բնականաբար ծնում էր պառակտում երբեմնի միասնական պետության մեջ: Սոցիալական առումով միասնական ումման շերտավորվում էր աղքատների և հարուստների:

Պետության համար վտանգի աղբյուր էր հանդիսանում նաև այն, որ զնալով աճում էր այնպիսի նոր կենտրոնների նշանակությունը, ինչպիսիք էին Քուֆան, Բասրան և Ֆուսթարը: Օսմանը փորձում էր ուժեղացնել հսկողությունը նրանց նկատմամբ, այնտեղ որպես իր տեղապահներ նշանակելով իր ազգականներին, որոնք որպես շնորհ ստանում էին ոչ միայն հողեր, այլև նշանակալից շափերի հասնող ֆինանսական միջոցներ: Առհասարակ այն հանգամանքը, որ խալիֆը իր ընտանեկան շահերը բարձր էր դասում համախամական պետական շահերից հանդիսանում էր

նրա մեծագույն սխալներից մեկը: Օսմանն իրեն շրջապատել էր Օմայանների տոհմի անդամներով և պետության բոլոր հանգուցային պաշտոնները (հրամանատարական, նահանգների կառավարիչների և այլն) տալիս էր իր ազգականներին կամ նրանց կողմանակիցներին, որոնցից շատերը բացահայտ ցինիզմով դա օգտագործում էին իրենց անձնական շահերի համար, հատկապես հողեր զավթելու և հարստություն կուտակելու համար: Օրինակ, Սուլավիա իրն Արք Սուլյանը ստացավ ողջ Սիրիայի կառավարչի պաշտոնը: Այդ բոլորի հետևանքով խալիֆին մեղադրեցին նեպոտիզմի (լատ. ծառայողական հովանավորչություն) մեջ:

Բացի այդ, Օսմանը առաջին խալիֆն էր, որին սկսեցին մեղադրել նրանում, որ իշխանությունը օգտագործում է կյանքից հաճույքներ վայելելու համար և իրեն հեռացրել է հասարակ ժողովրդից: Հիրավի, Օսմանը խալիֆներից առաջինն էր, որ իր համար կառուցեց մի մեծ քարաշեն տուն: Նա անշարժ գույք էր ձեռք բերում նաև Արաբիայի սահմաններից դուրս: Նրա օրինակին հետևեցին նաև խլամական մեծատոհմիկ ազնվականության ներկայացուցիչները. Մադինայում սկսեցին հայտնվել շքեղ տներ և այլն: Արաբների մոտ հայտնվեց ճաշակ պերճանքի ու շքեղության նկատմամբ, որի հետ նրանք ծանոթացան նվաճված երկրներում: Այդ բոլորը ստեղծեց ծայրահեղ դժվարին ֆինանսական վիճակ: Սոցիալական անհավասարության աճը և Օսմանի ազնվականական կուրսը առաջ բերեցին արաբական զանգվածների ուժգին դժգոհությունը: Նրա դեմ տրամադրված էին նաև ազնվականության մի շարք ներկայացուցիչներ, իին մուհաջիրներ, որոնք դժգոհ էին նրանից, քանի որ փաստորեն դուրս էին մղվել կառավարման կառույցներից: Լարվածությունը պետության մեջ զնալով աճում էր: Խալիֆի և նրա ազգական-քարեկամների հարստանալը

հավանության չեր արժանանում հատկապես անապատական-ձգնավորական հակումներ ունեցող մուսուլմանների կողմից, ո-րոնք խալիֆին մեղադրում էին Մուհամմադի և առաջին խալիֆ-ների ապրելակերպից շեղվելու մեջ: Միաժամանակ նահանգնե-րում ծայր առան անկարգություններ ու խռովություններ: Ընդ ո-րում, քաղաքական հուզումները զուգակցվում էին կրոնական պառակտումների հետ:

656 թ. ապրիլի վերջին և մայիսի սկզբին Քուֆայից, Բասրա-յից և Եգիպտոսից փոքր ուխտագնացություն (ումրա) անելու պատրվակի տակ Մադինա ժամանեցին երեք պատվիրակութ-յուններ, որոնք ճամբար դրեցին քաղաքի դարպասների մոտ: «Ուխտափրները» մեծ հույսեր էին կապում Մուհամմադի փեսա Ալիի աջակցության հետ Օսմանին իշխանությունից հեռացնելու հարցում, սակայն Ալին դրսորում էր անվճռականություն:

Քուֆայի և Ֆուսթաթի (քաղաք Եգիպտոսում – Վ. Բ.) պատ-վիրակները փորձեցին ութսունամյա Օսմանին համոզել հրաժար-վելու իշխանությունից: Սակայն վերջինս նրանց դեմ հանդես ե-կավ զայրագին մի ելույթով, որը լի էր սպառնալիքներով: Ակսվեց թեծ վեճ, որի ընթացքում պատվիրակներից մեկը սուր բարձրաց-րեց խալիֆի վրա: Վերջինիս կանանցից մեկը՝ Նայլա անունով, փորձելով պաշտպանել իր ամուսնուն, ձեռքբրով բռնեց սուրը, ո-րի հետևանքով զրկվեց մատներից:

Ի վերջո Օսմանը հարկադրված եղավ բանակցությունների մեջ մտնել դգոհ տարրերի հետ, խոստանալով բավարարել նրանց պահանջները և պաշտոնազուրկ անել իրենց չարաշ-հումներով աչքի ընկած նահանգների տեղապահներին: Սակայն նա նամակ է գրում Եգիպտոսում իր տեղապահ Երն արի Սար-խին, որտեղ վերջինիս կարգադրվում էր Եգիպտոս վերադառնա-

լուն պես ձերքակալել խոռվություն հրահրողներին և կտրել նրանց ձեռքերն ու ոտքերը: Այդ նամակը Եգիպտոս մեկնելու ճանապարհին ինչ-ինչ ձևով ընկնում է Եգիպտական պատվիրակության ձեռքը և խալիֆի նենգությունից զայրացած նրանք վերադառնում են Մադինա և մյուս դժգոհողների հետ պաշարում Օսմանի տունը, նրանից պահանջելով, որ հեռանա իշխանությունից: Խոռվարարները որոշեցին պաշարման միջոցով խալիֆին և նրա ընտանիքի անդամներին ծարավի ու սովոր մատնել: Երբ Օսմանը իր տան տանիքից դիմեց պաշարողներին, խնդրելով ջուր, նրանք մերժեցին: Պաշարումը տևեց մոտ 40 օր: Այդ ընթացքում Մադինայի վերնախավի մեծամասնությունը որդեգրել էր թշնամական չեզոքություն, իսկ քաղաքի բնակչությունը լրիվ անտարբերությամբ էր վերաբերվում խալիֆի ճակատազրի նկատմամբ:

Խոռվարարներից ինչ-որ մեկը փորձեց ներխուժել Օսմանի տունը, սակայն նրա մարդկանց կողմից սրախողիսող արվեց: Պարզվեց, որ սպանվածը Մուհամմադ մարգարեի մերձավորներից է: Երբ խալիֆը հրաժարվեց հանձնել մարդասպանին, այլևս պաշարողների համբերության բաժակը լցվեց: Հենց այդ նույն օրեւին Մադինայում լուր տարածվեց, որ Օսմանին օգնության են գալիս Բասրայի և Դամասկոսի տեղապահների կողմից ուղարկված շոկատներ: Այլևս դանդաղել չէր կարելի: Անցնելով հարեան տների տափակ տանիքների վրայով, մի քանի խիզախ մարդիկ թափանցեցին խալիֆի տունը: Անմիջապես զազազած ամբոխը խալիֆ Աբու Բարրի որդի Աբդալլահի զիսավորությամբ ներխուժեց տուն և սպանեց երրորդ խալիֆին: Դա տեղի ունեցավ 656 թ. հունիսի 17-ին: Մարդասպանի ստույգ անունը հայտնի չէ: Ըստ ավանդության, սպանված խալիֆի արյամբ ողողվեց նրա կողքին դրված Ղուրանը: Այդպիսի «օսմանական» Ղուրանները որպես

սրբազն մասունք, հետազայում պահվում էին բազմաթիվ մզկիթներում:

Օսմանի մահվանից հետո միասնական ումման, որն իր մեջ ներառում էր նաև Իրանի (մինչև Ամու Դարյա կամ Օքսուս գետը), Կիպրոս կղզու և Թունիսի նորանված հողերը, գործնականում հայտնվեցին քաղաքացիական պատերազմի շեմին:

Օսմանի խալիֆայության շրջանը դա Օմայանների տոհմի՝ որից որ սերել էր նա, լիակատար հաղթանակի շրջան էր: Այլ կերպ ասած, դա Մերքայի ազնվականական կուսակցության հաղթանակի նշանավորումն էր, մի կուսակցության, որն իսլամն ընդունել էր լոկ որպես քաղաքական անհրաժեշտություն:

Իսլամի պատմության մեջ Օսմանը թողել է անջնջելի հետք նրանով, որ նրա կարգադրությամբ մարդկանց մի հատուկ խումբ հավաքելով հրապարակում եղած Ղուրանի բոլոր գրառումները, կազմեց մի համահավաք կամ «Ճիշտ» գրավոր տեքստ: Նրա պատճենները ուղարկվեցին պետության խոշոր կենտրոնները, որպես խսկական Ղուրան, իսկ նախկինում եղած բոլոր օրինակները հրամայվեց ոչնչանցնել: Ղուրանի այդ պաշտոնական գրավոր տեքստը խալիֆը հայտարարեց միակ հավաստի և բոլոր մուսուլմանների համար պարտադիր տեքստ:

Օսմանի մահվանից հետո մեկ շաբաթ շարունակ Մադինան եռում էր: Այդ օրերին խսկական աշխարհը մնացել էր առանց խալիֆի: Ոչ որ փողոց դուրս չէր գալիս առանց զենքի և նույնիսկ սպանված խալիֆին թաղեցին մեծ դժվարություններով: Պնդելով, որ Օսմանը ուղիղ գնում է դժոխք, նրա հակառակորդները թույլ չեն տալիս, որ հանգույցալի վրա աղոթք կարդացվի, քացիներով խփում էին նրա դիակին և ի վերջո Օսմանը թաղվեց ոչ թե ըն-

դունված իսլամական կարգի համաձայն, այլ պարզապես նյան դրեցին մի փոսի մեջ և վրան հող լցրեցին:

Օսմանի մահվանից հետո մեկ շաբաթ անց եզլիպտացիների առաջարկով, որոնց միացան նաև քուֆացիներն ու բասրացիները, խալիֆ ընտրվեց Սուլհամմադի հորեղբորորդի, նրա որդեգիր զավակ և փեսա Ալի իր Աբի (Աբու) Թալիբը (656-661 թթ.), դառնալով չորրորդ «քարեպաշտ» խալիֆը: Նրա անվան հետ է կապված իսլամի մեջ շիական շարժման ծնունդը: Ալին հանդիսանում էր Սուլհամմադի վեց ամենանվիրյալ զինակիցներից մեկը: Ժամանակակիցների կարծիքով նա անմնացորդ կերպով նվիրված էր իսլամի գործին և լինելով հավատավոր, մոլեռանդ բարեպաշտ և խանդավառ կրոնասեր մարդ, միաժամանակ եղել է անմիջական ու ազնիվ: Օժտված է եղել հուսորդական ունակություններով: Անկասկած եղել է նաև քաջ ու խիզախ մարտիկ, որի համար ստացել է Ասաղուլլա («Տիրոջ առյուծ») պատվանունը: Ալին մասնակցել է Սուլհամմադի համարյա բոլոր ռազմական արշավանքներին: Նրա ռազմական սխրանքները հետազայում պարուրվել են առասպելական բնույթի եղելություններով: Լինելով զինվոր և միաժամանակ բանաստեղծ, նրան վերագրված են այնպիսի հատկանիշներ, որոնք հարիր են սրբերին (իզուր չեն, որ առասպելները նրան վերագրում են բազմաթիվ հրաշագործություններ՝ «քարամաթ»): Ալին եղել է մարգարեի տասը սահաբներից մեկը, որին նա դեռևս իր կենդանության օրոք խոստացել էր դրախտ:

Խալիֆ ընտրվելու ժամանակ Ալին մոտ 57 տարեկան էր: Արար պատմիչները նրան ներկայացնում են ճաղատ զլխով, ոչ բարձր հասակ ունեցող, հաստամարմին, չափազանց մուգ մաշկի տեր, երկար սպիտակ մորուրով, խոշոր աչքերով և ծանր հայացք ունեցող մի անձնավորության: Ալին իր ութ կանանցից ուներ ինը

տղաներ, ևս երեք տղաների որդեգրել էր: Նրա աղջկների թիվը, ըստ որոշ տվյալների, հասնում էր 15-ի:

Իր դրական հատկանիշների պատճառով Ալին շատերին թվում էր, որ նա կարող է դառնալ իդեալական կառավարիչ: Սակայն նա ուներ նաև խառնվածքի թույլ կողմեր. բոլորովին զուրկ էր պետական գործչի հատկանիշներից: Լինելով խորապես կրոնական ոգու տեր մարդ, նա մշտապես ունեցել է աստծո առջև պատասխանատվության սուր զգացողություն: Դրան գումարած մահմեդականների արյունը թափելու ներքին երկյուղածությունը և նմանատիպ այլ գործոններ նրան դարձնում էին ծայրահեղ նրբանկատ ու անվճռական, անհարկի համաձայնությունների գնալու հակում ունեցող մարդ:

Դեռևս Օսմանի կենդանության օրոք մարզարեի ամենահեղինակավոր մերձավորներից մեկը՝ Արու Զարրը, որն առաջիններից մեկն էր, որ ընդունել էր իսլամը, սկսեց քարոզել բարբերի անկման դեմ, իսկ ապա նաև Օսմանի դեմ և հայտարարեց, որ միայն Ալին ու նրա որդիներն ունեն մարզարեի ժառանգորդ լինելու իրավունքը:

Ալին ընտրվեց խալիֆ, սակայն ոչ միաձայն: Մադինայի շատ ազդեցիկ մարդիկ, այդ թվում նաև մարզարեի հին զինակիցներից շատերը հրաժարվեցին հավատարմության երդում տալ նրան: Նորընտիր խալիֆի դեմ հանդես եկան նաև ազդեցիկ Թալիան և ազ-Զուրայրը, որը Խաղիջայի ազգականն էր: Ալին նրանց կանչեց իր մոտ և հիշեցրեց, որ նրանք տվել են հավատարմության երդում: Վերջիններս փորձեցին խալիֆից կորզել նահանգների տեղապահների պաշտոններ, սակայն Ալին մերժեց, մտավախություն ունենալով, որ գտնվելով իր աշքից հեռու, նրանք ձեռք կրերեն չափից ավելի մեծ ինքնուրույնություն և կդառնան ավելի

վտանգավոր: Ուստի այդ հանդիպումը ավարտվեց կատարելապես անարդյունք: Շուտով Թալիսան և ազ-Զուբայրը Ալիից թույլտվություն խնդրեցին կատարելու փոքր հաջ, սակայն հիանալի հասկանալով հանդերձ, որ իր հակառակորդները մտադիր են մեկնել Մեքքա ընդդիմության շարքերը համալրելու համար, այնուամենայնիվ Ալին նրանց «բաց թողեց»:

Զուբայրին և Թալիսային միացավ նաև Սուհամմադի այրին՝ Ալիշան, որը Զուբայրի քենին էր: Ալիի նկատմամբ Ալիշայի ընդդիմադիր դիրքորոշում ընդունելու դրդապատճառը զուտ կանացի վրիժառության զգացումն էր. ժամանակին Ալին խորհուրդ էր տվել մարզարեին բաժանվել նրանից, նրան կասկածելով ամուսնական անհավատարմության մեջ:

Օսմանի սպանությունից հետո նրա տնից բռնազրավկած փողերը Ալին հավասարապես բաժանել էր ումմայի անդամների միջև: Դա առաջ էր բերել մեծ թվով աչքի ընկնող մուհաջիրների դժգոհությունը, որոնք իրենց վիրավորված էին զգում այն բանի համար, որ Ալին հանիրավի իրենց հավասարեցնում է նախկին ստրուկների հետ: Այդ մարդիկ ևս համալրեցին ընդդիմադիրների շարքերը:

Խոռվության ու անհնագանդության մեկ այլ աղբյուր հանդիսացավ Աբդալլահ իբն Օմարը, որը հրաժարվեց խալիֆին հավատարմության երդում տալուց, համարելով, որ Ալիի ընտրությունը կատարվել է ոչ ճիշտ ձևով: Նոր խալիֆի հետ կրակոտ վեճի բռնվելուց հետո իին խալիֆի՝ Օմարի որդին որոշեց Մադինայից հեռանալ և հաստատվել Մեքքայում, հալածանքներից խուսափելու համար: Շուտով Մեքքան վերածվեց ընդդիմության մի տեսակ մայրաքաղաքի, որտեղ սկսեցին հավաքվել Ալիից դժգոհ բոլոր

տարրերը, ինչպէս նաև նրանք, որոնք անպատճ էին մնացել Օսմանի սպանության պատճառով:

Նոր խալիֆի վտանգավոր թշնամիների թվում էր նաև Սիրիայի տեղապահ Մուավիան, որը սպանված խալիֆի ազգականն էր: Վերջինս Դամասկոսի մզկիթում ցուցադրեց Օսմանի արյունաթարախ զգեստները: Նա հայտարարեց, որ Ալիին չի ձանաչի խալիֆ, քանի դեռ նա դատարանի առջև չի կանգնեցնի Օսմանի սպանողներին: Մուավիան Ալիին մեղադրում էր մարդասպաններին հովանավորելու մեջ:

Մուավիայի կողմնակիցները նրանից պահանջում էին վրեժ լուծել Օսմանի ուխտադրուժ սպանության համար: Համամիտ լինելով այդ տեսակետի հետ, Սիրիայի տեղապահը պատրաստվում էր արշավանք կազմակերպել դեպի Մադինա:

Ի պատասխան Ալիի կոչին իրեն տալ հավատարմության երդում, Մուավիան Ալիին ուղարկեց մի նամակ, նամակատար սուրհանդակին հրամայելով, որ Մադինա հասնելուց հետո նամակի թղթափաթերը պահել այնպէս, որ մարդիկ կարողանան այն հեշտությամբ կարդալ: Նամակը սկսվում էր հետևյալ բառերով. «Մուավիա իրն Արու Սուֆյանից Ալի իրն Արու Թալիբին»: Արդեն դիմումի այդ ձևը իր մեջ պարունակում էր վիրավորանք խալիֆի հասցեին, քանի որ սկզբում հիշատակվում էր Մուավիայի անունը, դրանով իսկ շեշտելով, որ նա իրեն բարձր է դասում Ալիից: Բացի այդ, նամակի վերնագրի այդ ձևը նպատակ ուներ շեշտել, որ Մուավիան Ալիին չի ընդունում որպես խալիֆ: Եթե նամակը հասավ Ալիին և նա կոտրեց կնիքը, ապա նկատեց, որ նրանում որևէ տեքստ գոյություն չունի և առկա է միայն գրությունների սկզբի ավանդական դարձվածքը. «Հանուն գթասիրտ և գթառատ Ալլահի»: Սա արդեն խալիֆին հասցված երկրորդ վիրավո-

բանքն էր: Նա ցանկացավ անհապաղ զորքեր ուղարկել Սիրիա, սակայն նրա շրջապատի ազդեցիկ մարդիկ հավանություն չտվեցին նրա այդ որոշմանը: Թեև Ալին փորձում էր համոզել նրանց, որ «խռովությունը կրակի նման է և այն պետք է ոչնչացնել հենց սկզբում», սակայն նրա ընդդիմախոսները մնացին անդրդպելի:

Խալիֆի հակառակորդների մեջ ևս կատարյալ միասնություն և համախուժություն գոյություն չուներ. ոմանք գտնում էին, որ անհրաժեշտ է իրենց ուժերով մեկնել Սիրիա Մուավիայի հետ միանալու համար, իսկ ոմանք էլ պնդում էին, որ հեռավոր արշավանքը կարող է լինել վտանգավոր ու անարդյունավելս, ուստի առաջարկում էին անմիջապես շարժել Մաղինայի վրա: Այդ վերջիններին հարեց նաև «հավատացյալների մայր» հորջորված Մուհամմադի սիրեցյալ այրին, Այիշան, որը ինչպես նշվել է հնուց ի վեր համակրանք չէր տածում իր ամուսնու որդիկիր օավակ և փեսա Ալիի նկատմամբ: Այդ անհանգիստ և եռանդով լցուն կինը, որն այրիացել էր 18 տարեկան հասակում, իրեն անընդհատ նետում էր քաղաքական իրադարձությունների հորձանուտը: Եվ երբ որոշվեց, որ կազմակերպվում է արշավանք դեպի Մարինա, Այիշան որոշեց տղամարդկանց հետ միասին մասնակցել այդ արշավանքին: Այդ ժամանակների համար, հատկապես նկատի ունենալով մուսուլմանական հասարակության մեջ կանանց վիճակը, Այիշայի վարմունքը վերին աստիճանի անսովոր և համարձակ քայլ էր: Ըստ իսլամի մեջ ընդունված կարգի, որևէ տեղ մեկնելու դեպքում կինը պետք է անպայման ունենա իրեն ուղեկցող: Ակգրում Այիշան առաջարկեց մարզարեի այրիներից Ռում Սալամին ուղեկցելու իրեն: Ստանալով մերժում, նա դիմեց Մուհամմադի մյուս այրիացած կնոջը՝ Խաֆսային: Նրա կողմից նև մերժում

ստանալուց հետո Այիշան որոշեց արշավանքի գնալ մենակ, առանց ուղեկցողի, տղամարդկանց շրջապատում:

Այդ իրադարձությունների ընթացքում, անշուշտ, նորընտիր խալիֆը և ձեռքերը ծալած չէր նստել: Ընտրվելուց հետո նրան հաջողվեց մեծ ջանքերի գնով Մադինայում հաստատել կարգ ու կանոն: Նա կարողացավ անհնազանդ քոչվորներից շատերին հեռացնել քաղաքից: Ձեռնամուխ եղավ նաև Օսմանի սպանության հետաքննությանը: Սակայն ուսալ սպանողին գտնելը դժվար թէ հնարավոր լիներ: Բացի այդ, դա խիստ վտանգավոր գործ էր նաև հետաքննության հրամանը տվողի համար:

Այնուհետև Ալին սկսեց գրադվել նահանգների, հատկապես Քուֆայի հետ հարաբերությունների կարգավորման հարցով: Սակայն երբ նա Քուֆա ուղարկեց իր մարդուն տեղապահի պաշտոնով, վերջինս կես ճանապարհից հետ վերադարձավ Մադինա, որովհետև տեղեկություն էր ձեռք բերել, որ Քուֆայի բնակչությունը անհնազանդություն հայտնելով նոր խալիֆի նկատմամբ, գերադասում է մնալ հին տեղապահի իշխանության ներքո:

Շուտով լուրբ հասավ Ալիին, որ Մեքքան պատրաստվում է արշավանք կազմակերպել իր դեմ: Հենց այդ նույն օրերին Բասրայում քոնկեց խալիֆի դեմ ուղղված խոռվության նոր օջախ: Անհրաժեշտ էր գործել արագ և վճռական: Սակայն Ալիի դանդաղկոտությունը խոռվության պարագալուխներին՝ Թալխային և ազ-Զուրայյին հնարավորություն տվեց գրավել Բասրան: Վերջիններս միացել էին Այիշայի հետ և Ալիի դեմ կազմել ընդհանուր ճակատ: Խալիֆին անհրաժեշտ էր ձգմել խոռվության այդ վտանգավոր օջախը, այլապես այն կտարածվեր նաև այլ վայրերում:

Իր գորքերը շարժելով Բասրայի կողմը, Ալին փորձեց բանակցությունների մեջ մտնել խոռվարարների հետ, սակայն

դրանք ավարտվեցին ձախողմամբ: 636 թ. դեկտեմբերի 9-ին Բաս-րայի մոտակայրում տեղի ունեցավ կատաղի ճակատամարտ, որը պատմության մեջ մտել է «ուղտի ճակատամարտ» անունով, քանի որ ճակատամարտի դաշտում սպիտակ ուղտի վրա երկարյա պատգարակի մեջ նստած էր «հավատացյալների մայր» Այիշան: Ի դեպ, այդ իին հեթանոսական սովորույթը, ինչպես նշում է բել-գիացի իսլամազետ Լամմենսը, պահպանվել էր մինչև XX դարի սկզբները: «Մրբազան» ուղտի վրա նստում է ցեղի ամենաանվանի երիտասարդ աղջիկը, թույլ տալ, որ նա ընկնի թշնամիները ձեռքը՝ անպատվության ամենաբարձր աստիճանն է: Բարացիները պաշտպանում էին Այիշային, իսկ Ալիի կողմնակիցները աշխատում էին նրան զերի վերցնել: Տվյալ դեպքում մարզարեի կինը հանդես էր գալիս որպես խոռվարարների պայքարի դրոշ, նրանց պատվի ու արժանապատվության խորհրդանիշ: Նա իր կողմնակիցների կողմից ընկալվում էր նաև որպես թալիսման:

Ալիին հաջողվեց ջախջախել բարացիների բազմամարդ զորքերին: Ճակատամարտում Թալիսան մահացու վիրավորվեց, իսկ ազ-Զուրայրը փախուստի ժամանակ սպանվեց: Այիշան ընկավ հակառակորդի ձեռքը, սակայն Ալին նրա հետ չվարվեց ինչպես թշնամու հետ, նկատի ունենալով, որ նա եղել է մարզարեի կինը: Նա բավարարվեց միայն նրանով, որ հանդիմանեց իր «խորթ մորը», որ նա խառնվել է տղամարդկանց գործերին և հրամայեց նրան տանել Բարա և ազատ արձակել: Դրանից հետո Այիշան մենության մեջ ապրեց մինչև 678 թվականը:

Հրամայելով հետապնդել փախուստի դիմած հակառակորդին, Ալին իր զորքերին կարգադրեց չսպանել նրանց, ովքեր դիմադրություն ցույց չեն տալիս, իսկ Բարան չենթարկել կողոպուտի և ավերածության:

«Ուղտի ճակատամարտում» հաղթանակ տանելուց հետո Ալին զորքերը շարժեց դեպի Քուֆա պատմելու համար այդ քաղաքի տեղապահին, որը թեև իրենից հրաման էր ստացել զորքերը շարժելու բարա, իրեն օգնություն ցուցաբերելու համար, բայց չեր կատարել այդ հրամանը: Ինչ-ինչ պատճառներով խալիֆը նրան պատժի չի ենթարկում: Զորքերի հետ մուտք գործելով Քուֆա, Ալին տեղապահի նկատմամբ իր դժգոհությունն արտահայտելու նպատակով շապաստանեց նրա պալատում, այլ որպես բնակության վայր ընտրեց իր քրոջ որդու՝ Զադ իրն Խուրայրի տունը: Անմիջապես Քուֆայի ազնվագարմ ընտանիքների ներկայացուցիչները եկան «խալիֆի ոտքը՝ իրենց հարգանքի տուրքը մատուցելու և հնագանդություն հայտնելու համար: Ալին նրանց բոլորին ընդունեց և բոլորի հետ գտավ ընդիհանուր լեզու:

Իր դիրքերն ամրապնդելու նպատակով Ալին սկսեց իրար հետսից փոխել նահանգների տեղապահներին, այդ հանգուցային պաշտոններում նշանակելով իրեն մոտիկ ու հավատարիմ մարդկանց:

Սակայն այնուհանդերձ խալիֆին չհաջողվեց կատարելապես իր իշխանությունը հաստատել խալիֆայության ողջ տարածքի նկատմամբ: Շարունակվում էր դժգոհությունը նաև բանակում, քանի որ խալիֆը թույլ չեր տալիս նվաճված հողերը բաժանել զինվորների միջև:

«Ուղտի ճակատամարտից» հետո Ալին իր մայրաքաղաք դարձեց Քուֆան, որտեղից նա իրականացնում էր իր հսկողությունը ողջ «փալամական հողերի» նկատմամբ, ի բացառյալ Սիրիայի, որի կառավարիչ Մուավիա իրն Արու Սուֆյանը, որը 636 թ. խալիֆ Օմարի կողմից նշանակվել էր այդ պաշտոնին, հրաժարվեց ճանաչել նոր խալիֆին:

Սուտավիան հավաքեց մի պատկառազդու բանակ և այն շարժեց Իրաքում Ալիի ղիբրերի վրա: Այսպիսով, քաղաքացիական պատերազմը շարունակվում էր: Դավանակիցների երկու բանակները շուտով՝ 657 թ. հուլիսին Եփրատի աջ ափին, Ռաքքայից հարավ ընկած շրջանում, Սիֆֆին կոչված վայրի մոտ բռնվեցին ճակատամարտի: Ճակատամարտում որպես Մուտավիայի դաշնակից հանդես էր զալիս Ալիի վաղեմի թշնամի, Եգիալտոսը նվաճած զորահրամանատար Ամր իբն ալ-Ասր: Ճակատամարտի երկրորդ օրը Ալիի զորքերը կործանիչ հարված հասցրին հակառակորդին: Մուտավիային կատարյալ ջախչախումից վրեկեց Իրն ալ-Ասի խորամանկությունը: Նա իրամայեց Մուտավիայի զինվորների նիզակների վրա ամրացնել Ղուրանի թերթիկներ, որպեսզի ցույց տան, որ պահանջում են աստծո և նրա սուրբ գրքի դատաստան: Ալիի կողմնակիցները, որոնցից մի քանիսը, ինչպես օրինակ, ալ-Աշաս իբն Քայսը և Արու Մուսա ալ-Աշարին, հանդիսանում էին խալիֆի ծպտյալ թշնամիները, համոզեցին նրան համաձայնություն տալ հարցը լուծելու հաշտարար դատարանով: Առհասարակ Ալիի կողմնակիցների թվում կային մեծ թվով մարդիկ, որոնք չեին ցանկանում, որ ումմայի կամ ջամաայի ներսում արյուն թափվի: Ալին անմիջապես դադարեցրեց ճակատամարտը և համաձայնվեց բանակցություններ սկսել, մի հանգամանք, որը կործանեց նրան: Նրա այդ քայլը մեծագույն դժգոհությամբ ընդունվեց իր կողմնակիցների մի զգալի մասի կողմից, որոնք առաջ քաշեցին հետևյալ կարգախոսը. «զոյլություն չունի այլ դատաստան, բացի «աստվածային դատաստանից»: Նրանք գտնում էին, որ «աստծո դատաստանը» արդեն տեղի է ունեցել, քանի որ Ալին հաղթանակ է տարել Մուտավիայի նկատմամբ: Նրանց կարծիքով

դրանից հետո թշնամու հետ բանակցություններ սկսելը նշանակում է: «զնալ աստծո դատաստանի դեմ»:

Ալիից, որպես առաջնորդից, հիասթափված 12 հազար զինվորներ, զիտակցելով, որ նա թույլ է տվել ճակատագրական սխալ, լրեցին նրա ռազմական ճամբարը և Իրաքում, Զագրոս լեռնա ստորոտների մոտ, Նահրավան քաղաքից ոչ հեռու, ստեղծեցին իրենց ճամբարը: Նրանք իրենց համար խալիֆ ընտրեցին շարքային զինվոր Արդալլահ իբն Վահրին:

Այսպիսով, Ալիի կողմանակիցների ճամբարում տեղի ունեցավ տպառակտում: Խալամի մեջ ստեղծվեց նոր ինքնուրույն կրոնա-քաղաքական խմբավորում, որը կոչվեց խարիչիներ (արաբերեն «խարիջ» դուրս գալ բարից): Խարիչիները Ալիի նկատմամբ լցվեցին այնպիսի անհաշտ ու կրրոտ ատելությամբ, ինչպիսի կրրով որ նրանք նախկինում նվիրված էին նրան: Ինչպես և շիաները, խարիչիները սկզբնական շրջանում հանդիսանում էին զուտ քաղաքական խմբավորում կամ կուսակցություն, և միայն հետագայում վերածվեցին առանձին կրոնական ուղղության: Խարիչիները պայքար ծավալեցին ինչպես Մուավիայի, այնպես էլ Ալիի դեմ: Նրանց կարգախոսը դարձավ հետեւյալը. «դատելու իրավունք ունի միայն աստված»:

Խարիչիները գտնում էին, որ բոլոր մուսուլմանները հավասար են, որ խալամական համայնքի ներսում պետք է կատարյալ հավասարությունն լինի:

Այսպիսով, խորամանկությամբ կորզելով խաղաղություն կամ զինադադար, Մուավիան վերադարձավ Սիրիա և 660 թ. Երուսաղեմում իրեն հայտարարեց խալիֆ: Ալիին չհաջողվեց դա խափսնել, քանի որ նա արդեն իր տրամադրության տակ չուներ բավարար թվով զորքեր հակառակորդի հետ բաց առճակատման

մեջ մտնելու համար: Իսկ Մուավիայի իշխանության զիսավոր հենարանն էին հանդիսանում Սիրիայի արաբական ցեղերը:

Այսպիսով մեկ թշնամու փոխարեն Ալիի առջև հայտնվեցին երկու անգիծում և ուժեղ թշնամիներ: Իրաքում և Արաբիայում բռնկեցին հզոր խարիչիական ապստամբություններ: 658 թ. հուլիսի 18-ին Տիգրիսի ձախ ափին, Նահրավաննի մոտ Ալին կործանիչ հարված հասցրեց խարիչիներին: Այդ ճակատամարտի մասնակից խարիչիներից կենդանի մնաց միայն 8 մարդ: Այնուհետև Ալին փորձեց ողջ խալիֆայության տարածքում կազմակերպել խարիչիների հետապնդումը, որը սակայն հաջողություն չունեցավ, քանի որ նրանք արդեն ունեին մեծ թվով կողմնակիցներ ու համակիրներ:

Մինչդեռ Ալիի հեղինակությունն ու կշիռ գնալով սրընթաց անկում էր ապրում: Գնալով ավելանում էին նաև նրա կորուստները: Նրան լրեցին Քուֆայի բնակիչները, իսկ Եգիպտոսն անցավ Մուավիային: Խալիֆայության մեջ խոռվարարներն անզուսպ կերպարանք ընդունեցին. ծագեցին արյունահեղ պատերազմներ: Շուտով Մուավիայի կողմնակից Ալիի հակառակորդների կողմից գումարված հաշտարար դատարանը որոշում կայացրեց, որ Ալին իրավունք չունի խալիֆ լինելու: Նրան մեղադրեցին նաև խալիֆ Օսմանին սպանելու մեղսակցության մեջ: Դատարանը նրան հայտարարեց իշխանազրկված ու զահընկեց եղած: Ընկնելով երկու կրակի արանքը, իրոք Ալիի վիճակը դառնում էր ողբերգական: Նրա զիսավերենում սկսեց սավառնել մահվան ուրվականը:

661 թ. հունվարի 22-ի գիշերը, Քուֆայի մզկիթից դուրս զալու պահին ունի Արդարրահման իրն Մուլջամ ալ-Մուրադի իր երկու խարիչի համախոհների հետ հարձակվեցին Ալիի վրա, բացականչելով. «Դատելու իրավունքը պատկանում է Ալլահին, և ոչ թե

քեզ, Ալի, և ոչ կը սրեր ունեցող քո մարդկանց»: Ահաբեկիշները սկսեցին սրերով հարվածներ հասցնել Ալիին: Հավատացյալները կարողացան ձերբակալել ու վնասազերծել Աբդարրահմանին, իսկ նրա երկու հանցակիցներին հաջողվեց փախուստի դիմել: Ավելի ուշ նրանցից մեկը հենց իր տան մեջ սպանվեց հարազատ հորեղբորորդու կողմից, որպես մարդասպանի, որը ձեռք էր բարձրացրել խալիքի վրա:

Եթե Իբն Մուլցամին քերեցին արյունաթաթախ Ալիի մոտ, խալիքը ուշադիր գննելով իր ահաբեկշին արտաքերեց. «հոգին հոգու դեմ: Եթե ես մեռնեմ, անմիջապես սպանեցեք նրան, իսկ եթե կենդանի մնամ, ինքս կորոշեմ»: Սակայն 661 թ. հունվարի 23-ի երեկոյան Ալին ավանդեց իր հոգին: Ըստ ավանդության, նա քաղված է Քուֆայի մոտ, որտեղ հետագայում ծնունդ առավ Նաջաֆ քաղաքը, որը դարձավ համայն աշխարհի շիաների սրբավայր: Ալիի կտակի համաձայն, իր գերեզմանի վայրը պետք է լիներ անհայտ, որպեսզի խարիժիները չպղծեին այն: Մինչև օրս նրա գերեզմանի տեղը մնում է անհայտ:

Եթե վիրավոր խալիքին, որը մի պահ եկել էր զիտակցության, հարցրեցին, թե ով է լինելու իր ժառանգորդը, արդյոք նրա ավագ որդի Հասանը, ապա Ալին պատասխանեց. «Ես դա չեմ հրամայում ձեզ և չեմ ել արգելում, դուք զիտեք»:

Ալիի մահվանից հետո խարիժիները որոշել են ահաբեկշական գործողությունների միջոցով վերջ տալ խալիքայությունում ծայր առած անկայունությանը, սպանելով դրա զիխավորներին: Ալիից հետո հերթը Մուավիայինն էր, սակայն նրա նկատմամբ մահափորձն ավարտվեց անհաջողությամբ: Եթե մզկիթում ահաբեկիշը ինքնակոչ խալիքի հետևից սուրբ իշեցրեց նրա վրա, վերջինս հենց այդ պահին կատարեց ճնրադրություն և հարվածը

զլիսի փոխարեն հասավ հետույքին: Ահաբեկիչը շհասցրեց Երկրորդ հարվածը հասցնել, նրան տեղնուտեղը սրախողիսող արեցին:

Այսպիսով, իր ավարտին հասավ Ալիի խալիֆայության կարձ շրջանը (656-661): Խոլամի պատմության մեջ նա մտել է որպես ողբերգական և հակասական կերպարներից մեկը: Սունի-մահմեդականները երկրպագել և երկրպագում են նրան որպես «քարեպաշտ» խալիֆներից մեկը, որպես քարեպաշտության և առաքինության տիպար: Իսկ շիաները ուղղակի իդեալականացնում են նրա կերպարը: Նրանց գիտակցության մեջ նույնիսկ Ալիի կերպարը երկրորդ պլան է մղել Սուհամմադի կերպարը: Իսկ ծայրահեղ շիաները նրան դասում են սրբերի դասին և նույնիսկ աստվածացնում են նրան, մերժում են նրա մահը, համարելով, որ ամպրոպը նրա ձայնն է, կայծակը՝ նրա ժպիտը: Ավանդույթը Ալիին վերագրում է ասպետի կերպար, խիզախ ու վեհանձն:

Անկասկած Ալիին կործանեց նրա խաղաղամարտությունը: Նա նաև իր ոչ գործնական բնավորությամբ թույլ տվեց, որ քստէության իրեն հեռացնեն գործերից: Ընդհանրապես Ալիի իշխանության դեկի մոտ գտնվելու շրջանում երկրում տիրում էր հուսախարություն և բարոյական կասկածներ:

Զարմանք է առաջացնում այն հանգամանքը, թե Ալիի կառավարման շրջանում առաջացած պառակտումը որքան վատ օգտագործեցին նվաճված ժողովուրդները, որպեսզի ազատազրվեն արաբական տիրապետությունից: Հուզումներ ծագեցին միայն Իրանում և Բահրեյնում:

Եթե մենք հետեւելու լինենք խալիֆայության զարգացման ընթացքին, նրա առաջին չորս խալիֆների ժամանակաշրջանում, ապա կտեսնենք, որ Աբու Բաքրի ժամանակ Արաբիան կայունա-

ցալ և հոդ նախապատրաստվեց լայն նվաճումներ կատարելու համար. Օմարի օրոք տեղի ունեցավ հաղթական նվաճողականություն. Օսմանի ժամանակ՝ հաղթական նվաճումների ամրապնդում, պերճանքի ու շքեղության տարածում և խալիֆի իշխանության բուլացում: Խսկ Ալիի կառավարման շրջանը բնորոշվում է իշխանության հետագա բուլացմամբ, քաղաքացիական պատերազմի բորբոքմամբ, որը ծնեց կրոնական պառակտում: Այդ շրջանում ըստ էության դադարեց արտաքին նվաճողականությունը և խլամի մեջ հաստատվեց դինաստիական գաղափարը:

Հոր մահվանից հետո հաջորդ առավոտյան Ալիի ավագ որդին Հասանը, մայր մզկիթում դեկավարեց աղոթքը, որից հետո մուսուլմանները որպես խալիֆի նրան տվեցին հավատարմության երդում: Խալիֆայության մյուս վայրերում ևս հավատարմության երդման արարողություններն անցան համեմատաբար հանգիստ պայմաններում: Դա նշանակում էր, որ Հասանի թեկնածությունը ձեռնտու է բոլորին:

Հասանի մասին տեղեկություններ գործնականում մեզ չեն հասել, գոյություն չունի նույնիսկ նրան նվիրված առանձին հաղիս: Վարկած կա, որ նա եղել է մի բույն, կրոնամոլ և կնամոլ մարդ:

Իր խալիֆայության առաջին երկու ամիսները Հասանը նվիրեց Մուավիայի հետ բանակցություններին: Վերջինս նրան առաջարկեց իրեն հանձնել խալիֆի լիազորությունները, խոստանալով դարձնել իր ժառանգորդը: Բնականաբար Հասանը հրաժարվեց և Մուավիան սկսեց նրա դեմ արշավանքի նախապատրաստություններ տեսնել: Անցնելով Եփրատը, Մուավիայի գորքերը սրընթաց սկսեցին շարժվել դեպի Քուֆա:

Երբ Հասանը գտնվում էր Սաբաթում, նրա զորքերը խոռվություն բարձրացրին: Հարձակվելով խալիֆի վրա, խոռվարարները սրով վիրավորեցին նրան: Խալիֆը ստիպված էր ապաստան գտնել Մադինայի տեղապահի նստավայրում և զբաղվել իր վերքերը բուժելով: Այդ ընթացքում նրա զորքերը սկսեցին արագորեն ցիր ու ցան լինել: Մուավիան սկսեց խոշոր կաշառքներ բաժանել Հասանի կողմնակիցներին, որոնցից շատերը լրելով խալիֆին փախուստի դիմեցին հակառակորդի կողմը: Անելանելի դրության մատնված Հասանը ստիպված էր բանակցությունների մեջ մտնել Մուավիայի հետ: Վերջինս հրամայեց բերել չգրված մաքուր թուղթ, իր ստորագրությունը դրեց նրա վրա և այն կնքելով հանձնեց իր ներկայացուցչին, նրան պատվիրելով հետևյալը. «Թուղթը հանձնիր Հասանին և նա թող գրի այն ամենը, ինչ ինքը ցանկանում է»: Այս պատմությունը իրողություն է թե ավանդություն, դժվար է ասել: Սակայն ավանդության համաձայն Հասանի և Մուավիայի միջև տեղի ունեցած բանակցությունների հետևանքով ծնունդ է առնում հինգ կետից բաղկացած մի փաստաթուղթ, որտեղ ասվում էր. 1. Մուավիան կիետելի Ղուրանին ու մարզարեի ավանդույթներին: 2. Մուավիան չի նշանակում իր ժառանգորդին, այլ այդ հարցը թողնում է շուրայի որոշմանը: 3. Բոլորին և ամենուրեք երաշխավորվում է անձեռնմխելիություն: 4. Ալիի բոլոր կողմնակիցներին, նրանց կանանց ու երեխաներին, նրանց պատկանող ունեցվածքին ոչ ոք չի կարող ոտնազություն կատարել, քանի որ նրանց երաշխավորվում է անձի և ունեցվածքի անձեռնմխելիություն, 5. Հասանին, նրա եղբայր Հուսեյնին և մարզարեի ողջ ընտանիքին վնաս չի հասցվի ոչ բացահայտ և ոչ էլ թաքնված ձևով, որտեղ էլ որ նրանք գտնվելու լինեն:

Միաժամանակ Սուավիան Հասանին տվեց մի հսկայական գումար և խոշոր կալվածքներ (որոշ տվյալներով 2 միլիոն դիրհեմի արժողությամբ), փոխարենը պահանջելով, որ նա բնակություն հաստատի Մադինայում և հրաժարվի խալիֆի իր իրավունքներից: Այդ թույլ և պայքարի հատկանիշներից զուրկ մարդը տվեց իր հսկայական աշխատավոր և այդպիսով հեռացավ քաղաքական կյանքից: Հասանի այդ վարմունքը Մեքքայում և Մադինայում ընդունվեց մեծ րժգոհությամբ: Սակայն գործը արդեն կատարված էր: Իսկ խալիֆայությունն անցավ Սուավիային, որը Դամասկոսում հիմնեց Օմայան հարստությունը: Խալիֆայության բոլոր նահանգներում նա ձանաչվեց որպես խալիֆ: Մոտ 19 տարի (661-680 թթ.) Սուավիան կառավարեց ինչպես բացարձակ տիրակալ, վերականգնելով արաբական աշխարհի բարոյական միասնությունը:

Օմայանների արքայատան ողջ կառավարման շրջանում (661-750 թթ.) շիաններն ու խարիզինները շարունակում էին մնալ որպես ամենավտանգավոր հակառակորդներ:

669 թ. Հասանը անսպասելիորեն մահացավ: Ավելի ուշ շրջանի շիա պատմիչները գտնում են, որ նա Սուավիայի հրամանով թունավորվել էր: Մուսավիան անմիջապես իր ժառանգորդ նշանակեց իր որդի Յազիդին: Խալիֆի ընտրովիություն այլևս գոյություն չուներ: Սակայն Յազիդի զահ բարձրանալը առանց արյունահեղության տեղի չունեցավ:

Սուավիան իր քաղաքական կտակում արաբական աշխարհին պատվիրում էր Հուսեյին իբն Ալիին (մարզարեի թոռանը) և Արդալլահ իբն ազ-Զուլֆեյրին շանաշել իբրև խալիֆ: Վերջիններս ել իրենց հերթին խուսափեցին Յազիդին հավատարմության երդում տալուց և թաքնվեցին Մեքքայում:

Իր ավագ եղբոր մահվանից հետո Ալիի կրտսեր որդի Հուսեյնը (626-680) դարձավ ալիների տոհմի ավագը և Քուֆայից վերադարձավ Մեքքա: Սակայն տեսական ժամանակ քաղաքական կյանքում չէր խաղում աշքի ընկնող դեր: 680 թ. Մուավիայի մահվանից հետո, երբ Իրաքում հակառակայան ընդդիմությունը սկսեց ակտիվանալ, Քուֆայի շիաները, որոնք Հուսեյնին ընդունում էին որպես իրենց երրորդ իմամ, (իր եղբոր երկրորդ իմամ Հասանից հետո) պատվիրակություն ուղարկեցին Հուսեյնին մոտ, նրան հրավիրելով ժամանանել Քուֆա, որպեսզի նա այնտեղից դեկավարի ապստամբությունը խալիֆ Յազիդ Ա-ի դեմ, նրան խոստանալով լայն աջակցություն: Քուֆայի շիաները գտնում էին, որ օրինական խալիֆ պետք է լինի մարզարեի թոռը՝ Հուսեյնը:

Արձագանքելով քուֆացիների կոչին, Հուսեյնը մի ոչ մեծ ջոկատի ուղեկցությամբ դուրս եկավ Մեքքայից, նախապես Քուֆա ուղարկելով իր հորեղբորորդի Մուսլիմ Աքիլին, որպեսզի նա կազմակերպի ապստամբություն: Քուֆայի հազարավոր բնակիչներ Մուսլիմին, որպես Հուսեյնի ներկայացուցչի, հավաստիացրեցին, որ իրենք հավատարիմ են լինելու մարզարեի թոռանը և պատրաստ են զենքով պաշտպանելու նրա իրավունքները: Այդ մասին Մուսլիմը անմիջապես նամակով տեղեկացնում է Հուսեյնին: Սակայն Քուֆայի տեղապահ Ուրբեյդուլլահ իրն Զիյադը հենց սաղմում ոչնչացրեց քուֆացիների ելույթը, իսկ Մուսլիմը կախաղան քարձրացվեց: Այդ տիսուր լուրը Հուսեյնը ստացավ ճանապարհին, սակայն նա չցանկացավ լսել իր ազգականների խորհուրդը՝ հետ կանգնել այդ աղետալի ձեռնարկությունից:

Ուրբեյդուլլահ իրն Զիյադը Հիջազից Իրաք տանող բոլոր ճանապարհներին, որտեղով որ անցնելու էր Հուսեյնը, դրեց զինված պահակակետեր: Ճանապարհին Հուսեյնի զինվորների մի մասը

լրեց իրեն: Իրեն հավատարիմ մնացած մարտիկների հետ նա ճամբար դրեց Քուֆայից ոչ հեռու, Նինավա կոչված անջուր վայրում, որտեղ հետազայում ծնունդ առավ Քերբելա քաղաքը: Նրա մոտ ընդամենը մնացել էին 40 հետևակ և 72 հեծելազորային զինվորներ, որոնց մեծ մասը նրա ազգականներն ու մերձավորներն էին, իրենց կանանցով ու երեխաներով:

Շուտով Հուսեյինի ճամբարին է մոտենում իր 4 հազարանոց զորաբանակով Օմար իրն Սա'ադ իրն Աբի Վաքքասը և շրջապատում ճամբարը: Հուսեյինը անպատասխան է թողնում Օմարի պահանջը հանձնվել խալիֆ Յազիդի ողորմածությանը: Խալիֆի զորքերի հրամանատարը պատասխանի համար Հուսեյինին տվեց 10 օր ժամանակ: Սակայն այդ ժամկետը լրանալուց հետո ևս վերջինս հրաժարվեց հանձնվել:

10 օր շարունակ Հուսեյինի մարդիկ տառապում էին ծարավից: 680 թ. հոկտեմբերի 9-ի երեկոյան Հուսեյինը կազմում է իր կտակը և անում վերջին կարգադրությունները, իսկ զիշերվա մնացած մասը անց է կացնում աղորելով: Առավոտյան աղորքից հետո 680 թ. հոկտեմբերի 10-ին լացող ու ողբացող կանանց ու երեխաների աշքի առջև Հուսեյինը իր մարտիկների հետ դուրս է գալիս թշնամու դեմ և մտնում անհավասար մարտի մեջ:

Սկզբում խալիֆի զինվորներից ոչ ոք չէր հարձակվում նրա վրա, չցանկանալով վաստակել մարզարեի թոռան սպանողի տիսուր համբաւ: Սակայն այնուհետև զինվորներից մեկը Շումր անունով սրով հարվածեց նրա զլսին, որից հետո բոլորը միասին հարձակվեցին Հուսեյինի վրա, որպեսզի սպանության պատասխանատվությունը կրեն միասին: Անհավասար մարտում ստանալով սրերի ու նիզակների բազմաթիվ հարվածներ, Հուսեյինը սպանվեց: Մի քաշվեցին նաև նրա մարդիկ:

Սպանված Հուսեյինի և նրա զինակիցների գլուխները ուղարկում են Դամասկոս խալիֆին, իսկ Հուսեյինի անգլուխ մարմինը թաղվում է Քերբալայում: Յազիդը հրապարակավ հայտարարում է, թե ինքը հրաման չի տվել սպանելու Հուսեյինին և տեսք է անում, թե իբր խիստ վշտացած է տեղի ունեցածի հետևանքով: Յազիդը ազատ արձակեց Հուսեյինի և նրա ազգականների գերված կանանց ու երեխաններին և նրանց թույլ տվեց մեկնելու ուր որ ցանկանում են:

Քերբելայում տեղի ունեցած իրադարձությունը ունեցավ շափազանց մեծ քաղաքական ու կրոնական հետևանքներ: Այն շիաների և Օմայանների միջև առաջ բերեց մի խորը վիճ: Հուսեյինը ճանաչվեց որպես «մեծագույն նահատակ», իսկ Քերբելան դարձավ շիաների գլխավոր սրբավայրերից և ուխտագնացության վայրերից մեկը: Հուսեյինի կործանման օրը բոլոր շիաների կողմից նշվում է որպես սգր օր (աշուրա): Այդ օրը զգացմունքային մեծ վերելքով մինչև օրս նշվում է շիաների կողմից: Վերջիններիս մոտ ձևավորվեց երրորդ իմամ Հուսեյինի իսկական կուլտ: Շիաները նրան վերագրեցին առասպեկտական հատկանիշներ, որ իբր նա օժտված էր ապագան գուշակելու գերբնական հատկանիշներով, կարող էր հրաշագործություններ գործել և այլն:

Հուսեյինի սպանությունը ողջ իսլամական աշխարհը պառակտեց ու քածանեց երկու՝ իրար հակառակ, իրար հետ անհաշտ մասերի:

Հուսեյինի կործանումը միաժամանակ նպաստեց Ալիի տոհմի կողմնակիցների կրոնական ու քաղաքական միավորմանը:

«Ալիի երկրորդ որդի Հուսեյինը, - գրում է Լեռն, - ժառանգել էր հոր դրական և բացասական հատկությունները - ազնվություն,

բաջություն, բայց և անընդունակություն ըմբռնելու քաղաքական հանգամանքները»:

Հուսեյինի սպանությունից հետո Մեքքայում, Մադինայում և Քուֆայում սկսվում են հուզումներ: Յազիդի համար առավել վտանգավոր էր Զուբեյրի որդի՝ Աբդալլահի շարժումը, որը Մեքքայում իրեն հոչակել էր խալիֆ և շուտով ողջ Հիջազը ճանաչել էր նրան որպես այդպիսին: Ուստի Յազիդը իր զորքերը շարժեց Մեքքայի դեմ և այն շրջապատման ենթարկեց, որի ընթացքում օգտագործվում էին այրվող նետեր: Դրանք կրակի ճարակ դարձրին Քաարան: Շրջապատումը տևեց ավելի քան երկու ամիս: Ներխուժելով քաղաք, քանակը սկսեց կողոպուտի ենթարկել բնակչությանը: Այն դադարեցվեց միայն այն ժամանակ, երբ լուր ստացվեց, որ խալիֆ Յազիդը մահացել է: Զորքերն անմիջապես դուրս հանվեցին քաղաքից և ուղարկվեցին Դամասկոս:

Հուսեյինի կործանումից հետո Քուֆայում կազմակերպվեց շիաների մի միություն, որոնց անդամներից ոչ մեկը 60 տարեկանից երիտասարդ չէր: Նրանց շեյխը դարձավ հին սահար Սուլեյման իրն Սուրադը: Նրանց կարգախոսն էր «Վրիժառություն Հուսեյինի մահվան համար»: Այդ միությունը կամ դաշինքը արագորեն մեծանում ու ծավալվում էր: 684 թ. նոյեմբերին դաշինքի անդամ 4 հազար ապստամբներ մուտք գործեցին Քերքելա, իսկ ապա անցնելով Եփրատ գետը շարժվեցին դեպի Ռեշայն: Սակայն շարժումը հետագա ծավալում չստացավ, քանի որ 685 թ. հունվարին նրա մասնակիցները ջախջախվեցին և համարյա զլխովին սրի բաշվեցին:

* * *

Արաբական նվաճումները շարունակվում էին: Արդեն VIII դ. սկզբին արաբական խալիֆայությունը նվաճել էր հսկայական տարածքներ, որոնք արևմուտքում Խսպանիայից և Մարոկկոյից ձգվում էին արևելքում մինչև Կենտրոնական Ասիա և Հնդկաստան: Երիտասարդ արաբական պետությունը, որն օժտված էր ուժեղ կենտրոնացված իշխանությամբ, իր անզուսպ նվաճողականությունն իրագործելիս, հանդիպում էր թույլ թշնամիների: Դրանով էր պայմանավորված արաբական բանակների հաղթական շլացուցիչ հաջողությունների գաղտնիքը: Վաղ միջնադարի երկու ուժեղագույն պետությունները՝ Սասանյան Իրանը և Բյուզանդիան հյուծվել և ուժասպառ էին եղել ոչ միայն մեկը մյուսի հետ անվերջ պատերազմների հետևանքով, այլև ներքին երկպառակությունների և կազմալուծման պատճառով: Այդ երկու նախկին հզոր պետությունները ծվատվում ու անդամալուծվում էին նաև կատաղի ու անզիջում ներքին կրոնական երկպառակությունների պատճառով:

Արաբական բանակը, որը բաղկացած էր առավելապես քոչվորական ցեղերի աշխարհագորերից, որոնք համախմբված էին տոհմա-ցեղային ավանդական կարգապահությամբ, ոգեշնչվում էր նաև այլադավանների դեմ անողորմ պայքարի գաղափարով: Բեկվիններին մարտի դաշտ էր տանում նաև Արևելքի հարուստ երկրներում ավար ձեռք բերելու ձգտումը: Խսլամը հայտարարել էր սրբազն պատերազմ՝ ջիհադ ոչ մահմեդականների դեմ: Սրբազն պատերազմին մասնակցությունը դիտվում էր որպես յուրաքանչյուր մահմեդականի պարտականությունը:

Նվաճված ժողովուրդներին նախ և առաջ խսլամը պարտադրվում էր քոնի միջոցներով, մահվան սպառնալիքի ներք:

Սակայն դրա հետ միաժամանակ լայնորեն օգտագործվում էին նաև «բարոյական և նյութական» խթանները: Նվաճված երկրներում բնակչության մեծ մասը սովորաբար խլամն ընդունում էր այն պատճառով, որ այն նորադարձ մահմեղականին հատկացնում էր մի շարք իրավական և բարոյական առավելություններ, քանի որ միայն մահմեղականներն էին համարվում լիիրավ հպատակներ, իսկ այլակրոնները համարվում էին «հանդուրժվող անհավատներ», այսինքն «երկրորդ կարգի» մարդիկ: Բացի այդ, մահմեղականները վճարում էին շատ ավելի թերև հարկեր, քան ոչ մահմեղականները: Խվամն ընդունած ստրուկները, իսկ նրանց թիվը այդ ժամանակներում նախկին հռոմեական նահանգներում և Իրանում դեռևս շատ էր, ազատվում էին ստրկությունից: Խվամը հանդիս էր զալիս նաև կաստայական սահմանափակումների դեմ, ուստի ցածր կաստաների մարդիկ հաճույքով դառնում էին մահմեղականներ: Այդ բոլորը նպաստում էր նվաճողների կրոնի ամրապնդմանը խալիֆայությունում, իսկ հետագայում նաև մյուս մուսուլմանական պետություններում՝ Սելջուկյան պետության մեջ, Օսմանյան կայսրությունում, Սեֆևյան և Ղաջարական Իրանում, Դելիի սուլթանությունում, Հնդկաստանի Մեծ Մողոլների պետության մեջ և այլն:

Մի շարք երկրներ խվամը թափանցեց նաև խաղաղ ձանապարհով, շնորհիվ ուշ արաբական միջնադարի բարձր զարգացած մշակույթի ազդեցության, որն իր մեջ ներծծել էր անտիկ բյուզանդական, իին իրանական քաղաքակրթությունների ձեռքբերումները, ինչպես նաև առևտրական և այլ կարգի կապերը: Մուսուլմանական քարոզիչները, ձանապարհորդները, փաճառականները խլամը բերեցին Չինաստան, Հնդկաշխն, Էնդոնեզիա, Սահարայից հարավ-աֆրիկյան երկրներ և այլն:

**ԻՍԼԱՄԻ ՊԱՇՏԱՍՈՒՆՔԸ,
ԴԱՎԱՆԱԲԱՆՈՒԹՅՈՒՆԸ ԵՎ ԾԵՍԸ
(ԾԻՍԱԿԱՐԳԸ)**

Իսլամի պաշտամունքը (կուլտը) խարսխված է հինգ պարտադիր հիմնայուների վրա (արաբերեն «արքան աղ-դին», հոգն. «ոռուքն»), որոնք արտահայտում են խլամական կրոնի բուն Էությունը: Այդ հինգ հիմնայուներն են 1. հավատի խոստովանությունը («աշ-շահադ»), 2. աղոթքը («աս-սալյաթ»), 3. ծոմը («ասսաում»), 4. ողորմությունը («ազ-զարյաթ»), 5. ուխտազնացությունը («ալ-հաջ»): Որոշ մուսուլմանական աստվածաբաններ դրան ավելացնում են նաև ևս մեկ, վեցերորդ հիմնայունը՝ «ջիհադը» կամ «ղազավաթը» («սրբազն պատերազմ հանուն հավատի»):

Առաջին հիմնայունը՝ հավատի խոստովանությունը կամ հավատն առ աստված բաղկացած է հետևյալ բանաձևի («շահադ») արտասանումից: «Ճկա աստվածություն Ալլահից բացի և Մուհամմադը Ալլահի մարգարեն է»: Այս բանաձի արտասանումը պարտադիր է յուրաքանչյուր մուսուլմանի համար նրա կյանքի բոլոր պահերին և նույնիսկ մահվան եզրին գտնվելիս: Ընդ որում, մեռնողը այն արտասանում է անձամբ, իսկ եթե նա ի վիճակի չի լինում դա անելու, թույլատրվում է, որ նրա համար, այն արտասանեն ուրիշները:

Վերոհիշյալ բանաձևն իր մեջ պարունակում է խլամի երկու հիմնական դոգմաներ. ա. միաստվածության դավանում («աթթառսիհիդ») և բ. Մուհամմադի մարգարեական առաքելության ընդունում («ան-նուրֆավվա»): Միաստվածության սկզբունքը խլամի մեջ ելակետային նշանակություն ունի, այն հակադրվում է բազ-

մաստվածությանը («շիրք»): Իսլամը սովորեցնում է, որ չկան ուրիշ աստվածներ Ալլահից բացի, այդ սկզբունքը չընդունելը նշանակում է մեծ մեղք գործել:

Առհասարակ պետք է նշել, որ մուսուլմանական մոնոթեիզմը (միաստվածության սկզբունքը) ավելի խիստ է, քան քրիստոնեականը: Այն, օրինակի համար, խստիվ մերժում ու չի ընդունում այնպիսի հասկացություն, ինչպիսին երրորդությունն է՝ միասնական աստծո տարաբաժանումը երեք խպոստասիաների՝ այսինքն երրորդությունից մեկի:

Իսլամի երկրորդ հիմնայունը աղոթքն է՝ (արաբերեն «ասսալյաթ»), հոգն. «սալավաթ», նրա պարսկերեն հոմանիշը «նամազն» է):

Աղոթքի ժամանակ հավատի խոստովանության բանաձևը կրկնվում է մի քանի անգամ: Իսլամն ընդունելու հարցում Մուհամմադը մեծ նշանակություն էր տալիս աղոթքին: Դուրանը ևս պնդում է աղոթքի պարտադիր լինելու մասին: Աղոթքը պետք է կատարվի խստիվ որոշված ծեսի համաձայն: Այդ ծեսը անհրաժեշտ է կատարել սահմանված բանաձևով, արաբերեն լեզվով, օրվա որոշակի ժամերին, հնարավորության դեպքում մզկիթում: Աղոթքն ուղեկցվում է աղոթող անձի սահմանված դիրքերով ու ժեստերով (ձեռքերի կարկառում, գլխի և մեջքի խոնարհումներ, ծնկաչոր անելը, բերանքսիվայր իջնելը և այլն): Աղոթքի դիրքերի և բանաձևերի յուրաքանչյուր որոշակի շրջանակ կոչվում է ոփք՝ աթ կամ ուաք՝ աթ: Յուրաքանչյուր աղոթք բաղկացած է 2-4 ուաք՝ աթ-ներից՝ կախված օրվա ժամանակից: Ընդ որում, աղոթողը պարտադիր կարգով դեմքով պետք է շրջվի դեպի Մեքքա: Աղոթքի այդ ուղղությունը կոչվում է կիբլա: Սովորաբար մուսուլմանները զիտեն կիբլայի ուղղությունը: Բայց եթե նրանք գտնվում են անձա-

նոր վայրում, հարցնում են մարդկանց, որոշում արևի դիրքով, կամ օգտվում են կողմնացույցից:

Ծիսական աղոթք կատարելու կարգը հետևյալն է. հավատացյալը գետնին է փոռում աղոթքի համար նախատեսված փորձիկ գորգը (սաշշաղա), որն իբր աղոթողին բաժանում է արտաքին աշխարհից: Ընդ որում, տարբերություն չկա, թե հավատացյալը որտեղ է աղոթում, մզկիթում, տանը թե բաց երկնքի տակ, միայն թե դա չինի կեղտոտ վայր (սպանդանոց, մահապատիճ իրականացնելու տեղ, զուգարանի մերձակա վայր և այլն): Նամազի ժամանակ մահմեղականը պետք է իր գլխին կրի ֆես կամ չալմա:

Աղոթքից առաջ աղոթողը շշուկով կամ բարձրածայն արտահայտում է իր մտադրությունը (նիյա), կատարելու այս կամ այն աղոթքը (առավոտյան, կեսօրյա և այլն): Այնուհետև կանգնած վիճակում ձեռքերը վերև բարձրացնելով մինչև ուսերի մակարդակը, աղոթողը արտաքերում է հետևյալ բառերը «Ալլահ աքբար» («Ալլահը մեծ է»), դա կոչվում է բարբիր ալ-իհրամ: Տարունակելով կանգնած մնալ և ձախ ձեռքը դնելով աջ ձեռքի վրա, աղոթողը կարդում է կամ արտասանում Ղուրանի առաջին «ալ-Ֆարիհա» սուրան: Այդ աղոթքը մուտքայինների մոտ գրավում է այն նույն տեղը, ինչ քրիստոնյաների մոտ «Հայր մերը»: Այնուհետև հավատացյալը կռանում է այնքան, որ ձեռքի ափերը դիպչեն ծնկներին: Ապա ուղղվում է (իթիղայ) և ձեռքերը վերև բարձրացնելով արտաքերում է. «Ալլահը ունկնդրում է իրեն փառաբանողներին»: Դրանից հետո կրկին ծնրադրելով, նա երկու ձեռքերով ու քրով հայվում է գետնին: Այդ ցգետին խոնարհ ողջույնը կոչվում է սուզութ, որ նշանակում է «երկրպագել», և որից առաջացել են սաշշաղա և մասշիդ (մզկիթ) բառերը: Դա աղոթքի կուլմինացիոն պահն է: Այնուհետև հավատացյալը նստում է ծնկների վրա (ջու-

լուս կամ քուուղ), կրկին գլուխն իշեցնում է մինչև գետինը, կատարում ցգետին երկրպագություն, որը կոչվում է երկրորդ սուզութ: Երկրորդ սուզուղից հետո աղոթողը ծալապատիկ նստում է և իրար հետևից կրկնում է հավատի խոստովանության բանաձեռ, որից հետո հատուկ աղոթք է կարդում մարգարեկի համար և վերջապէս արտաքրում է հետևյալ բանաձեռ: «Թող ձեզ վրա իշխի Ալլահի ողջույնները և գթասրտությունը», որը կրկնվում է երկու անգամ, սկզբում շրջվելով աջ կողմը, իսկ ապա ձախ (դա կոչվում է թասլիմ աթ-թահլիլ): Դրանով աղոթքն ավարտվում է: Աղոթքի այդ ողջ շրջանակը կազմում է ուր՝ աթը: Հարկ է նշել, որ աղոթքը չի պւարունակում աստծուց որևէ խնդրանք:

Ի դեպ, աղոթքի ժամանակ մարմնի դիրքերի փոփոխության հարցում սուննի-ուղղաղավանների և շիանների միջև կան տարբերություններ:

Յուրաքանչյուր մահմեդական պարտավոր է օրական հինգ անգամ ծիսական աղոթք կատարել: Ամենօրյա այդ աղոթքները հետևյալներն են. 1. առավոտյան կամ լրասարացի աղոթք (արար. սալյաթ աս-սուրի, կամ ալ-Փաջր, պարսկ. նամազ-ի բամդայ), որը կատարվում է մինչև արևածագը, 2. կեսօրյա աղոթք (արար. սալյաթ սագ-զուհի, պարսկ. նամազ-ի փիշին). 3. աղոթք օրվա երկրորդ կեսին, կամ երեկոյան աղոթք (արար. սալյաթ ալ-ասր, պարսկ. նամազ-ի դիգար), այս աղոթքը կատարվում է կեսօրին և արևամուտի միջև ընկած շրջանում. 4. հետարևամուտի աղոթք (արար. սալյաթ ալ-մաղրիբ, պարսկ. նամազ-ի շամ), կատարվում է արևամուտից անմիջապէս հետո և 5. գիշերային աղոթք քուն մտնելուց անմիջապէս առաջ (արար. սալյաթ ալ-իշա, պարսկ. նամազ-ի խու.ֆթան):

Հինգ ամենօրյա աղոթքները պարտադիր են ամեն մի շափահաս և առողջ դատողության տեր մահմեղականի համար: Ճանապարհներին գտնվելիս թույլատրվում է կրծատել հինգ պարտադիր աղոթքների թիվը: Հիվանդներն ազատվում են աղոթելու պարտականությունից, սակայն առողջանալուց հետո նրանք պետք է կատարեն իրենց պարտականությունը:

Բացի վերոհիշյալ կանոնական պարտադիր աղոթքներից, գոյություն ունեն նաև մի շարք ոչ պարտադիր կամ կամավոր աղոթքներ (մունաջաթ): Դրանցից ամենահայտնին զիշերային աղոթքն է (սայաթ ալ-Լեյլ): Չի կարելի այն շփոթել ամենօրյա հինգ աղոթքներից վերջինի՝ զիշերային աղոթքի հետ: Այդ աղոթքը հատկապես ընդունված է կատարել ռամադան ամսվա ընթացքում: Ոչ պարտադիր աղոթքներից կարելի է հիշատակել նաև նրանք, որոնք սովորաբար կատարվում են առանձնահատուկ հանգամանքների կապակցությամբ. խավարումների ժամանակ (կուսուֆ, խուսուֆ), անձրեսի խնդրանքով (խրիսքա), աղոթք այս կամ այն ցանկության իրականացման համար (սայաթ ալ-հաջա), աղոթք որեւէ կարևոր որոշում ընդունելուց առաջ (խրիխարա): Գոյություն ունի նաև հատուկ աղոթք հանգույցալների հոգու հանգստության համար (սայաթ ալա-լ-մեյիթ, սայաթ ալ-Զինագա):

Ոչ պարտադիր, կամավոր աղոթքները տարբերվում են կանոնական աղոթքներից նրանով, որ դրանք կարելի է կատարել ցանկացած լեզվով, իսկ կանոնական աղոթքները պարտադիր կարգով պետք է կատարվեն արաբերենով: Թեև կամավոր աղոթքները ոչ պարտադիր են, սակայն համարվում են աստվածահաճո գործ: Ենթադրվում է, որ օրական հինգ անգամվա աղոթքի սովորությը մուսուլմաններին է անցել զրադաշտականներից, որոնք

նույնպես իրենց ծիսական աղոթքները կատարել են օրական հինգ անգամ:

Յուրաքանչյուր աղոթքի ժամի մասին տեղեկացնում է մզկիթի մուազզինը (այստեղից արաք. ազան բառը, որ նշանակում է «աղոթքի հրավեր»): Եթե մզկիթում կա մինարեթ, ապա այնտեղ է բարձրանում մուազզինը և բարձրածայն հավատացյալներին հրավիրում է աղոթքի (ազան): Մեր օրերում ազանը որպես կանոն ձայնասփովում է ռադիոյով կամ հաղորդվում է հեռուստատեսությամբ:

Աղոթքից առաջ ծիսական լվացումները (մարրումները՝ «քահարաթ») պարտադիր են: Մուսուլմանները լվանում են դեմքը, ձեռքերը, արմունկները, ոտքերը և գլուխը: Այնուհետև լվանում են ձեռքերի դաստակները, բերանը, քրանցքները (քրանցքները երեք անգամ, քանի որ այնտեղ իբր հավաքվում են մեծ թվով շայթաններ): Մնացած ջրով լվանում են ականջները: Ակզրում լվացվում է մարմնի աջ մասը, ապա՝ ձախը: Ձեռքերն ու ոտքերը լվանալիս սկսում են մատներից: Յուրաքանչյուր աղոթքի ժամանակ մահմեղականը պարբերաբար կրկնում է հետևյալ արտահայտությունները. «Ալլահը մեծ է», «Ալլահը գթառատ է», «Ալլահը ամենազոր է»:

Եթե աղոթքի ժամին մահմեղականը գտնվում է դրսում, և ոչ թե մզկիթում, ապա նա աղոթելու համար ընտրում է մի մաքուր տեղ: Տան յուրաքանչյուր անդամ ունի աղոթքի իր փոքրիկ գորգը, իսկ մզկիթում բոլորն աղոթում են ընդհանուր գորգի վրա: Նամազը կատարում են ցանկացած վայրում, որտեղ ազանի պահին գտնվում է հավատացյալը. զյուղացին դաշտում, պաշտոնյան իր աշխատատեղում և այլն: Նոյնիսկ օդանավակայաններում, երկաթուղային կայարաններում գոյություն ունեն աղոթատեղիներ:

Այն դեպքում, երբ լվացման համար ջուր չկա, թույլատրվում է «լվացումը» կատարել ավագով կամ հողով. դա կոչվում է «քայամմում», այսինքն մաքրում ինչ-որ սորուն բանով: Այդ առթիվ Ղուրանում ասվում է. «Եվ եթե պղծված է, մաքրվեցե՛ք, և եթե հիվանդ եք կամ ճանապարհորդությունում կամ ձեզանից մեկը հարկավորից է եկել կամ կնիկներին եք դպչել, եթե ջուր չեք գտնում, այն ժամանակ մաքուր հողով թաթախվեցեք և քսեցե՛ք նրանից ձեր երեսներին և ձեռքերին» (5:9):

Ուրբաթ օրերին, կեսօրվա ժամին կատարվում է հասարակական աղոթք (սայաթ ալ-շամաա), որը հայտնի է նաև սայաթ աղ-ջումա անունով: Ուրբաթօրյա աղոթքը կատարվում է դրա համար հատուկ նախատեսված մզկիթում, որը կոչվում է մասշիդ-ի ջումա (ուրբաթօրյա մզկիթ), կամ մայր մզկիթ (արաբ.-պարսկ. մասշիդ-ի ջամի): Ի դեպ, մուսուլմանական մզկիթների ներքին հարդարանքը քրիստոնեական (հատկապես կաթոլիկ, ուղղափառ և այլն) եկեղեցիների համեմատությամբ, որպես կանոն, շատ պարզ ու հասարակ է. այնտեղ բացակայում է թանկարժեք կահկարասին, երածշտական գործիքները, քանի որ իսլամը թույլ չի տալիս, որ ժամերգությունն ուղեկցվի երածշտությամբ կամ երգչախմբի երգեցողությամբ:

Մզկիթների հատակը ծածկված է լինում գորգերով. իսկ պատերն ու առաստաղը, որպես կանոն, զարդարվում են հասարակ զարդարանդակներով կամ Ղուրանից բերված ասույթներով:

Իրանում կանայք մզկիթում ուրբաթօրյա աղոթքին ներկա են լինում տղամարդկանցից անջատ, կանանց համար նախատեսված մզկիթի մի առանձին բաժնում: Այդ սովորույթը գոյություն ունի միայն շիական Իրանում, մինչդեռ սուննիական երկրնե-

րում որպես կանոն կանայք ներկա չեն լինում նամազների ժամանակ և աղոթում են տանը:

Եթե որևէ մեկը ուրբաթօրյա աղոթքին չի մասնակցում երեք շաբաթից ավել ժամանակաշրջանում, ապա նա համարվում է խւլամը լրած մարդ: Խսլամական երկրներում ուրբաթ օրը հանգստյան օր է, բոլոր խանութները, կրպակները, հիմնարկությունները և ձեռնարկությունները որպես կանոն փակ են:

Սզկիթներում աղոթքը վարող անձը, որը կանգնած է աղոթողների առջև, կոչվում է խմամ: Խմամի դերը կարող է կատարել ցանկացած անձ, որը կամավոր կերպով համաձայնվում է գլխավորել աղոթքը, սակայն նա անպայման պետք է լինի հարգված անձնավորություն և բավարար չափով տեղյակ լինի մահմեղական կյոնի սկզբունքներին: Մեր օրերում շատ մզկիթներ ունեն իրենց մշտական խմամները:

Եթե տղամադիկ և կանայք աղոթում են միասին, ապա աղոթքը միշտ դեկավարում է տղամարդը: Եթե աղոթում են միայն կանայք, ապա նրանցից մեկը հանդես է զայխ աղոթքի դեկավարի դերում:

Երբեմն աղոթքի ժամանակ մուսուլմաններն օգտագործում են տերողորմյա (համրիչ, վարդարան), որը բաղկացած է 99 հատիկներից: Նրանցից յուրաքանչյուրը համապատասխանում է Ղուրանում հիշատակված Ալլահի 99 եպիտեսներին: Այդպիսի համրիչները կոչվում են թասքի կամ սուրիա:

Իսլամի երրորդ հիմնայունը ծումն է կամ պասը (արաբ. աս-սաում) կամ ուրազան: Իսլամի հիմնական ծումը ուամադան ամսի ծումն է, որը պարտադիր է բոլորի համար, բացի հիվանդներից և ճանապարհորդներից: Ծումը սկսվում է մուսուլմանական

լուսնային օրացույցի 9-րդ Ռամադան ամսում՝ նորալուսնի հայտնվելուն պես, որը հաստատվում է նորալուսինը նկատած երկու վկաների կողմից: Ներկայում մուսուլմանական երկրներում ցերեկվա ավարտը և գիշերվա սկիզբը որոշվում է ամեն մի քաղաքի ու շրջանի համար առանձին, նկատի ունենալով նրանց աշխարհագրական կոորդինատները: Այդ տվյալները հրապարակվում են մամուլում, ուստիոյնվ կամ հեռուստատեսությամբ: Սահմանագծային այդ ժամկետները (արարեքեն իմասք կամ իմսաքիա) հրապարակվում են նաև լուսնային հիջրայի օրացույցներում:

Տարբեր երկրներում ծումի սկիզբը ազդարարվում է տարբեր ձևով (օրինակ թնդանոթների կրակոցով, մինարեթի վրա բարձրացված դրոշով և այլն): Հավատացյալները պետք է ողջ ուսման ամսվա ընթացքում, այսինքն 30 օր ծում պահեն: Այդ 30 օրերի ընթացքում մուսուլմանները չեն լողանում, չեն ծխում, չեն խմում և ուտում և պետք է կարդան Ղուրան: Արգելված է նաև ձեռնուպահ մնալ այն ամենից, ինչ կարող է մարդուն հաճույք պատճառել: Ծոմի օրերին տղամարդկանց արգելված է նաև մերձենալ կանանց:

Մուսուլմանական ծոմը տարբերվում է քրիստոնեականից նրանով, որ մուսուլմանական ծոմի ժամանակ ոչ թե պահանջվում է ձեռնուպահ մնալ սննդի այս կամ այն տեսակն օգտագործելուց, այլ պահանջվում է ողջ օրվա ընթացքում, արևածագից մինչև մուտք ընկնելը, երբ արդեն հնարավոր չէ սպիտակ թելը զանազանել սեից, ընդհանրապես ձեռնուպահ մնալ սնունդ, հեղուկ օգուագործելուց և ցանկացած տիպի զվարածալիքներից: Գիշերը բոլոր

* Արաքական երկրներում այդ ամիսը կոչվում է Ռամադան, իսկ իրանում, Թուրքիայում, Աֆղանստանում, Պակիստանում և այլն Ռամազան:

ուտեստները դառնում են թույլատրելի և կարելի է ուտել ցանկացած ուտելիք, ջուր խմել, ծխել և այլն: Այդ առթիվ Ղուրանում ասվում է. «Ծովապահության զիշերը ձեր կանանց հետ պղծությունը ձեզ թույլ է տրվում... ուրեմն հիմա գործադրեցն ՚ը և պահանջեցն ՚ը ինչ որ Աստված ձեզ թույլ է տալիս և կերեք ու խմեցն մինչև արշալույսի ժամանակ զանազաներ սպիտակ թելը սև թելից. հետո պահեցն ձումը մինչև զիշեր» (2:183): Նման կարգը, ինչպես նշվել է, պահպանվում է ողջ մեկ ամսվա ընթացքում:

Եթե ծումը ընդհատված է հարգելի պատճառով (օրինակի համար «հանուն հավատի պատերազմի», ճանապարհորդության, հիվանդության, հղության և այլն), ապա հետազայում հավատացյալը պարտավոր է լրացնել ծոմի բաց թողնված օրերը: Իսկ եթե ծումը ընդհատված է անհարգելի պատճառով, ապա հետազայում ծոմ պահելու հետ միաժամանակ ծումը խախտողը պետք է աղքատներին բաժանի ողորմություն: Զηի և ծծկեր երեխային կերակրող կանայք, երեխաները և պատանիները, տարեցները, անբուժելի հիվանդները և այլն կարող են ծումը փոխարինել աղքատներին ողորմություն բաժանելով ծոմի բաց թողնված յուրաքանչյուր օրվա համար, եթե իհարկե տվյալ անձի նյութական միջոցները տալիս են դրա հնարավորությունը: Այն անձինք, որոնց վիճակը կարող է վատքարանալ ծոմ պահելու պատճառով, նույնպես ազատվում են այդ պարտականությունից:

Այն դեպքում, եթք այս կամ այն անձը ծոմ պահելու շրջանում չի դիմացել և ցերեկային ժամերին կերել է, խմել, կամ կատարել շթույլատրված արարք, դրանով իսկ խախտելով ծումը, նա պարտավոր է այդ խախտումը փոխատուցել կրկնակի ծոմով (քաֆֆարա) 60 օրվա ընթացքում: Համաձայն շարիաթի, այդ քավիչ ծումը կարելի է փոխարինել բարեգործական որևէ արարքով,

կամ 60 օր կերակրելով որևէ աղքատի: Այլ կերպ ասած, քնակցության ուներ խավերի համար նախատեսված էր փրկագնի միջոցով ծոմ պահելուց ազատվելու հնարավորությունը:

Առանձնապես հավատավոր և բարեպաշտ ծնողները հաճախ ստիպում էին, որ շատ վաղ հասակից երեխաները ծոմ պահեն: Սակայն որպես կանոն, իզլամական երկրներում տասներկու տարեկան հասակից սկսած երեխաները մեծերի հետ հավասար պահում են ծոմ:

Ծոմի ժամանակ մուսուլմանների կողմից սնունդ չընդունելը հավատացյալներին հնարավորություն է տալիս վարժվելու ինքնասահմանափակման, երբ մարդը տիրապետում է իր մարմնին և սանձահարում իր ցանկությունները: Ծոմ պահելու ժամանակաշրջանը բառացիորեն հազեցված է մարդկանց ընդհանրականության զգացմամբ: Ծոմը մարդկանց հարկադրում է զնահատել այն, ինչ իրենք ունեն:

Գործնականում մուսուլմանական ծոմը հարուստների համար այնքան էլ ծանր չէ, քանի որ զիշերվա ընթացքում երկու անգամ սնվելով, նրանք կարող են ցերեկը հանգստանալ, քնել և այն: Սակայն ծոմը շատ ծանր է արհեստավորների, զյուղացիների, առհասարակ ֆիզիկական աշխատանքով զբաղվողների, աղքատների և այդ կարգի մարդկանց համար: Առանձնապես նրանք ծոմը ծանր են տանում այն ժամանակ, երբ ռամադանը ընկնում է ամռան ամիսներին. ամառային երկար օրերին, ստվերի տակ 30-40 աստիճան ջերմաստիճանի ներքո նրանք ստիպված են լինում քաղցած փորով, առանց մի կարիլ ջուր խմելու, հաճախ կիզիչ արելի տակ աշխատել:

Ծոմի ողջ ընթացքում մուսուլմանները կարդում են Ղուրանը, նրանցից շատերը գնում են մզկիթ զիշերային աղոթք անելու

համար, որը հայտնի է «թարավի» անունով: Դա կատարվում է կամավոր սկզբունքով:

Ծոմը համարվում է տարվա ընթացքում գործած մեղքերը քավելու լավագույն միջոցը: Նշանավոր աստվածաբան Ղազալին գտնում էր, որ ծոմը հիանալի միջոց է նաև կրթերը սանձահարելու համար:

Ծոմի շրջանում մուսուլմաններից պահանջվում է նաև դրսերել բարոյական զավկածություն: Հատկապես դատապարտելի է հայիոյելը, սուտ խոսելը, գրպարտելը, հոգևոր անձին վիրավորելը և այլն: Այդ արարքները չեղյալ են դարձնում ծոմը և պահանջում են կրկնակի փոխհատուցում: Մուսուլմանական աստվածաբանների պնդմամբ, ծոմը հավատացյալների մոտ ամրապնդում է հավատն առ Ալլահը: Յուրաքանչյուր ծոմապահության օրվա վերջին հավատացյալը պետք է երախտագիտության խոսքեր ասի Ալլահի հասցեին: Ռամազանի 26-ի լույս 27-ի գիշերը տեղի է ունենում ընդհանուր գիշերային աղոթք, որը կոչվում է «նախասահմանման» կամ «կանխորշման գիշեր», երբ ավանդության համաձայն, երկնքից իջել է Ղուրանը:

Նա, ով ժխտում է ծոմի պարտադիր լինելը, համարվում է անհավատ: Իսկ նա, ով առանց հարգելի պատճառի ծոմ չի պահում, ենթակա է բանտարկության:

Ռամազան ամսվա ծոմը ավարտվում է իդ ալ-Ֆիթր («թարախտան պասի տոն») կոչված տոննակատարությամբ, որը մուսուլմանները նշում են մեծ հանդիսավորությամբ ու բերկրանքով ինչպես մզկիթներում, այնպես էլ տանը: Դա ամենամյա մուսուլմանական մեծ տոններից մեկն է:

Պարտադիր ծոմի հետ միաժամանակ իսլամը թույլ է տալիս նաև կամավոր ծոմեր տարվա ցանկացած ժամանակ:

Իսլամի չորրորդ հիմնայունը պարտադիր ողորմությունն է՝ զաքյարը («ազ-զաքյար»), որը բառացի նշանակում է «մաքրում»: Այն հիմնված է հետևյալ գաղափարի վրա. այս աշխարհի բարիքները մաքուր չեն, դրանց ձեռքբերումը և օգտագործումը թույլատրվում է միայն մաքրման ձանապարհով, որն է դրանց մասնակի վերադարձը աստծուն: Հենց այդ պատճառով սկզբնապես զաքյարն ունեցել է մաքրում իմաստը: Հարուստը Ալլահի առջև մաքրվում է չափից ավելի շատ հարստության մեղքից: Մուսուլմանները գտնում են, որ միայն աստված կարող է որոշել, թե ով պետք է ծնվի հարուստ և ով աղքատ, ուստի բոլորը մեկը մյուսի նկատմամբ ունեն որոշակի պարտականություններ: Աղքատներին օգնություն ցուցաբերելը հարուստների պարտականությունն է: Մուսուլմանները հավատում են, որ ողորմություն տալը մարդուն ազատում է մեղքերից և օգնում է, որ նա արժանանա դրախտի երանությանը:

Պարտադիր ողորմությունը գանձվում է հարուստներից և համեմատաբար ուներներից, լինեն նրանք վաճառականներ, արհեստավորներ, տնատերեր, գուղացիներ և այլն: Այդ կարգի մարդկանց եկամուտներից կամ գույքից գանձված գումարները հատկացվում են աղքատներին, այրի և միայնակ կանանց, որբերին, հիվանդներին, պարտքերի մեջ գտնվողներին, կամ օգտագործվում են խլամական համայնքի (ումմայի) կարիքների բավարարման համար: Դուրանում մեկ առ մեկ հիշատակվում են մարդկանց այն խմբերը, որոնց անհրաժեշտ է օգնություն ցուցաբերել:

Զաքյարի վճարման չափը կարող է նվազեցվել, եթե եկամուտը ձեռք է բերվել ծանր աշխատանքի հետևանքով: Զաքյարը գանձվում է հարկահանների կողմից: Սկզբնական շրջանում զաք-

յաթը գանձվում էր բնամթերքով, սակայն աստիճանաբար այն կորցնելով իր բարեգործական բնույթը վեր էր ածվել սովորական հարկատևակի, որը գանձվում էր դրամով:

Ժամանակին անշարժ գույքից ստացվող բոլոր եկամուտները նախատեսված էին աստվածահաճությունների պահպանման կամ հասարակական շինությունների կառուցման համար: Այդ կառույցը կոչվում էր «Վարք»: Վարքերը մեծ ծառայություն են մատուցել իշլամին: Նրանցից ստացվող եկամուտների հաշվին կառուցվել են հասարակական շինություններ՝ հիվանդանոցներ, դպրոցներ, համալսարաններ և այլն:

Քանի որ Մադինայում մուսուլմանական համայնքի հիմնադրման օրվանից կրոնական համայնքի և պետության, հոգևոր և աշխարհիկ իշխանության հասկացությունները նույնական էին և չէին տարբերվում միմյանցից, ուստի մուսուլմաններից զանձվող զարյաթի գումարները փաստորեն անցնում էին արաբա-մուսուլմանական պետության տրամադրության տակ: Օմայան արքայատոհմի կառավարման շրջանում (661-750 թթ.) ըստ էռության զարյաթից հավաքված գումարների միայն աննշան մասը սկսեց հատկացվել բարեգործական նպատակներով՝ աղքատներին, հիվանդներին և այլն օգնություն ցուցաբերելու համար:

Իսլամական հասարակության մեջ զարյաթը պետական հարկատևակ չի համարվում, այն դասվում է կրոնական հարկերի շարքը: Ներկայումս իսլամական մի շարք երկրներում զարյաթը արդեն դարձել է պետական հարկատևակ: Այն զանձվում է միայն չափահաս, աշխատունակ մուսուլմաններից:

Պարտադիր զարյաթից բացի իսլամի մեջ առկա է նաև կամավոր ողորմությունը՝ սահարան (ավելի ստույգ «սահարաթ աթքաթավվու»), ըստ որի հարուստները ողորմություն են հատկաց-

նում աղքատներին, մզկիթներին, մեղրեսեներին (հոգևոր դպրոցներ), մանկապարտեզներին, թափառող դերվիշներին և այլն: Այդ ողորմությունը կարող է լինել ինչպես դրամով, այնպես էլ անշարժ գույքով՝ հողերով, զանազան կալվածքներով և այլն: Համարվում է, որ նման նվիրատվությունների շնորհիվ կարելի է մեղբերը քավել և հոգին փրկել գեհենի տանջանքներից:

626 թվականից իսլամական իրականության մեջ ավելացվեց ևս մեկ պարտադիր հարկատեսակ հրեաների ու քրիստոնյաների համար. դա շնչահարկն էր կամ զլխահարկը, որը կոչվում էր շիզիե (ջիզյա):

Իսլամի հինգերորդ հիմնայունը դա հաջն է՝ ուխտագնացությունը իսլամի առաջին սրբավայր Մեքքա: Հաջը, թեկուզ և կյանքում մեկ անգամ, պարտադիր է, սակայն միայն այն չափահաս մուսուլմանների համար, որոնք ի վիճակի են կատարելու նման հեռավոր ճանապարհորդություն: Եթե մահմեդականը ի վիճակի չէ վճարել ուխտագնացության հետ կապված ծախսերը, կամ ծանրաբեռնված է մեծ ընտանիքով, ապա նա ազատվում է հաջ կատարելու պարտականությունից: Որոշ մուսուլմաններ հաջ են կատարում մի քանի անգամ: Ցանկացած մահմեդական, որն այս կամ այն պատճառով ի վիճակի չէ կատարելու ուխտագնացություն (ծերության, հիվանդության և այլ պատճառներով), կարող է իր փոխարեն ուղարկել մեկ ուրիշի, նրան վճարելով հաջի հետ կապված բոլոր ծախսերը: Ուխտագնացությունից ազատվում են նաև տկարամիտները, ինչպես նաև այն կանայք, որոնք որևէ տղամարդ ազգական չունեն, որպեսզի ուղեկցի իրենց: Կանայք իրավունք ունեն մեկնելու ուխտագնացության միայն այն դեպքում, եթե նրանց ուղեկցում է ամուսինը, եղբայրը կամ որևէ այլ տղա-

մարդ ազգական: Ազգակցական կապը պետք է վկայված լինի համապատասխան փաստաթղթերով:

Եթե որևէ մեկը հաջ մեկնելու փոխարեն որոշել է այդ նպատակի համար կուտակած դրամը հանձնել խիստ կարիքի մեջ գտնվող կամ պարզապես դրամի կարիք ունեցող մարդու, ապա ուխտագնացության մեկնելու նրա մտադրությունը (նիյա) աստծու կողմից ընդունելի կլինի որպես կատարելապես իրականացված ուխտագնացություն:

Հաջ կատարողը պետք է լինի առողջ դատողության տեր և չափահաս անձնավորություն: Չափահաս անձինք իրենց հետ կարող են վերցնել երեխաների: Սակայն ոչ չափահասների համար դա չի դիտվի որպես ուխտագնացություն: Եթե հաջ կատարելու համար անհրաժեշտ գումարը ձեռք է բերվել անազնիվ ճանապարհով, ապա այդ ուխտագնացությունը ընդունելի չի լինի և կորցնում է իր նշանակությունը:

Գոյություն ունի հաջի երկու տեսակ: Առաջինը կոչվում է «փորք հաջ» (ալ-ումրա): Այդ ուխտագնացությունը կատարվում է տարվա ցանկացած ժամանակ և ոչ թե զրհարերության տոննի ժամանակ: Ընդ որում, ումրայի ժամանակ կատարվում են նույն ծիսակատարությունները, բացի զոհ մատուցելուց: Փոքր ուխտագնացությունը համարվում է աստվածահաճո գործ, սակայն այն չի ճանաչվում մեծ ուխտագնացության հետ համարժեք:

Երկրորդը կոչվում է «մեծ հաջ» («ալ-հաջ ալ-քաբիր»), որը կատարվում է տարին մեկ անգամ, մուսուլմանական օրացույցի տասներկուերրորդ ամսվա սկզբին կամ զուլ-հիջա ամսին (ապրիլին): Երկու դեպքում էլ Մեքքա ուխտագնացության մեկնելիս հավատացյալները կատարում են հատուկ ծիսական լվացումներ, կտրում են մազերը, եղունգները և այլն:

Չնայած այն հանգամանքին, որ աղքատների, հիվանդների, կանանց և առհասարակ կախում ունեցող մարդկանց համար հաջը պարտադիր չէ, սակայն այդ կարգի մարդիկ որպես կանոն այնուամենայնիվ կատարում են ուխտագնացություն:

Հաջը պետք է զուգադիպի կամ հարմարեցվի զոհաբերության տոնի՝ (իդ ալ-ազհայի կամ իդ ալ-դուրքանի, թյուրքալեզու ժողովուրդների մոտ դուրքան-բայրամի), իսլամի երկու մեծ տոններից մեկի ժամանակին: Ինչպես անցյալում, այնպես էլ ներկայումս, սովորաբար ուխտագնացության մեկնելիս հավատացյալները կազմում են քարավան կամ ուխտագնացների խմբեր:

Մերքայում և Մաղինայում լինելու իրավունք ունեին միայն մուսուլմանները, այլադավաններին արգելված էր թափանցել այդ սրբազն քաղաքները: Մերքան համարվում էր «հարամ», որն արաբերեն երկիմաստ բառ է և նշանակում է ինչպես «սրբավայր», այնպես էլ «արգելված»: Մերքա տանող ճանապարհներին խստիվ ստուգվում են ճանապարհորդների փաստաթղթերը, պարզելու համար, թե նրանք իսկապես ուխտավոր-մահմեդականներ են, թե ընդամենը հետաքրքրասեր զբոսաշրջիկներ, մաքսանենգներ և այլն: Մերքայի տարածքը համարվում է սրբազն և խստիվ արգելվում է այնտեղից իր հետ տանել թեկուր մի պտղունց հող:

Միայն XIX դարում ոչ մեծ թվով եւլրոպացի քրիստոնյաների (նրանցից առաջինը եղել է գերմանացի Բուրհարդը (1814 թ.), որին հաջողվել է մուսուլմանի զգեստներով ծպտված թափանցել Մերքա: Դրանցից Մերքայի, Քաարայի, ինչպես նաև հաջի ծիսակատարությունների լավագույն նկարագրությունը տվել է հոլանդացի արարագետ, իսլամագետ Սնուր Հյուրզրոնյեն:

Մուտք գործելով «սրբազն հողը», ներկայումս Սաուդյան Արաբիա, որի տարածքում են զտնվում Մերքան և Մաղինան,

ուխտագնաց-մահմեդականը հաջ կատարելիս պարտավոր է պահպանել երեք կարևոր պայմաններ. առաջին՝ նա պետք է հազ-նի հատուկ զգեստ, որը կոչվում է «իհրամ»: Իհրամի իմաստը կա-յանում է նրանում, որ բոլոր ուխտավորների մեջ հաստատվում է հավասարություն, նպատակի միասնություն, ինքնազոհարերման պատրաստակամություն և հոգու մաքրություն: Հայտնի է, որ մարդու զգեստը հաճախ ցուցադրում է տվյալ անձի բարեկեցութ-յան աստիճանը, նրա պաշտոնը կամ էլիտար պատկանելությու-նը: Մինչդեռ իհրամ հագնելու պայմաններում բնակ նշանակութ-յուն չունի, թե այս կամ այն ուխտավորը ով է, ինչ պաշտոնի ու դիրքի, ինչպես նաև ինչ ունեցվածքի տեր է, քանի որ բոլորը հագնված են միատեսակ և աստծո առջև ներկայանում են կատա-րելապես հավասար վիճակում: Իհրամի կանոնների համաձայն, տղամարդիկ չպետք է իրենց վրա կրեն զանազան զարդեր և մա-տանիներ, իսկ կանանց թույլատրվում է կրել միայն ամուսնական մատանի: Իհրամի շրջանում չի կարելի կտրել մազերը, եղունգնե-րը, սափրիվել, օգտագործել օծանելիք:

Երկրորդ պայմանը հետևյալն է. ուխտավորը պետք է յոթ անգամ պտտվի Քարբայի շուրջը («թալաֆ»): Երրորդ՝ պետք է Ա-րաֆաթ կոչված հովտում կատարի հատուկ ծիսակարգ («վու-րուֆ»): Եվ չորրորդ՝ պետք է Արաֆաթ հովտից վերադառնալուց հետո Քարբայի շուրջը կատարի պտույտներ (ըստ հնարավո-րության ուխտագնացներն աշխատում են առաջին երեք պտույտը կատարել վազելով): Այդ պտույտները կարելի է կատարել ինչպես ժամանումից անմիջապես հետո, այնպես էլ ցերեկվա և զիշերվա ցանկացած ժամին: Եթե ուխտագնացներին հաջողվում է մոտե-նալ Սև քարին (ալ-Խուջը ալ-Ասվադ), որն ամրացված է Քարբայի պատի անլյուններից մեկում, նրանք համրութում են այն կամ

ձեռքով շոշափում, իսկ նրանք, որոնց չի հաջողվում մոտենալ նրան, պարզապես հեռվից բարձրացնում են ձեռքը ի նշան ողջույնի: Ծերերին և հիվանդներին տանում են հատուկ պատգարակներով:

Քարաբայի շուրջը պտույտներ կատարելուց հետո ուխտավորները մեկնում են Իբրահիմի կայանը (մաքրամ Իբրահիմ) և կատարում երկու ռար՝ ար: Այնուհետև կատարում են ծիսական վազք Սաֆա և Մարվա բլուրների միջև: Այդ ծիսակատարությունը կատարվում է ի հիշատակ Խսմայիլի մոր կողմից ջուր որոնելու հուսահատ փորձերի, որը երեխայի հետ քողոնված էր Քարաբայի մոտերքում: Համաձայն ավանդության, մեռնող Խսմայիլի ոտքերի տակ դուրս է ժայթքում փրկարար ջուրը, որը կոչվում է Զամզամ: Այն իրենից խորհրդանշում է աստծո ամենուրեք ներկայությունը, որը հասնում է տառապյալներին և պարզեւում է կյանք: Ուխտավորները Զամզամի աղբյուրից ջուր են խմում, կամ լցնում են իրենց հատուկ փոքրիկ շնորհը:

Թավաֆը կատարելուց հետո մուտքմանը համարվում է փոքր ուխտագնացության (ումրայի) անհրաժեշտ պայմաններն իրագործած: Դրանից հետո տղամարդիկ սափրում են իրենց զլուխները: Կանայք նույնպես կտրում են իրենց մազերից մի փոնջ և այն թաղում հողի մեջ: Ծիսական այդ արարքով սկսվում է իհրամի վիճակից դուրս գալը: Այնուհետև նրանց թույլատրվում է հագնել իրենց սովորական զգեստները:

Հաջ կատարողի երրորդ պարտականությունն է Արաֆաթ կոչված հովտում հատուկ ծիսակարգ կատարելը, որը կոչվում է «վուրուֆ»: Այն կատարվում է հետևյալ կերպ: զուլ-հիջրայի ութերորդ օրը կատարելով լրիկ լվացում, ուխտագնացները կրկին հագնում են իրենց իհրամի զգեստը և շարժվում Մինա հովհանքը, ո-

իր գտնվում է Քաաբայից 10 կմ հեռավորության վրա: Մինայում թեև կան մի քանի հյուրանոցներ, սակայն ուխտագնացների մեծ մասը գերադասում է տեղավորվել հսկայական չափերի հասնող վրանարարաբում: Իններորդ օրը բոլոր ուխտագնացները ժամանում են Արաֆաթ հովիտը (Մեքքայից 24 կմ արևելք), որպեսզի Գթության Լեռան վրա կատարեն աստծուն ուղղված իրենց ուխտը: Դա իսկապես ուխտագնացության ամենակարևորագույն մասն է: Ուխտագնացները պետք է բաց զլխով (միայն տղամարդիկ) կանգնեն կիզիչ արևի ձառագայթների տակ, անընդհատ խորհրդածելով աստծու մասին և նրանից աղերսելով գթություն: Այնուհետև տեղի է ունենում քարերով սատանային հարվածելու արարողությունը: Ուխտավորները գնում են Մինայի հովիտը, որտեղ հնում գտնվել են հեթանոսական կուռքերը: Ըստ ավանդության, այդ վայրում սատանան (Իբլիս) փորձության է ենթարկել Իբրահիմին, որը կոչ էր անում ընդունել Միաստվածությունը: Մինա գնացող ճանապարհին հավաքելով քարերը, ուխտավորները դրանք նետում են այն տեղերը, որտեղ գտնվել են այդ կուռքերը: Դրանից հետո սկսվում է կենդանիների հանդիսավոր զոհաբերությունը:

Զուլ-հիջրայի իններորդ օրը, ունեոր ուխտավորները գնում են զոհաբերության կենդանիներ՝ ոչխար, այծ, ուղտ, ցուկ և Մինա հովտում զոհ մատուցում աստծուն ի հիշատակ Իբրահիմի պատրաստակամության զոհաբերելու իր սեփական որդուն, որի փոխարեն ամենավերջին պահին աստծո կամոք որդու փոխարեն զոհաբերվեց մի խոյ: Զոհաբերության այդ տոնակատարությունը կոչվում է Իդ ալ-Ադհա: Դա մոսուլմանների զիխավոր տոնն է, որը նշում են ամբողջ աշխարհի մահմեդականները:

Վերադառնալով Մերքա, ուխտավորները կատարում են հրաժեշտի թափաֆ, այսինքն յոթ անգամ պատվում են Քաաբայի շուրջը, որից հետո իհրամը հանվում է և ուխտագնացությունը համարվում է ավարտված:

Հաջի բոլոր անհրաժեշտ պայմանները կատարելուց հետո ուխտավորը ստանում է «հաջի» հարգալից ու պատվավոր կոչումը (կին ուխտավորը «հաջա»): Հաջին տալիս են կանաչ չալմա: Երբ ուխտագնաց հաջին վերադառնում է տուն, նրա ուրերի առջև զոհաբերում են զանուկ և մեծ շուրով կազմակերպում հանդիսավոր ընդունելություն:

Հաջի ժամանակ արգելվում է առևտրով գրադիլ, սափրվել, օգտագործել օճանելիք և հոտավետ օճառներ: Կանայք ամրողութին պետք է ծածկված լինեն, այնպես, որ երես միայն դեմքը, ձևոքերը և ոտքերի մերկ ներբանները: Ուխտավորները ոտքերին կրում են սանդալներ, կամ պետք է լինեն ոտարոբիկ: Իրենց ազրեսիվությունը սանձահարելու և աստծո արարչագործած արարածների հետ իրենց միասնությունը զգալու համար, ուխտավորները չպետք է արյուն թափեն սպանելով կենդանիներին (թույլատրվում է սպանել միայն օձերին, կարիճներին, լվերին և փայտողիլներին): Որպեսզի ուխտավորների մոտ գթասրտությունը զարգացում ունենա, բացառվում է ամեն տեսակի որսը: Սերը դեպի բնությունը ամրապնդելու համար արգելվում է ոչնչացնել կանաչը, ջարդել ծառերը և այլն:

Ներկայումս մուսուլմանական երկրներում գոյություն ունեն հատուկ գործակալություններ, որոնք գրադիլ են ուխտագնացություն կազմակերպելու հարցերով: Նախկինում այդպիսի ձանապարհորդությունը կապված էր մեծ դժվարությունների հետ: Սակայն ներկայումս ուխտագնացների մեծ մասը օգտվում է օդա-

յին տրանսպորտից, թեև կարելի է օգտվել նաև երկաթուղային և ծովային փոխադրամիջոցներից: Սառույան Արարիայի Զիրդա քաղաքում գոյություն ունի գերժամանակակից օդանավակայան: Զիդդայից մինչև Մերքա 72 կիլոմետր է, որն անցնելու համար նույնպես կառուցված է արագընթաց ավտոմոբիլային ճանապարհ:

Ներկայումս միջին հաշվով միայն զու-լ-հիջջա ամսին աշխարհի տարբեր երկրներից Մերքա են ժամանում մեկ միլիոնից ավելի ուխտագնացներ, չհաշված նրանց, որոնք տարվա մնացած ամիսներին կատարում են «փոքր ուխտագնացություն»:

Պետք է սակայն նշել, որ մեր ժամանակներում իսլամի մեջ կուլտը ենթարկվել է որոշ փոփոխությունների: Այն ծիսակատարությունները, որոնք հակասում են ժամանակի ոգուն, ենթարկվում են փոփոխության: Հոգևորականությունը հարկադրված է հաշվի նստել այն փոփոխությունների հետ, որոնք կատարվում են հավատացյալների գիտակցության մեջ: Նրանք այլևս չեն պնդում, որ խստիվ պահպանվեն ծոմի կանոնները, պարտադիր կարգով տրվեն ողորմության տարբեր տեսակներ, կատարվի թլպատում և այլն: Ներկա պահանջների համաձայն զոհաբերությունը ևս իրականացվում է «ըստ հնարավորության»: Կամ անասունի զոհաբերումը կարելի է փոխարինել որևէ թռչունի զոհաբերությամբ: Թույլատրվում է նաև, որ հավատացյալների մի խումբ համատեղ կերպով գնեն զոհաբերության կենդանի, ծախսերի բեռք ավելի թերև տանելու համար:

* * *

Բարի լայն իմաստով կրոնը («ողին») ձևավորվում է հետևյալ երեք տարբերից. հավատ («իման»), բարեպաշտություն («իհսան») և իսլամ (իրեն աստծուն հանձնելը, հնագանդություն աստծուն):

Այստեղից էլ բխում է մուալիմ, մուսուլման բառը, այսինքն աստծուն հնագանդ:

Նշված դոգմաները պաշտոնապես չեն ամրագրված իսլամի մեջ, ինչպես դա արվել է այլ կրոններում (օրինակ, քրիստոնեական հավատութանգանակը): Սակայն մուսուլմանական զիտնական-աստվածաբանները հատկապես XI դարից սկսած, փորձեր են կատարում շարադրելու մահմեդական հավատի հիմունքները:

Մահմեդական աստվածաբանների մոտ սուր վեճերի առարկա է հանդիսացել նաև հետևյալ հարցը. արդյոք հավատը կայո՞ւն կատեգորիա է, թե այն կարող է մեծանալ, աճել, կամ ընդհակառակը, նվազել, փոքրանալ: Այդ հարցը մնում է բաց, քանի որ ոմանք համարում են, որ հավատն ըստ էության բաղկացած է ներքին խորը ընկալումից («թասդիմ»), որի պայմաններում հնարավոր չէ հավատի աստիճանի որևէ փոփոխություն: Մյուսները ենթադրում են, որ թասդիմի վրա խարսխված հավատը, եթե այն ամրակայված է բարի գործերով, մերթ կարող է լինել ավել, մերք պակաս: Այս երկրորդ տեսակետի կողմնակիցները իրենց տեսակետը հիմնավորելու համար վկայակոչում են Ղուրանը, որտեղ երբեմն խոսվում է հավատի աճի մասին:

Իսլամը հավատացյալների վրա դնում է ևս մեկ կրոնական պարտավորություն, որը թեև չի մտնում հավատի հինգ սյուների թվի մեջ, սակայն գործնականում իսլամի պատմության մեջ այն ունեցել է ոչ պակաս կարևոր նշանակություն: Դա «պատերազմն է հանուն հավատի», «սրբազն պատերազմը՝ ջիհադը կամ դաշտան (հոգն. դագավաթ):

Ավար ձեռք բերելու նպատակով ասպատակություններ կատարելու պրակտիկան («դագավաթ») լայն տարածում ունեցող եր-

ևույթ էր դեռևս մինչխալամական շրջանում։ Խալամի ձևավորման սկզբնական շրջանում ջիհադ հասկացությունը ընկալվում էր որպես պայքար խալամը պաշտպանելու և այն տարածելու համար։ Զիհադը նախ և առաջ զինված պայքար էր «անհավատների» դեմ և առհասարակ բոլոր նրանց դեմ, որոնք Ալլահին չեն ճանաչում որպես իրենց միակ աստվածը։

Ձենքը ձեռքին խալամի տարածումը դիտվում էր որպես կրոնական պարտավորություն։ Յուրաքանչյուր մահմետական կամ պետք է անձամբ, զենքը ձեռքին մասնակցեր այդ պատերազմին, կամ օգնություն ցուցաբերեր խալամական բանակին իր ունեցվածքով և դրամով։

Ղուրանի մեջ մենք զտնում ենք հրահանգներ այն մասին, որ մարդկանց պետք է աստծո ճանապարհին բերել «իմաստուն և բարի խրատներով»։ Այնտեղ ասվում է. «կանչի՛ ը նրանց քո Տիրոջ ճանապարհի մեջ իմաստութիւնով եւ անուշ քարոզելով եւ վիճաբանութիւն արա՛ նրանց հետ անուշ կերպով» (16:126)։ Սակայն միենանույն ժամանակ խալամի սուրբ զիրքը պատվիրում է ոչնչացնել «անհավատներին»։ «Ուրեմն երբ դուք հանդիպեք անհաւատներին, կտրեցէ՛ք նրանց վիզերը մինչեւ նրանց ջարդեք, գերեալների կապերը պնդացրե՛ք» (47:4)։ «Ո՛վ հավատացեալներ, ձեզ համար պաշտպան մի՛ ընտրեք ձեզանից առաջ զիրք ստացողներիցն եւ անհավատներիցն այնպիսի անձինք, որ ձեր կրոնքին ծաղրում ու ծիծաղում են, եւ վախեցէ՛ք Աստուածանից եթէ հաւատացեալ եք» (5:62)։ «Եւ դուք պատերազմեցէ՛ք նրանց հետ սպանելով մինչեւ որ հակառակութիւն չը լինի եւ բոլոր կրօնքը Աստուծունը լինի։ Եւ եթէ դադարեն, ահա Աստուած տեսնում է նրանց արարքը» (8:40)։ «Եւ սպանեցէ՛ք նրանց որտեղ էլ նրանց պատահեք, եւ նրանց դո՛ւրս արեք որտեղից նրանք ձեզ դուրս են արել... Եւ երբոր ձեզ

հետ պատերազմեն, այն ժամանակ նրանց սպանեցէք: Այսպէս է անհաւատների հատուցումը (2:187): «Եւ սպանութիւններով պատերազմ արէք, Աստուծոյ ճանապարհումը, որովհետև նա լսող ամենազէտ է» (2:245):

Դուրանը հանում է այլադավանների սպանության մեղքը. «Եւ դուք չ'սպանեցիք նրանց, այլ Աստուած սպանեց նրանց» (8:17): Միաժամանակ իսլամի սուրբ գրքում խոսվում է նախահարձակ լինելու անթույլատրելիության մասին. «Եւ սպանելու աշխատեցէք նրանց որ աշխատում են ձեզ սպանել, բայց դուք մի՛ սկսէք, որովհետև Աստուած սկսողներին չեւ սիրում» (2:186):

Ո՞ւմ դեմ կարող է ուղղված լինել սրբազն պատերազմը կամ ջիհաղը: Վաղ մահմեդականների պատկերացմամբ ողջ աշխարհը բաժանվում էր երկու մասի. իսլամի աշխարհ («դար-ալ-իսլամ»), որտեղ ապրում և տիրապետում են մուսուլմանները և պատերազմի աշխարհ («դար-ալ-հարբ»), որտեղ ապրում են «անհավատները», որոնք ըստ ջիհաղի օրենքների պետք է նվաճվեն, հնազանդեցվեն և ընդունեն իսլամը: Այդ երկու ծայրահետ հասկացությունների միջև գոյություն ունի մի միջանկյալ գոտի. դա մի տարածք է, որն ունի այլադավան բնակչություն և իր գոյությունը իսլամական իշխանության ներքո պահպանելու համար պարտավոր է իսլամի զանձարանը մուծել հարկեր, համաձայն կնքված պայմանագրի: Այդ երրորդ տարածքը կոչվում էր «դար աս-սուլիս»:

«Դար ալ-իսլամում» դասական մահմեդականությունը ճանաչում է մարդու գոյության երեք կարգավիճակ. առաջին՝ «ուղղադավաններ», այսինքն մուսուլմաններ, «հովանավորյալ բնակչություն» («ահլ ազ-զիմմա» կամ «զիմմա»), «բազմաստվածության հետևորդներ, որոնք կամ պետք է դավանափոխ լինեն և ընդունեն իսլամը, կամ անհամաձայնության դեպքում ոչնչացվեն:

«Հովանավորյալների» կարգավիճակում գտնվողները դա այսպես կոչված Սուրբ զիրք ունեցող հավաքականություններն են կամ «Գրքի մարդիկ» («ահլ ալ-քիրաք»), այսինքն հուղարականները և քրիստոյանները, որոնց, ինչպես և մուսուլմաններին, ուղարկված էր հայտնություն և որոնք երկրպագում են միակ աստծուն: Այսպիսով հրեաների և քրիստոնյաների համար ճանաչվում էր նրանց գոյության իրավունքը որպես այլաղավանների առանձին համայնք, պայմանով, որ նրանք բոլոր հպատակների նման վճարեն հարկեր՝ հողային հարկ՝ «խարաց» և այլաղավանների համար սահմանված հատուկ շնչահարկ կամ զիհահարկ («ջիղիե»), որն իրենով նշանավորում էր նրանց հպատակությունը մուսուլմանների նկատմամբ:

Զիհարդի սկզբունքն ուներ իր որոշակի կանոններն ու օրենքները: Այսպես, մինչև «անհավատների» դեմ պատերազմ հայտարարելը և ռազմական գործողություններ սկսելը անհրաժեշտ էր իրանց առաջարկել, որ ընտրեն «Ճշմարիտ հավատը»: Եթե նրանք կամովին տան իրենց համաձայնությունը, անմիջապես կընդունվեն իսլամական համայնքի ումմայի մեջ և կստանան այն նույն իրավունքներն ու արտոնությունները, ինչ ունեն մուսուլմանները: Հավատուրացության դեպքում, այսինքն եթե փորձեն հետազոտմ հրաժարվել իսլամից, նրանց սպասում էր մահապատճեր: Այն դեպքում, եթե «անհավատները» հրաժարվեին իսլամն ընդունելուց, հնարավոր էր հարցի լուծման երկու ճանապարհ. կամ խնդիրը պետք է լուծում ստանար նրանց և մուսուլմանների միջև զինված պայքարով, կամ նրանք հարկադրված կլինեն վճարելու հարկեր մուսուլմանների հովանավորությունը ստանալու համար: Այդ դեպքում օրենքը թույլ էր տայիս, որ «անհավատները» պահեն իրենց կրոնն ու պաշտամունքը:

Այսպիսով, «պայմանագրի» կամ «պարտավորության» (ահլ ազ-զիմմա) կարգավիճակ ունեցող և մուսուլմանների հովանավորությունն ընդունած մարդիկ բացառապես կարող էին լինել «Գրքի մարդիկ»՝ հուղայականներն ու քրիստոնյաները: Ավելի ուշ այդ նույն կարգավիճակին արժանացան նաև զրադաշտականները, Պաղեստինի սամարացիները, Խարբանի սարբիյացիները: Այդ առթիվ Ղուրանում ասվում է. «Իրավ նրանք որ հաւատում են, եւ նրանք որ հրեայ են և Նազովրեցիք (քրիստոնյաները՝ Վ. Բ.) և Սաբէացիք, որ հաւատացել են Աստուծուն և վերջի օրւան եւ բարիք են գործում նրանց վարձքը իրանց Տիրոջ մօտ է, եւ նրանց վրայ վախ չըկայ եւ նրանք չեն տրտմի» (2:59):

Ինչ վերաբերում է բոլոր հեթանոս-կուապաշտներին, ապա նրանց տրվում էր ընտրություն կատարելու իրավունքը մահիւան և իսլամն ընդունելու միջև:

Սակայն այդ տարբերակումը «Գրքի մարդկանց» և կուապաշտների միջև շատ երկար չտևեց, քանի որ զիմմիների կարգավիճակը տարածվեց այն բոլոր հավաքականությունների վրա, որոնք կամովին պարտավորվում էին իսլամի զանձարանին վճարել զիլահարկ կամ շնչահարկ՝ շիզիե: Այդ առթիվ ևս Ղուրանը արձագանքում է հետևյալ կերպ. «Պատերազմեցէր նրանց հետ, որ չեն հաւատում Աստուծուն եւ ոչ էլ վերջին օրւան եւ պիհծ չեն համարում Աստուծոյ եւ նրա մարգարեկի պիհծ հրատարակածը եւ արդար դատաստան չեն անում նրանցից, որ Գիրք է տրված նրանց, մինչեւ որ ձեռքով հարկը տան եւ ինք նւաստած լինեն» (2:29):

«Ճովանավորության» վերաբերյալ պայմանագրերում հստակ որոշված էր նաև, թե ովքեր են պարտավոր վճարելու հարկեր և ինչ չափով: Կանայք, երեխաները և ծերերը, որոնց հետ

չեր կարելի պատերազմել, առհասարակ ազատվում էին հարկեր վճարելու պարտավորությունից: Հարկերը թույլատրվում էր վճարել ինչպես դրամով, այնպես էլ բնամթերքով, ի բացառյալ գինիով և սաստկած կենդանու մսով: Նրանք, ովքեր չեին վճարում հարկեր, կամ ինչ-ինչ պատճառներով հրաժարվում էին վճարելու, ենթակա էին բանտարկության և ոչ թե մարմնական պատիճների:

Թեև զիմմիների կյանքն ու ունեցվածքը գտնվում էր օրենքի պաշտպանության տակ, սակայն այնուամենայնիվ նրանց իրավունքները որոշակիորեն սահմանափակվում էին: Այսպես, նրանք պարտավոր էին վճարել մի որոշակի գումար հօգուտ մուսուլմանական բանակի: Ընդ որում, այդ պարտավորությունը դիտվում էր որպես մի տեսակ «ռազմատուգանք»: Զիմմիները պարտավոր էին հազնել իրենց համար նախատեսված հատուկ զգեստ, նրանք իրավունք չունեին հազնել թանկարժեք կտորներից (մետաքսից և այլն) պատրաստված զգեստներ, պարտավոր էին կրել հատուկ տարբերանշաններ («զիյար»), նրանց արգելված էր ձի հեծնել, զենք կրել, կազմակերպել աղմկալից արարողություններ (հարսանիք, թաղում և այլն), եկեղեցու զանգակներ հնչեցնել մուսուլմանների հանգիստը շխանգարելու համար, կառուցել եկեղեցական կուլտի նոր շենքեր, իրենց տները մուսուլմանների տներից ավելի բարձր ու շրեղ կառուցել, ցուցարքական կարգով շկատարել եկեղեցական արարողություններ, նրանց վկայությունները իրավական ուժ չունեին մուսուլմանական դատարաններում, զիմմիների սպանության դեպքում արյան վրիժառություն չեր նախատեսված, այլ միայն փոխհատուցվում էր դրամով, անձրևոտ օրերին զիմմիները տանից դուրս գալու իրավունք չունեին, որ իրենց վրայի ջրով «չպղեն» «ուղղադավաններին» և այլն:

Անկասկած այդ կարգի բոլոր սահմանափակումները կոչված էին շեշտադրել մուսուլմանների առավելությունը կամ գերակայությունը զիմմի հպատակների նկատմամբ:

Իսլամական օրենքը հանուն ջիհաղի մղված սրբազան պատերազմը դիտում էր որպես «աստծո ճանապարհ» («սարի Ալլահ»): Որպես զինված պայքարի օբյեկտ, մուսուլմանական իրավունքի՝ «ֆիրհի» վերաբերյալ աշխատություններում տրվում են հետևյալ վեց տեսակները. 1. «Ալլահի թշնամիների դեմ» (նրանց դեմ, ովքեր սպառնում են մուսուլմանական համայնքի՝ ուժմայի գոյությանը, ովքեր հետապնդում են մուսուլմաններին, ինչպես նաև պայքար հեթանոսների դեմ), 2. նրանց դեմ, ովքեր ուսնձգություններ են կատարում սահմանների անձեռնմխելիության վրա, 3. հավատուրացների դեմ, 4. Ճնշողների դեմ, 5. ավազակների դեմ, 6. ոչ մահմեղական մոնոթեիստների (միաստվածության դավանողների) դեմ, որոնք հրաժարվում են վճարել զիսահարկ՝ ջիզիե:

Զիհաղի մասնակիցը կոչվում է մոշահեղ, իսկ «անհավատների» դեմ մարտերում զրիված մոշահեղները հայտարարվում են շահիդներ, այսինքն իր հավատը Ալլահի առջև վկայած մարդ, նաև հերոս: Շահիդն, ըստ Ղուրանի, դրախտում սպասում է հավետ երանությունը: «Եւ Աստուծոյ ճանապարհումը սպանողին մի՝ ասէք «մեռած», այլ «կենդանի» (2:149), «Եւ Աստուծոյ ճանապարհումը սպանածներին մեռած մի՝ համարէք, այլ կենդանի իրանց Տիրոց մօտ, որ կերակրվում են» (3:163):

Զիհաղի գաղափարը նոր նշանակություն ձեռք բերեց արաբական նվաճումների ժամանակաշրջանում (մոտավորապես 632-751 թթ.): Այն դարձավ խալիֆայության պետական գաղափարախոսության ամենակարևոր տարրերից մեկը, որը նորադարձ մահմեղականներին մղում էր աշխարհով մեկ տարածել իսլամը:

IX-X դարերից սկսած զիհաղ հասկացությունը համալրվեց նոր բովանդակությամբ, դա Ալլահի ճանաչման ճանապարհին ներքին հոգեկան կատարելագործումն է և շանքերի գործադրումը: Ընդ որում, այդ իմաստով զիհաղը անպայման չի նշանակում պատեհազմել, քանի որ Ալլահի ճանապարհին շանքերի գործադրումը կարող է իրականանալ ինչպես խաղաղ միջոցներով, այնպես էլ բոնություն գործադրելով: Զիհաղը հասկացվում էր նաև շանքերի գործադրում հոգու փրկության համար:

Ինչպես անցյալում, այնպես էլ ներկայումս, ոչ մահմեդականների մեծ մասն այն կարծիքին է, որ զիհաղը նախ և առաջ նշանակում է ռազմական գործողություններ վարելը միակ նպատակով՝ մյուս ժողովուրդներին ստիպելու համար, որ ընդունեն իսլամը: Սակայն այդ մեկնաբանումը, ըստ խալամի տեսաբանների, միակողմանի է, քանի որ նրանց կարծիքով զիհաղի հիմքում ընկած է անհատական ազատության պաշտպանությունը: Բացի այդ, ենելով Ղուրանի տեքստերից, ըստ նրանց, զիհաղ հասկացությունը հավասարապես կարելի է մեկնաբանել ոչ միայն որպես ռազմական գործողություններ, այլև որպես խաղաղ շանքեր:

Գոյություն ունեն «մեծ զիհաղ» և «փոքր զիհաղ» հասկացությունները: Մեծ զիհաղի տակ հասկացվում է հոգեսոր ինքնակատարելագործումը, իսկ փոքր զիհաղի տակ կոլեկտիվ պարտականությունը և ընդհանրական շանքը: Այս վերջինը բազմիմաստ հասկացություն է: Օրինակ, կա «սրտի զիհաղ» հասկացությունը, որ նշանակում է պայքար սեփական վատ հակումների դեմ, «ձեռքի զիհաղ»՝ կարգապահական միջոցառումների օգտագործում հանցագործների, կարգապահների և բարոյականության նորմերը խախտողների դեմ, «լեզվի զիհաղ»՝ անթույլատրելի և մերժելի արտահայտություններից խուսափելը, վերջապես «սրի զիհաղ»՝ զինված պայքար անհավատների դեմ:

Ավելի ուշ ջիհաղը ձեռք բերեց նոր իմաստներ, մասնավորապես ուժերի առավելագույն ներդրում տնտեսական և ռազմական հզորության հասնելու, արտաքին ազգեստիային դիմագրավելու, ազգային անկախությունը ամրապնդելու, սոցիալ-տնտեսական տարրեր ծրագրեր իրագործելու, կոնկրետ խնդիրներ լուծելու համար ներդրված ջանքեր և այլն:

Միջազգային հարաբերությունների ժամանակակից փուլում իսլամի հարածուն քաղաքականացման հետևանքով ջիհադ հասկացությունը գտել է ավելի լայն տարածում: Մասնավորապես այն ընկալվում է հետևյալ իմաստներով. ջանքեր հանուն առաջադիմության, օտար զաղափարախոսությունների մերժում, որոնք հակասում են իսլամի ոգուն, պայքար արևմտյան իմակերիալիզմի և սիոնիզմի դեմ և այլն: Սակայն միևնույն ժամանակ ջիհադը դարձել է իսլամական ծայրահեղականության ու ահաբեկչության շարժիչ ուժը, նրա զաղափարական հիմքը:

Անկասկած միջնադարում ջիհադը համախմբում ու միավորում էր արաբական ցեղերին: Ըստ Լության այն սրբագրծում էր իին բեղվինական ասպատակությունների (դազվ) պրակտիկան: Իսկ նոր ժամանակներում և արդի փուլում ջիհադը վերին աստիճանի հարմար միջոց է իսլամի կանաչ դրոշի ներքո հասարակությանը մորթիլիզացնելու համար:

Այսպիսով, մեր օրերում, երբ իսլամական գործոնը գնալով մեծանում է և միջազգային հարաբերություններում ձեռք է բերում կարևոր դերակատարություն, առաջնակարգ կարևորություն է ձեռք բերում այն հարցը, թե ինչ բովանդակություն է տրվում ջիհադ հասկացությանը, ինչպես է մեկնաբանվում այն, և ինչ նպատակներով է օգտագործվում:

ԻՍԼԱՄԱԿԱՆ ՈՒՍՍԱ ՀԱՍԿԱՑՈՒԹՅՈՒՆԸ:
ՀԱՎԱՏՆ ԱՌ ԱԼԱՀԸ: ԻՍԼԱՄԻ ՄԵԶ
ՊԱՏԿԵՐԱՑՈՒՄՆԵՐԸ ԲՆՈՒԹՅԱՆ ՈՒԺԵՐԻ,
ՀՈԳՈՒ ԱՆՄԱՀՈՒԹՅԱՆ ԵՎ ԴՐԱԽՏԻ ՈՒ
ԴԺՈՒՆՔԻ ՄԱՍԻՆ

Ումմա հասկացությունը իսլամի մեջ ձևավորվել է դեռևս VII դարում, իսլամի հիմնադիր Մուհամմադ մարզարեի ժամանակներում: Նա մահմեղական հավատացյալների համայնքը անվանել էր ումմա: Օգտագործելով նախախսլամական շրջանում արաբների մոտ եղած տոհմացեղային համերաշխության սկզբունքը, որը հիմնված էր արյունակցական կապերի վրա, Մուհամմադը ստեղծեց «նոր եղբայրություն», որը խարսխված էր լինելու ոչթե արյունակցական կապերի, այլ կրոնական միասնության վրա:

Արաբական նվաճումների շրջանում և արաբների կողմից նվաճված ժողովուրդների իսլամականացման ժամանակ ումմա հասկացությունը սկսեց նշանակել մուսուլմանների ողջ ընկերակցությունը: Նոյնիսկ արաբական խալիֆայության սահմաններից դուրս ապրող մուսուլմանները դիտվեցին որպես իսլամական ումմային պատկանող հավաքականություններ: Մուսուլմանական երկրներում ազգային քաղաքացիության մասին պատկերացումը ի հայտ է եկել միայն XIX դարի վերջին:

Մինչ այդ, տարբեր երկրների մահմեղականները իրավաբանորեն համարվում էին իսլամական մեկ համայնք՝ ումմայի անդամ:

Արդի ժամանակներում իսլամը հանդիսանում է ոչ թե մեկ ազգի կամ ուղղովրդի, այլ մահմեդականների համաշխարհային համայնքի կամ ումմայի կրոն, որի համար քաղաքական սահմաններ գոյություն չունեն: Ներկայումս մահմեդական ումմա հասկացության տակ նկատի է առնվում հետևյալը. աշխարհի բոլոր մահմեդականները, անկախ նրանից, թե որ պետության քաղաքացիներ են, ինչ ազգի կամ ուսայի են պատկանում, մաշկի ինչ գույն ունեն և այլն, հանդիսանում են մահմեդական մեկ միասնական համայնքի կամ ումմայի անդամ: Ըստ էության ումման բոլոր մահմեդականների եղբայրության և միասնության զաղափարն է անկախ նրանց ազգային, ուսայական և սոցիալական պատկանելությունից: Ըստ ումմայի վերաբերյալ տեսության, պետական սահմանների առկայությունը չի կարող խանգարել, որպեսզի մահմեդականները ընդունեն միմյանց ոչ թե որպես առանձին երկրների հպատակներ, այլ որպես միևնույն համայնքի ներկայացուցիչներ, ավելին եղբայրներ:

Ումմայի համերաշխության դրսնորումներից է իսլամական ամենամյա ուխտազնացությունը՝ հաջը և նրա ծիսակատարությունների ողջ փաթեթը:

Ումմայի զաղափարը հիմնավորված է Ղուրանով, որտեղ ասվում է. «Եվ ամուր բռնեք այն պարանից, որն Ալլահը մեկնել է ձեզ և մի բաժանվեք իբրահիմ»:

1981 թ. իսլամական պետությունների Մերքայի զագարնաժողովը տվել է ումմայի հետևյալ սահմանումը «Բոլոր մահմեդականները, որոնք թեև տարբերվում են լեզվով, մաշկի գույնով, բնակության վայրով, մի ազգ են. նրանց միավորում է նույն հավատքը, նրանք շարժվում են նույն ուղղությամբ, ունեն մշակու-

թային ընդհանուր ժառանգություն, աշխարհում ունեն նույն առարկելությունը»:

Խալամական Համագործակցության Կազմակերպությունը սահմանել է ումմայի պարտավորությունները, որոնք վերաբերում են խալամի երբեմնի փառքի և քաղաքակրթության վերականգնմանը:

Տարբեր երկրներում ապրող մահմեդական փոքրամասնությունները դիտվում են որպէս խալամական ումմայի անբաժան մասը: Այդ կապակցությամբ վկայակոչվում է հաղիսի հետևյալ հատվածը. «Մահմեդականները նման են մի մարմնի: Եթե մարմնի մի հատվածը ցավում է, ուրեմն ամբողջ մարմինը տկար է»:

Ումման դա այսպէս կոչված «խալամական ազգի» գաղափարն է: Այն կոչված է միավորելու տարբեր ժողովուրդների և երնիկական խմբերի խալամադավանության հիմքի վրա: «Հայրենիք», «ազգ» հասկացությունները երկար ժամանակ մահմեդականների մոտ կապվում էին կրնկրետ կրոնական համայնքին՝ ումմային պատկանելու գիտակցության հետ, այլ ոչ թե իրենց բնակության վայրի եթնիկական խմբի կամ տարածքի հետ: Այլ կերպ ասած, մահմեդականի համար առաջնայինը կրոնն էր, ապա նոր ազգությունը: Միայն տեսական ճանապարհ անցնելուց հետո նրանց մոտ ձևավորվեց ազգային ինքնազիտակցություն:

Ի տարբերություն քրիստոնեության, որը չի անտեսում իր հետևորդների եթնիկական հատկանիշները, խալամը հոչակում է մահմեդականությունը դավանող բոլոր եթնիկական խմբերի նույնությունը, որոնք այդ հիմամբ կազմում են մեկ ամբողջական համայնք:

Ումման՝ խալամի այդ հիմնադրույթը և՝ ձևով և՝ բովանդակությամբ VII դարից մինչև մեր օրերը գրեթե մնացել է անփոփոխ:

Հիրավի, այսօր ելումմայի գաղափարը վերին աստիճանի կենտրոնակ է:

• • •

Հավատն առ Ալլահը՝ իսլամի հիմնական դոգման է, որում արտահայտված է միաստվածության մուսուլմանական սկզբունքը: Հավատն Ալլահի նկատմամբ իսլամի մեջ հանդիսանում է այն միջուկը, որի շուրջը կենտրոնացված են մնացած բոլոր կրոնական պատկերացումները: «Զկա աստվածություն Ալլահից բացի»՝ սա է իսլամի հավատող հանգանակը: Այլ աստվածների երկրպագությունը համարվում է մահացու մեղք:

Ղուրանում հաճախ է կրկնվում, որ մուսուլմանական աստվածը միակն է, ոչ մեկի կողմից արարված չէ, հավերժ է, իր մեջ և իր համար գոյություն ունեցող: Նա եզակի է, չի կարող ունենալ ոչ մի «ընկերակից»: Ալլահը արարիչ է: Նա արարել է աշխարհի՝ երկինքը, երկիրը, աստղերը, լեռները, բույսերը և մարդկանց: Նա մարդկանց պարզել է սնվելու միջոցներ: Աշխարհում ամեն ինչ տեղի է ունենում Ալլահի կամքով: Նա է մարդկանց տալիս, ենց նա էլ վերցնում է նրանցից: Աշխարհում ամեն ինչ ստեղծված է մարդու համար:

Ղուրանում մշտապես խոսվում է Ալլահի կատարելության, հզորության ու վեհության մասին: Աշխարհում ամեն ինչ նրան է ենթարկվում ու հնագանդվում: Ոչինչ չի կարող տեղի ունենալ առանց նրա կամքի և նրա գիտության: Նա իշխում է ամեն ինչի վրա և հովանավորում է իր կողմից արարչագործվածներին: Մարդիկ պետք է ամբողջապես հնագանդ լինեն նրան, լինեն աստվածավախ, բարեպաշտ և ամեն ինչում հավատան Ալլահին: Իր հսմար ցանկալի ժամանակ Ալլահը կոչնչացնի երկրի վրա եղած ամեն

ինչ, հարություն կտա մեռելներին և նրանց կհավաքի իր մոտ դատասուանի, որոնցից յուրաքանչյուրի համար համաձայն իր արարքների կորոշվի, թե զահավիմելու է դժոխքը՝ ջհաննամը, թե՞ վայելելու է դրախտի՝ ալ-ջաննայի վայելքները:

Ալլահը հատուցում է մարդկանց իրենց բարի և մեղավոր արարքների համար: Նա ժամանակ առ ժամանակ մարդկանցից ընտրում է իր մարզարեներին ու առաջյալներին, որոնք կոչված են Ալլահի պատգամները փոխանցել մարդկանց: Ալլահը իր մարզարե է ընտրել Մուհամմադին:

Դուրանի մեջ հիշատակվում են Ալլահի բազմաթիվ մակղիրներ: Դրանց ընդհանուր թիվը 99-ն է: Աստված միասնական է (ալ-վահիդ), կենդանի (ալ-խայյի), հավերժական (աս-սամադ), նա առաջինն է և վերջինը, տեսանելին և թարնվածը, արտաքինն ու ներքինը, նա աշխարհների տիրակալ է (ուաբբ ալ-ալամին), սրբազնագույն թագավոր է (ալ-մալիք ալ-կուդրուս), նա ամենագետ է, վերջին դատաստանի օրվա տիրակալն է (մալիք յառում աղդին), դատավորներից լավագույնը (հայր ալ-հարիմին), նա լուս է (ան-նուր), բացարձակ ճշմարտություն (ալ-հարբ), նա արարիչ է (ալ-խալիք), նա կյանք պարզեսող է (ալ-մուխիյի) և մահ տվող (ալ-մումիթ), նա ամենաներող է (ալ-զաֆֆար), պարզեսող (ալ-վահհար), բարիքներ շնորհող (ար-ուազզաք), նա ամենազորեղ է (ալ-կադիր), ուժեղ (ալ-կավի), զիտակ է (ալ-ալիմ), նա է մարդուն տվել զիտելիք, տեսնող է (ալ-բասիր), լսող է (աս-սամի) և այլն:

Մուսուլմանական հավատացյալները Ալլահին պատկերացնում են մարդու կերպարանքով: Դուրանի համաձայն Ալլահն ունի դեմք, ձեռքեր, աչքեր, նա նստում է զահի վրա (20:4, 40:15): Սակայն ժամանակակից աստվածաբանները ավելի են հակված այն մտքին, որ անհնար է ընկալել Ալլահի կերպարանքը, «քանի

որ երկրի վրա չկա ոչ մի բան, կամ ոչ մի էակ, որի հետ հնարավոր լիներ նրան համեմատել» և խորհուրդ են տալիս Ալլահի մասին Ղուրանի շատ արտահայտություններ հասկանալ ինչպես այլաբանություններ:

Իսլամի մեջ Ալլահը օժտված է հակասական գծերով: Ինչպես և քրիստոնեությունը, իսլամը աստծուն պատկերում է երկակի տեսանկյունից. մի կողմից նա ահեղ է, ոչ որի չներռող, աննշան զանցանքի համար մարդկանց դաժանորեն պատժող, խիստ, հզոր (ալ-Զաբբար), անհնազանդներին նա սպառնում է բոցավարվող կրակով, անհավատներին զեհենի հավերժական կրակով, նա «Չեղում է ճանապարհից ում ցանկանում է»: Ոչ մեկին տրված չէ իմանալու, թե նա երբ և ինչ ձեռվ կդրսնորի իրեն, ինչպես կվերաբերվի մարդու այս կամ այն արարքի նկատմամբ: Համաձայն իսլամի ուսմունքի, ամեն մի կասկածանք Ալլահի նկատմամբ ծանր հանցանք է, որը ամենաբարձրյալը կարող է չներել: Մյուս կողմից, սակայն, ինչպես նշվեց, Ալլահը ողորմած է, զթառատ ու բարեգութ (ար-բահման ար-բահիմ), մեղքերը ներռող (ալ-Գաֆիր, ալ-Ղաֆֆար), շնորհող ու պարզուող (ալ-Վահհաբ), սնուցող (ար-բազզար), սիրող (ալ-Վաղուող) և այլն: Ղուրանի բոլոր սուրահները սկսվում են Ալլահին որպես բարեգութ ու ողորմած արարածի դիմելու ձեռվով:

Ինչպես է տեղի ունեցել աստծոն արարչագործությունը: Ղուրանում մարդու արարումը գտնվում է բոլորից բարձր, երկրի վրա ամեն ինչ Ալլահի կողմից ստեղծված է մարդու համար: Աշխարհն արարվել է վեց օրվա ընթացքում: Մարդու արարումը հանդիսանում է Ալլահի հզորության և միաժամանակ նրա բարության արտահայտությունը: Մարդիկ մշտական էակներ չեն, նրանք անկայուն են. «Եւ կան մարդիկ, որ Աստծուն պաշտում են մեկ ծայրից,

Եւ եթէ նրան մի բարիք է պատահում, հաստատ մնում է, բայց եթէ մի վտանգ է պատահում, երեսը դարձնում է...» (22:11): Մարդիկ փոքրողի, թույլ և երախտամոռ ու ապերախտ էակներ են. «Եւ երբ ձեզ ծովումը մի վնաս է պատահում, մոլորած էք դուք, որ նրանից բացի մի ուրիշին էք աղոթում, եւ երբ նա ձեզ ազատէ ու ցամաքը դուրս հանէ, դուք ես էք քաշում, եւ մարդս ապերախտ է» (17:69): Ակզրում մարդիկ մեկ միհասնական ժողովուրդ էին, «մեկ կրոնական համայնք», սակայն նախանձը նրանց մղեց փոխադարձ վեճերի և նրանք բաժանվեցին (2:209):

* * *

Մինչխամական շրջանի արաբների հավատը բնության տարերային ուժերի վերաբերյալ, տեղ է գտել նաև իսլամի մեջ: Արաբի երևակայությունը անապատը լցուի է բազմաթիվ ոգիներով՝ դևերով, որոնց անվանում են տարբեր կերպ: Սակայն ամենատարածված ձևը ջինն է: Ջինները իսլամի մեջ ստեղծվել են գոլորշուց ու կրակից: Նրանք կարող են փոխել իրենց կերպարանքը: Ըստ արաբների պատկերացումների, ջինները կարող են շփման մեջ մտնել մարդկանց հետ, նրանց պատճառելով բարիք կամ չարիք, ազդել նրանց ճակատագրի վրա: Սովորաբար ժողովրդական հավատալիքները դևերին վերագրում են չար գործեր: Ինչպես քրիստոնեական միջնադարի շրջանում, մահմեդական Արևելում և դիվահարի («մաջնուն») միջից քշում են չար ոգուն: Հմայությունները, հմայիլներն ու թալիսմանները ծառայում են այն բանի համար, որ քշեն կամ սպանեն խավարի այդ ուժերին:

Զքաղաշտականներից մուսուլմանները վերցրել են հավատը «դիվերի» (դևերի) նկատմամբ, որոնք իրենցից ներկայացնում են սատանային ենթակա արարածներ և թշնամի են ինչպես աստծուն, այնպես էլ մարդկանց:

Իսլամն ընդունում է նաև հրեշտակների գոյությունը: Նրանք անմարմին արարածներ են, որոնք շարժվում են մեծ արագությամբ: Նրանց անմարմին լինելը, սակայն, չի խանգարում հավատացյալների երևակայությանը նրանց պատկերելու թևերով: Հրեշտակները ստեղծված են լուսից, սեռ չունեն և անվերապահորեն հնազանդվում են Ալլահին, կատարելով նրա բոլոր հրամանները:

Հրեշտակներից չորսին՝ Զաբրահիլին կամ Զիբրիլին, որը աստվածային հայտնությունները փոխանցում է մարգարեին, Միքայիլին (Միքայ), որը հետևում է տիեզերքի կարգ ու կանոնին և մուսուլմանների օգնականն է նրանց մղած ճակատամարտերում անհավատ հեթանոսների դեմ, Ազրայիլին (մահվան հրեշտակ) և Իսրաֆիլին (ահեղ դատաստանի օրը բոլոր մահացածների հարության օրվա հրեշտակ), որն ահեղ դատաստանի զալուստը ազդարարում է շեփորով) իսլամը համարում է հրեշտակապետներ կամ բարձրագույն հրեշտակներ: Այդ չորս հրեշտակները կոչվում են «մուրարրիբուն», այսինքն Ալլահի «մերձավորներ»: Այս չորս հրեական հրեշտակներն անցել են իսլամի մեջ: Յուրաքանչյուր մարդ ունի երկու պահապան հրեշտակ, որոնք գրանցում են մարդկանց լավ և վատ գործերը, որոնք հետազոյում կշռվում են հատուկ կշեռքի վրա: Եթե կշեռքի թարի ծանրությունը վատ արարքների կողմն է, մարդը ընկնում է դժոխք, իսկ եթե լավ՝ դրախտ:

Հրեշտակները հավերժական չեն, նրանք Ալլահի ստեղծած արարածներն են, նրա նվիրյալ ծառաները, աստծո և մարդու միջև միջնորդներ: Հրեշտակները մարզարեի համեմատ ստորադաս են: Նարիրը և Սուննարը գերեզմանների հրեշտակներն են, որոնք հարցարննում են մեռածներին, նրանցից հաշիվ պահանջելով

Երկրային կյանքի իրենց արարքների համար: Ռիդվան հրեշտակը՝ դրախտի պահապանն է, Մալիքը՝ ղծոխի: Կան նաև բազմաթիվ այլ հրեշտակներ, օրինակ, որոնք պահում են Ալլահի զահը:

Հրեշտակների արարումը նախորդել է Աղամի արարմանը: Երբ հայտնվել է Աղամը, Ալլահը հրամայել է հրեշտակներին երկրպագել նրան: Բոլոր հրեշտակները հնազանդվել են այդ հրամանին, բացի կրակից ստեղծված Իրիսից (սատանայից), որին մուսուլմաններն անվանում են նաև շայթան: Ըստ մահմեդականների հավատալիքների, Իրիսը դա անառակ հրեշտակն է, որը մերժված և անիծված է աստծո կողմից: Նա մարդկային բոլոր դժբախտությունների պատճառն է: Նա անտեսանելի է, սակայն կարող է վերածվել տեսանելի արարածի: Իրիսը հրաժարվել է երկրպագել մարդուն՝ աստծո արարչագործած ամենակատարյալ էակին: Այդ առթիվ Դուրանում ասվում է. «Բայց արդեն մենք ենք ձեզ ստեղծել, յետոյ ձեզ կազմել, յետոյ հրեշտակներին ասել. «Աղամին երկրպագութիւն արէ՛ք: Եւ նրանք երկրպագութիւն արեցին բացի սատանայից: Նա երկրպագողներիցը չեղավ»: «Ասացի՞նչ արգիլեց քեզ, որ չերկրպագես երբ քեզ հրամայեցի: Նա էլ ասաց. ես նրանից լաւ եմ, դու ինձ ստեղծեցիր կրակից, իսկ նրան ստեղծեցիր ցեսից» (7:10,11):

Իրիսն էր, որ զայթակիեցրեց Աղամին ու Եվային և շարունակում է զայթակիեցնել մարդկանց ու տանել խոտորնակ ճանապարհներով: Բայց նրա համար ևս ժամանակը հավերժ չէ: Ժամանակների վերջում նա դևերի հետ միասին, որոնք ծառայում են նրան, նետվելու է ղծոխը (ջհաննամ): Նրա հետևից ղծոխը են գնալու մեղափորները: Ալլահը անիծել է սատանային, սակայն այդ անեծքի իրականացման ժամկետը հետաձգվել է մինչև ահեղ դատապատանի օրը: Իրիսն օգտագործում է հետաձգման այդ ժամ-

կետը, որպեսզի գայթակղեցնի մարդկանց, նրանց շեղի ճշմարիտ ուղղուց:

Դժվար չէ նկատել, որ իսլամի մեջ յուրահատուկ ձևով կրկնվում է սատանայի մասին քրիստոնեական առասպելը:

Իսլամն ընդունում է, որ մինչև Մուհամմադը եղել են նաև մեծ թվով այլ մարգարեներ: Գլխավոր մարգարեներն են Աղամը, Նոյր (արար. Նուհ), Աբրահամը (արար. Իբրահիմ), Սովսեր (արար. Մուսա), Հիսուսը (արար. Իսա): Երկրորդական մարգարեներ են համարվում Դավիթը, Հակոբը, Հովսեփը և Եհովան: Արաքները Աստվածաշնչից վերցրել են նաև մի շարք այլ մարգարեների անուններ՝ Ահարոն (Հարուն), Դավիթ (Դաուդ), Սողոմոն (Սովեյման), Եղիա (Եյաս), Իսահակ (Իսխակ), Հակոբ (Յաղութ) և այլն: Մարգարեներից վերջինը Մուհամմադն է, նա «մարգարեների կնիքն է», նրանից հետո այլևս չեն կարող լինել մարգարեներ: Մարգարեներն օժտված են հրաշագործություն անելու շնորհով: Սակայն Մուհամմադն իրեն չէր համարում հրաշագործ: Նա գտնում էր, որ ինքը միայն մեկ հրաշագործություն է գործել՝ Ղուրանի հայտնությունը: Սակայն հետագա մուսուլմանական լեզենդները նրան վերագրել են նաև այլ հրաշագործություններ: Իսլամական սկզբունքների համաձայն, միայն մարգարեներին կարելի է համարել սրբեր:

Ղուրանից բոլորովին չի երևում, որ Մուհամմադը իրեն բարձր դասեր նախկին մարգարեներից, որոնց, հատկապես Աբրահամին, Մովսեսին և Հիսուսին նա ընդունում էր որպես իր նախորդներ: Սակայն հետազայում մուսուլմանները սկսել են Մուհամմադին մեծարել որպես մարգարեներից բարձրագույնը և նախկին մարգարեների կուլտը իսլամում մղվել է հետին պլան Մուհամմադից հետո: Միաժամանակ Ղուրանում ասվում է, որ

Մուհամմադը մահկանացու է, որ նա օժտված է զրւու մարդկային հատկանիշներով: Ինչո՞ւ աստված հենց Մուհամմադին ընտրեց որպես իր մարզարե հարցին խլամի զաղափարախոսները պատասխանում են, որ դա դատարկ և անիմաստ հարց է, քանի որ աստծո ընտրած ճանապարհները և գործերը անիմանալի, անըմբռնելի և անքննելի են: Խլամի մեջ ևս առկա է դժոխքի (ջհան-նամ) և դրախտի (ֆիրդատու) վերաբերյալ զաղափարները: Դժոխքի մասին պատկերացումները ըստ եռթյան չեն տարբերվում զրադաշտական-հրեական-քրիստոնեական պատկերացումներից: Մուսուլմանների կողմից դժոխքի ջհաննամ անվանումը հենց վերցված է հրեաներից: Մուսուլմանական դժոխքը պատկերացվում է մի խորը փոս, որը բաղկացած է յոր բաժիններից կամ հարկերից, որոնցից յուրաքանչյուրը նախատեսված է մեղավորների առանձին տեսակների համար: Այդ հարկաբաժինները մեկը մյուսի վրա են և ամբողջությամբ կազմում են մի խորխորատ: Ամբողջ գեհենի վրայով ձգված է մազի պես բարակ մի կամուրջ, որը կոչվում է Սիրաթ (արաբ. բառացիորեն «ճանապարհ»): Քոլոր մեռածները պետք է անցնեն այդ կամրջի վրայով. արդարները կանցնեն հանգիստ, առանց դժվարության, իսկ մեղավորները կսայթաքեն և կզահավիժեն դեպի անդունդը: Գեհենում տանջանքները շատ բազմազան են և տարբեր հանցանք կատարածների և մեղք գործածների համար նախատեսված են տարբեր բնույթի տանջանքներ, սակայն տանջանքների մեջ զյլապոր դերը խաղում է կրակը (մեղավորներին կրակէ զգեստներ հազցնելը, եռացրած ջրով տանջելը և այլն): Դժոխքում մեղավորները պետք է այրվեն հավիտյան: Հենց որ կաշին այրվեց, իսկույն պիտի բռնի նոր կաշի, որը նույնպես պիտի այրվի: Եվ այսպես հարատև: Դժոխքի մարդիկ պիտի խմեն եռացող ջուր: «Նրանց համար մի ուրիշ կերակուր չը-

կայ, բացի փուշից» (88:6): Բգուր չէ, որ Ղուրանում դժոխքը հիշատակվում է «նար» (կրակ) անվամբ: Զհաննամի տանջանքներից մեկն էլ սառնամանիքն է: Զհաննամը պահպանում է հրեշտակների պահակախումբը («զարանիյա»), որի գլխավորի անունը Մալիք է:

Ղուրանը հատուկ պատասխան չի տալիս այն հարցին, թե արդյոք դժոխային տանջանքները ժամանակավոր են, թե հավերժական: Որոշ պատկերացումների համաձայն, դժոխային տանջանքները, համենայն դեպք մուտուլմանների համար հավերժական չեն լինի: Բարեգութ Ալլահը, երբ մեղավորները մի կարգին «կայրվեն ու կմոխրանան», կների նրանց և դուրս կրերի դժոխրից:

Ինչպես նշվեց, դրախտի մասին մուտուլմանական պատկերացումները ընդիհանուր առմամբ նույնպես իրենց ծագումն առնում են զրադաշտական-հրեական-քրիստոնեական աղբյուրներից: Դրախտի անվանումը «Փիրդառու» հենց վերցված է պարսիկներից: Իսլամի մեջ, սակայն, դրախտի ամենատարածված անվանումն է «ալ-Զաննան» («այզի»): Օգտագործվում է նաև նրա հոգնակի թիվը «ջաննաթ» («այզիներ»):

Ղուրանում վառ և պատկերավոր կերպով նկարագրվում է մուտուլմանական դրախտը (47-րդ սուրա): Արարի պատկերացմամբ դրախտը մի հսկայական կանաչ օազիս է այզիներով, վճիռ ու սառը ջրերի աղբյուրներով, գետերով, կարկաչող ջրերով, շատրվաններով ու ջրանցքներով: Դա ոչ այլ ինչ է, քան արարի երազանքը, որը տառապում է անապատի շոգից ու ջրազրկությունից: Առհասարակ անապատի դաժան պայմաններում ապրող արարի համար դրախտը պատկերացվում է որպես գերազույն հաճույք պարզեռող մի վայր: Այնտեղ հոսում են նաև «կարի ու մեղրի գետեր», «ախորժալի զինու գետեր», ամեն ինչի առատություն է և

Ճոխություն, կան համեղ կերակուրներ: Դրախտում կան արմավեսիներ, նուան ծառեր և բազմապիսի քաղցրահամ պլուղներ: Կարծիք կա այն մասին, որ պատահական չէ, որ խալամի խորհրդանիշ է դարձել կանաչ գույնը: Ոչ մի քան անապատի բնակչի համար այնքան հաճելի չէր կարող լինել, որքան ծառերի կանաչը և դաշտերի խոտը: Այնտեղ չի լինում ոչ այրող տապ և ոչ էլ սառնամանիք: Դրախտի բնակիչներին սպասարկում են «հավերժ պատանի» տղաներ, այնտեղ կան սքանչելի «սևաչյա, մարզարտանման խոշոր աչքերով և թափանցիկ մաշկ ունեցող կույսեր, որոնց երբեկիցն չի դիմակ ոչ մարդը և ոչ էլ ջիններ»: Դրախտի արժանացածները պառկելու են մետաքսե անկողինների վրա: Գեղեցկատեսիլ պատանի կույսերը՝ հուրիները դրախտում վրանների մեջ «կանաչ բարձերի վրա պառկած» սպասում են ուղղադավաններին: Նրանք միշտ պատրաստ են իրենց քնքշանքները պարզեցնել ընտրյալներին:

Դրախտը բաժանված է մի քանի հարկի, որոնց վրա գտնվում է Ալլահի օահը: Այն լույսի ճաճանչների մեջ է, որոնք մարդկանց պարզեցում են խաղաղություն և երանություն: Դրախտում է պահկում Ղուրանը, նաև այնպիսի գրքեր, որոնցում գրված են մարդկանց արարքները: Դրախտի զիսավորը Ռեդվան անունով հրեշտակն է:

Ղուրանում ասվում է, որ դրախտը ինչպես տղամարդկանց, այնպես էլ կանանց համար է: Արդար ամուսինները դրախտում կգտնեն միմյանց: Սակայն դրախտում Ղուրանը բոլոր հավատացյալներին չի խոստանում անմիջական շփում աստծո հետ: Դրախտում աստծո հետ շփումները միայն մարզարեների ու սրբերի համար է նախատեսված:

Հստ իսլամի, մեռյալների գտնվելու վայրը դժոխքում կամ դրախտում մինչև Հարության օրը հանդիսանում է ժամանակավոր և միայն Հարության օրը վերջնականապես կորոշվի նրանց ճակատագիրը: Դուրանը հավատացնում է, որ մարդու համար կարևոր ոչ թե «այս աշխարհն» է, այլ հանդերձալ կյանքը. «Բայց դուք ընտրում եք այս աշխարհի կեանքը, սակայն միւս աշխարհն է բարի եւ տեսող» (87:16-17):

Իսլամի մեջ առկա են նաև քավարանի և ահեղ դատաստանի հասկացությունները: Դուրանը լի է ահեղ դատաստանի օրվա ակնարկներով: Իսլամի սուրբ գրքում ահեղ դատաստանը վերաբերում է առանձին անհատներին և ոչ թե ողջ ժողովրդին, այսինքն ահեղ դատաստանը չի լինելու համընդհանուր:

Աշխարհի վերջը գումող առաջին նախանշանը կլինի մարդկանց շրջանում անօրենության հանկարծակի տարածումը. կանհետանա Մերքայի տաճարը, Դուրանը մոռացության կմատնվի, արևը կհանգչի, կսկսվի անթափանցելի խավար, ահավոր քամիներ, լեռները կշարժվեն իրենց տեղերից, գետերն ու ծովերը դուրս կգան իրենց ափերից: «Երբ արեգակը կը ծալի ու երբ աստղերը վար կը թափիին, ու երբ սարերը կը շարժիին, ու երբ տասնամուայ յի ուղարկը կաթնից կը կտրուիին. ու երբ վայրի անասունները միասին կը ժողվիին, ու երբ ծովերը կը վառին, ու երբ հոգիները կը միանան, ու երբ ողջ ողջ թաղուած աղջիկները կը հարցնին, թէ ինչ յանցանքի համար են սպանել...», - այսպես է ներկայացնում Դուրանը վերջին դատաստանի օրը (81:1-9): Աշխարհի վերջի գալուն կուղեկցի Ների (դաջօալ) հայտնվելը, որը կգա մի հսկայական ավանակի վրա հեծած: Նրա թագավորությունը կտևի 40 օր, որի ընթացքում նա կամայացնի հողագունդը: Այնժամ երկնքից Սրբազն հողի (իմա՝ Պաղեստինի – Վ. Բ.) վրա կիշնի Հիսուսը, ո-

թը նիգակի հարվածով կսպանի Ներին և կզնա Երուսաղեմ աղոթելու: Այնուհետև մինչև նրա մահը քառասուն տարվա ընթացքում երկրի վրա կթագավորի սերն ու երջանկությունը, «զանուկներին կտեսնեն զայլերի կողքին, երեխաները կխաղան օձերի հետ»:

Իսլամի մեջ առկա են նաև ահեղ դատաստանի վերաբերյալ ավելի ուշ հորինված պատմություններ:

Մահմեդականների կրոնի մեջ տեղ է գտել նաև վաղ ծնունդ առած դոգմաններից ևս մեկը՝ նախասահմանման վերաբերյալ ուսմունքը (հայիսներում «կաղար», կամ «քարդիր»): Համաձայն այդ ուսմունքի, աստված ստեղծել է մարդկանց իրենց բարի և չար մտքերի հետ միասին: Ումանց համար նա նախանշել է փրկության ուղի, մյուսների համար՝ կործանում: Այս աշխարհում գյություն չունի ոչ մի բան, որը կախում չունենա Ալլահի կամքից: Ասկում է, որ կա մի հատուկ զիրք, որի մեջ գրված է մարդու ողջ կյանքի ուղին, ընդհուպ մինչև իր մահը: Այլ կերպ ասած, ամեն ինչ կանխորշվում է ի վերուստ: Այդ դոգման շարադրվում է Ղուրանի բագմաթիվ այաքներում: Օրինակ, «Եւ ոչ մի մարդ չի մեռնի առանց Աստուծոյ հրամանին, որ գրած որոշած է» (3:139): Աստված միաժամանակ սպառնում է մեղավորներին և հատկապես անհավատներին գեհենում հավերժական պատիճներով: Ծագող հակասությունը (մարդու մոտ ազատ կամքի ժխտումը և միաժամանակ նրան ներկայացվող պահանջը պատասխանատվություն կրելու իր հավատքի ու գործերի վերաբերյալ) սկսեցին զիտակցել միայն ավելի ուշ, և այդ ժամանակ նախասահմանման դոգման իսլամի մեջ սուազ բերեց վեճեր: Սակայն Մուհամմադի և առաջին խալիֆների ժամանակ այդ դոգման շատ հարմար գործիք էր նոր ծնունդ առարա-մուսուլմանական պետության համար:

Մարդու մոտ հոգու անմահության պատկերացումը, որն ընդունակ է գոյություն ունենալ անկախ մարմնից, ինչպես հայտնի է ծագել է շատ վաղուց: Այն իր արտացոլումն էր գտել նաև արաբական ցեղերի հեթանոսական կուլտերի մեջ:

Դուրանը մարդու բնությունը բաժանում է երկու էռուրյունների՝ մարմնական և հոգեկան: Այլահը մարդու մարմինը կերտել է կավից: Սակայն մարդը մնում էր հասարակ անկենդան արձան, մինչև որ բարձրյալը «նրա մեջ չփչեց իր ոգուց» (Դուրան, 32:8): «Աստվածացած» այդ ոգին համարվում է անմահ, իսկ մարմինը դիտվում է ժամանակավոր թաղանթ, կամ ոգու տեղավորման վայր:

Դուրանում բազմիցս շեշտվում է երկրային կյանքի ունայնության մասին: «Այստեղի կյանքը միայն խաղ է և զվարճալիք», - ասվում է իսլամի սուրբ գրքում: Այն պնդում է, որ միայն ապագա անդրշիրիմյան կյանքում, հարություն առնելուց հետո, մարդը ձեռք է բերում «բնակության մշտական տուն»: Այստեղ, ինչպես տեսնում ենք, Դուրանը կրկնում է այն, ինչ քարոզում է քրիստոնեությունը, որ իբր երկրային կյանքը դա ընդամենը այն կողմնային աշխարհում հավերժական կյանքի նախադրունք է:

Իսլամին բնորոշ է նաև ճակատագրապաշտությունը (ֆատալիզմ): Մարդու ճակատագիրը նախորշվում է ի վերուստ, Ալլահի կողմից: Նրա ծննդյան օրվանից մինչև մահը ամեն ինչ որոշված է, աստծո կողմից նախանշված, որից խուսափելը կամ փոփոխության ենթարկելը անհնարին է: Ճակատագրապաշտությունը խթանում էր «հավատի համար մարտնչող» զինվորների խիզախությունը, անվեհերությունն ու համարձակությունը, քանի որ եթե մահվան ժամը նախօրոք կանխորշված է աստծո կողմից, հետևաբար տվյալ ճակատամարտում ոչ մի վտանգ չի կարող երկյուղ առաջ բերել զինվորի մոտ:

ՍՈՒՍՈՒԼՄԱՆՆԵՐԻ ՍՈՒՐԲ ԳԻՐՔԸ՝ ՂՈՒՄԱՆԸ

Ղուրանը կամ Կորանը դա մուսուլմանների սուրբ գիրքն է և հավատի աղբյուրը, որն արաքներն անվանում են «Ալ-Կորան ալ-Քարիմ»: Կորան բառացի նշանակում է «կարդալ», կամ «այն ինչ կարդում են», երբեմն այն մեկնաբանում են որպես «ընթերցանություն»: Սակայն դա չի նշանակում «ընթերցում» բարի ուղղակի իմաստով: Իսկապես, Մուհամմադը «կարդում» էր իր բարողները ոչ թե զրված տեքստով, այլ հանգատրաստից կամ «արտասանելով»: Ուստի ժամանակակից հետազոտողների կարծիքով «Կորան» բառացի նշանակում է «արտասանել»: Ղուրանը անվանում են նաև «Քիրար» («Գիլր»):

Իսլամն ընդունում է, որ Ղուրանը մարդկային գործ չէ, անձեռակերտ է և իջել է երկնքից, երկնառար գիրը է: Այն գոյություն է ունեցել ի սկզբանե և գոյություն է ունենալու հավերժ, ինչպես ինքը՝ աստված: Նրանում զրվածը դա հենց իր՝ Ալլահի խոսքերն են ուղղված Մուհամմադին և վերջինս լոկ իր քարոզներում կրկնում էր այդ խոսքերը: Որ Ղուրանի բնագիրը պահպում է Ալլահի զահի տակ և որպես «հայտնություն» աստծո կողմից մաս առ մաս փոխանցվել է Մուհամմադին Ջեբրայիլ հրեշտակի միջոցով:

Ղուրանում ասվում է, որ մինչև Մուհամմադ մարզարեն գոյություն են ունեցել բազմաթիվ մարզարեներ, սակայն վերջինը և ամենամեծը դա Մուհամմադ մարզարեն է, իսկ ամենավերջին սուրբ գիրքը՝ Ղուրանը:

Իրականում Ղուրանը կազմվել է VII դարում, իսլամի որպես կրոն ձևավորվելու շրջանում: Լինելով անզրագետ, Մուհամմադը բնականաբար գրի չի առել իր քարոզները: Սակայն Ղուրա-

նի առանձին մասերը գրագետ մարդկանց կողմից գրի էին առնվում արմավենու տերևների, հարթ ոսկորների, կավե սալիկների, մազաղաթի, պղնձյա թիթեղների վրա և այլն: 632 թ. Սուհամմադի մահկանից հետո առաջին խալիֆ Աբու Բաքրը որոշում է հակաբել Ղուրանի բոլոր տեքստերը, քանի ոետ նրանք կորստյան չեն մատնվել, այդ գործի մեջ ներգրավելով կենդանի մնացած բոլոր հաֆիզներին (Ղուրանը անզիր իմացողներին): Նպատակը եղել է մեկը՝ կազմել Սուհամմադի քարոզների մի ժողովածու: Այդ գործը գլուխ է բերվում, որի հետևանքով ծնունդ է առնում գրավոր Ղուրանի առաջին տարբերակը, որը կոչվել է Սուխուֆ (բառացի «թերթեր», «էջեր»): Ղուրանի երկրորդ և վերջնական խմբագրումը կազմվել է խալիֆ Օսմանի օրոք: Ղուրանի բոլոր մասնավոր գրառումները ոչնչացվել են, որպեսզի տեղի չունենան առանձին դրույթների մեկնաբանման տարբերցումներ, որոնք կարող էին տեղիք տալ տարբեր բնույթի բարդությունների, այդ թվում նաև քաղաքական, քանի որ հակամարտող կողմերը և իրար նկատմամբ թշնամաբար տրամադրված խմբագրումները որպես կանոն իրենց դիրքորոշումները հիմնավորելու համար վկայակոչում էին Ղուրանի համապատասխան դրույթները: Օրինակ, Ալիի կողմանակից շիաները պնդում էին, որ Ղուրանում արտահայտություններ կան այն մասին, որ Ալին Սուհամմադի իշխանության միակ օրինական ժառանգործն է, իսկ խալիֆներ Աբու Բաքրը, Օմարը և Օսմանը բռնատիրողներ են և անօրինական ճանապարհով են զավթել խալիֆի իշխանությունը: Ղուրանում ասվում է: «Սա այն զիրքն է, որի մեջ կասկած չըկայ, երկիւղածների համար ուղեցոյց է» (Ղուրան, 2:1): Խալամի սուրբ գիրքը շոշափում է մարդկային կյանքի բոլոր կարևոր կողմերը: Ղուրանի մեջ պարունակվող տեղեկությունները հետաքրքրություն են ներկայացնում խս-

լամի ծագման դարաշրջանում արաբների հասարակական կյանքի պայմանների հետ ծանոթանալու առումով:

Դուրանի մասերը բաժանված չեն ժամանակագրական, թեմատիկ և որևէ այլ տրամաբանական կարգով: Նրա առանձին զլուխները կամ բաժինները կոչվում են սուրա (հայերենում օգտագործվում է նաև սուրա ձեր): Դուրանը բաղկացած է 114 սուրաներից: Սուրա բառը սկզբնապես արաբերենում նշանակում էր «շարվածքում քարերի շարք»: Եվ ինչպես որ հնում շենքի կառուցման ժամանակ հիմքում սկզբում դնում էին խոշոր քարերը, իսկ ապա ավելի փոքրերը, այդ սկզբունքով էլ կառուցված է Դուրանը: Սուրաները դասավորված են ըստ նրանց երկարության: Սկզբնամասում գտնվում են ամենաերկար սուրաները, իսկ ամենակարճերը վերջում: Միայն առաջին սուրան դուրս է մնում այդ սկզբունքից, քանի որ այն չափազանց կարճ է և կոչվում է «Ֆաթիհա»՝ այսինքն «բացող»: Այդ բացառության պատճառը այն է, որ այն պարունակում է մուսուլմանների զլսավոր աղոթքը, ուստի դրված է ամենասկզբում: Դա մի տեսակ մուտք է դեպի սուրբ գիրք:

Յուրաքանչյուր հավատացյալ մահմեդական «ալ-Ֆաթիհը» պետք է մանկությունից սկսած անգիր իմանա, ինչպես քրիստոնյաները «Հայր մերը»: Սուրաները իրենց հերթին բաժանվում են այաբների: Երբեմն այար բառը թարգմանում են որպես ոտանավոր, իսկ սուրան՝ որպես զլուխ: Որոշ սուրաներ իրենց անվանումը ստացել են որևէ նշանավոր դեպքի կապակցությամբ, որի վերաբերյալ նրանցում պատմվում է: Այդ սուրաների թվում հանդիպում են նաև բավականին տարօրինակ անվանումներ, օրինակ, ալ-Քարարա (Կով), ալ-Անքարութ (Սարդ) և այլն: Մյուսները անվան-

ված են Ալլահի մակղիրներով, օրինակ ան-Նուր (լույս), ալ-Մա-
ջիդ (փառավոր) և այլն:

Ղուրանի մեջ տեղ են գտել բազմաթիվ խրթին, անհասկա-
նալի ու դժվար բացատրելի արտահայտություններ, հակասութ-
յուններ և այլն: Համարվում է, որ Ղուրանում թաքնված են 70 հա-
զար իմաստներ, որոնք հասու են և կարող են մեկնաբանել միայն
Ալլահը կամ իմամները: Սակայն հակառակ դրա, ստեղծվել է Ղու-
րանի կամ նրա առանձին մասերի մեկնաբանման մի առանձին
ուղղություն կամ ժանր, որը կոչվում է «թափսիրներ»:

Ղուրանի 29 տորաները, որոնք համարյա բոլորն ել վերաբե-
րում են հիշքային նախորդած շրջանին, սկսվում են առանձին
տառերով: Այդ տառերը մինչև այժմ շփոթության մեջ են զցում
Ղուրանը մեկնաբանողներին: Մահմեդական գիտնականները
սկզբում ենթադրում էին, որ դա ինչ որ բառերի հապավումներ են,
և նրանցում փնտրում էին իմաստ: Հետազայում նրանք դա համա-
րեցին ինչ որ զադոնիք, որը հայտնի է միայն Ալլահին: Երկնքի
հայտնությունները կյանքի առօրյա դեպքերին հարմարեցնելը
հենց պատճառ են հանդիսացել Ղուրանում տեղ գտած հակա-
սությունների համար: Այդ հակասական մտքերի, դատողություն-
ների և արտահայտությունների պարզաբանումն ու բացատրութ-
յունը մեծ ջանքեր են պատճառել իսլամական աշխարհի իրավա-
գետներին:

Մուսուլմանական երկրներում Ղուրանը կարդում էին ոչ
միայն մզկիթում, դպրոցում և այլն, այլև տանը՝ առօրյա կյանքում:
Ղուրանի լրիվ տեքստը անգիր իմացողները կոչվում էին «հաֆիզ-
ներ»: Ղուրանի տեքստը հեշտությամբ էր հիշվում, քանի որ նրա
դարձվածքները նման էին ոտանափորների: Զարուստ մահմեդա-
կանների տներում Ղուրանը պահվում է առանձին մաքուր սենյա-

կում, որը նախատեսված է աղոթքի և Սրբազն Գրքի ընթերցման համար: Ղուրանը կարդալուց հետո այն փաթաթում են կտորով, որպեսզի նրա վրա փոշի չնստի: Ընդունված չէ մեջքով շուր գալ դեպի Ղուրանը:

Այն սենյակում, որտեղ դրված է Ղուրանը, մուսուլմաններից պահանջնվում է վայելուց ու պարկեշտ փարքագիծ, չի կարելի վեճի բռնվել կամ թույլ տալ անվայել արարքներ: Չի կարելի Ղուրանը ձևորքը վերցնելով, պետք է համբուրել Ղուրանը: Այն բարձրաձայն ընթերցելու ժամանակ չի թույլատրվում խոսել, ուտել, խմել ծիսել և այլն: Ղուրանի ընթերցանության ժամանակ մահմեղական կանայք սովորաբար ծածկում են իրենց գլուխը, ինչպես աղոթքի ժամանակ:

Ընթերցելուց առաջ մահմեղականը մաքրում է իր սիրտը Ալլահի մասին խորհրդածություններ անելով, նրանից աղերսելով պաշտպանություն սատանայից: Այնուհետև գրավում է հատուկ դիրք, որը կարգապահության է կոչում միտքն ու մարմինը. սովորաբար նստում են հատակին և Ղուրանը դնում հատուկ զգրոցի վրա, որը կոչվում է «ռեխլ» կամ «քուրսի»: Չի կարելի Ղուրանը դնել հատակին: Չի կարելի նաև այն տանել կեղտոտ տեղեր, ինչպես նաև այնպիսի փայրեր, որտեղ գինի են խմում, կամ խաղում են մոլեխաղեր:

Ղուրանի ընթերցումը սրտով, հոգով, խելքով ու ջերմեռանդորեն կոչվում է «թիլավա», իսկ ճիշտ արտասանության պրակտիկան (որը սովորաբար ուսումնասիրում են միջնակարգ մուսուլմանական կրոնական դպրոցներում՝ մեղքեսներում) կոչվում է «քաջվիթ»:

Որոշ մուսուլմաններ, որոնք չեն տիրապետում արաբերեն լեզվին, սովորում են Ղուրանը կարդալ, առանց հասկանալու նրա

իմաստն ու բովանդակությունը: Ղուրանի լեզուն անհասկանալի է նաև այն արաբների համար, որոնք չեն տիրապետում գրական արաբերենին: Խոսակցական բարբառները, որոնցով խոսում է ժամանակակից արաբական երկրների բնակչության մեծամասնությունը, շատ հեռու է Ղուրանի լեզվից:

Ղուրանի թարգմանությունը այլ լեզուներով չի խրախուսվում: Մուսուլմանները համարում են, որ այն հնարավոր չէ թարգմանել: Սակայն հակառակ դրա, ներկայում Ղուրանը թարգմանված է բազմաթիվ լեզուներով: Նրա առաջին թարգմանությունը և տպագրությունը հայերեն տեղի է ունեցել Վառնայում 1909 թ. Ա. Ամիրխանյանի կողմից:

Մինչև XII դարը Արևմտյան Եվրոպայի քրիստոնեական երկրներում ոչ մի գաղափար չունեին Ղուրանի բովանդակության և առհասարակ իսլամի մասին: Ղուրանի առաջին թարգմանությունը լատիներեն լեզվով, ի դեպ շատ անկատար, կատարվել է XII դարի առաջին կեսին Տոլեդոյում:

Գոյություն ունեն Ղուրանի տեքստը կարդալու տարբեր եղանակներ: Ըստ էության այն չեն կարդում, այլ երգեցիկ ոճով արտասանում են: Ղուրանի արտասանությունը դա մի արվեստ է, որը նման է երգեցողության արվեստին: Այն թողնում է խորը տպավորություն: Մահմեդական երկրներում որոշակի պարբերականությամբ կազմակերպվում են Ղուրանի ընթերցանության մրցումներ: Մուսուլմանական երկրներում բոլոր հասարակական միջոցառումները սկսվում են Ղուրանի ընթերցմամբ:

✓ Արաբերենը դարձավ Ղուրանի լեզու և շնորհիվ դրա, իսլամական երկրներում այդ լեզվին վիճակված էր ճիշտ այն դերը, ինչ լատիներենին Եվրոպայում: Մուսուլմանական երկրներում տարրական կրթությունը հիմնված է Ղուրանի վրա: Մանկության հա-

սակից Ղուրանը ծառայում է որպես հիմք մի շաբթ առարկաներ՝ լեզու, պատմություն, իրավունք, կրոն ուսումնասիրելու համար: Ղուրանում արտացոլված են մուսուլմանական համայնքի իրավական (գույքային, ժառանգական, քրեական և այլն) սկզբունքները: Իզուր չէ, որ հաճախ Ղուրանն անվանում են «արարների դատաստանագիրը»:

Ղուրանի ոճը ուժգին ազդեցություն է ունեցել հետագա արաբական գրականության վրա, իսկ նրա բառապաշարը՝ մուսուլմանական իրավունքի, աստվածաբանության, միստիցիզմի և նույնիսկ արարա-պարսկական փիլիսոփայության վրա: Ղուրանը նաև անգերազանցելի աղբյուր է խլամի պատմությունն ուսումնասիրելու համար:

Խլամի սուրբ գիրքը գրված է չափածո արձակով: Նրա հնագույն մասերը մոտ են այն չափածո արձակ ստեղծագործություններին, որոնցից դեռևս խլամի հանդես գալուց 150 տարի առաջ օգտվում էին արար «կահինները» (քրմերը): Առհասարակ Ղուրանում ոճի միասնականություն գոյություն չունի:

Ղուրանի մեջ գլխավոր զաղափարը, որը կարմիր թելի պես անցնում է նրա միջով, պայքարն է բազմաստվածության դեմ և միաստվածության ընդունումը: Ղուրանը մուսուլմանների համար հանդիսանում է «գրքերի գիրք», աղոթքների հավաքածու, կրոնական պրակտիկայի, սոցիալական կյանքի, կենցաղի, ամենօրյա վարքագծի օրենսգիրը: Մուսուլմանները Ղուրանը համարում են «հրաշը» (արար. «ի՛ ջազ»), այլ կերպ ասած մի անգերազանցելի գիրք, որն իր նմանը չունի, մի գիրք, որը չեին կարողանա ստեղծել, եթե նույնիսկ «բոլոր մարդիկ ու ջինները միանային իրար հետ»:

Ղուրանի դրույթներից շատերը մեր օրերում ևս ունեն իրավական նշանակություն այն երկրներում, որտեղ իսլամը պահպանել է պետական կրոնի իր դերը: Ղուրանի վրա տալիս են երդումներ, որոնց խախտումը համարվում է ծանր մեղք: Սնուտիապաշտ մարդիկ Ղուրանը համարում են թայիսման, որն իբր ունի գերնական ուժ, ուստի օգտագործվում է կուլտային պրակտիկայում (ժողովրդական լեզվով «թուղթ ու զիր»): Ղուրանով անում են զուշակություններ («խսթիխարա»), հատկապես ճակատագրի զուշակում («ֆա՛ լ»): Ղուրանը և նրա մեկնաբանությունը (թափսիր) հանդիսանում է մի շարք իսլամական երկրների ուսումնական հաստատությունների ծրագրի զլիավոր տարրերից մեկը:

ՄՈՒՍՈՒԼՄԱՆԱԿԱՆ ԻՐԱՎՈՒՆՔԸ

ՄՈՒՆՆԱ, ՀԱԴԻՄՆԵՐ: ՄԱԶՀԱԲՆԵՐ: ՇԱՐԻԱԹ

Սկզբնական շրջանում իսլամական համայնքում միայն Ղուրանն էր համարվում դպրանարանության հիմք և աղբյուր, միաժամանակ և իրավունքի աղբյուր: Քանի դեռ Մուհամմադը կենդանի էր և կառավարում էր մուսուլմանական համայնքը, նա ուսմայի իրավական հարցերը լուծում էր հիմնականում առաջնորդվելով Ղուրանում պարունակվող դրույթներով: Սակայն երբ նա մահացավ պարզվեց, որ Ղուրանում եղած դրույթները բավարար չեն բոլոր պետական և հասարակական հարցերը լուծելու համար: Կյանքը հրամայողաբար խնդիր էր դնում սահմանել պետական, քրեական, գույքային, ընտանեկան իրավունքի նորմերը, որոնք չեն կարող հիմնավորվել լոկ Ղուրանի տեքստերով: Ուստի անհրաժեշտություն օգացվեց մտածելու այն մասին, թե ինչը կարող էր փոխարինել մարզարեական հայտնություններին, որոնք Մուհամմադի կենդանության օրոք ամեն անզամ հավելում ու լրացնում էին Ղուրանը, երբ օգացվում էր դրա անհրաժեշտությունը: Սկզբում կիրառում էին երեք եղանակներ կամ միջոցներ, որոնք հանգում էին հետևյալին: Եթե Ղուրանում չեն գտնում այս կամ այն հարցի պատասխանը, նախ դիմում էին «նախադեպերի» սկզբունքին, այսինքն որպես օրինակ վերցնում էին մարզարեի վարմունքը նմանատիպ պայմաններում, կամ դիմում էին ավանդությանը՝ «սուննային»: Եթերորդ, դիմում էին Մադինայի հին ավանդություններին (որոնցից ոչ ընչ չափով օգտվում և կիրառության մեջ էր դնում նաև ինքը՝ Մուհամմադը): Եվ վերջապես եր-

բորդ, դատավորը դիմում էր արդարություն իրագործելու իր սեփական զգացմանը կամ պատկերացմանը («ույ»):

Այսպիսով, արդեն իսլամի վաղ շրջանում դրսևորվեցին երկու հակասական սկզբունքներ: Մի կողմից օրենքի առաջադրած հրահանգների օգտագործումը, մյուս կողմից հարցի մտահայեցողական բնույթի վերլուծությունը:

Հայտնի իրողություն է, որ արաբական լայն նվաճումների շրջանում, 632-751 թթ. Մերձավոր ու Միջին Արևելյան, Կենտրոնական Ասիխյի և Հյուսիսային Աֆրիկայի բոլոր նվաճված երկրներում արաբները հանդիպեցին արդեն ձևավորված վաղ ավատական հասարակության, ավելի բարդ տնտեսությամբ, սոցիալական հարաբերություններով և մշակույթով, քան ին արաբական հասարակությունն էր: Հետևաբար այդ երկրներում արաբները բախվեցին մի շարք իրողությունների հետ, որոնց վերաբերյալ Ղուրանը պատասխան չուներ: Եվ քանի որ այն ժամանակ արաբների մոտ հստակ տարբերակում գոյություն չուներ կրոնական համայնքի ու պետության, կրոնի և քաղաքականության, կրոնական օրենքի և պետական իրավունքի միջև, ապա կյանքի բոլոր պահանջների նկատմամբ տեսակետները արաբները ձգտում էին հիմնել կրոնի հեղինակության վրա: Ըստ այնմ, հենց այդ ժամանակներում էլ սկսեցին վկայակոչել Սուհամմադ մարզարեի ենթադրյալ խոսքերն ու արարքները, որոնք իբր թե եղել են նրա կյանքի ընթացքում: Հենց այդ ձևով աստիճանաբար ձևավորվեց մուսուլմանական ավանդույթը՝ սուննան, որի լրիվ անվանումն է «սուննաթ ռասուլ Ալլահ»՝ Ալլահի մարզարեի սուննա:

Արդ, ի՞նչ քան է սուննան: Արաբերեն սուննա (աս-սուննա) բառը սկզբնական շրջանում ունեցել է հետևյալ իմաստը «Ճանապարհ, որի ուղղությամբ անհրաժեշտ է զնալ», փոխարերական ի-

մաստով՝ «նախնիներից փոխանցված սովորույթ», այսինքն ավանդույթ: Մինչխամական Արաբիայում սուննա հասկացության տակ ընկալվում էր նահապետական-համայնական հասարակության բարոյա-իրավական չգրված աղաթների կամ սովորութային իրավունքի հավաքածուն: Խսլամի հայտնվելուց հետո այդ հին արաբական հեթանոսական սուննան մերժվեց և աստիճանաբար սկսեց փոխարինվել նոր, մուսուլմական սուննայով: Եթե հին արաբական սուննայից ինչ որ բան անցել է նոր, մուսուլմանական սուննային, ապա դա մեկնաբանվում էր այն իմաստով, որ անձամբ ինքը՝ մարզարեն է դա պատվիրել: Սուննան դա Մուհամմադի կյանքի օրինակներն են որպես նմուշ և ուղեցույց ողջ մուսուլմանական համայնքի և յուրաքանչյուր մահմեդականի համար որպես աղյուր որոշելու համար մարդու և համայնքի կյանքի բոլոր պրոբլեմները:

Սուննան բաղկացած է Մուհամմադի արարքներից, նրա ունեցած արտահայտություններից և նրա հավանությանը արժանացած դեպքերից:

Սուննան ընդունվում է խսլամի բոլոր հոսանքների կողմից որպես Ղուրանից հետո տեղեկությունների հաջորդ աղյուր այն մասին, թե որ վարքագիծը կամ կարծիքը հաճո է Ալլահին: Այսպիսվ, Սուննան լրացնում է Ղուրանը:

Արաբական մեծ նվաճումներից հետո մուսուլմանական սուննայի մեջ ներմուծվել են բազմաթիվ քրիստոնեական, հրեական, զրադաշտական տարրեր, որոնք փոխառված էին հոռմետական-բյուզանդական, Սասանյան Իրանի իրավունքից, և դարձյալ այն մեկնաբանությամբ, որ իբր դրանք մարզարեից բխող կանոններ ու ավանդույթներ են:

Մուսուլմանական սուննայի զլսավոր բովանդակությունը դա իրավունքի հարցերն են: Սուննան Ղուրանից հետո իրենից ներկայացնում է տեղեկությունների երկրորդ աղբյուրը: Այն Ղուրանի հետ միաժամանակ հանդիսանում է շարիաթի և ֆիրհի (մուսուլմանական օրենսդրության) զլսավոր աղբյուրներից մեկը:

Այսպիսով, մարգարեի կյանքի դրվագները, նրա գործերը և ասույթները հայտնի են որպես սուննա: Քանի որ իսլամը ընդունում է մարգարեի անմիջական շփումը Ալլահի հետ, ուստի և Մուհամմադի սեփական ասույթները համարվում են աստծո կողմից ներշնչված: Պահպանել սուննան, նշանակում էր ընդօրինակել Մուհամմադին: Ավելի ծավալուն իմաստով սուննա նշանակում էր մահմեդական օրենսդրության պրակտիկա և տեսություն: Ղուրանը և սուննան համարվում են մուսուլմանական իրավունքի երկու զլսավոր աղբյուրները կամ արմատները («ուսուլ»): Նրանց միջև հակասությունների առկայության դեպքում, մահմեդական օրենսդիրների մեծամասնության կարծիքով, անհրաժեշտ է նախապատվությունը տալ սուննային: Սուննան, ինչպես և հրեաների մոտ, փոխանցվում էր բանավոր կերպով և ծառայում էր որպես գրված օրենքի հավելում: Ով շեղվում էր կամ հեռանում սուննայից, ընկնում էր «բիդայի» (հերձվածի) կամ «քուֆրի» (անհավատության) մեջ, այլ կերպ ասած դառնում էր հերձվածող:

Մահմեդական օրենսդիրների կողմից հայտարարվել է, որ եթե սուննան կարող է գոյություն ունենալ առանց Ղուրանի, ապա Ղուրանը չի կարող առանց սուննայի: Այստեղից էլ ուղղաղավան մահմեդականները ստացել են «ահլ աս-սուննա» (սուննայի մարդիկ, ժողովուրդ) կամ «սուննիներ» անվանումը:

Բոլոր դեպքերում սուննան Ղուրանի հետ միաժամանակ մուսուլմանների կողմից ընկալվում է որպես իսլամի աստվածա-

տուր հիմք, մուսուլմանական համայնքի կյանքի կանոնների ցուցում կամ հրահանգ:

Աբբասյանների շրջանում Ղուրանի հիման վրա և շարիաթի նորմերին համապատասխան կազմվեցին «սրբազն ավանդույթների» (սուննա) վեց ժողովածուներ, որոնք հետազոտում դարձան կանոնական: Այդ ժողովածուները մինչև օրս ընդունելի են իսլամի մեջ: Ղուրանից հետո նրանց տրվում է առավել կարևոր նշանակություն:

Սուննա անվանումը պարունակում է նաև մեկ այլ իմաստ, այն է՝ «համայնքի համաձայնեցված կարծիք»: Սուհամմադի մահվանից հետո մուսուլմանների համայնքի անմիջական «շփումը» Ալլահի հետ դադարել էր, ուստի և նրա կյանքը պետք է հիմնվեր Ղուրանի և սուննայի պատվիրանների խստիվ կատարման վրա, որոնց ճիշտ մեկնաբանությունը ապահովվում էր համայնքի համաձայնեցված կարծիքի ճանապարհով, որը ներկայացվում էր առավել հեղինակավոր գիտնական-աստվածաբանների կողմից:

Ներկայումս աշխարհի մահմեդականների մեծագույն մասը (որոշ տվյալներով մինչև 90%-ը) հանդիսանում է խալամի սուննիական ուղղության հետևորդ կամ սուննիներ, որոնց ինքնանվանումն է «ահլ աս-Սուննա վա-լ-ջամա'ա»՝ («սուննայի և համայնքի համաձայնության մարդիկ»):

Իսլամի շիական ուղղության հետևորդները (շիաները) ևս ընդունում են սուննան, սակայն համարում են, որ սուննիները կեղծել ու աղճատել են այն բոլոր փաստացի հիմքերը, որոնք հիստորում են Ալիի առանձնահատուկ դերը մուսուլմանական համայնքում: Հենց այդ հոդի վրա սուննիների և շիաների պայքարը ուշ միջնադարի և նոր ու նորագույն շրջանի զանազան ժամանակահատվածներում ընդունում է չափազանց սուր և անհաշտ

բնույթ: Իսլամի այդ երկու ուղղությունների միջև կռնֆլիկտածին պատճառները առավելապես պայմանավորված են ոչ այնքան կրոնական-գաղափարական, որքան քաղաքական, տնտեսական և սոցիալական գործոններով:

Սուննաների մասին մենք տեղեկանում ենք այսպես կոչված «հաղիսների» միջոցով («հաղիս», հոգն. «ահաղիս», «նորույթ», «տեղեկություն», «պատմություն»): Հաղիսները դրանք մարզարեի ասույթներն են, նրա հրահանգները, մարզարեի մասին պատմությունները, որոնք գրի են առնվել և փոխանցվել ինչպես իր ժամանակակիցների, այնպես էլ հետագա սերուղների կողմից:

Թեև հաղիսները չեն հանդիսանում Ղուրանի հայտնությունների բաղկացուցիչ մասերը, սակայն այնուամենայնիվ նրանք կենսականորեն կարևոր են իսլամը կատարելապես հասկանալու և ընկալելու համար: Հաղիսները համարվում են Ղուրանից հետո իրավունքի երկրորդ աղբյուրը, նրա վրա է հիմնված սուննան:

Այս կամ այն հանդիսից քաղվում են իրավական կամ ծիսական հարցերի վերաբերյալ հանձնարարականներ, ծիսական մաքրության կանոններ, սննդի վերաբերյալ կարգադրություններ, առօրյա կյանքում և կենցաղում բարոյականության և վարչագծի նորմեր: Հաղիսներում պատմվում է Մուհամմադի արարքների մասին, ինչպես էր նա ուսում, խմում, հազնվում, կատարում իր կրոնական պարտականությունները, ինչպես էր վերաբերվում նորադարձ մահմեդականների և անհավատների նկատմամբ և այլն: Առկա էն նաև պատմական բնույթի հաղիսներ. նրանք բովանդակում են Մուհամմադի կամ նրա գինակից սահիբների և այլն կենսագրություններից մանրամասնություններ: Այդ հաղիսների հիմքի վրա VIII-IX դարերում կազմվում են այսպես կոչված «արշավանքների գորքեր» («քոթուր ալ-մաղազի») Մուհամմադի և նրա

զինակիցների արշավանքների մասին, որոնք իրենցից ներկայացնում էին արաքերեն լեզվով վաղ պատմական գրականության հատուկ ժանր:

Դիմելով հաղիսներին, կարելի է հետևել, թե ինչպես էին արտացոլվում նրանցում օրվա քաղաքական շահերը: Այսպես, երբ խալիֆները զզացին թյուրքական ժողովուրդների դիմադրության ուժը, հորինվեց մի ավանդույթ, որի հետևյալ բառերը դրվեցին Սուհամմադ մարզարեի շրթներին. «Հանգիստ քողեք թյուրքերին, քանի դեռ նրանք հանգիստ են թողնում ձեզ»: Իսկ երբ 1055 թ. թյուրք-սելջուկները գրավեցին Բաղդադը և իրենց ենթարկեցին աբբասյան խալիֆներին, հայտնվեց մարզարեի նոր հաղիս. որտեղ Ալլահը ասում էր. Արևելքում ես ունեմ զորքեր, որոնց անվանում են թյուրքեր, երբ ես զայրանում եմ որևէ ժողովրդի դեմ, ուղարկում եմ այդ զորքերին»:

Հաղիսներում կարելի է գտնել նաև տեղեկություններ տարբեր ժամանակներում տեղի ունեցած զյուղացիների և արհեստավորների լայն զանգվածների ապստամբությունների և հուզումների, օրվա իշխանություններից դգործության շարժումների մասին և այլն: Այդ առթիվ IX դարի սկզբին ստեղծված հաղիսներից մեկում կարդում ենք. «Ինչպես եք դուք ձեզ պահելու այն դեպքում, երբ եմիրը լինի ինչպես առյուծ, դատավորը ինչպես բուրյը տված գայլ, վաճառականը ինչպես գոմոացող շուն, իսկ ուղղադավանը նրանց միջև ինչպես վախեցած զառնուկը ոչխարի հոտի մեջ, որը իր համար ոչ մի տեղ չի գտնում ապաստան: Ինչպիսի՞ն կլինի զառնուկի վիճակը առյուծի, գայլի և շան միջև»:

Հայտնի իսլամագետ Գոլդցիերը բերում է Սուհամմադին վերաբրվող մի գեղեցիկ հաղիս. «Միրիր աղքատներին, միշտ նայիր նրանց, ովքեր ցածր են քեզանից և մի նայիր նրանց, ովքեր բե-

զանից բարձր են. ոչ մեկից ոչ մի բան մի խնդրիր. պահպանիր հավատարմությունը քո հարազատներին, եթե նույնիսկ նրանք քեզ դառնություն են պատճառել. միշտ ասա Ճշմարիտ խոսք, որքան ել որ այն դառն լինի. թույլ մի տուր քեզ գայթակղեցնել վիրավորանքներով աստծո ճանապարհից շեղվելու համար»:

Հաղիսները հաշվվում էին հազարներով: Գոյություն ունեն հսկայական թվով հաղիսների հավաքածուներ, որոնք դարձել են մուսուլմանական աշխարհի համալսարաններում և դպրոցներում ուսումնասիրվող առարկա: Չափազանց կարևոր է իմանալ, ինչպես և երբ է զրի առնվել այս կամ այն հաղիսը, քանի որ մեծ է մտացածին ասույթների հայտնվելու հնարավորությունը:

Հաղիսը անպայման բաղկացած է երկու մասինց. տեքստից («Մաքն») և տեքստից առաջ դրված այն անձանց անուններից, ովք հաղորդել է այն, և ում հաղորդել են («խնադ», այսինքն հիմք, հենարան): Հնում եղել են մարդիկ, որոնք անզիր իմացել են հաղիսները: Դրանք մեծ մասամբ եղել են ազգությամբ իրանցիներ: Առհասարակ պետք է նշել, որ աստվածաբանական գիտությունների մեջ իրանցիների խաղացած դերը չափազանց մեծ է եղել:

Հաղիսների առաջին ժողովածուները կոչվել են «խնադ», իսկ ավելի ուշ կազմվածները՝ «մուսաննաֆ»:

Արաբական խալիֆայության նվաճողական արշավանքների ժամանակ խսլամը շփումների մեջ է մտել օստարերկրյա զաղափարների և կառույցների հետ: Դա անխուսափելիորեն առաջ է բերել սոցիալական եվոլյուցիա և ավանդույթներ հավաքուները աստիճանաբար թույլ էին տալիս «անմեղ սուտ». նրանք հատկապես արդիականացնում էին որոշ ավանդույթներ, որպեսզի դրանք ներդաշնակ դարձնեն իրենց ժամանակի իրավական պահանջներին: Հաղիսների այդ եվոլյուցիան տեղի էր ունենում ոչ ա-

ուանց նվաճված ժողովուրդների կրոնների ազդեցության: Իսլամագետները հանդիսներում քացահայտել են քրիստոնեական Ավետարանի և անհավաստի, կեղծ (ապոկրիֆ) զրվածքների, հին հրեական և հելլենիստական գաղափարների արտացոլումներ, որոնք դրված են Մուհամմադի շրթներին:

Կյանքը գնում էր առաջ, օրենսդիրների առջև դնելով հարցեր, որոնք նախատեսված չէին Դուրանի և կանոնական սուննայի կողմից: Ուստի դրանց լուծման համար առաջ քաշվեցին մուտքմանական իրավունքի ևս երկու աղբյուրներ (կամ արմատներ)՝ «իջման» (համաձայնություն, կոնսենսուս) և «Կիյասը» (համեմատություն, եզրահանգում ըստ զուգադրության՝ անալոգիայի):

Իջման դա հեղինակավոր աստվածաբան-իրավագետների (ֆարիհների) հավաքական կարծիքն է: Այդ աղբյուրը կիրառվում էր այն դեպքում, եթե ոչ Դուրանը, ոչ հաղիսները (սուննան) չէին տալիս ծագած հարցերի պատասխանը:

«Կիյասի» մեթոդը դարձել էր մուտքմանական իրավունքի չորրորդ աղբյուրը: Իրավաբանական հարցեր լուծելիս, սակայն այդ մեթոդը հուսալի չէր, քանի որ այն թույլ է տալիս կամայականորեն եզրակացության հանգել այս կամ այն գործի վերաբերյալ: Օրինակ, ցանկանալով լուծել այն հարցը, թե կարող է արդյոք ամուսնական տարիքի չհասած աղջիկը ամուսնանալ, ֆարիհները հաճախ քերում էին Մուհամմադ մարզարեի անալոգիան, որը կնության էր վերցրել իննամյա աղջկան: Եվ դա բավական էր, որ արդարացվի անշափահասի ամուսնությունը:

Նորամուծությունների հիմնավորման համար նույնպես հորինվել են հաղիսներ և դրվել Մուհամմադ մարզարեի շրթներին:

Այսպիսով, հաղիսները ևս ծառայում էին որպես վաղ իսլամի պատմության վերաբերյալ աղբյուրներից մեկը, ընդ որում այն-

պիսի աղբյուր, որը պահանջում է խիստ քննադատական մոտեցում:

Ինչպես նշվել է վերևում, հաղիսների հավաքումն ու պահպանումը սկզբնական շրջանում տեղի էր ունենում բանավոր կերպով, հիշողությամբ: Ավելի ուշ հաղիսները սկսեցին զրի առնվել մազաղաբների վրա: Հաղիսների պրոֆեսիոնալ հավաքողներին ու գիտակներին անվանում էին մուհադիսներ: Եվրոպացի իսլամագետները նրանց անվանում են ավանդապահներ:

Հաղիսների մեծ մասը պատմական առումով հավաստի չեն, բացի հաղիսների այն մասից, որոնք վերաբերում են Սուհամմադի և սահաբների (մարզարեի զինակիցների աշակերտների) կենսագրությանը: Բայց դա չի նշանակում, որ հաղիսները որպես պատմական աղբյուր ոչ մի արժեք չունեն: Հաղիսները, որոնք մեծ մասամբ շարադրված են VII դարի երկրորդ կեսից մինչև IX դարի վերջը, արտացոլում են խալիֆայության երկրներում սոցիալական հարաբերություններն ու պատմական տեղաշարժերը, ինչպես նաև նշված շրջանում ձևավորվող իրավական հայեցակետը:

Խալամի օրենսդրական հիմունքներն ընդունված է անվանել «ֆիրի» (արաբերեն «հասկանալ», «խորը հասկացություն» կամ «զիտելիք»): Ֆիրիը դա Դուրանին և հաղիսներին համապատասխանող կանոնների մի հավաքածու է, որոնք որոշում են մահմեդականի վարքագիծը առօրյա կյանքի բոլոր դրսնորումներում: Ֆիրիի կանոնները կոչված են կարգավորել մահմեդականի արտաքին տեսանելի վարքագիծը, նրա կողմից պարտավորությունների անմիջական կատարումը, մինչդեռ այսպես կոչված «թա-

սավվուֆը» կոչված է որոշել հավատացյալի կյանքի հոգեկան դրսեւրումները: Օրինակ, աղոթքներ անելու կարգը, ճիշտ լվացում կատարելը, Մեքքայի կողմը դեմքով շրջվելը, աղոթքի համար ժամանակի որոշումը, ռարա ‘աթների կարգը՝ այս բոլորը գտնվում է ֆիքի տնօրինության ներքո, այն դեպքում, եթե մտադրությունը, կենտրոնացվածությունը, ոգու մաքրումը և այլն գտնվում են թասավվուֆի իրավասության ներքո: Ֆիքի, այսպիսով, հետևում է պատվիրանների ճիշտ ու անբասիր կատարմանը, իսկ թասավվուֆը կոչված է չափել ոգին, հավատացյալի հնագանդության ու անկեղծության չափը: Ֆիքի նաև սոցիալական նորմերի խևամական կոմպլեքսն է: Այն հանդիսանում է շարիաթի բաղկացուցիչ մասը:

Մուսուլմանական իրավագիտությունը ձևավորվել է Սիրիայում և Իրաքում հիջրեթի երկրորդ դարում իրավունքի բրիստոնեական դպրոցների հետ շփման հետևանքով: Իսլամական աշխարհում գոյություն են ունեցել բազմաթիվ իրավական հարցերի գծով ուղղություններ կամ դպրոցներ, որոնք միևնույն օրենքին տվել են այլազան մեկնաբանություններ: Այդ հողի վրա իրավագետների շրջանում ի հայտ են եկել հակասական միտումներ: Նրանց մի մասը հենվում էր հաղիսների վրա, մյուսները պարզելով շատ ավանդությունների ոչ հավաստիությունը և հակասականությունը, որոնում էին նոր իրավական հիմքեր: Այդ բոլորի հետևանքով VIII դարի երկրորդ կեսից սկսած և IX դարում «ուղղադավան» («սուննիական») իսլամի մեջ ձևավորվեցին մի քանի կրոնական-իրավական «դպրոցներ» կամ ուղղություններ, որոնք կոչվում են «մազհար» (հոգն. «մազահիք», բառացիորեն «ճանապարհ», «գործողության ձև», «մեթոդ»): Սուննիական իսլամի շրջանակներում VIII դարից մինչև IX դարն ընկած շրջանում

ծնունդ առան մեկ տասնյակ այդպիսի դպրոցներ կամ ուղղություններ: Մինչև ներկա ժամանակները իրենց ազդեցությունը պահպանել են նրանցից չորսը: Գոյություն ունեն մահմեդական իրավագիտության կամ իրավունքի չորս հիմնական դպրոցներ, որոնք ընդգրկել են ողջ «ուղղադավան» սուննիական աշխարհը: Խոլամական կրոնի մեջ բոլոր իրավական նորմերը խարսխված են Ղուրանի և սուննայի վրա: Հենց այդ երկու աղբյուրների շրջանակներում գործել են և մեր օրերում է գործում են վերոհիշյալ չորս մազհարները: Մազհարի թարգմանությունը աղանդ բառով լուրջ սիսալ է հանդիսանում: Աղանդի տակ պետք է հասկանալ այնպիսի կրոնական խումբը, որն անջատված է տիրապետող կրոնական կառույցից կամ համայնքից, նրա հետ խզում է իր կապերը, նրա նկատմամբ որդեգրում է թշնամական հարաբերություններ և գնում է իր կատարելապես ինքնուրույն ճանապարհով: Մինչեռ կարելի էր պատկանել տարբեր մազհարների, բայց այնուամենայնիվ մնալ միևնույն «ուղղադավան» սուննիական համայնքի անդամ:

Իսլամի այդ չորս իրավական համակարգերն են.

1. Մալիքիական մազհարը: Նրա հիմնադիրը Մադինայի իմամ Մալիք իբն Անասն է (708/715-795 թ.): Նա կազմել է մի ժողովածու, որը կոչվում է «մուվաթթա» («մաքրված արահետ»): Այն իրենից ներկայացնում է ուղղադավան սուննիների սկզբունքներից բխող օրենքների համակարգում (կողիֆիկացում):

Մալիքը իր առջև խնդիր էր դրել ստեղծելու իրավական մի համակարգ, որն անմիջականորեն հիմնված լիներ հաղիսների վրա: Նրա աշխատությունը արտացոլում է VIII դարի Մադինայի գիտնական-իրավագետների տեսակետները: Անշուշտ Մալիքի հիմնական աղբյուրը Ղուրանն է, իսկ ապա Մուհամմադի և նրա

զինակիցների սուննան, սակայն անհրաժեշտության դեպքում նա դրանց համակցում է Մաղինայի սովորական (սովորութային) իրավունքը: Նա գտնում է, որ թեև հադիսները անպայման պետք է ծառայեն որպես հիմք, սակայն նրանք կարող են ենթարկվել փոփոխության, եթե հակասության մեջ մտնեն հասարակական շահերի հետ («իսրիսլահի սկզբունքը»): Անհրաժեշտության դեպքում նա դիմում է նաև մեկ այլ սկզբունքի՝ յուրաքանչյուր կոնկրետ հարցի կապակցությամբ Մաղինայի գիտնական-իրավագետների համաձայնեցված կարծիքին («իշմա», այսինքն *consensus doctorum*): Այլ կերպ ասած, Մալիքը հետևում է ավանդույթին, սակայն հնարավոր ու թույլատրելի է համարում նաև անհատական մեկնարանությունը («ույ») այն չափով, որ չափով որ այն վնաս չի հասցնում հասարակական շահերին:

Առհասարակ մալիքիական մազհարի հետևորդները աչքի են ընկնում իրենց անզիջում նվիրվածությամբ ավանդույթներին, դրանք համարելով նախնական և անաղարտ վիճակում պահպանված տեղեկությունների աղբյուր: Մալիքիականները մերժում են Ղուրանի բանական-հայեցողական մեկնարանությունը: Ճիշտ է, նրանք ընդունում են տրամարանական եզրակացությունների և «կիյասի» համանմանության (անալոգիայի) կիրառումը, սակայն ավելի սահմանափակ շրջանակներում, քան հանաֆիական դպրոցի հետևորդները:

Մի խոսքով, մալիքիական մազհարի հետևորդները գտնում են, որ Մուհամմադ մարզարեի կենանության օրոր եղած նորմերը պետք է անաղարտ կերպով պահպանվեն, ինչպես նաև հաշվի առնվեն Ղուրանի և սուննայի նորմերը, պետք է պահպանվի Մաղինա քաղաքի սովորական իրավունքը («աղաթ», «ուրֆ), անհրաժեշտ է առաջնորդվել «իշմայով» («համաձայնություն», *consensus*,

կարծիքների համաձայնեցում) և պետք է շանտեսվի առանձին անհատական կարծիքը («ույ»):

Մալիքիական մազհաբը բացի Հիջազից ու Մաղնայից արդեն IX դարում տարածվեց նաև Վերին Եգիպտոսում, Հյուսիսային Աֆրիկայում (Մաղրիբ), արաբական Խսանիայում, Սուլանում: Իրանում և Կենտրոնական Ասիայում մալիքների մազհաբը համարյա ոչ մի դեր չկը խաղում:

Ներկայումս մալիքիական մազհաբը տիրապետող է Մաղրիբի երկրներում (Ալժիր, Թունիս, Սարոկլո, Լիբիա), Արևմտյան Աֆրիկայում, տարածված է նաև Սուլանում, Իրաքում, Սիրիայում, Եգիպտոսում և մի շարք այլ երկրներում:

2. Հանաֆիական մազհաբ: Նրա հիմնադիրն է մուսուլմանական-աստվածաբան ֆարիկիներից ամենանշանավորներից մեկը՝ իմամ ան Նո ՛ ման Աբու Հանիֆան (մոտավորապես 696-767 թթ.): Ծնվել է Քուֆայում իրանական մավալիներից սերող մետարսի հարուստ վաճառականի ընտանիքում: Քուֆայում Աբու Հանիֆան ապրել է իր կյանքի մեծ մասը և այնտեղ դասախոսություններ էր կարդում ֆիրկի վերաբերյալ: Իր համակարգը նա աշակերտներին էր շարադրում բանավոր ձևով: Հանաֆիական մազհաբի առանձնահատկությունը կայանում է հետևյալում. նրանք Ղուրանն ընդունում են ամբողջությամբ ու անվերապահ կերպով որպես իրավունքի աղբյուր. սուննան ընդունվում է որպես անկախ աղբյուր, սակայն միայն հաղիսների խնամքով ընտրությունից հետո: Աբու Հանիֆան և նրա ստեղծած ուղղությունը ավելի մեծ տեղ էին տալիս ռային (առողջ դատողության վրա հիմնված անձնական կարծիքին և կիյասին՝ (համեմատության և զուգադրության հիմքի վրա գերակշիռ դատողությանը): Անորոշ և վիճելի հարցերի կապակցությամբ հանաֆիական մազհաբի կողմնակից-

ները առաջնորդվում էին մուսուլմանական համայնքի համար օգտակարության չափանիշով: Այլ կերպ ասած, երկու հնարավոր տրամաբանական եղրակացություններից այն ընտրելու սկզբունքին, որն առավել օգտակար ու հարմար էր համայնքի (պետության համար): Հանաֆիականները շանում էին շարիաթի խստ շրջանակները հարմարեցնել կյանքի գործնական պահանջներին:

Հանաֆիական մազհաբը մյուսներից տարբերվում է նաև նրանով, որ թույլ է տալիս բացի կրոնական իրավունքից լայնորեն օգտագործել նաև աշխարհիկ իրավունքը, այսինքն մինչև խալամի հաստատումը ձևավորված տեղական սովորական (սովորութային) իրավունքը, որը հայտնի է «աղաթ» կամ «ուրֆ» անվան տակ: Շնորհիվ դրա, հանաֆիական իրավունքը հանդիսանում է առավել ձկուն և առավել հարմար աշխարհիկ իշխանության համար: Այդ իրավունքը առանձնակի հաճույքով ընդունում էին քոչվորները, քանի որ դրանով նրանք կարող էին պահպանել իրենց հին նահապետական սովորույթները՝ աղաթները: Հենց այդ պատճառով թյուրքական ժողովուրդները՝ սելջուկները, ավելի ուշ Օսմանյան կայսրությունը, գերադասեցին հանաֆիական իրավունքը:

Հանաֆիական մազհաբը մուսուլմանական աշխարհում ամենատարածվածն էր շնորհիվ իր համեմատական ազատականության և այն բանի, որ այդ դպրոցի հետևորդ Օսմանյան կայսրությունը ողջ մահմեդական աշխարհում գրավում էր առաջնային և կարևորագույն դեր: Ըստ որում Օսմանյան կայսրությունում հանաֆիական մազհաբը համարվում էր պետական կարգավիճակ: Բոլոր կազիները՝ հոգևոր դատավորները և մուֆթին, ինչպես նաև իրավախորհրդատունները կարող էին իրենց անձնական համոզունքներով հարել սուննիական ցանկացած մազհաբի, բայց

դատել և կայացնել իրավաբանական վճիռներ՝ ֆեթվաներ, պարտավոր էին կատարել համաձայն հանաֆիական իրավունքի:

Ներկայումս հանաֆիները տիրապետում են հավատացյալ մահմեղական սուննիների միջավայրում բոլոր թյուրքական երկրներում (բացի Աղրբեջանից), արևելյում ույղուրներից սկսած մինչև արևմուտքում թուրքերը: Հանաֆիական մազհարի հետևորդներ են նաև Չինաստանի, Հնդկաստանի, Պակիստանի, Սիրիայի սուննի մահմեղականները: Հանաֆիական մազհարի հետևորդներ կան նաև Եգիպտոսում, Ինդոնեզիայում, Օուսաստանում, Բուլղարիայում և Բաղկանների այլ ալավոնական երկրներում:

3. Շաֆիական մազհար: Այս մազհարի հիմնադիրը իմամ Աբու Աբդուլլահ Մուհամմադ իբն Ինքիս աշ-Շաֆին է (767-820 թթ.), որը ծնվել է Պաղեստինում, գործել է Սիրիայում, իսկ ապա Եգիպտոսում: Նա ուսուլ ալ-Փիրիի՝ արմատների մեթոդովգիայի հիմնադիրն է, որի շնորհիվ հնարավոր է դարձել տալ մազհարների ճշգրիտ սահմանումները՝ նրանց արմատների և աղբյուրների տեսակետից: Նա իր այդ ուշագրավ ուսումնափրությունը կատարել է «Ռիսալա» («տրակտատ», «ուղերձ») կոչված հետազոտությունում:

Շաֆիականների իրավունքի համակարգը գրավում է յուրահատուկ միջին կամ կոմպրոմիսային դիրք հանաֆիական և մալիքիական մազհարների միջև, բայց ավելի մոտ է Վերջինիս: Տրամաբանական եզրահանգումն ու կիյասը՝ անալոգիայի մեթոդը շաֆիականները ևս կիրառում են, սակայն շանում են հստակ որոշել նրանց գործողության շառավիղը:

Շաֆիականները հավանություն չեն տալիս այսպես կոչված «իսթիհսան» սկզբունքի կիրառմանը, համարելով, որ այն չափից

ավելի մեծ հնարավորություններ է տրամադրում սուբյեկտիվ կարծիքի համար: Դրա փոխարեն շաֆիականները կիյասին դիմելիս օգտագործում են իրենց կողմից առաջ քաշված «իսթիսիաբի» (արար. «ինչ որ հայտնի բանի հետ կապի որոնում») մեթոդը: Այդ սկզբունքից հետագայում սկսեցին օգտվել նաև հանաֆիականները, սակայն ավելի սահմանափակ շրջանակներում:

Շաֆիական մազհարք մեծ տեղ է հատկացնում «իշմային»՝ ումմայի (իսլամական համայնքի) հավաքական կարծիքին, սակայն Շաֆիականների կողմից մալիքիական մազհարից փոխառված է վճիռ կայացնելու սկզբունքը ելնելով հասարակական շահից կամ օգտավետությունից («ալ-իսրիալահ»): Այդ մեթոդը հնարավորություն է տալիս որոշումներ կայացնել ինչպես ազատ դատողության, այնպես էլ սովորույթի (ուրֆ) նորմերի հիման վրա:

Աշ-Շաֆին գտնում էր, որ իր ուսմունքի սկզբունքները խարսխված են Ղուրանի և սուննայի վրա և որ նրանք իրավունքի միասնական աղբյուր են, սակայն սուննան լոկ ծառայում է որպես Ղուրանի հավելում: Նրա կարծիքով իշման (կոնսենտուսի սկզբունքը) նույնպես ծառայում է որպես Ղուրանի և սուննայի հավելում:

Շաֆիականները ժխտում են ռայի (անձնական կարծիքի) սկզբունքը: Նրանք թեև ընդունում են կիյասի (դատողություն ըստ անսրլողիայի) սկզբունքը, սակայն գտնում են, որ կիյասը անհրաժեշտ է կիրառել միայն այն դեպքերում, եթե այս կամ այն հարցի վերաբերյալ ոչ Ղուրանում, ոչ սուննայում և ոչ էլ իշմայում հիշատակություն չկա:

Այսպիսով, ըստ շաֆիական մազհարի, իրավունքի կամ իրավագիտության (ուսուլ ալ-ֆիքի) հիմքերը կարելի են դասավորել

հետևյալ կարգով ըստ նրանց նշանակության. Ղուրան, սուննա, իջմա և կիյաս, իսկ ռայր չէր հաշվում որպես կայուն հիմք:

Հանաֆիականից հետո շափիական մազհարք ամենատարածվածն է: Այն տարածում է գուել Արաբական Միացյալ Էմիրություններում, Եգիպտոսում, Պաղեստինում, Պակիստանում, Բահրեյնում, Հորդանանում, Արևելյան և Հարավային Աֆրիկայում, Ինդոնեզիայում (հիմնականում Ճավայում, Սումաթրայում, Կալիմանթանում), Սիրիայում և Հարավային Արաբիայում, Դաղստանի և Աղրբեջանի լեզգինների շրջանում, Մալայզիայում, Բրունեյում, Իրաքում, Հնդկաստանում և Լիբանանում: Շափիական մազհարքի հետևորդները կազմում են Իրանի և Եմենի սուննիների հիմնական զանգվածը:

4. Հանրայիական մազհարք: Այս մազհարքի հիմնադիր է համարվում իմամ Ահմադ իբն Հանբալը (ծնվել է Բաղդադում 780 թ., մահացել 855 թ.): Հանբալիների հետևորդները համարվում են ամենամոլեռանդ մահմեդականները: Հանբալիական մազհարքը խւամի սուրբ գիրը՝ Ղուրանը, իսլամական դոգմաները, հաղիսները և այլն ընդունում է գուտ անաղարտ վիճակում, այսինքն, ինչպես նրանք հայտնվել ու ձևավորվել են իսլամի ծագման շրջանում: Հենց իր՝ մազհարքի հիմնադիր Հանբալի կրոնական և իրավական հայցըները դուրս չեն գալիս զաղափարների փակ շրջանակներից: Նեղմտությունը, սահմանափակությունը և անհանդուրժողականությունը կրոնի գործերում ամեն մի «նորույթի» նկատմամբ, տառակերությունը և Ղուրանի ու հաղիսների ցանկացած ազատ ու բանական մեկնաբանման մերժումը հանբալիների համակարգի բնորոշ գծերն են հանդիսանում: Հանբալիները կտրականապես թույլ չեն տալիս կրոնի մեջ կարծիքների ազատ արտահայտման թեկութ նվազագույն դրսերում, աչքի են ընկ-

նում շարիաթի նորմերը և մուսուլմանական ծիսակատարություններն անշեղորեն կատարելու անզիջում դիրքերում:

Հանբալիական մազհարք կտրուկ հանդես է գալիս IX-X դարերում իսլամի մեջ տարածված (մասամբ քրիստոնեության ազդեցության ներքո) սրբերի կուլտի և նրանց դամբարանները կատարվող ուխտագնացության դեմ: Դրա մեջ հանբալիները տեսնում են միաստվածության համար վտանգավոր «նորամուծություն», որը գոյություն չի ունեցել նախասկզբնական իսլամում: Իբն Զանբալը պնդում էր, որ իսլամը պետք է մաքրվի Սուհամմադ մարգարեի սուննային դիմելու ճանապարհով, մերժում էր իսլամի մեջ նորամուծությունները (բիդա), դատապարտում իսլամական հասարակության մեջ կոնֆլիկտների ծագումը:

Իբն Զանբալի սկզբունքի համաձայն, օրենքի աղբյուր պետք է լինի միայն սրբազն ավանդույթը: Նա կասկածի տակ էր դնում հաղիսների հավաստիությունը:

Հանբալիական դպրոցը վերածվել է մազհարի միայն XII դարում:

Հանբալիական մազհարի սկզբունքների հիման վրա կիսանահապետական Նաջում XVIII դարում ձևավորվեց վահարիականությունը կամ վահարիների շարժումը:

Իբն Զանբալը ռայը (անձնական կարծիքը) ընդունելի էր համարում միայն ծայրահեղ անհրաժեշտության դեպքում:

X-XV դարերի միջև ընկած շրջանում հանբալիական մազհարք լայն տարածում գտավ ողջ մահմեդական աշխարհում: Այն հատկապես տարածված էր Հիջազում, Նաջում, Սիրիայում, Սիցազետքում (այս երկու երկրներում մինչև սելջուկների կողմից հանաֆիական մազհարի տարածվելը): XIV դարում այն կրկին վերածնունդ ապրեց Սիրիայում: Հանբալիները մեծ թիվ են կազ-

մուս նաև Իրանում: Արաք պատմիչ Սուլադդասին (X դ.) հանբա-լիների մասին հիշատակում է Սպահանում, Ռեյում և այլ քաղաք-ներում:

Մեր օրերում հանբալիական մազհարի տարածումը սահ-մանափակվում է հիմնականում Սառույան Արաբիայով և սան-շան չափով Սիրիայով ու Եգիպտոսով:

Հանբալիական դպրոցը հայտնի է իր առանձնահատուկ դաժանությամբ պատիճներ որոշելիս:

Ինչպես նշվել է վերևում, իսլամի այս չորս մազհարներին հետևում են սուննիները կամ ուղղադավան մահմեդականները: Ի դեպ, սուննիական իսլամը այդ բոլոր չորս համակարգերը համա-րում է հավասար, գտնելով, որ նրանց բնորոշ են լոկ ոչ էական տարրերությունները («իիթիլաֆ ալ-մազահիբ»): Այստեղից հետ-ևում է, որ յուրաքանչյուր սուննի մահմեդական ազատորեն կա-րող է փոխել իր մազհարը: Սակայն պետք է նշել, որ այդպիսի խաղաղ հարաբերությունները չորս մազհարների միջև միանգա-մից չեն հաստատվել: IX դարում և դրանից հետո այդ մազհարնե-րի միջև ընթանում էին կատաղի վեճեր, երբեմն վերածվելով զին-ված ընդհարումների:

Այդ չորս համակարգերի միտումները համառոտակի կարե-լի է ձևակերպել հետևյալ կերպ. մալիքները և հանբալիները ավե-լի շատ հետևում են օրենքի տառին, իսկ հանափիներն ու շաֆիի-ները ավելի մեծ նշանակություն են տալիս օրենքի ոգուն: Իսլամի սուննիական ուղղությունը դավանող այն երկրներում, որտեղ ի-րավունքի նորմերը խարսխված են շարիաթի սկզբունքների վրա, գույքային, ժառանգական և քրեական իրավունքը, փաստարա-նության ինստիտուտը, երդում տալու կանոններն ու ձևերը, եր-դումնային խոստումները, երաշլսիքային հարցերը և այլն մշակ-

ված են սուննիական ուղղության վերոհիշյալ չորս իրավական դպրոցների վրա:

Բացի վերոհիշյալ չորս մազհաքներից, գոյություն են ունեցել նաև այլ մազհաքներ, որոնք սակայն անհետացել են և այժմ գոյություն չունեն:

* * *

Դուրանում չի խոսվում այն մասին, թե ինչպես պետք է կառուցվի մուսուլմանական պետությունը: Այնտեղ չի հիշատակվում նաև խալիֆի մասին որպես մուսուլմանական պետության ղեկավարի: Խալիֆի աստիճանը, որպես Մուհամմադի տեղակալի, ստեղծվել է այն ժամանակ, երբ երիտասարդ արաբական պետության տիրապետող վերնախավը կարիք է զգացել կենտրոնացնելու կառավարման համակարգը, որպեսզի կարողանա պահպանել իշխանությունը արաբական քեղվինական զանգվածների, հողագործների և քաղաքային բնակչության նկատմամբ և այդ զանգվածներին ուղղի դեպի բյուզանդական և իրանական հողերի նվաճումը: Սկզբնական շրջանում հստակ պատկերացում գոյություն չուներ, թե ինչպիսին է լինելու խալիֆի պարտականությունների շրջանակը: Գոյություն չուներ նաև խալիֆի ընտրության որոշակի կարգ: Արաբական վաղ ֆեոդալական պետության զարգացման հետ զուգահեռ այդ խնդիրը սկսեց աստիճանաբար ձևավորվելու կյանքի կոչվել:

Խալիֆի ձևորերում ի սկզբանե կենտրոնացվեց ինչպես կրոնական իշխանությունը (իմամություն), այնպես էլ քաղաքական (Էմիրություն):

Մուսուլմանական ֆարիհները մի քանի հարյուրամյակների ընթացքում աստիճանաբար մշակում էին խալիֆների կրոնական

ու աշխարհիկ իշխանությունների տեսությունը, անկասկած աշխատելով այն բխեցնել Ղուրանի հրահանգներից: Որպես այդ տեսության հիմք Ղուրանից վերցված էր հետևյալ արտահայտությունը. «Հավատացյալներ ինազանդվեցեք Ալլահին, ենթարկվեցեք նրա մարզարեին՝ Մուհամմադին և ձեր միջի իշխանություն կրողներին»: Ղուրանի մեկնաբանները «իշխանության կրողների» տակ հասկանում էին իմամ-խալիֆին, շարիաթի գիտակ ֆարիհներին, կազիներին, հրամանատարներին և այլն:

Սուննիական պետական իրավունքի գծով ամենահեղինակավոր աշխատանք էր համարվում շաֆիական մազհարի օրենսգետ Աբու-լ-Շասան Ալի իբն Մուհամմադի (974-1058) «Կառավարման օրենքները» կամ «Սուլթանական օրենքները» («Ալ-ահրամ աս-սուլթանիյա») աշխատությունը, որտեղ խալիֆայության տեսությունը շարադրված է առավել ավարտուն տեսքով:

Պատերազմը ոչ մահմեդական պետությունների հետ, կամ «հավատի համար սրբազն պատերազմ» դիտվում էր որպես խալիֆի զիսավոր պարտականություններից մեկը: «Հանուն հավատի» պատերազմի հետ միաժամանակ մուսուլմանական իրավունքը նախատեսում է նաև ներքին պատերազմներ (արար. «խուրութ ալ-մուսալիխ»), որի տակ հասկացվում է պատերազմ «խոռվարարների» դեմ:

Ինչ վերաբերում է մուսուլմանների միջև պատերազմներին, ապա մուսուլմանական իրավունքը չէր նախատեսում այդպիսի հնարավորություն, քանի որ աստվածապետական պետությունը սկզբունքորեն ենթադրում էր միայն միասնական համամուսումանական պետության գոյություն: Սակայն գործնականում մուսուլմանական պետությունների միջև պատերազմներն արդեն IX-X դարերում դարձել էին սովորական երևոյթ:

* * *

Շարիաթ բառը ծագում է (արաբերեն «շարիա», «շարա՝ա») «օրենքներ հրապարակել» բառից: Դա մուսուլմանական օրենսդրությունն է, կամ մահմեդական օրենքների սիստեմավորված հավաքածուն՝ հիմնված Ղուրանի և սուննայի վրա: Շարիաթ բառացի նշանակում է հատուկ ձանապարհ, որով պետք է զնան մուսուլմանները: Շարիաթի մեջ խլամի տեսանկյունից լուսաբանվում են ինչպես աշխարհիկ, այնպես էլ կրոնական պրոբլեմները: Նրանում մեկ միասնական համակարգի մեջ են ընդգրկված այնպիսի օրենքներ, որոնք կարգավորում են տնտեսական կյանքը, բարոյականության և էրիկայի նորմերը, մահմեդական ծեսերն ու տոնները, հավատացյալների վարքագիծը և ողջ մահմեդական համայնքի ապրելակերպը: Շարիաթում մանրամասն շարադրվում են արգելքները, թվարկվում են թույլատրելի արարքները և այլն: Շարիաթն ու նրա օրենքները, ըստ մահմեդական օրենսդիրների սկզբունքի, պետք է ընդգրկեն մուսուլմանի կյանքն ու գործունեությունը օրորոցից սկսած մինչև գերեզման: Շարիաթը կանոնակարգում է օրենսդրական իրավունքը, ընտանեկան-ամուսնական, կենցաղային հարաբերությունները: Նրանով առաջնորդվում են մուսուլմանական շարիաթական դատարաններում:

Շարիաթը ստեղծել են մի քանի հարյուրամյակների ընթացքում, VII դարից մինչև XII դարը ընկած շրջանում: Շարիաթական դատարաններից բացի մուսուլմանական երկրներում գոյություն ունեին և ներկայումս էլ գործում են նաև աշխարհիկ դատարաններ: Մի շաբթ մուսուլմանական երկրներում սահմանադրությունը մշակելիս որպես հիմք են ընդունել շարիաթը (օրինակ, Իրանի

Իսլամական Հանրապետությունում, Քուվեյթում, Կատարում, Բահրեյնում և այլն):

Շարիաթը դա վարքագծի խնամքով մշակված օրենսգիրքն է, որի մեջ շարադրված են ընտանեկան և հասարակական կյանքի բարոյական օրենքները, զանազան արգելքներն ու թույլատրված կանոնները: Շարիաթի նորմերը բավականին հաճախ ենթարկվում են տարբեր տեսակի փոփոխությունների, կապված ժամանակի ու հասարակության հետ:

Մուսուլմանի վարքը որոշվում է հինգ տեսակներով, որոնք են. «Փարդ» կամ «Վաշիր», դա այն է, որը ենթակա է պարտադիր և անվերապահ կատարման, օրինակ, իսլամի հինգ հիմնայունների պահպանումը. «հարամ»՝ դա բացարձակ արգելքի ինչ որ բան է, օրինակ, ամուսնական դավաճանությունը կամ խոզի մսի օգտագործումը. «մանղութ» կամ «մուստախար»՝ թույլատրված, բայց ոչ պարտադիր գործողությունները, օրինակ լրացուցիչ աղոքների կատարում. «մաքրուհ», շարգելված, բայց և չխրախուսվող գործողություններ, օրինակ, ապահարզան տալը. և «մուրա»՝ գործողություններ, որոնց կապակցությամբ գոյություն չունեն հստակ ցուցումներ, ուստի թողնվում են յուրաքանչյուր մահմեդականի խղճի դատին և առողջ դատողությանը:

Ժամանակակից կյանքի պրոբլեմների մեծ մասը ընկնում է մուրա կատեգորիայի տակ: Առհասարակ այն բոլորը, ինչ արգելված չէ, իսլամի մեջ հանդիսանում է թույլատրելի, բնականաբար, բանական սահմաններում և իսլամական սկզբունքների ու անձնական խղճի հետ ներդաշնակության մեջ:

Իսլամի մեջ հավատացյալի կյանքի յուրաքանչյուր օրն ու ժամը, նրա ամեն մի քայլն ու արարքը խստիվ կանոնակարգված է: Օրինակ, շարիաթում ասկում է, թե ինչպես պետք է վեր կենալ

անկողնուց և աղոթել, լվացվել, ուտել, ինչպես պետք է վերաբերվել ընտանիքի անդամների նկատմամբ, ինչպես գործարքներ կնքել, որսի ժամանակ թռչուններ սպանել և այլն: Այդ նույն նպատակով կազմվել են հատուկ ժողովածուներ, որտեղ ուսուցանվում են հավատացալների վարքագծի վերաբերյալ սկզբունքներ: Այդ ժողովածուներում մոռացության մատնված չեն նույնիսկ մարդու կյանքի ինտիմ կողմը:

Շարիաթական գրքերում ասվում է, որ մուսուլմանը ամեն ինչ պետք է անի «հանուն Ալլահի»: Որպես օրինակ բերվում է մազհարներից մեկի հիմնադիր Ահմադ իբն-Զանբալի օրինակը, որն իբր թե ձմերուկ չէր ուտում լոկ այն պատճառով, որ Ղուրանում և սուննայում տեղեկություն չէր գտնում այն մասին, թե արդյոք Սուհամմադ մարզարեն երբնիցեն կերել է ձմերուկ, թե ոչ:

Անտարակույս իսլամը ուժգին ազդեցություն է գործել մահմեդական հասարակության տարրեր կողմերի վրա: Նույնիսկ մեր օրերում իսլամական երկրներում մեծ թվով մարդիկ անվերապահորեն կատարում են կրոնի կողմից նախատեսված բոլոր հանձնարարականները, և իբր անում են այն, ինչ ցանկանում է Ալլահը («մաշա՝ ալլա», կամ հաճո է Ալլահին («ին շա՝ ալլա»):

Շարիաթը ստեղծվել է ոչ միանգամից, քանի դեռ Սուհամմադը կենդանի էր, ինչն էլ միաժամանակ հանդիսանում էր և՝ դատավոր և՝ օրենսդիր: Իրավական քազմաթիվ նորմեր, որոնք մտել են Ղուրանի սուրաների մեջ, մշակվել են նրա կողմից: Սակայն Սուհամմադը բնականարար չէր կարող նախատեսել այն բոլոր իրավական կազուները, որոնք հանդիպում են հասարակության, պետության և անհատի կյանքում: Նրա մահվանից հետո շատ շուտ պարզվեց, որ Ղուրանի պատվիրանները բավարար չեն բոլոր իրավական հարցերի լուծման համար: Եթե որևէ կյանքի

պատասխանը չին գտնում Ղուրանում, այնժամ դիմում էին նախադեպին, այսինքն ստեղծված վիճակից ելք էին որոնում դիմելով մարզարեի կատարած քայլերին կամ գործողություններին նման իրադրությունների ժամանակ, կամ պարզապես առաջնորդվում էին նրա առանձին ասույթներով: Այդ բոլոր օրինակելի որոշումները, որոնք պահպանվել էին տարբեր ավանդություններում, գրի էին առնվել VIII-IX դարերում: Հենց այդ ժամանակարինվ, ինչպես նշվել է վերևում, ծնունդ առավ հաղիսների, այսինքն Մուհամմադի վերաբերյալ ավանդությունների, նրա կատարած գործերի, ընդունած որոշումների և հայտարարությունների մասին ժողովածուն:

Շարիաթը ներառում է նաև սովորական (սովորութական) իրավունքի՝ աղաթի նորմերը, որից վճիռներ կայացնելիս, հաճախ օգտվել է նաև Մուհամմադը:

Այսպիսով՝ Ղուրանը, սուննան (Մուհամմադի ասույթները և գործերը), քիյասը (անալոգիաներ կամ նախադեպեր), իջման (խոշոր իրավագետների և աստվածաբանների համաձայնեցված կարծիքը), ֆեթվաները (քարձրագույն հոգևոր անձանց իրավաբանական եզրակացությունները), աղաթը (սովորույթները) շարիաթի աղբյուրներն են և բաղկացուցիչ մասերը: Սակայն զլասավոր աղբյուրներ են համարվում Ղուրանը և սուննան: Ընդ որում, մնացած բոլոր աղբյուրները չպետք է հակասեն դրանց:

Շարիաթը առաջնորդվում է «ակն ընդ ական, ատամն ընդ ատաման» սկզբունքով, որն արաբերեն կոչվում է «կիսաս»: Շարիաթը խրախուսում է նաև արյան վրիժառությունը: Ղուրանում այդ մասին ասվում է. «Ո՛վ հավատացյալներ, սպանության համար ձեզ վրեժիննդրություն է պատվիրված, ազատի տեղ ազատ, և ծառայի տեղ ծառա, և իգականի տեղ իգական» (2:173):

Ճիշտ է, թափած արյան դիմաց կարելի է վճարել վիրա՝ արյան զին սպանվածի ազգականներին: Շարիաթը հանգամանորեն մշակել է նման տուգանքների չափը նաև հաշմելու դեպքի համար:

Հանցագործությունների համար շարիաթական պատիժները պահպանել են միջնադարին հատուկ դաժան պայմանները: Օրինակ, Ղուրանում ասվում է. «Եվ արու գողին և եզ գողին՝ երկուսի էլ ձեռները կտրեցեք ի պատիժ իրանց արածի իբրև խրատ Աստծո կողմանե» (5:42): «Ծնացող կնկան և շնացող մարդուն՝ ամեն մեկին հարյուր զավազան զարկե՛ք իբրև Աստծո դատաստան... և հավատացյալներից մի խումբ ներկա լինի նրանց այդ պատժին» (24:2):

Բազմաթիվ հանցագործությունների համար իսլամը նախատեսում է մահապատիժ. օրինակ, իսլամից հրաժարվելու, ավագակության, կանխամտածված սպանության և այլն. մահապատժի ձեռքը ևս՝ զլյատում, քառատում, քարծեծ, կենդանի թաղել, ջրի մեջ խեղել և այլն նույնպես զալիս են միջնադարից: Հստեղության շարիաթը հանդիսանում է կրոնի ներխուժման միջոց հավատացյալների ամենօրյա կյանքի և կենցաղի լայն շրջանակները: Մահմեդական երկրներում նույնիսկ այնպիսի ակտերը, ինչպես առք ու վաճառքի, հողերի ու տների վարձակալության, պարտքով փող վերցնելու և այլն պայմանագրերը կնքվում են հոգևորական դատավորների՝ կադիների մոտ, որոնք առաջնորդվում են շարիաթական կանոններով: Ծնորհիվ դրա, կրոնի ազդեցությունը հասարակական և մասնավոր կյանքի վրա իսլամական երկրներում չափազանց ուժեղ է:

Արդյոք, ի վիճակի՝ է Մերձավոր Արևելքում 14 դար առաջ սահմանված օրենքը լուծել ժամանակակից քաղաքակրթության

բոլոր բարդ խնդիրները: Կարո՞ղ է մարդն իմանալ, արդյոք, լավ է թե վատ հեռուստացույց նայելը, ոռք երածշտության կատարելն ու լսելը և այլն: Խսլամական աշխարհում հեղինակավոր մարդիկ, զինվելով մտածողության ու դատողության ժամանակակից մեթոդներով, որոշում են, թե գործողությունների որ տեսակն ու ձևն է մուսուլմանների համար ընդունելի այս կամ այն կոնկրետ դեպքերում և արդյոք այն համապատասխանում է Ղուրանի և հայիսների ոգուն, թե ոչ: Նման եղանակով մշակված որոշումները կոչվում են «փջմա» կամ համաձայնություն, իսկ մուսուլմանական իրավական սկզբունքների մշակումը ընդունված է անվանել «փջբիհաղ»: Սակայն եթե նույնիսկ համաձայնության հիմքի վրա օրենսդրության հարցերով գրադադար մարդիկ միաձայն արտահայտվել են հօգուտ այս կամ այն օրենքի, որը հակասում է Ղուրանի և սուննայի սկզբունքներին, օրենքը կմերժվի «Ճշմարիտ մուսուլմանների» կամ առանձին երկրներում պետական մարմինների կողմից որպես հակաշարիաթական օրենք:

Իջման մշակվում է խսլամական իրավունքի ճանաչված զիտակների՝ «ուլամայի» (արար. ուլամա (ուլեմներ)՝ զիտնականներ, եզակի թիվ ալիմ) կողեկտիվ որոշման հիման վրա: Սակայն, ի դեպ, նրանց որոշումները ևս պարտադիր չեն համարվում կատարման համար, քանի որ այդ որոշումների հիմքում ընկած է մարդկային կարծիքը: Յանկացած իջման, որը մշակվել է հին շրջանում, մարզաբեկ մերձավորագույն հետևորդ և զինակից առաջին խալիֆների կողմից, ընդունվում են որպես պարտադիր կատարման ենթակա:

Շարիաթի շիական խմբագրության տարբերությունները, որպես կանոն, չունեն էական և սկզբունքային բնույթ, թեև նրանց միջև կան որոշ տարբերություններ: Այսպես, ի տարբերություն

սուննիների, շիաները օրինական են դարձրել «սիղե» կոչված ժամանակավոր ամուսնությունները: Շիական շարիաթում նաև պարունակվում է պաշտոնական հրահանգ այն մասին, որ շիաները պարտավոր են ուստագնացություն կատարել խալիֆ Ալիի, նրա որդի Հուսեյնի և իմամ Ռեզայի գերեզմաններին: Իսլամի այդ երկու ռազմությունների կրոնական ծիսակատարությունների միջև ևս կան որոշակի տարբերություններ:

Սուննիների և շիաների տեսակետները տարբերվում են նաև այն հարցի կապակցությամբ, թե ում է թույլատրված մեկնարանել շարիաթական իրավունքը: Շիաները գտնում են, որ ներկայում ապրող աստվածաբանները, որոնք հայտնի են «մուօթեհիդներ» անունով, իրավասու են մեկնարանել «Աստվածային օրենքը» անցյալի աստվածաբանների հետ համահավասար: Նրանք նաև գտնում են, որ աշխարհի հոգևոր կառավարման իրավունքը ժամանակին դրված է եղել Մուհամմադ մարգարեի աղջկա՝ Ֆաթիմայի սերունդների վրա և այդ իմամներին թույլատրված է եղել ազատորեն մշակել իշթիհայ:

Դարերի ընթացքում ձևավորվել է նաև իսլամի քրեական և քաղաքացիական իրավունքը:

Համաձայն ֆիքհի, իրավախախտումների համար կարող է պատասխանատու լինել միայն շափահաս, հոգեպես առողջ մարդը: Անշափահասները և հոգեկան հիվանդները պատասխանատվություն չեն կրում, կամ կրում են սահմանափակ պատասխանատվություն:

Մինչխամական Արաբիայում արյան վրիժառության պարտականությունը ընկնում էր սպանվածի ողջ ցեղի վրա, որը պարտավոր էր սպանվածի արյան համար վրեժ լուծել սպանողի տոհմից կամ ցեղից: Բայց սպանողի ցեղը վրիժառությանը պատասխա-

նում էր վրիժառությամբ: Ուստի մեկ սպանությունը իր հետևեից քերում էր երկու կողմերից սպանությունների մի ամբողջ շարան: Մուհամմադը սահմանափակել է արյան վրիժառության իրավունքը. նրա սահմանած կարգի համաձայն, արյան վրիժառության իրավունքը ընկնում է միայն սպանողի վրա և ոչ թե նրա ազգականների, հարազատների կամ տոհմի ու ցեղի: Եթե սպանվածի ընտանիքը (արդեն ոչ թե ցեղը կամ տոհմը) ցանկանում է արյան վրիժառության փոխարեն որպես հատուցում բավարարվել «կիսասով», այսինքն սպանվածի «արյան գինը» («դիա») ստանալով, ապա դիայի վճարման պարտավորության երաշխավորումը ընկնում է միայն սպանողի ընտանիքի վրա:

Ընդունելով և ճանաչելով արյան վրիժառության սահմանափակ իրավունքը, Ղուրանն այնուամենապնիկ սպանվածների հարազատներին պատվիրում է ներել մարդասպանին, քանի որ «ներումը հաճո և աստծուն»: Ղուրանում այդ առթիվ ասվում է. «Եթե դու ինձ վրա բարձրացրել ես քո ձեռքը, որպեսզի սպանես ինձ, ապա իմ ձեռքը չեմ բարձրացնի թեզ վրա, որպեսզի սպանեմ թեզ, քանի որ ես վախենում եմ աստծուց, աշխարհների տիրակալից»: Ներման այդ զաղափարով ֆիրհում արդարացվում է արյան վրիժառության փոխարինումը «դիայով» կամ «վիրայով», այսինքն «արյան գնի» վճարումով:

Կին արարածի սպանության համար վճարվում է միայն լրիվ արյան գնի կեսը: Իսլամական քրեական իրավունքը խիստ պատիճներ է սահմանում գողության, կողոպուտի, ավազակության և այլ հանցանքների համար: Ֆիրհը հավատուրացությունը («ոյիդյա») որակում է որպես չափազանց ծանր հանցագործություն: Հավատուրացը («մուրթադր») ոչ միայն դադարում է մուտումանական համայնքի անդամ լինելուց, այլև զրկվում է բոլոր բա-

դաբացիական իրավունքներից. նրա ամուսնությունը չեղյալ է հայտարարվում, իսկ ունեցվածքը բռնազրավվում է հօգուտ պետության: Հավատուրացը պետք է բանտում նախնական կալանքի ենթարկվի: Շաֆիական մագհաբը գտնում է, որ հավատուրացին պետք է երեք օր տրամադրել, որի ընթացքում նրան հնարավորություն է տրվում ապաշխարել և դրանով իսկ խուսափել մահապատճից: Մինչդեռ մալիքիական մագհաբը դա անհրաժեշտ չի համարում:

Որոշ ֆարիհներ գտնում են, որ անհրաժեշտ է տարբերակել այն հավատուրացներին, որոնք ծնվել և դաստիարակվել են մուսուլմանական ընտանիքում և նրանց, որոնք մինչև իսլամն ընդունելը եղել են հուղայական և կամ քրիստոնյա: Վերջիններիս մոտ իսլամի հավատուրացությունը դիտվում է որպես իրենց նախկին հավատքին վերադառնալու փորձ: Նրանց նկատմամբ ֆարիհները հնարավոր են համարում դրսերելու ներողամտություն, նրանց հնարավորություն տալով, որ նրանք ապաշխարեն և խնդրեն ներողամտություն: Եթե հավատուրացը հրաժարվում է ապաշխարել («խթիթաբա»), նա պետք է մահապատճի ենթարկվի: Հանաֆիական մագհաբը գտնում է, որ հավատուրացության համար միայն տղամարդիկ են ենթակա մահապատճի, կանանց համար այն պետք է փոխարինվի բանտարկությամբ այնքան ժամանակ, մինչև որ հավատուրացը ապաշխարի իր մեղքը: Մինչդեռ շաֆիականները և մալիքիականները հավատուրացության համար մահկան են դատապարտում ինչպես տղամարդկանց, այնպես էլ կանանց:

Հավատուրացների հետ համահավասար, իսլամական օրենքը պատճի է ենթարկում նաև բացահայտ անաստվածներին (աթեկատներին):

Ֆիքիր խիստ պատիժներ է սահմանում նաև «խոռվարարների» («մուֆսիդ») համար: Խոռվարար է ճանաչվում այն անձը, որը չուրանալով իսլամը, միաժամանակ հրաժարվում է կատարել շարիաթի պահանջները. օրինակ, չի վճարում հարկերը, կամ չի ենթարկվում օրինական խալիֆին և կամ տեղական կառավարչին: Նման անձինք, եթե ժամանակին չեն ապաշխարում, ենթակա են մահապատժի, իսկ նրանց ունեցվածքը բռնազրավում է: Խոռվարարները զրկվում են մուսուլմանական ծեսով թաղվելու կրոնական իրավունքից: Ի դեպ, Աբրու Հանիֆան խալիֆի իշխանության նկատմամբ անհնազանդներին դիտում էր որպես իսլամն ուացողներ:

Եթե մուսուլմանական պետության դեմ զինված ապստամբությամբ կամ հերձվածողների շարժմամբ բռնված են ամբողջ նահանգներ, ապա նրանց դեմ պետք է ուղարկվեն զորքեր: Եթե ապստամբները իսլամը բացահայտ ուրացողներ են («մուրթադդ») կամ հերետիկոսներ, ապա պատերազմը նրանց դեմ պետք է վարվի ճիշտ այնպես, ինչպես «անհավատների» դեմ, այսինքն նրանց կարելի է սպանել, մահապատժի ենթարկել, իսկ նրանց կանանց և երեխաներին քշել ստրկության, նրանց պատկանող ունեցվածքը վերածել ուազմական ավարի և երկիրն ավերել:

Եթե մուսուլմանական պետության դեմ ապստամբել են ամբողջ նահանգների և երկրամասերի զիմմիները (օրինակ, հայ և վրացի քրիստոնյաների ապստամբությունները խալիֆայության դեմ VIII-IX դարերում, Եգիպտոսում քրիստոնյա-դպտիների ապստամբությունը խալիֆ Մամունի ժամանակ և այլն), ապա նրանց դեմ ուղարկված զորքերը պետք է գործեին այնպես, ինչպես «անհավատների» և հավատուրացների դեմ:

Աստվածանարգությունը, աստվածամերժությունը և մարդարեների անարգումը պատճենում էր այն նույն կերպ, ինչ հավատուրացությունը, սակայն այն տարբերությամբ, որ այդ դեպքում չի թույլատրվում մեղավորին խրատիչ հորդոր անել, քանի որ նման հանցագործությունը ներման ենթակա չէ: Նշված դեպքում պատճի են ենթակա ոչ միայն մուսուլմանները, այլև «անհավատները՝ զիմմիները և հեթանոսները: Նման գործով դատավճիռ կայացելու համար պահանջվում է, որ դատարանի առջև վկայություն տան երկու մահմեղական վկաներ:

Շարիաթի ընտանեկան և ամուսնական իրավունքը պահպանել է մինչխալամական Արաբիայի նահապետական-ցեղային կենցաղի մնացուկները: Այդպիսի մնացուկ է հանդիսանում փեսացուի (կամ նրա ծնողների) պարտականությունը ամուսնական պայմանագիրը կնքելու ժամանակ հարսնացուին «մահր» (զլխագին) վճարելը: Մահրի չափը կարող է որոշվել կամ փոխադարձ համաձայնությամբ, կամ այն չափով, որչափով որ մահր են ստացել հարսի ընտանիքի աղջիկներն ու կանայք մարդու գնալիս («մահր ըստ օրինակի», արաբերեն «մահր ալ-միալ»): Մահրի չափերը կարող են լինել շատ բազմազան, կախված փեսացուի և նրա ընտանիքի ունեցվածքային դրությունից: Սակայն աղջկա համար վճարվող մահրը սովորաբար պետք է լինի ավելի բարձր, քան այն կնոջ համար, որը մեկ կամ մի քանի անգամ ամուսնացած է եղել: Մահրը դառնում է հարսի, և ոչ թե նրա ընտանիքի սեփականությունը:

Որպեսզի ամուսնությունը հաշվվի օրինական («նիքահ»), երկու կողմերն ել պետք է լինեն մահմեղական: Միայն ըստ հանաճիական իրավունքի, տղամարդը կարող է իր համար օրինական կին վերցնել քրիստոնյայի կամ հրեայի (բայց ոչ զրադաշտա-

կանի և հեթանոսի) առանց նրա հավատքը փոխելու. մյուս մազ-հաբները, մասնավորապես շաֆիականը, թույլ չեն տալիս նման ամուսնությունը: «Եւ կռապաշտի հետ մի ամուսնանաք մինչեւ որ հաւատան: Մի հաւատացեալ աղախին լավ է քան մի կռապաշտ կին, թեև սա ձեզ յափշտակէ իր գեղեցկուրեամբ» (2:220).- աս-վում է Ղուրանում: Մուսուլման կինը, բոլոր մազհաբների ընդհա-նուր կարծիքով, չի կարող ամուսնանալ ոչ զիմմիի, և ոչ էլ առավել ևս հեթանոսի հետ:

Ամուսնություններն արգելված են մինչև արյունակցական ազգակցության երրորդ աստիճանը («Նիսրա»): Երկու եղբայրներ չեն կարող ամուսնանալ երկու հարազատ քույրերի հետ. մեկ տղամարդը չի կարող ամուսնանալ երկու քույրերի հետ ոչ միա-ժամանակ և ոչ էլ հաջորդաբար: Տղամարդը չի կարող կնության վերցնել այնպիսի կնոջ, որի մոր, աղջկա, կամ քրոջ հետ նա եղել է ամուսնության կամ կապի մեջ:

Բոլոր մազհաբների ընդհանուր կարծիքով, ազատ տղա-մարդը չի կարող միաժամանակ ունենալ չորսից ավելի օրինա-կան կին (բայց նա կարող է ցանկացած թվով ունենալ հարձեր): Սակայն կանանցից որևէ մեկի հետ ապահարզանից հետո կարող է նրա փոխարեն վերցնել մի նոր կին: Կինը ամուսնու մահվանից կամ նրա հետ ապահարզանից հետո կարող է կրկին ամուսնա-նալ. ընդ որում հետևողականորեն կնքվող ամուսնությունների թիվը չի սահմանափակվում:

Տեսականորեն ֆիրիք չի թույլտրում հարկադրանքի ներք օրինական ամուսնությունը. ինչպես պատանին, այնպես էլ աղջի-կը պետք է տան ամուսնության վերաբերյալ իրենց համաձայ-նությունը: Սակայն անշափահաս աղջիկը կարող է հոր կամ պա-պի կողմից ամուսնացվել (մարդու տրվել) առանց իր համաձայ-

նության: Դա տարածված երևույթ էր, քանի որ աղջկա ամուսնությունները սովորաբար տեղի էին ունենում 13-15 տարեկան հասակում, իսկ երբեմն նոյնիսկ 9 տարեկան հասակում: Ամուսնությունները հաճախ տեղի էին ունենում փեսացուի և հարսնացուի ծնողների միջև ձեռք բերվող պայմանավորվածության համաձայն: Նման դեպքում փեսացուն և հարսնացուն առաջին անգամ իրար էին տեսնում նշանդրերի ժամանակ: Բոլոր մազհաբների ընդհանուր կարծիքով, չափահաս կինը, այրի կինը կամ ապարհարզան ստացածը նոր ամուսնության դեպքում պետք է հստակորեն հայտնի իր համաձայնությունը և ազգականներից և ոչ մեկը իրավունք չունի նրան պարտադրել, որ նա տվյալ մարդու հետ ամուսնանա իր կամքին հակառակ:

Ֆարիհեները խորհուրդ են տալիս (թեև չեն պարտադրում), որ հնարավորության դեպքում ամուսնությունը տեղի ունենայնպիսի մարդկանց միջև, որոնք տարիքային առումով, հասարակական դիրքով, միջոցների առկայությամբ համապատասխանում են իրար: Օրինական ամուսնությունները այն կանանց հետ, որոնք նախկինում դատապարտվել են ամուսնական անհավատարմության համար, չեին թույլատրվում:

Օրինական ամուսնությունը բոլոր դեպքերում պահանջում է կնքել գրավոր պայմանագիր, որում ապագա ամուսինները պետք է հաստատեն իրենց համաձայնությունը: Պայմանագիրը պետք է կնքվի վկաների ներկայությամբ և ավելի հաճախ մոտակա մզկիթի կազիի և իմամի ներկայությամբ, ընդ որում իմամը Ղուրանից կարդում է սուրա և աղոթք: Ամուսնությունը կարող է կնքվել տանը կամ մզկիթում: Հետագա հարսանեկան արարողությունները և խնջույքը արդեն հիմնված են ոչ թե ֆիքի վրա,

այլ տարբեր մուսուլմանական երկրների կենցաղային սովորույթների վրա:

Շարիաթը պարտավորեցնում է կնոջը հնազանդ լինել իր ամուսնուն: Սակայն ամուսնու իշխանությունը տարածվում է միայն կնոջ անձի և ոչ թե նրա ունեցվածքի վրա: Առուսուլմանական իրավունքը խստիվ իրագործում է ամուսինների ունեցվածքի տարբերակվածության սկզբունքը: Ամուսինը իրավունք չունի տնօրինելու իր կնոջ ոչ շարժական և ոչ էլ անշարժ գույքը: Ընտանիքը և տունը պահելու, ինչպես նաև երեխաններին դաստիարակելու ուղղությամբ բոլոր ծախսերը ընկած են բացառապես տղամարդու վրա:

Եթե մեկն ունի երկու, երեք, կամ չորս (օրինական) կին, ապա նրանցից յուրաքանչյուրին ամուսինը պարտավոր է տրամադրել առանձին կացարան և առհասարակ նրա համար ստեղծել այնպիսի կենցաղային պայմաններ, որոնք ոչնչով չեն գիշում կնոջ հոր տան եղած պայմաններին (դա վերաբերում է ոչ միայն կացարանի պայմաններին, այլև սննդին, հազնելիքին և այլն): Կինը կարող է իր հավատարմատար մարդկանց միջոցով իր ունեցվածքի վերաբերյալ կնքել առևտրական, վարձակալական կամ այլ պայմանագրեր: Ամուսինը պարտավոր է միատեսակ ուշադրության արժանացնել իր բոլոր կանանց:

Անշուշտ նման պայմանների դեպքում բազմակնությունը հասանելի էր միայն երեկի և հարուստ մարդկանց համար: Ուստի մուսուլմանների մեծ մասը (զյուղացիները, աշխատավորները) որպես կանոն բոլոր ժամանակներում բավարարվել են մեկ կին ունենալով:

Ֆիրհով սահմանված է, որ մուսուլմանների կացարանը պետք է բաժանված լինի երկու առանձին բաժինների՝ տղամարդ-

կանց և կանանց բաժինների: Կանանց բաժնում բացի ամուսնուց, զավակներից և մերձակա ազգականներից ոչ ոք իրավունք չուներ մուտք գործել: Սակայն այդ կարգը գործնականում չէր գործում զյուղացիների և քաղաքային շրավորության համար: Հավասարապես կանանց այն պարտավորությունը, որ տանից դուրս գալուց պետք է շորով ծածկելին գլուխը, պահպանվում էր միայն քաղաքներում և երբեք չէր կիրառվում զյուղական վայրերում (դաշտերում աշխատող հողագործների) և բոչվոր կանանց շրջանում:

Ապահարզանը, ինչպես նշվել է Վերևում, մուտքմանների մոտ շատ հեշտ է: Տղամարդ ամուսինը կարող է ցանկացած ժամանակ, եթե նույնիսկ կինը ոչ մի մեղք չի գործել, նրան ապահարզան տալ, ընդ որում նրան թողնելով իր տված մահրը, և կամ եթե այն լրիվ վճարված չէր, ամբողջապես վճարելով մնացած գումարը: Այդպիսի ապարհազանը կոչվում է «թալաք» (բառացիորեն «[կնոջը] բաց թողնել»): Որպեսզի ապահարզանը ձեռք բերի օրինական ուժ, ամուսինը երեք անգամ պետք է ասի թալաքի բանաձեր: Կենցաղում հաճախ է պատահում, որ ամուսինը բորբոքված ժամանակ կնոջը տալով ապահարզան, հետագայում զղում է: Այդ դեպքում ֆիքիը իրավունք է տալիս նախկին ամուսիններին կրկին միանալ միայն այն պայմանով, որ կինը նախապես ամուսնանա ուրիշ մարդու հետ, վերջինս նրան տա ապահարզան: Գործնական կյանքում սովորաբար պայմանավորվում են ինչ-որ մեկի հետ (ավելի հաճախ հեռավոր ազգականի կամ ամուսնու ընկերոջ հետ), որպեսզի նա իր վրա վերցնի (Երբեմն նրան գումար վճարելով) այդպիսի միջանկյալ ամուսնու պարտականությունը և հենց հաջորդ օրը ազատի կնոջը նրա հետ կեղծ ամուսնություն կնքելուց հետո: Այդպիսի միջանկյալ ամուսինը կոչվում է թույլատրող («մուխալլի»):

Կինը կարող է դատարանի միջոցով, իր բողոքի համաձայն ստանալ ապահարզան, եթե ամուսինը նրա նկատմամբ չի կատարում իր պարտականությունները (նրա համար չի ստեղծում կենցաղի և ապրուստի բավարար պայմաններ և այլն), կամ նրա հետ չի ունենում շփումներ, և կամ եթե նա հեռացել է տանից: Այդպիսի ապահարզանը կոչվում է «ֆասխ» (բառացի խզում): Նրա հետևանքները նույնն են, ինչ որ «թալաք» տիպի ապահարզանինը:

Ամուսնալուծված կինը կրկին կարող է ամուսնանալ չորս ամիս 10 օր հետո: Սպասման այդ շրջանը կոչվում է «իդրա»: Այն նպատակ ունի պարզելու, թե կինը արդյոք հղի չէ իր նախկին ամուսնուց: Դա կատարվում է երեխայի հայրությունը որոշելու համար: Եթե պարզվի, որ կինը հղի է, նա չի կարող կրկին ամուսնալ ծննդաբերությունից հետո 40 օրվանից ավելի վաղ:

Համաձայն ֆիքի, երեխաները օրինական են համարվում, եթե ծնվել են օրինական ամուսնության մեջ գտնվող ծնողներից: Անօրինական են համարվում այն երեխաները («հարամ-զաղե»), որոնք ծնվել են ծնողների անօրինական կապերի շնորհիվ:

Երեխաներին պահելը և նրանց դաստիարակությունը հոր պարտականությունն է, թեև աղջիկները մինչև ամուսնանալը, իսկ տղաները մինչև նրանց թլպատումը մնում են մոր հսկողության տակ՝ կանանց հարկաբաժնում: Ծնողների ապահարզանի դեպքում փոքրահասակ երեխաները (տղաները մինչև յոթ տարեկան, աղջիկները մինչև հասունության հասնելը) մնում են մոր մոտ: Այնուհետև նրանք, հանաֆիական իրավունքի համաձայն, պետք է վերադառնան հոր մոտ (եթե նա կամավոր չի համաձայնվի նրանց թողնելու մոր մոտ), իսկ ըստ շաֆիիական իրավունքի, հասունության հասած երեխաները կարող են իրենք ընտրել, թե ցանկա-

նում են ապրել հո՞ր, թե մոր հետ: Բոլոր դեպքերում մյուս ծնողն իրավունք ունի տեսակցելու երեխաներին:

Ժառանգության իրավունքը ըստ ֆիրիի աչքի է ընկնում իր բարդությամբ ու խճճվածությամբ: Տղաները աղջիկների համեմատ ստանում են կրկնակի բաժին: Եթե հանգուցյալն ունեցել է մի բանի կին, ապա նրանք բոլորը միասին ստանում են ժառանգության այն մասը, որը կարող էր հասնել միակ կնոջը:

Վաշխառությունը իալամի մեջ դիտվում է որպես կաշառակերության և անաշխատ եկամտի նման մի բան և դատապարտվում է Ղուրանի կողմից: Ֆաքիհները անօրինական են ճանաչում վաշխառության («ոիբա») հետ կապված պարտավորությունները: Արգելված է նաև այն ամենը, ինչ կապված է խարեւության, խարդախության և սպեկուլյացիայի հետ: Գործնական կյանքում, սակայն, նմանատիպ արգելվները և հատկապես վաշխառությունը միշտ շրջանցվել են տարբեր հնարքների օգնությամբ:

Ինչպես նշվել է Վերևում, զիմմի էին համարվում այն այլադապանները և նրանց կրոնական համայնքները, որոնք մուտքամանների կողմից իրենց երկրները նվաճելու ժամանակ պարտավորվել էին ենթարկվել մուտքամանական պետությունը և վճարել այլադապանների համար սահմանված հարկերը՝ շնչահարկ (զլասհարկ) «ջիզյա», ինչպես նաև հողային հարկ՝ «խարաց»: Զիմմիների այդ կարգավիճակը իրավական առումով կարգավորելու համար մուտքամանական պետությունը նրանց հետ կնքում է պայմանագիր («աքդ ազ-զիմմա»), որը բառացի նշանակում է «պայմանագիր «պաշտպանության» կամ «հովանավորության» մասին: Նման պայմանագրի հիման վրա զիմմիները ճանաչվում են որպես մարդիկ, որոնք գտնվում են մուտքամանական պետության պաշտպանության ներքո: Դա նրանց թույլ է տալիս դավանել

իրենց հավատքը և կատարել իրենց կրոնական կարգն ու ծեսերը (ի դեպ, որոշ սահմանափակումներով) և երաշխավորում է նրանց անձի ազատությունը և ունեցվածքի անվտանգությունը:

Համաձայն ֆիրիի, զիմմիները իրենցից ներկայացնում են փակ համայնքներ, որոնց շփումներն ու կապերը մուսուլմանների հետ կրում են սահմանափակ բնույթ: Զիմմիների համայնքները օգտվում են որոշակի ինքնավարությունից իրենց կրոնական օրենքների հիման վրա և կառավարում են իրենց հոգևոր առաջնորդների կողմից. քրիստոնյաները՝ տեղական եպիսկոպոսի («ուսքուֆ») կամ միտրոպոլիտ («մաթրան»), պատրիարքի («քատրիկ»), հրեաները՝ տեղի ռաբբիի («խարիր»), զրադաշտականները՝ մոբեղի կողմից:

Զիմմիների համայնքի այդ հոգևոր առաջնորդները ներկայացնում են իրենց համայնքների (կամ եկեղեցների) շահերը մուսուլմանական իշխանությունների հանդեպ, ունեին դատի և դատաստանի իրավունք իրենց համայնքների անդամների նկատմամբ, ինչպես նաև իրենց համայնքի դպրոցների, կրթական հաստատությունների և այլն նկատմամբ հսկողության իրավունք: Նրանք իրավասու էին նաև պատժի ենթարկել հերետիկոսներին և իրենց կրոնից հավատուրացների նկատմամբ (եթե իհարկեդրանք այն մարդիկ չեին, որոնք հրաժարվելով իրենց դավանանքից ցանկանում եին ընդունել իալամը): Նրանք ունեին որոշակի անձնական բնույթի արտոնություններ: Դատի ու դատաստանի իրավունք և այլն:

Հոգևոր անձանց՝ քրիստոնյաների մոտ եպիսկոպոսներին, հրեաների մոտ ռաբբիններին իրավունքներ փոխանցելը բխում էր այն տեսությունից, համաձայն որի շարիաթը միայն մուսուլմանների օրէնքն էր, հետևաբար զիմմիները պետք է դատվեին իրենց

կրոնների օրենքների համաձայն: Շնորհիվ դրա, միջնադարում քրիստոնյա եպիսկոպոսները (ինչպես և ռաբբիները) արարական խալիֆայությունում օգտվում էին այնպիսի վարչական-դատական իրավունքներից, ինչպիսիք նրանք չունեին Բյուզանդիայում և այլ քրիստոնյա պետություններում:

Եթե մահմեդականի և քրիստոնյայի, կամ մահմեդականի ու հուղայականի միջն ծագում էր վեճ, ապա նրանք պետք է դատվեին մուսուլմանական կազիի մոտ և ըստ մահմեդական իրավունքի:

Մուսուլմանական պետության հետ զիմմիների կնքած պայմանագիրը չեղյալ էր համարվում այն ժամանակ, եթե զիմմին հրապարակվ, մուսուլման-վկաների ներկայությամբ, վիրավորական արտահայտություններ թույլ տար Մուհամմադի և խլամական կրոնի վերաբերյալ: Բացի այդ, զիմմիների կողմից պայմանագիրը խախտված էր համարվում երեք դեպքում. 1. ջիզյան և խարաջը չմուծելու դեպքում, 2. եթե զիմմին հարվածի մուսուլմանին, 3. եթե զիմմին ամուսնանա կամ կապի մեջ մտնի մահմեդական կնոջ հետ: Նման դեպքերում զիմմին կարող էր մահվան դատապարտվել: Զիմմիների զանգվածային հրաժարումը խարաջը մուծելուց կամ իշխանություններին հնազանդվելուց դիտվում էր որպես պայմանագրի հավաքական խախտում: Այդ դեպքում նրանց դեմ ուղարկվում էին զորքեր կամ կամավոր-դագիներ («հավատի համար մարտիկներ» «անհավատների դեմ «սրբազն պատերազմ» (ջիհադ) մղելու համար:

Իսլամի առաջին երկու դարերի ընթացքում զիմմիների համար իրավական սահմանափակումները մեծ չէին: Սակայն հետազայում հայտնվեցին բազմաթիվ մեծ ու փոքր սահմանափակումներ:

Զիմմիները, բացի ջիզյայի և խարաջի մուծումից պարտավոր էին իրենց տանը ընդունել ճանապարհորդող մուսուլմաններին, ամեն անգամ երեք օրով, նրանց տրամադրելով կացարան, սնունդ և կեր ձիերի համար: Զիմմիները զենք կրելու իրավունք չունեին, շարիաթական հոգևոր դատարաններում իրավունք չունեին հանդես գալու որպես վկաներ: Տեսականորեն նրանք չպետք է լինեին հողի սեփականատերեր, այլ կարող էին լինել միայն այն օտարազործողներ: Զիմմիները չեին կարող դառնալ արհեստավորական համբարությունների անդամ: Նրանք չեին կարող մտնել որոշ (բայց ոչ բոլոր) առևտրական ընկերությունների մեջ:

Զիմմիները պետք է իրենց զգեստների վրա կրեին տարբերանշաններ: Աղյուրների վկայությամբ, օրինակ, XI դարից սկսած Իրանում զիմմիները կրում էին հատուկ կաշվե գոտի՝ գուննար, իսկ հրեաները իրենց զգեստների վրա պարտադիր կարգով պետք է կրեին երկու կարկատան՝ կրծքի և մեջքի վրա, որոնք գույնով տարբերվելու էին զգեստից: Մուսուլմանների հետ հանդիպելու դեպքում զիմմիները պետք է իջնեին ջորուց կամ ավանակից և ճանապարհը զիջեին մահմեդականին: Զիմմիների ընտանեկան կյանքը պետք է լիներ անաղուկ և համեստ, նրանց տները չպետք է լինեին մուսուլմանների տներից բարձր և հարուստ:

Ղուրանը հրահանգում է, որ զիմմիները շնչահարկը վճարեն «իրենց ձեռքով, որպեսզի նվաստանան», շեշտելու համար իրենց հպատակությունը մուսուլմաններին: Զիմմիները, լինեին քրիստոնյա թե հրեա, պետք է ներկայանային դիվան և անձամբ, և ոչ թե երրորդ անձի միջոցով, եմիրին, այսինքն դիվանի պետին, վճարեին զիջեի գումարը. դրանից հետո եմիրը բոունցըով հարվածում էր նրա վզակոթին, ասելով. «Վճարիր հարկը, ով միաս-

նական աստծո թշնամի», որից հետո դիվանի ծառայողը հապշտապ պետք է վրնդեր զիմմիին: Սակայն նման կարգը գործնականում կիրառվում էր ոչ հաճախակի: Իրանում այդպիսի պրակտիկա ընդհանրապես չի եղել:

Մահմեդական աշխարհը իսլամի ծագման ժամանակաշրջանից (VII դար) ընդհուպ մինչև XIX դարի վերջը, ըստ Էռլյան շարիաթից բացի չի ունեցել այլ օրենսդրական համակարգեր:

Դասական բնույթի մահմեդական պետության մեջ կրոնական (այսինքն իսլամական) իշխանությունը և պետական իշխանությունը միմյանցից անջատված չեն: Այդ պատճառով շարիաթում չի քննարկվում նրանց ինքնուրույն գոյության հարցը: Առհասարակ իսլամի մեջ ոչ մի տեղ չկա աշխարհիկ և հոգևոր ֆունկցիաների գործառույթների հստակ բաժանում: Հոգևոր և աշխարհիկ իշխանությունը, ինչպես նաև կրոնը և պետությունը անբաժան են միմյանցից: Իսլամի նորմերի համաձայն, այն իշխանությունը, որը օրինականացված չէ շարիաթով, համարվում է օրենքից դուրս: Իրանի Իսլամական հանրապետությունում շարիաթն ընկած է պետական օրենսդրության հիմքում: Այդ նույնը նաև Սաուդյան Արաբիայում է:

Իսլամական դոգմատիկան օրենսդրության միակ աղբյուր է ձանաչում աստվածային կամքը: Այսինքն օրենքներ ընդունելու իրավունքը բացառապես պատկանում է Ալլահին: Հակառակ դեպքում եթե օրենքն ընդունված է մարդու կողմից, մարդը հավասարեցվում է Ալլահին, իսկ դա իսլամական օրենքներով հանդիսանում է «շիրը» (մեղքերից վատագույնը):

Պետք է նշել, որ մահմեդականները վաղուց անտի ստիպված էին իրաժարվել իդեալական օրենսդրության (Փիրի) բոլոր պահանջները պահպանելուց: Նրա բազմաթիվ դրույթներ արագ

հնանում էին: Բացի այդ, տեղական կառավարիչների կամքով ֆիքիր հաճախ փոխարինվում էր տեղական աշխարհիկ իրավունքով: Վերջապես իր դիրքերը հաճախ էր պահպանում սովորութական իրավունքը (աղաթ, ուրֆ):

Քանի որ իսլամը չի ունեցել ոչ մի պաշտոնական օրենսդրական մարմին օրենքներ սահմանելու համար, ուստի իրավունքը զարգանում էր ինքն իրեն և քաղաքացիական իրավագիտությունը գոյություն ուներ կրոնական իրավունքի կողքին:

Մահմեդական այն երկրներում, որոնք կառավարվում էին եվրոպացիների կողմից անխուսափելիորեն հարց էր առաջանում, օգտագործել տեղակա՞ն թե եվրոպական օրենքները: Շատ հաճախ եվրոպացիները ուժի մեջ էին թողնում տեղական օրենքները, դրանք իրենց շահերի տեսակետից համարելով ավելի նպատակահարմար:

* * *

Իսլամական իրավունքը ճանաչում է «անհավատներ» (արաբ. քաֆիր, հոգն. քաֆիրան կամ քուֆար) հասկացության տարրեր տեսակներ (կատեգորիաներ): Ինչպես նշվել է վերևում, օրինակ, մուսուլմանական օրենսդրությունները առավել ներողամտորեն էին վերաբերվում «Գրքի մարդկանց» նկատմամբ: Այդպիսի «անհավատները» մուսուլմանական պետություններում կազմում էին հպատակների առանձին կատեգորիա (զիմմիներ):

Իբրև կրոնական համայնք (ումմա) արաբներն իրենց համարում էին «ուղղաղավան», իսկ մյուս ժողովուրդներին, որոնք չեին դաշտանում իսլամը «անհավատ»: Այլ կերպ ասած, մահմեդականներից դուրս ամբողջ մարդկությունը, առանց բացառության ըյափիր է (այստեղից է գոյացել «զյավուր»՝ անհավատ անվանումը), որը նշանակում է նաև անաստված:

Հայտնի իրողություն է, որ արաբական նվաճումների շրջանում որպես կանոն արաբները նվաճված երկրների այլադավան բնակչության նկատմամբ վարում էին կրոնական հանդուրժողական քաղաքականություն: Գիտնականները դա նախ առաջ բացատրում են նրանով, որ VII դարում արաբները գտնվում էին զարգացման մի այնպիսի մակարդակի վրա, որ կրոնական բացառիկության զգացումը դեռ խորթ էր նրանց համար: Կրոնական հանդուրժողականությունը պարունակում էր նաև քաղաքական նպատակահարմարության ենթատեսատություն: Բանը նրանում է, որ արաբների կողմից նվաճված մի շարք երկրներում այն ժամանակներում քրիստոնյաները կազմում էին բնակչության մեծամասնությունը: Դա ստիպում էր արաբական պետությանը նրանց նկատմամբ վարել կրոնական հանդուրժողականության քաղաքականություն, որպեսզի զիմմի հպատակները համակերպվեն խալիֆայության տիրապետության հետ և կանոնավոր կերպով վճարեն իրենց համար սահմանված հարկերն ու տուրքերը:

Օգտապաշտական քաղաքական նկատառումները ստիպեցին խալիֆայությանը զիմմիների իրավունքները տարածել նաև զրադաշտականների վրա, թեև ըստ Ղուրանի հրահանգների թույլատրվում է հանդուրժողականություն միայն քրիստոնյաների, հրեաների և սաքիյացիների նկատմամբ:

Սակայն ավելի ուշ աստիճանաբար արաբների կրոնական հանդուրժողականությունը սկսեց իր տեղը զիջել նրանց կրոնական բացառիկության զգացմանը: Խալիֆ Հարուն-ար-Ռաշիդի (կառավարել է 786-809 թթ.) ժամանակներից սկսած ծայր առան այլադավանների հալածանքները: Հիշյալ խալիֆը հրամայեց քանդել ու ավերել Քյուզանդիայի հետ սահմանակից շրջանների քրիստոնեական եկեղեցիները և իրավական սահմանափակում-

ներ մտցրեց ինչպես քրիստոնյաների, այնպես էլ հրեաների ու զրադաշտականների համար:

Զիմմիների համար իրավական սահմանափակումները ել ավելի ուժեղացվեցին խալիֆ Մութավաքրիլի ժամանակ (կառավարել է 847-861 թթ.): Նա արգելեց զիմմիներին ընդունել պետական ծառայության, նրանց զավակներին թույլ չտվեց սովորել մուսուլմանական դպրոցներում, ավելացրեց զիմահարկը՝ ջիզիեյի շափը, զիմմիներին ստիպեց իրենց զգեստների վրա կրել տարբերանշաններ, նրանց տների դռների մոտ դնել սատանայի պատկերներ, հարլապրեց նրանց նստել միայն ջորի կամ ավանակ և ոչ թե ձի, քանդեց ու ավերեց այն եկեղեցիներն ու սինագոնները, որոնք կառուցվել էին արաբական նվաճումներից հետո:

Մուսուլմանական զանգվածների շրջանում մոլեռանդությունը ցայտուն կերպով սկսեց դրսնորվել X դարի սկզբներից սկսած: X դարում տեղի ունեցան քրիստոնյաների ջարդեր (Սիրիայում և Եգիպտոսում) և զրադաշտականների ջարդեր Իրանում: Իր դաժանությամբ աննախադեպ հալածանքներ քրիստոնյաների և հուդայականների նկատմամբ սանձազերծվեցին Եգիպտոսում և Սիրիայում խալիֆ ալ-Հարիմի (կառավարել է 996-1021 թթ.) ժամանակ: Նման հալածանքները Եգիպտոսում բազմից կրկնվեցին XIV դարում: Հրեական ջարդերի այլքը տարածվեց նաև Իրանում և Իրաքում: Հատկապես հայտնի են 1289 թ. ահավոր ջարդը Բաղդադում, ինչպես նաև Իրանում տեղի ունեցած 1295 և 1297 թթ. ջարդերը:

Մոնղոլական նվաճումներից հետո Իրան ներթափանցած բուդայականությունը մահմեդականների կողմից արգելվեց:

Զիմմիների դրությունը մուսուլմանական պետություններում տարբեր ժամանակաշրջաններում փոխվում էր մերթ դեպի

լավը, մերք դեպի վատը՝ առավելապես կախված տնտեսական և քաղաքական պատճառներից:

Միջնադարում լայն թափով ծավալվում էին նաև մուտուլ-մանական աղանդավորների կամ հերետիկոսների նկատմամբ հալածանքները: Պատահում էին դեպքեր, որ հերետիկոս հոչակ-վածներին, աստվածուրացներին, ազատամիտ փիլիսոփաներին այրում էին խարույկների վրա: Այնուամենայնիվ այդ հալածանք-ները չէին կրում այնպիսի հետևողական ու համառ բնույթ, ինչ-պես օրինակ «հեթանոսների» և այլադավանների հետապնդում-ները Խսպանիայում և Պորտուգալիայում ինկվիզիցիայի ժամա-նակներում (XV դարի վերջին և XVI դարում):

ՄՈՒՍՈՒԼՄԱՆԱԿԱՆ ԶԱՆԱԶԱՆ ԱՐԱՐՈՂՈՒԹՅՈՒՆՆԵՐ ԵՎ ԱՐԳԵԼՔՆԵՐ: ԿԻՆԸ ԻՍԼԱՄԻ ՄԵջ

Ինչպես հուղայականների, այնպես էլ մահմեդական տարբեր ժողովուրդների մոտ գոյություն ունի տղաների թլպատման ծեսը (արաբերեն հիթան, թուրքերեն սյուննաթ): Իսլամի բոլոր հանձնարարականներից համայն աշխարհի մահմեդականները, որոնք նույնիսկ հոգու խորքում հավատացյալներ չեն, խստիվ և պարտադիր կարգով կատարում են այդ ծեսը: Թլպատումը խոզի մսի և ալկոհոլի արգելքի հետ միաժամանակ համարյա դարձել է իսլամին պատկանելու միակ չափանիշը:

Թլպատման ծագումը գնում է մինչև խորը հնություն, մինչև նախնադարյան համայնական հասարակություն, երբ այն նշանավորում էր պատանու անցումը դեպի տոհմի ավագ տարիքային խումբը: Նման տանջալից ծեսերը (թլպատումը, ատամները ջարդելը) և այլ կարգի մարմնական վնասվածքներ հասցնելը, որոնք կապված էին պատանիների արիության փորձարկման հետ, զոյլություն է ունեցել ոչ միայն հին արաբների, այլև աֆրիկացիների, ավստրալիացիների և այլ ժողովուրդների մոտ նրանց նախնադարյան զարգացման շրջանում:

Իսլամի, ինչպես և հուղայականության մեջ, թլպատման ծեսը ավելի ուշ ժամանակներում ստացել է նոր մեկնաբանություն. այն հանդիսանում է կրոնական պատկանելության արտարին հատկանիշ և դրանով իսկ ծառայում է մուսուլմաններին այլ դավանանքներից առանձնացնելու նպատակներին, հավատացյալ-

Ներին ներշնչում է մուսուլմանական բացառիկության մոլեուանդ գաղտնիքներ և այլն:

Իսլամի մեջ նրա հետևորդների համար սահմանված են մի շարք արգելքներ, որոնցից առաջին հերթին պետք է հիշատակել սննդամբերքների մի քանի տեսակների օգտագործման արգելքը, որոնցից առաջին հերթին հիշատակելի է զինու և խոզի մսի արգելքը: Արգելված է նաև որպես սնունդ գիշատիչ թռչունների, սատղած կամ խեղդված կենդանու, ոչ շարժաթական կանոններով մորթված կենդանու մսի, ինչպես նաև արյան օգտագործումը: Առհևսարակ խլամի մեջ գոյություն ունի «արգելված» («հարամ») և «բույլատրված» («հալլալ») հասկացությունները: Ղուրանում նշվում է: «Ձեզ համար պիղծ լինի դիակը եւ արիւնը և խոզի միսը, եւ ինչ որ մորթւելիս Ալլահի անունից ջոկ անուն է հիշել, եւ խեղդւածը, եւ վար ինկածը եւ եղջուրահարւածը եւ գազանից պատառածը» (5:4):

Հաղիսներից մեկի մեջ ասվում է: «Գինին՝ դա մեղքի աղբյուր է: Նա, ով խմել է զինի, կորցնում է իր բանականությունը: Նա չի ճանաչում աստծուն, կամ որեւ մեկի իրավունքը, ոչ որի չի հարգում, նույնիսկ իր հարազատներին ու մերձավորներին, հեշտությամբ կատարում է վատ արարքներ: Հավատի ու բարեպաշտության ոգին լքում է նրան, զարշելիության ու արատավորության ոգին բնակություն են հաստատում նրա մեջ: Նրան անիծում ու դատապարտում են աստված, հրեշտակները, մարգարեները և ուղղադավանները: Քառասուն օր նրա աղոթքները չեն լսվելու: Ահեղ դատաստանի օրը նրա դեմքը կլինի սևացած, լեզուն բերանից կախված, թուքը հոսելու է նրա կրծքի վրա»:

Իսկ Ղուրանում ասվում է: «Գինին պիղծ է, սատանայի գործ է» (5:92):

Իսլամի մեջ գոյություն ունեն նաև «կիսաարգելքներ» որպես սնունդ մի շարք կենդանիների միսը օգտագործելու հարցում: Այսպես, շարիաթը պարսավում, բայց չի արգելում ուտել ձիու, ջորու և ավանակի միս:

Ուղղադավան սուննիական իսլամը արգելում է աստծո, մարդկանց և կենդանի արարածների պատկերումը: Դա դիտվում է որպես կոռապաշտություն: Այդ իսկ պատճառով մզկիթներում մարդկային կերպարանքով նկարներ գոյություն չունեն: Դրա փոխարեն լայնորեն կիրառվում է պատերի, այվանների, մինքարի և միհրարի լայն զարդանկարումները: Քանի որ իսլամի մեջ արգելված է դիմանկարչությունը, ուստի իսլամական երկրներում զարգացում է ապրել միայն դրվագավորությունը (օրնամենտիկա) և գեղագրությունը: Գեղանկարչությունը որպես այդպիսին գոյություն է ունեցել միայն մանրանկարչության ձևով: Իսլամի մեջ արգելված է նաև տիկնիկներ պատրաստելը:

Խստիվ արգելված է արձանագործությունը: Ամենուրեք, որտեղ որ լինում էին մուսուլմանական նվաճողները, նրանք շարդում ու ոչնչացնում էին արձանները, աստվածությունների պատկերներով կերտված արձանները և այլն: Այդ բոլորը նրանց կողմից ընկալվում էր որպես կոռապաշտական ատրիբուտներ, որոնց դեմ ժամանակին անխնա պայքար էր մղում Մուհամմադ մարզարեն:

Մուսուլմանական աստվածաբանները արդարացնում էին մարդու և այլ արարածների պատկերման արգելքը նրանով, որ միայն Ալլահը կարող է արարել էակներ: Ընդ որում նրանք վկայակոչում էին Ղուրանի այն այաթը, որտեղ ասվում է: «Աստվածն է, որ ձեզ ձեւակերպում է արգանդներումն ինչպես որ կամ էնում է» (3:5): Իսկ նա, ով կերտում է արձաններ կամ պատկերում է

մարդկանց, այն մյուս աշխարհում տիրոջ կողմից հարցման է ենթարկվելու. «քո ստեղծածների հոգիները ո՞ւր են»: Եվ այն անձը, որը կփորձի Արարջի իրավունքները խլել, կենթարկվի դժոխքի հավերժ տանջանքներին»:

Ճիշտ է, ներկայումս խլամի այդ արգելը չի պահպանվում, սակայն մահմեղական երկրներում դիմանկարչության, արձանագործության, քանդակագործության, ժանրային գեղանկարչության հետ մնալը նշված բնագավառներում եվրոպական արվեստի նվաճումներից պայմանավորված է հենց խլամի արգելքով:

Բարոյականության մուսուլմանական վարքականոնը հիմնականում իր մեջ ընդգրկում է այն բարոյական նորմերն ու հասկացությունները, որոնք հայտնի են բոլոր ժողովուրդներին: Նրանց հիմնական մասը փոխառված է համամարդկային բարոյականության հարուստ զինանոցից: Օրինակ, այնպիսի պատվիրաններ, ինչպիսիք են «մի սպանիր», «սուս մի խոսիր», «սիրիր մերձավորիդ», «հարզիր ծնողներիդ», «մարդուն դժբախտության մեջ մի թողնիր» և այլն թեև խլամի քարոզիչների կողմից ներկայացվում են իբրև տիպիկ մուսուլմանական և Ալլահի կողմից սահմանված, սակայն իրականում ունեն երկրային ծագում և կյանքի են կոչվել մարդկանց երկրային պահանջմունքների հետևանքով:

Այն պատվիրաններից, որոնք մտել են խլամի բարոյական կողերսի մեջ, առկա են նաև զուտ մուսուլմանական բնույթի պատվիրաններ. «եղիր աստվածավախ», «մի մոռացիր ահեղ դատաստանի օրվա մասին», «երկրպագիր Ալլահին, նրա հրեշտակներին և մարգարեին», «վախսեցիր մեղրից», «աղոթիր», «աղոթքը և ծումը լավագույնն են բոլոր առաքինություններից», «զսպիր զոռոգությունը, եղիր հեզ», «հնագանդվիր իշխանություններին և այս աշխարհի ուժեղներին, քանի որ նրանք աստվածատուր են»:

Կրոնի դոգմաների պահպանումը հոչակվում է որպես մահմեդականի բարոյական պարտականություն: Այսպիսով, մուսուլմանական բարոյականության ողջ համակարգը ծառայում է մարդկանց մոտ ձևավորելու համար կրոնական աշխարհայացք:

Իսլամական բարոյական նորմերի յուրաքանչյուր խախտում ենթակա է պատճի: Այսպես, ոգելից խմիչք օգտագործելու համար շարիաթը սահմանում է մտրակի քառասուն հարվածներ: Իսլամի ծեսերի և դոգմաների խախտումը ևս համարվում է: անբարոյական արարք և խստիվ պատժվում է: Մի շարք իսլամական երկրներում, որտեղ կրոնը պետական ու հասարակական կյանքում ունի կարենոր դիրքեր, օրինակ, Սաուդյան Արաբիայում, Իրանի Իսլամական Հանրապետությունում, Պակիստանում, Աֆղանստանում և այլն, մահմեդական բարոյականության նորմերի պահպանումը վերահսկվում է ոչ միայն հասարակական կարծիքի կողմից, այլև այսպես կոչված «բարքերի ոստիկանության» և առհասարակ ոստիկանական մարմինների կողմից: Ռամադան ամսին կարգի պահպանները ռեյդեր են կազմակերպում սրճարաններում, ռեստորաններում, կինոթատրոններում և հասարակական այլ վայրերում: Բոլոր նրանց, ովքեր խախտել են ծովապահությունը, բերման են ենթարկում ոստիկանական բաժանմունքներ:

Մուսուլմանական պատկերացումների համաձայն, բարձրագույն բարոյական նպատակը դա աստծո սերն ու ողորմածությունը ձեռք բերելն է: Ոչ ոք իրավունք չունի պրավտելու, թե ինչու ոմանց նկատմամբ աստված բարեհոգի է, առատաձեռն, իսկ մյուսների նկատմամբ ոչ: Ալլահը պետք է սիրելի լինի իր հավատարիմ հպատակների համար և՝ նրա «զայրույթի և՝ գթառատության» ժամանակ:

Աստծոն նկատմամբ մոլեզին սիրով տարված մուսուլմաններին ասում են, որ մարդը պետք է անխռով երջանկություն զգա Ալլահի ցանկացած որոշման ժամանակ. «Դժբախտությունը պետք է ուրախացնի մարդուն ճիշտ այնպես, ինչպես և երջանկությունը, քանի որ մահկանացուն չգիտի դրանցից որն ինչ է, աստծո գործն է այդ մասին դատել»:

Հավատացյալների համոզմամբ, աստվածային պատիժը, որի տակ հասկացվում է ամեն մի անհաջողությունը և դժբախտությունը, մարդու զլիին է թափվում անսպասելիորեն և երբեք հնարավոր չէ իմանալ Ալլահի զայրույթի իսկական պատճառը: Չարիքը, անբարո արարքները, որոնք մթագնում են հասարակության կյանքը, իսլամը, ինչպես և առհասարակ մյուս կրոնները, բացառապես վերագրում են մարդկանց բարոյապես անկատար լինելուն:

Գովելի և աստվածահածո գործ է համարվում, երբ մահմեդական համայնքի անդամները ներում են միմյանց հասցված վիրավորանքը:

Իսլամի մեջ սեռերի փոխհարաբերության հարցում խոշոր ազդեցություն են ունեցել նահապետական տոհմական կարգերից եկած հասկացությունները: Իսլամը կնոշը դիտում է որպես հնագանդ արարած, որին Ալլահը ստեղծել է տղամարդուն հաճույքներ պատճառելու համար: Ղուրանում ասվում է. «Զեր կնիկները արտ են ձեզ համար, ուրեմն մտէ՛ք ձեր արտք որ կողմից որ ուզում եք» (2:112): Իսլամը տղամարդուն և կնոշը դնում է անհավասար վիճակի մեջ (4:38), տղամարդուն դասելով կնոշից բարձր: Համար Ղուրանի, կինը՝ Եվան, արարվել է Ադամի մարմնից նրան հաճույք պատճառելու համար, և արժանիրով ցածր է նրանից:

Սակայն դրա հետ միաժամանակ Ղուրանում ընդունվում է կնոշ մարդկային և քաղաքացիական իրավունքները: Առհասարակ Ղուրանում կան բազմաթիվ հիշատակումներ կանանց մասին: Նրանց է նվիրված մի ամբողջ սուրա, որը կոչվում է «Կանայք»: Այն բաղկացած է 175 այթքներից:

Մուհամմադ մարգարեին են վերագրվում կանանց մասին հետևյալ ասույթները. «կանայք հարազատ քույրեր են տղամարդկանց համար», «աշխարհը վայելը է, իսկ նրա լավագույն վայելըը բարեպաշտ կինն է»: «Աղամի որդին երեք երջանկություն ունի, դրանք են՝ բարեպաշտ կինը, լավ տունը և լավ հեծյալ կենդանին»:

Երկու կանանց Ղուրանը համարում է կատարելություն. նրանցից մեկը եզիպտական փարավոնի կին Ազիյան է, մյուսը՝ Հիսուսի մայր Մարիան (Մարիամը): Հետագայում իսլամը այդ սրբազն համարվող կանանց թվին ավելացրել է նաև մարգարեի առաջին կնոջը՝ Խաղիջային, «ուղղաղավանների մայր» հորջորջված Այիշային և մարգարեի դուստր ու Ալի իբն Թալիբի կնոջը՝ Ֆաթիմային: Էլ ավելի ուշ սրբերի դասին են դասվել նաև մի շարք այլ կանայք, օրինակ, Շիաների ութերորդ իմամ Ալի Ռիզայի քույրը, որի Մաշհադ քաղաքում գտնվող դամբարանը հանդիսանում է ուխտատեղի:

Իսլամը դատապարտել ու ոչնչացրել է մինչխալամական Արաբիայում ջահիճայի շրջանում գոյություն ունեցած բարբարութական սովորությօթ, եթե նորածին աղջիկներին համարելով «ավելորդ բերան», սպանում էին, կենդանի-կենդանի թաղում, կամ զոհ մատուցում իրենց կուռքերին: Ղուրանը հավանություն չի տալիս նաև այն բանին, որ ծնողների համար դուստր ծնվելիս սովորաբար նրանք դրսեռում են դժգոհություն (16:60): Այն արգելում է նաև երեխաների սպանությունը աղքատության վախի պատճառով (17:39):

ԻՍԼԱՄԻ ՄԵԶ ԿՐՈՆԱԿԱՆ ՊԱՌԱԿՏՈՒՄՆԵՐԻ: ՏԱՐԲԵՐ ՀՈՍԱՆՔՆԵՐԻ, ՈՒՂԴՈՒԹՅՈՒՆՆԵՐԻ ԵՎ ԱՂԱՄԴՆԵՐԻ ԶԵՎԱՎՈՐՈՒՄԸ

Մարդկության պատմության մեջ գոյություն ունեցած բոլոր կրոնները, այդ թվում նաև իսլամը, անշուշտ, չեր կարող քարացած ու անփոփոխ մնալ: Քանի դեռ իսլամի մարգարեն՝ Մուհամմադը կենդանի էր, պատմությունը չի արձանագրել որևէ լուրջ փորձ նորաստեղծ կրոնի մեջ նորամուծություններ մտցնելու ուղղությամբ: Սակայն նրա մահվանից անմիջապես հետո դրսևորվեցին կրոնական պառակտման առաջին նշանները, որոնց սերմնացանները հանդիսացան Արաբիայի տարբեր վայրերում հայտնված կեղծ մարգարենները: Ծնունդ առան նաև խոռվահույզ շարժումներ, որոնց հիմքում ընկած էին խորը տարածայնությունները գերազույն իշխանության եռության վերաբերյալ: Այդ բոլորի հետևանքով իսլամը դադարեց միատարր հոսանք լինելուց և աստիճանաբար ձևավորվեց մուսուլմանական հերձվածողականությունն ու աղանդավորությունը: Նման շարժումներից առաջինը խարիզմատիկանությունն է կամ խարիզմատիկը, որի ծագման դրդապատճառներին անդրադարձել ենք վերևում:

ԽԱՐԻՁԻՆԵՐ ԵՎ ԽԱՐԻՁԻԿԱՍՈՒԹՅՈՒՆ

Խարիզմիների հերձվածը կամ աղանդը իսլամի պատմության մեջ առաջին աղանդն էր: Նրանց զաղափարախոսությունը իր զիշավոր զծերով ձևավորվել է VII դարի վերջին: Ինչպես նշվել է

վերևում, դժգոհ և հիասթափված լինելով Ալիից, որը բանակցությունների մեջ մտավ Մուավիայի հետ «դրսեորելով թուլություն», մահմեղականների մի մասը, որը նախկինում պաշտպանում էր Ալիին հեռացավ նրանից, որի պատճառով էլ նրանք կոչվեցին «խարիզմիներ» («դուրս եկածներ», «խոտորվածներ», «շեղվածներ»): Նրանց կարգախոսն էր «չկա այլ վճիռ Ալլահի վճոից բացի»: Սրանից բխում էր երկու կարևոր կանխադրույթ. առաջին՝ մահմեղականներին կարող է դեկավարել միայն մեծ կամքի տեր և բարեպաշտությամբ օժտված մարդը և երկրորդ՝ մահվան մեղք կատարած մարդը պետք է վտարվի խսամական համայնքից՝ ուսմայից որպես անհավատ: Այսպիսով խարիզմիները խորությամբ էին ընկալել Ղուրանի մեջ արծարձնվող այն սկզբունքը, ըստ որի խսամական համայնքում մարդու դիրքը որոշող միակ չափանիշը պետք է հանդիսանա բարեպաշտությունը: Նրանք անհատի և պետության բարոյականությունը համարում էին միասնական: Ուսմայի կառավարումը պետք է պատկանի լավագույններին: հասարակության մեջ մարդու դիրքը որոշվում է նրա վարքագծով: ամեն ինչին անտարբեր զանգվածները հեթանոսներից ավելի լավը չեն. խարիզմիների ուսմունքի ընդունումից հրաժարումը պետք է հանգեցնի տվյալ անձի վտարմանը համայնքից. այդ հրաժարումը իրավունք է տալիս (արդարացնում է) տվյալ մարդու սպանությունը: Մարդու ծագումը ոչ մի դեր չի խաղում:

Քիչ ավելի ուշ խարիզմիները հրապարակեցին խսամի մեջ արաբների և ոչ արաբների բարոյական և հետևաբար, քաղաքական իրավահավասարության իրենց սկզբունքը: Դրա հետևանքով նրանց շարքերը համալրվեցին մեծ թվով ոչ արաբներով, որոնք օգտվելով դրանից, առաջ քաշեցին իրենց սեփական պահանջները: Այսպիսով, խարիզմիների ուսմունքի հիմնական դրույթը բոլոր

մահմեղականների իրավահավասարության ձանաչումն էր: Իսլամական համայնքի ներսում ևս պետք է լինի կատարյալ հավասարություն:

Նվաճված վայրերի հողերը պետք է պատկանեն իսլամական համայնքին (կամ որ միևնույնն է պետությանը): Սակայն նվաճված երկրներում «ուղղադավանները» պետք է տիրապետող լինեն «զիմմիների» նկատմամբ և առհասարակ բոլոր նրանց նկատմամբ, ովքեր պարտավոր են վճարել զիսահարկ (ջիգիե) և հողային հարկ (խարաց):

Խարիզիները բացարձակացնում էին խալիֆի ընտրության սկզբունքը: Առհասարակ նրանց ուսմունքը խալիֆայության-իմամության վերաբերյալ կտրուկ կերպով տարբերվում է ինչպես ուղղադավան (սուննիական), այնպես էլ շիական խալիֆից: Խարիզիները գտնում էին, որ իմամ-խալիֆը, այսինքն կրոնական համայնքի-պետության հոգեոր և քաղաքական ղեկավարը պետք է լինի ընտրովի, ընդ որում ընտրություններին մասնակցելու իրավունք պետք է ունենան բոլոր հավատացյալները, անկախ իրենց ծագումից: Իմամ-խալիֆի պաշտոնում կարող է ընտրվել ոչ միայն կուրայշ տոհմի ներկայացուցիչը, ինչպես գտնում էին սուննիները, այլ ցանկացած ոք, նույնիսկ սեամորթ ստրուկը, եթե նա արժանի է դրան: Իմամ-խալիֆի կոչմանը խարիզիները չեն վերաբրում և ոչ մի սրբազն նշանակություն: Նրանց համար նա հավատի ուսուցիչ էլ չեր, և ոչ էլ տիրակալ, այլ միայն «ուղղադավանների» համայնքի լիազորված անձ, ուզմական առաջնորդ և համայնքի շահերի պաշտպան:

Համայնքն է ընտրում նրան և նա էլ կարող է պաշտոնագուրկ անել, նույնիսկ դատել և մահապատժի ենթարկել նրան, եթե նա վատ կառավարի, դառնա բռնակալ, կամ հօգուտ իր անձ-

նական շահերի դավաճանի համայնքի շահերին: Խարիչիների կարծով օրինական է միայն ընտրովի խալիքը, մերժելի և անընդունելի է զերազույն իշխանության ժառանգականության սկզբունքը: Խալիքայությունը չի կարող լինել որևէ մի առանձին ընտանիքի ստացվածքը, սեփականությունը: Խարիչիները գտնում են, որ ամեն մի տեղական համայնք, եթե այն կտրված է մյուսներից, իր համար կարող է ընտրել իմաս-խալիք. այսպիսով, տարբեր վայրերում կարող են լինել մի քանի իմասներ: Հենց այդ պատճառով էլ խարիչիական շարժումների բոլոր առաջնորդները կոչվում են «ուղղադավանների» իմասներ, խալիֆներ, էմիրներ և նրանցից ոչ մեկը կուրայշ տոհմից չեր:

Այսպիսով, խարիչիները ըստ եռթյան ընդունում են, որ սուվերեն իշխանությունը պատկանում է հավատացյալների համայնքին, իսկ խալիքը հանդիսանում է միայն նրա գործադիր մարմինը, որը պատասխանատու է համայնքի առջև:

Խարիչիները օրինական են համարում առաջին երկու խալիֆներին՝ Աբու Բաքրին և Օմարին և չեն ընդունում Օսմանին: Նրանց կարծիքով Ալին օրինական խալիք էր մինչև այն պահը, եթե նա «չբավարարվելով աստծո դատաստանով՝ համաձայնվեց Մուավիայի հետ վեճը լուծել բանակցությունների միջոցով»:

Խարիչիները չեն ճանաչում օմայան, իսկ հետազուում արքայան խալիֆներին, ինչպես նաև չեն ընդունում Ալիի սերնդի ժառանգական իմամաթը: Կրոնական ուսմունքից բխող նրանց քաղաքական եզրակացությունը հանգում էր հետևյալին. կեղծ իմամները, անօրինական խալիֆները, որոնք հեռացել են «աստվածային գրքից»՝ Դուրանից, հայտնվել են «մեծ մեղքի» վիճակում, հետևաբար դադարել են ուղղադավան լինելուց և դարձել են ան-

հավատ, հավատուրաց: Ուստի նրանց ոչ միայն չի կարելի ենթարկվել, այլև անհրաժեշտ է «սրբազն պատերազմ» մղել նրանց դեմ: Բոլոր նրանց, որոնք այդ պատերազմի ընթացքում կընկնեն խարիջիների ձեռքը, պետք է սպանել որպես հավատուրացների:

Խարիջիները հանդիսանում էին խլամական հողային ազնվականության և խոշոր մասնավոր հողատիրության անհաշտ թշնամիներ: Սկզբունքորեն նրանք համայնքի ներսում սոցիալական անհավասարության հակառակորդներ էին: Մի խումբ խարիջիներ նույնիսկ գտնում էին, որ խլամին ընդունած ստրուկները պետք է տեղնուտեղը ազատազրվեն ստրկությունից, որ մահմեդականը չի կարող ստրուկ լինել:

Թեև խարիջները իրենց համարում էին սուննայի հավատարիմ հետևորդներ, սակայն չէին ընդունում Ղուրանի անձնուակերտ լինելու գաղափարը: Հանդես գալով որպես խլամի պուրիտաններ, խարիջիներից ոմանք նույնիսկ ժիստում և չէին ընդունում Ղուրանի 12-րդ սուրան, դա հիմնավորելով նրանով, որ այն չափազանց «բաց» և թեթևութիվ է: Նրանում պատմվում է Հովսեփի և Եգիպտոսի սիրո մասին, մի թեմա, որն ավելի ուշ դարձել էր պարսիկ և թուրք բանաստեղծների սիրված թեմաներից մեկը:

Ի տարբերություն ուղղադավանների, որոնց համար աղոթքից առաջ մարմինը մաքրելու պահանջը պարտադիր էր, խարիջիները պահանջում էին դրա հետ մեկտեղ պարտադիր կերպով կատարել խղճի մաքրություն: Նրանք նաև գտնում էին, որ հավատը առանց գործերի ընդունելի չէ: Ծայրահեղական հայացքների տեր խարիջիների կարծիքով, նա, ով թույլ է տվել մահվան մեղք դադարում է ուղղադավան լինելուց և դառնում է անհավատ, հավասարապես և այն անձը, որը կասկածանքով է վերաբերում իր

հավատի ճշմարտացիության նկատմամբ: Այդպիսի մարդը իր ընտանիքի հետ պետք է ոչնչացվի:

Խարիզիները չեն ընդունում ուխտագնացությունները, բացի Մեքքա կատարվող ուխտագնացությունից: Նրանք մերժում են նաև սրբերի կուլտը: Սակայն նրանց մոտ աստիճանաբար ձևավորվեց խարիզի-նահատակների կուլտը: Խարիզիները աչքի են ընկնում պահքի, աղոթքների, ծիսակատարությունների խստիվ կատարմամբ և բարոյականության հարցերում խսությամբ: Դատապարտում և անընդունելի են համարում ամեն տեսակի շքեղությունն ու պերճանքը, արգելում են երաժշտությունը, ծխախոտի և ոգելից խմիչքների օգտագործումը:

Մեկ սխալ բայլ մարդուն կարող է օտարել մահմեղական համայնքից, որին նա վերստին կարող է վերադառնալ միայն հրապարակային ապաշխարանքից և համայնքի օգտին ջերմեռանդ և փութաջան գործունեությունից հետո:

Այսպիսով VII-IX դարերում խարիզիները մի հոսանք են, որոնք արտահայտում են իր ժամանակի համար արմատական բաղարական հայացքներ: Կրոնը խարիզիների համար առաջին հերթին ծառայում էր որպես իրենց քաղարական ուսմունքի հիմնավորման միջոց:

Խարիզիների աղանդը, սակայն միասնական չէ: Արաք պատմիշ Թաքարին իր տարեգրության մեջ գրում է, որ Օմայան Յազիդ I խալիֆի մահվանից հետո (683 թ.) խարիզիները բաժանվեցին մի քանի առանձին մանր աղանդների, ինչպիսիք են ագրաքիթների, սուֆրիթների (սուֆրիյա), իբադիթների (իբադիյա, աբադիյա), բայխասիթների (բայխասիյա), նաջայիթների, վարիֆիյա և այլ աղանդների: Տարբեր աղբյուրներում հիշատակվում են խարիզիների 20 առանձին ուղղություններ և հոսանքներ: Դրան-

ցից ամենածայրահեղներն ու անհաշտները ազրաքիթներն եին: Սրանք կրոնական մոլեռանդներ եին, որոնք ոչնչացնում եին այն բոլոր ոչ մահմեղականներին, որոնք հրաժարվում եին ընդունել իրենց դպրանանքը:

Ազրաքիթների աղանդի կամ խմբավորման հիմնադիր է համարվում Նաֆի իբն ալ-Ազրաքը, որն ըստ որոշ տվյալների, եղել է մի դարբին հույնի զավակ, որն արաբների կողմից գերության է քշվել և ստրկացվել, իսկ հետագայում ազատվել գերությունից: Նա ծայրահեղության հասցրեց կրոնական սպանության՝ «խթի՛րադի» սկզբունքը, գտնելով, որ այն պետք է կիրարել ոչ միայն խարիզմիների թշնամիների, այլև պասիվ խարիզմիների նկատմամբ, որոնք «սրբազն պատերազմի», այսինքն խարիզմական ապատամբությունների ժամանակ չեն մասնակցել դրանց և մնացել են տանը: Ուստի Իբն ալ-Ազրաքը իր հետևորդներից պահանջում էր. 1. խզել բոլոր տեսակի կապերը «սունը մնացածների» հետ, 2. հավատուրաց համարել բոլոր նրանց, ով չի անցել ապատամբական ձամբարի կողմը, 3. ձամբարի կողմը անցած բոլոր անձանց ենթարկել հավատքի կայունության խստիվ փորձարկման (արաք. «միխնա»): Նա հրահանգում էր, որ հավատի թշնամիների դեմ պատերազմում թույլատրվում է սպանել ոչ միայն տղամարդկանց, այլև կանանց և երեխաներին:

Խարիզմի-ազրաքիթները որպես կանոն խիզախ մարտիկներ եին: Նրանք պատրաստ եին իրենց կյանքը տալու հանուն իրենց գործի, հավատացած լինելով, որ որպես իրենց արյան հասուցում իրենք արժանանալու են դրախտի հավետ երանությանը: Խարիզմի-ազրաքիթների գինված պայքարի բնորոշ առանձնահատկությունը դա այդ պայքարում կանանց ակտիվ մասնակցությունն էր: Մեզ է հասել տեղեկություն այն մասին, որ Իրաքի օմայան տեղա-

պահ Ուրբեյդուլլահի իրն Զիյադը, որը խարիզիների կատաղի հալածիչ էր, ազրաքիթ կանանց մարտական ներշնչանքը սառեցնելու համար հրամայել էր, որ մարտի դաշտում ընկած կանանց դիակները մերկացնեն և այդ վիճակում թողնեն ճակատամարտի դաշտում:

Ազրաքիթները խալիֆայության համար վերածվեցին լուրջ սպառնալիքի, երբ Իրանի հարավում ստեղծեցին ինքնուրույն պետություն։ Միայն VII դարի վերջին խալիֆայության գորքերին հաջողվեց ոչնչացնել այդ պետությունը։

Ուշագրավ է նշել, որ ազրաքիթների մոլեուանդ անհանդուժողականությունը բոլոր մուսուլմանների նկատմամբ, ովքեր չեն պատկանում իրենց աղանդին, զուգակցվում եր լայն հանդուժողականության հետ դեպի հրեաներն ու քրիստոնյաները։ Ազրաքիթները գտնում էին, որ նրանք չեն դափառանել իրենց մարզաքններին՝ Մովսեսին և Քրիստոսին, ուստի և հավատուրացների սպառնության սկզբունքը նրանց վրա չի տարածվում։ Ազրաքիթների որոշ առաջնորդներ նույնիսկ գտնում էին, որ անհրաժեշտ է խարիզիների հետ իրավահավասար համարել այն հրեաներին ու քրիստոնյաներին, որոնք կհամաձայնվեին Մուհամմադին ընդունել որպես մարզաք հետևյալ վերապահությամբ։ «Մուհամմադը մարզաք է արաբների և ոչ մեզ համար»։

Օմայանների ժամանակ չնայած նրան, որ խալիֆ Մուավիան կառավարում էր «Երկաթէ ձեռովով», մի շաբթ վայրերում (-Քուֆայում, Բասրայում և այլն) ազրաքիթները բարձրացրին հուժկու խոռվություններ, որոնք սակայն խեղդվեցին արյան մեջ։ Իրաքում և Իրանում խարիզի-ազրաքիթների ամենախոշոր ապստամբությունը, որն ուղղված էր օմայան խալիֆ Աբդ ալ-Մալիկի և հավասարապես շիաների դեմ տևեց 13 տարի (684-697 թթ.): Ազրա-

թիթների ապստամբությունների ժամանակ նրանց էին միանում մեծ թվով պարսիկներ, հատկապես զյուղացիներ, որոնք հանդես էին գալիս իրենց հարստահարողների՝ արար հողատերերի դեմ: Իսկ վերջիններս ազրաքիթներին համարում էին «խուժապուժ ամբոխ»: Պարտության դեպքում ազրաքիթները թարնվում էին Իրանի լեռնային շրջաններում:

Սուֆիթների աղանդը աչքի չէր ընկնում իր ծայրահեղականությամբ, ինչպես ազրաքիթներն էին: Նրանք, օրինակ, հնարավոր էին համարում այլ ուղղությունների ու հոսանքների պատկանող մահմեղականների դեմ պատերազմի ժամանակավոր դադարեցումը, զգուշության նկատառումներով կիրառում էին իրենց հավատքը թարցնելու մեթոդը («թարիյա»), անթույլատրելի էին համարում ոչ մահմեղական «անհավատների» երեխանների սպանությանը: Բարոյականության հարցերում նույնպես նրանք այնքան կտրուկ չէին, ինչպես ազրաքիթները: Վերջին օմայանների շրջանում սուֆրիթները տարածվեցին ողջ իսլամական աշխարհով մեկ:

Այսպիսով, սուֆրիթները հանդիսանում էին խարիզմականության ավելի ուշ շրջանի չափավոր ուղղության ներկայացուցիչներ:

Խարիզմական աղանդներից առավել չափավորը իբադիթների աղանդն էր: Նրանք դեմ էին ազրաքիթների ծայրահեղ մոլեռանդությանը, հատկապես նրանց այն սկզբունքին, որ անհրաժեշտ է անպայման սպանել բոլոր ոչ խարիզմներին որպես հավատուրացների: Օմայան խալիֆայության նկատմամբ իբադիթները չեին որդեգրում այնպիսի անհաշտ դիրքորոշում, ինչպես ազրաքիթները, թեև այդ խալիֆայությունը համարում էին անօրինական:

Հետազայում իբաղիթների միասնականությունը խաթարվեց քաղաքական և կրոնական սուր տարածայնությունների պատճառով: Այդ ուղղության հետևորդների համեմատաբար փոքրաթիվ համայնքները հաստատվեցին Հյուսիսային Աֆրիկայի (Մադրիդի) երկրներում, Զանգիբարում, Օմանում, Մասլկաթում և այլն: Ողջ VIII դարի ընթացքում խարիչիները դեռևս մնում էին որպես խոշոր քաղաքական ուժ: Նրանց կենտրոնները գտնվում էին Աֆրիկայի բերբերական շրջաններում, Իրանում (Խորասան, Սիսրան, Խուզիսրան): Անհանգիստ ու խոռվահույզ խարիչիները մշտապես բարձրացնում էին ապատամբություններ ու խոռվություններ:

Ներկայումս իբաղիթներ կան Հյուսիսային Աֆրիկայի արաբախոս երկրներում (Ալժիր, Թունիս, Մարոկկո, Լիբիա): Նրանք կրոնական մեծամասնություն են կազմում Օմանում:

ՇԻԱԿԱՆՈՒԹՅՈՒՆ (ՇԻՒԶՈՒ)

Խալիֆ Օսմանի կառավարման շրջանում սոցիալական անհավասարության աճը, ազնվականական դասին լայն իրավունքներ ու արտոնություններ շնորհելու քաղաքականությունը արաբ զանգվածների մոտ առաջ էր բերել խիստ դժգոհություն: Այդ ծայրահեղ դժգոհության ենթահողի վրա ձևավորվեց Մուհամմադ մարզարեի փեսա, նրա դստեր Ֆաթիմայի ամուսին Ալի իբն Թալիֆի կողմնակիցների մի խմբավորում կամ կուսակցություն, որն անվանեցին շիաթ Ալի, այսինքն «Ալիի կուսակցություն»: Այսուղից էլ ծնունդ առավ շիաներ և շիականություն անվանումը:

Դեռևս առաջին խալիֆ ընտրելու ժամանակ որպես խալիֆայության նկատմամբ Ալիի իրավունքների կողմնակիցներ հանդես եկան երեք անձինք. Աբու Զարը ալ-Գիֆարին, Միքրադի իրն ալ-Ասվադը և պարսիկ Սալման ալ-Ֆարիսին: Սակայն նրանց կարծիքի հետ հաշվի չնստեցին: Չնայած այդ անհաջողությանը, ձեռք բերվեց նաև դրական մի երևույթ: Դա այն էր, որ արաբական հասարակության ստորին խավերին ընդգրկած համընդհանուր դժոհությունը Ալիի անունը դարձրեց վերին աստիճանի հանրահայտ: Տեսն այդ ժամանակ Աբու Զարը (մահացել է 653 թ.) դարձավ «Ալիի կուսակցության» («Հիաթ Ալի») կամ շիաների խսկական կազմակերպիչը: Դամասկոսում խալիֆի տեղապահ Մուավիի ներկայությամբ Աբու Զարը բուռն քարոզություն էր մղում կառավարող վերնախավի հոռի բարքերի, նրանց կենցաղի պերճանքի ու շքեղության, ազահության դեմ և հայտարարում էր, որ իմամաթի իրավունքը պատկանում է մարզարեի ընտանիքին, այսինքն Ալիին և Ֆաթիմայից ծնված նրա որդիներ Հասանին (ծնվել է 624 կամ 625 թ.) և Հուսեյնին (ծնվել է 625 կամ 626 թ.):

Միջնադարյան կրօնագետ-փիլիսոփա Ալ-Շահրասթանին (1071-1153 թթ.) հետևյալ կերպ է ձևակերպում շիականության եռությունը. «Շիաները դա նրանք են, որոնք Մուհամմադ մարզարեի փեսայի՝ Ալիի կողմից են, ճանաչելով նրա բացառիկ իրավունքը իմամի և խալիֆի աստիճանի նկատմամբ»: Շիաները գտնում են, որ իմամաթի նկատմամբ իրավունքը չի կարող պատկանել որևէ մեկին, բացի Ալիի և Ֆաթիմայի սերունդներից, քանի որ Մուհամմադը չի ունեցել արական սերի ժառանգորդներ: Նրանք նաև համարում են, որ իմամության վերաբերյալ իրավունքը կախում ունի ոչ թե այս կամ այն անձի անձնական պիտանիությունից, այլ ժառանգականության սկզբունքից: Իմամը չի կա-

ոռղ մահմեդական համայնքի կողմից ընտրվել (ինչպես կարծում են սուննիները), նա իմաստ է հանդիսանում իր ժառանգական արժանիքի շնորհիվ, որի իրավուքը չի կարող փոխանցվել այլ անձի կամ հանձնվել համայնքին:

Այսպիսով, շիականությունը ծնունդ է առել զահածառանգության հարցի կապակցությամբ արաբների շրջանում գոյություն ունեցող քաղաքական տարածայնությունների հետևանքով: Շիաների և սուննիների միջև հիմնական տարածայնությունը կայանում է նրանում, որ ի հակակշիռ սուննիների, որոնք չեն ընդունում խալիֆայության ժառանգականության սկզբունքը և Մուհամմադի օրինական ժառանգորդներ են համարում առաջին երեք խալիֆներին (Աբու Բաքր, Օմար և Օսման), որոնք սերված չեն մարզարեից, շիաները հանդես են գալիս որպես խալիֆայության ժառանգականության սկզբունքի կողմնակիցներ և մարզարեի օրինական ժառանգորդ են համարում նրա ազգական և փեսա Ալիին, ինչպես նաև նրա որդիներին ու ժառանգներին:

Անկասկած շիականության բազան բաղաքականության մեջ հանդիսանում է լեզվահիմնականը: Շիականությունը հանդես էր զալիս որպես ընդուխմադիր մի ուսմունք, որը բողոքում է «անօրինական» խալիֆների դեմ:

Իմամաթի զաղափարը հանդիսանում է շիականության անկյունաքարը: Դա դոգմա է զերազույն իշխանության մասին: Դրա հիմքում ընկած է այն զաղափարը, որ իսլամական համայնքը՝ ումման անընդմեջ կերպով կառավարվում է աստծո կողմից: Իմամմաթը, այսինքն զերազույն իշխանությունը որոշված է աստծո կողմից և չի կարող լինել ընտրվի: Շիաները իսկական իմամներ համարում են Ալիին և նրա 11 հետնորդներին:

Ալիին Մուհամմադ մարզարեի օրինական ժառանգորդ ճանաչելու շիաների փաստարկը հենվում էր նաև հետևյալ ավանդության վրա. իբր իր վերջին ուխտագնացության ժամանակ մարզարեն Ղաղիր ալ-Խումմա լճակի մոտ բազմաթիվ հետևորդների ներկայությամբ Ալիին հայտարարել է իր ժառանգորդ, ասելով. «Ով ինձ կճանաչի որպես իր տեր, նա պետք է Ալիին ևս ճանաչի որպես իր տեր»: Շիաները մեղադրում են խալիֆ Օսմանին, որ նրա հրամանով Ղուրանի տեքստից հանվել է «երկու լուսատուներ» սուրահը և այլ սուրահներից մի քանի այաքներ, որոնցում շարադրվում են մահմեդական համայնքում Ալիի հատուկ իրավունքների մասին:

Աստիճանաբար շիաները վերածվեցին կրոնական մի առանձին հոսանքի և խլամի խոշոր ճյուղերից մեկի, որը հակադրվեց սպաշտոնական կամ «ուղղավաղան» խլամին, որի հետևորդները հանդես են գալիս որպես խալիֆների ընտրովիության կողմնակիցներ: Դրանց հետազայում անվանեցին սուննիներ կամ «սուննայի և համայնքի մարդիկ» (ահլ աս-սուննա վա-լ-միլլա»): Սուննիները գերազույն իշխանության հարցերում չեն ճանաչում Ալիի և նրա ժառանգորդների իրավունքը «իմամության», այսինքն խլամական համայնքի գերազույն իշխանության նկատմամբ, գտնելով, որ համայնքի ղեկավարի՝ խալիֆի ընտրության գործում պետք է մասնակցություն ունենա ողջ մուսուլմանական համայնքը:

Իսլամի մեջ առավել մեծաթիվ հետևորդներ ունեցող ուղղությունը՝ սուննիականությունը որպես ուղղադավան հոսանք վերջնականապես ձևավորվել է X դարում: Ներկայումս սուննիները կազմում են մահմեդական երկրների բնակչության շախչախիչ մեծամասնությունը:

Շիական կրոնական դոկտրինի հիմնադիրն է համարվում Աբդալլահ իբն Սաքան, որը ապրել ու գործել է խալիֆ Օսմանի ժամանակ: Հատ ավանդության, Իրն Սաքան իսլամն ընդունած է-մենցի հրեա էր, որը քաջ ծանոթ էր ինչպես հույսայականության ու քրիստոնեության, այնպես էլ իսլամի դրույթներին և սփրում էր զիտակ մարդկանց հետ կրոնական-աստվածաբանական վեճերի բռնվել: Իրն Սաքան ստեղծեց ուսմունք Մուհամմադ մարգարեի «գալստյան մասին («ռաջա»): Ինչպես Հիսուսը պետք է վերադառնա,- ասում էր Իրն Սաքան,- այդ նույն կերպ վերադառնալու է նաև Մուհամմադը: Իրն Սաքան ասում էր, որ նախկին մեծ մարգարեներից յուրաքանչյուրն ունեցել է օգնական կամ իր կողմից լիազորված անձ (արաբերեն «վասի»). Մովսեսի օգնականն է եղել Սհարոնը, Երեմիայինը՝ Վարուխը, Հիսուսինը՝ Պետրոս Առաքյալը: Մուհամմադ մարգարեի մոտ այդպիսի վասի չէր կարող լինել որևէ այլ ոք, բացի Ալիից:

Աբդալլահ իբն Սաքան հանդիսանում էր ծայրահեղ շիականների նախորդը: Նա չբավարարվելով լոկ Ալիի իրավունքների պաշտպանությամբ, հասնում էր համարյա մինչև նրա աստվածացումը: Ալին իր մահվանից հետո վերածվեց առասպելական հերոսի: Շիաների համար, որոնք նրան պաշտում էին համարյա թե Մուհամմադից ավել, Ալին ոչ միայն իմաս էր, այլ նաև սուրբ, հերոս, իսլամի փառապանծ ասպետ: Շիականությունն ունի արաքական և ոչ թե իրանական ծագում:

XIX դարի որոշ հետազոտողներ գտնում էին, որ իբր շիականությունը պարսիկների կողմից ստեղծված կրոնական ուղղություն է կամ հոսանք, իսլամի զաղափարների մի յուրահատուկ իրանական ընկալում ու իմաստավորում, «իրանական ոգու ռեակցիա արաբիզմի դեմ»: Մի խումք զիտնականներ նույնիսկ

սուննիական խլամը համարել են «արաբական ռասայի կրոն», իսկ շիական խլամը՝ որպես «իրանական ռասայի կրոն»։ Նման մեկնաբանությունը այսպես կոչված «ռասայական կրոնների» գոյության արգասիք էր, որը ժամանակին լայն տարածում էր գտել արևմտականավորական գիտնականների շրջանում։ Իրականում պատմության մեջ զոյություն չեն ունեցել ռասայական կրոններ և այդ բանը համոզիչ փաստերով ցույց է տրվել խլամագետ-գիտնականների կողմից։

Այսպիսով շիականության իրանական ծագման մասին վարկածը ձիւտ չէ, և ներկայումս այն կատարելապես հերքված է։

Հետազոյւմ շիականության զանազան հոսանքները տարածվեցին ինչպես Իրանում, այնպես էլ արաբական միջավայրում, իսկ ապա նաև թյուրքական միջավայրում, իսկ սուննիական խլամը և՝ արաբական, և՝ իրանական և՝ թյուրքական միջավայրում։

Եթե սուննի շիաները բացառապես արաբներ են, ապա օմայանների ժամանակ շիականությունն ընդունեցին նաև մեծ թվով ոչ արաբներ, հատկապես Իրանում և Իրաքում։ Այդ նոր շիաները՝ մավալինները («հաճախորդներ»), ցանկանում էին ազատվել արաբական ցեղերի ստրկացուցիչ կախումից և ստանալ արաբների հետ հավասար իրավունքներ։ Հենց դա էլ նրանց խոստանում էին շիաները։ Շիականության մեջ իրենց արտացոլումն են գտել նաև արաբների նկատմամբ Իրանի ավատական ազնվականության անջատողական ձգտումները։ Որպես սուննիականության նկատմամբ ընդդմադիր շարժում, շիականությունը կրոնական գունավորում է հաղորդել նաև այն ընդարձակ մշակութային շարժմանը, որը տեղի ունեցավ Իրանում և հայտնի է «Շուռությա» անունով։

Х-XI դարերում Եզիպտոսում և այլ վայրերում, որտեղ հաստատվեց Ֆարփիմյան խալիֆների իշխանությունը, շիականությունը ստացավ պետական կրոնի կարգավիճակ: Իրանում շիականությունը տարածվեց հատկապես VIII դարում և ընդուած մինչև XVI դարի սկիզբը, երբ ստեղծվեց Սեֆևյան աստվածապետական պետությունը, Իրանի բնակչության կեսից ավելին դավանում էր իսլամի սուննիական ուղղությունը: Այն պետական կարգավիճակ ունեցող դավանանք էր Իրանի համարյա բոլոր ֆեռդալական պետություններում: X-XVI դարերի ընթացքում, Իրանում տարածված էր ինչպես սուննիականությունը, այնպես էլ շիականությունը: Սակայն մինչև XVI դ. սկիզբը Իրանի պաշտոնական կրոնն էր համարվում սուննիական ուղղաղավան իսլամը: Սեֆյան պետության հիմնադիր շահ Խասայիլ I-ը Իրանի պետական կրոն հոչակեց 12 իմամների վերաբերյալ շիական ուսմունքը կամ շիականությունը, որն առ այսօր հանդիսանում է Իրանի պետական-պաշտոնական կրոնը: Եթե Սեֆյանների ժամանակ շիականությունը հոչակվեց պետական կրոն (1502 թ.), իսլամի այդ ուղղությունը ծառայում էր որպես բազմաթիվ ընդդիմադիր շարժումների գաղափարախոսություն: Այն սուր ծայրով ուղղված էր նաև սուննիականությունը դավանող Օսմանյան կայսրության դեմ, որը հանդես էր գալիս որպես Սեֆյան Իրանի տարածաշրջանային ախոյան: Բոլոր դեպքերում սուննիականությունը մուսուլմանական երկրների մեծ մասում միշտ էլ եղել է գերակշռող ու տիրապետող: Իսլամական երկրների մեծ մասում շիաները հանդիսանում էին փոքրամասնություն: Սակայն հաճախ այդ փոքրամասնությունը հանդես էր գալիս որպես վերին աստիճանի եռանդուն, ակտիվ, գործունյա և միանգամայն կենսունակ կողմ:

Սուննիականության և շիականության միջև եղած տարբերությունները բնավ չեն նշանակում, որ շիաները չեն ընդունում մարգարեի սուննան: Նրա մեջ շիաներն ընդունում են միայն այն հաղիսները, որոնցում խոսվում է Ալիի մասին: Ի տարբերություն սուննայի, շիաները կազմեցին իրենց հուշերը Մուհամմադ մարգարեի և Ալիի մասին և դրանք անվանեցին «ախբարներ» (հոգն. «խարար», բառացի «տեղեկություն»):

Այսպիսով, թեև շիական սուննան չի համընկնում սուննիականի հետ, սակայն կան ոչ քիչ թվով հաղիսներ, որոնք ընդունվում են ինչպես սուննիների, այնպես էլ շիաների կողմից:

Քանի որ շիական ուսմունքը ձևավորվում ու մշակվում էր իսլամի սուննիական ուղղության տիրապետության պայմաններում, եթե ամեն մի այլախոհություն դաժանորեն հետապնդվում ու հալածվում էր, շիականության մի շարք աղանդների մեջ լայն տարածում գտավ «թարիյա» (արար. բառացիորեն «զգուշություն», «խոհեմություն») հասկացությունը: Այն թույլ էր տալիս թարցնել իր իսկական կրոնական և քաղաքական համոզմունքները, եթե դրանց բացահայտումը իրենից վտանգ ներկայացներ: Շիան, ըստ թարիյայի սկզբունքի, կարող էր նույնիսկ տալ կեղծ երդում իր թշնամուն, որը չէր դիտվում որպես երդմասդրժություն և հանցանք: Երբեք հայտնի չէր լինում, թե շիականության հետևորդը արդյոք արտահայտում է իր իսկական տեսակետը, թե նրա համար ստեղծված վիճակի ազդեցության տակ օգտվում է թարիյայից:

Ճիշտ չէ շիականությունը համարել իսլամի աղանդ: Իրականում այն հանդիսանում է իսլամական կրոնի երկու հիմնական ուղղություններից կամ ճյուղերից մեկը:

Խալիֆ Ալիի որդիներ Հասանի և Հուսեյնի մահվանից հետո շիաների շրջանում տեղի ունեցավ առաջին լուրջ պառակտումը:

Արդեն VIII դարում շիականությունը դադարեց միատարր հնասնը հանդիսանալուց, բաժանվելով չափավոր և ծայրահեղ ճյուղավորումների: Քայսանինները, զեյդիթները և իմամինները կարող են դասվել չափավոր շիաների շարքը: Ծայրահեղ շիական ուղղությունների հետևորդներ են հանդիսանում, օրինակ, իսմայիլիները, ալավիները, զազաները և այլն:

Ինչպես չափավոր, այնպես էլ ծայրահեղ շիաների շրջանում գոյություն ունի այսպես կոչված «թաքնված իմամի» մասին ուսմունքը: Նրա եռթյունը կայանում է հետևյալում. Ալիի ժառանգործների ուղիղ գիծը ընդհատվում է 12-րդ իմամով: Շիա-իմամիների այդ վերջին տասներկուերրորդ իմամը՝ Մոհամմադ ալ-Մահդին դեռ երեխա ժամանակ՝ 6-9 տարեկան հասակում խորհրդավոր կերպով չքացել է: Անհետացած այդ իմամը իր գտնվում է «թաքնվածության» («դայրի») վիճակում, սակայն անտեսանելի կերպով ներկա է այս աշխարհում, ուստի նրան անվանում են «սպասվող» իմամ: Ահեղ դատաստանի օրը նա կվերադառնա, որպեսզի երկրի վրա հաստատի արդարության թագավորություն: Շիաների մոտ իմամ Մահդիի հայտնվելու վերաբերյալ հավատը ստացել է զլսավոր դոզմաներից մեկի նշանակություն: Դժվար չէ նկատել, որ շիաները Մահդիին վերագրում են մեսիական առարկելություն:

Շիա-իմամիների կրոնա-քաղաքական խմբավորումը գտնում էր, որ իմամության իրավունքը բացառապես պատկանում է Ալիի ցեղից 12 իմամներին: Այստեղից էլ նրանց սկսեցին կոչել «խնաաշարիյա», այսինքն տասներկու իմամների երկրպագուներ:

Շիաները պետական իրավունքի սկզբունքներից մեկն են համարում իմամաթի՝ բարձրագույն հոգևոր իշխանության

սկզբունքը: Նրանց շրջանում տարածում է գտել նահատակության կուլտը: Նրանք առանձնապես մեծ հարզանք են տածում երրորդ իմամի՝ Ալիի որդիի Հուսեյինի նկատմամբ, որը մարտիրոսական մահով զոհվել է սունիների դեմ մղված ճակատամարտում:

Մերքա և Մադինա կատարվող ընդհանուր մուսուլմանական ուստագնացությունից զատ շիաները հաջ են կատարում նաև իրենց նահատակների թաղման վայրերը, որոնք գտնվում են Իրարում (Նաջաֆ, Քերբալա, Քազեմեյն, Սամարրա) և Իրանում (Մաշհադ): Բացի նշված վայրերից շիաների սրբավայրեր են հանդիսանում նաև իմամների ժառանգորդների շիրիմ-դամբարանները (այսպես կոչված «իմամզադեները»): Դրանցից հատկապես պաշտելի են համարվում ութերորդ իմամ Ալի Ռիզայի քրոջ՝ Ֆաթիմայի դամբարանը Ղում քաղաքում և երկրորդ իմամ Շասանի ժառանգորդ Աբդ ալ-Ազիմի դամբարանը Թեհրանի արվարձան Շահ Աբդ ալ-Ազիմում: Ալիների ընտանիքի շիրմավայրերի վրա կառուցված են շքեր դամբարաններ, որոնց կից նաև մզկիթներ:

Շիա-իմամականների հավատալիքների շրջանակի կենտրոնում է գտնվում Ալիի և նրա ժառանգորդ-իմամների կուլտը: Շահադայի՝ հավատող հանգանակի վերաբերյալ մուսուլմանական բանաձեխն՝ «Զկա աստվածություն Ալլահից բացի և Մուհամմադը նրա մարգարեն է» իմամականներն ավելացնում են «Խսկ Ալին՝ աստծո մերձավորագույն սուրբն է և նրա տեղապահը»:

Սուննիական քաղաքացիական իրավունքի համեմատ շիական քաղաքացիական իրավունքի առավել էական առանձնահատկությունն է վերջինիս կողմից ժամանակավոր ամուսնության ընդունումը: Արաբ-հեթանոսների մոտ ջահիլիայի շրջանում այդպիսի ամուսնություն գոյություն է ունեցել մինչիսլամական շրջանում, սակայն համաձայն ավանդության, վերացվել ու ար-

գելվել է կամ Մուհամմադ մարզարեի, կամ խալիֆ Օմարի կողմից:

Իսլամի շիական ուղղության կողմից թույլատրված ժամանակավոր ամուսնությունը, որը արաբների մոտ կոչվում է «մուրա» (արար. քառացիորեն «օգտվելու առարկա»), իսկ պարսիկների մոտ «սիղա» («սիղե») գործնականում այն տղամարդու կողմից կարող է կնքվել (անկասկած կողմերի ցանկությամբ) մեկ օրից մինչև 99 լրտսնային տարի ժամկետով: Սիղե ամուսնությունը ըստ էության հանդիսանում է օրինականացված կենակցություն (կոնքուրինատ): Այն հարմար է տղամարդկանց համար, քանի որ տղամարդկանց վրա չի դնում այն պարտականությունները, որոնք նրանք պարտավոր են կատարել օրինական կանանց նկատմամբ:

Սիղե ձևով ամուսնանում են կամ աղքատները, որոնք միջոցներ չունեն պատշաճ ձևով պահելու օրինական կնոջը, կամ շատ հարուստները և ազնվագարմ մարդիկ. վերջինների համար ամուսնության այդ ձևը մի միջոց է շրջանցելու օրենքը, որն արգելում է ունենալ չորսից ավելի կին: Սիղե կարգավիճակով կին կարելի է միաժամանակ ունենալ թեկուզ մի քանի տասնյակ: Սիղե պայմանագրի երկարատև ժամկետը (մինչև 99 տարի) այդպիսի կանանց իրենց ամբողջ կյանքում ամրագրում է տվյալ տղամարդու հետ, մինչդեռ այդ ամուսնությունը դրվագն ինչ չափով չի կապում ամուսնուն. վերջինս կարող է ցանկացած ժամանակ «քաց թռինել» իր սիղե կնոջը, նրան «նվիրելով» պարտավորության մնացած ժամանակը:

Հարկ է նշել, որ ինչպես անցյալում, այնպես էլ ներկայումս, իսլամի մեջ երկու ուղղությունների կամ հոսանքների՝ սուննիականության և շիականության առկայությունը հաճախ օգտագործ-

վում է թե՝ մուսուլմանական երկրների ներսում, և՝ թե արտաքին հարաբերություններում ազգային երկպառակություններ և արյունալի պատերազմներ հրահրելու համար:

ՍՈՒՖԻԱԿԱՆՈՒԹՅՈՒՆ

Սուֆիականությունը դա իսլամական միստիցիզմն է: Միստիցիզմի տակ սովորաբար հասկացվում է առանձնահատուկ կրոնական աշխարհայացք, որը ենթադրում է աստծո հետ մարդու անմիջական շփում (կամ նույնիսկ միավորում), այսպէս կոչված «ներքին պայծառացման», «հափշտակվածության» («էրստագ») միջոցով: Միստիկական հոսանքները, ինչպէս նաև միստիցիզմով հագեցված փիլիսոփայական համակարգերը, հատկապէս ավատատիրական դարաշրջանում հանդես եին զալիս տարբեր կրոնների թաղանթի ներքո: Միստիկական հոսանքները համարյա միշտ կապված եին ճգնավորության և «աշխարհից հրաժարվելու» զաղափարի վրա: Մուսուլմանական երկրներում միստիկական շարժումը հայտնի է սուֆիականություն ընդհանուր անվան տակ: Իսլամագետների գերակշիռ կարծիքով «սուֆիականություն» տերմինը (արաբերեն «թասաֆֆուֆ») ծագում է սուֆ «բուրդ», «կոպիտ բրդյա զգեստ» բառից: Տեսակետ կա նաև այն մասին, որ սուֆիականությունը ծագել է հունարեն «սուփոս» («իմաստություն») բառից: Ումանք կարծում են, որ նրա ծագումը արաբերեն «սաֆա» արմատից է, որը նշանակում է «մարրություն»:

Որպէս սուֆիականության հոմանիշ ընդունված է նաև «թարիք» (արաբերեն բառացի «Ճանապարհ», «միստիկական ուղի») տերմինը, մուսուլմանական ճգնավորները, իսկապէս, հազ-

նում էին կոշտ բրդե հազուստներ, դրանով իսկ ցանկանալով անջրպետվել հասարակությունից: Ըստ որոշ տվյալների, նրանք այդ սովորույթը փոխառել էին ճգնավորական կյանք վարող քրիստոնյաներից:

Սուֆիականությունը ծնունդ է առել իսլամական հողի վրա: Առաջին սուֆիական համայնքները ստեղծվել են IX դարի սկզբին: Նրա մեջ կենտրոնական զաղափարը աստծո միասնությունն է և մարդու անձնական շփումը աստծո հետ: Չափազանցություն չի լինի ասելու, որ սուֆիականությունը նույնքան հին է, որքան իսլամը: Համենայն դեպք արդեն հիջրեթի առաջին դարի վերջին, այսինքն VIII դարի սկզբին, սուֆիականության մասին կարելի է խոսել որպես իսլամի ներսում առանձին հոսանքի մասին:

IX-X դարերում սուֆիականությունը Իրանում գտավ չափազանց մեծ տարածում, սակայն արդեն այդ ժամանակ միասնական սուֆիականություն այլևս չկար: Սուֆիականության տակ այժմ սկսում էին հասկանալ մուսուլմանական միստիցիզմի տարրեր հոսանքները:

Սուֆիականության գլխավոր բովանդակությունը նրա գոյության վաղ շրջանում դա ճգնավորությունն ու անապատականությունն էր, «փախուստն աշխարհից» և միաժամանակ ձոխ ու շվայտ կյանքի, որկրամոլության, աննպատակ գոյության դաստապարտումը: Այստեղից ծնունդ է առել աղքատության կուլտը որպես իդեալական վիճակ «հոգու փրկության» համար: Արդեն վաղ սուֆի-ճգնավորների համար բնորոշ էր կամավոր աղքատության քարոզը: Այդ կապակցությամբ ծնունդ առավ «թափաքքուլի» (արաբ. «հույ», «ապավինություն») վերաբերյալ ուսմունքը, որի եռությունը կայանում էր նրանում, որ ամբողջապես հոյսը բնելով աստծո վրա, հոգ չտանել սնունդ ու գոյության միջոցներ ձեռք բե-

բելու համար: Իրենց կամավոր աղքատության մատնած անապատական-ձգնավորները (որոնց հետազոյում կոչեցին ֆաքիրներ կամ դերվիշներ) հետևում էին հետևյալ կարգին. ողորմություն հավաքել միայն մեկ օրվա համար, քանի որ սնունդ հավաքելը դրանից ավել օրերի համար համարվում էր թափաքրու սկզբունքի խախտում: «Վերին աստիճանի հատկանշական է,- գրում է խւամագետ Ի. Գոլցիերը,- որ Աստվածաշնչի խոսքերը երկնային թռչունների մասին, որոնք ոչ ցանում են, ոչ հնձում և բերքը չեն կուտակում ամբարներում, սակայն երկնային հայրը կերակրում է նրանց, համարյա բառացիորեն բերվում է թափաքրու ուսմունքի հետևրդների կողմից և կենտրոնական տեղ է գրավում այդ ուսմունքի մեջ»: Սուֆի-դերվիշների գաղափարախոսության համաձայն հարստությունը հանդիսանում է ամեն տեսակի մեղքի հիմք, դա մի վիճակ է, որն արգելք է հանդիսանում «փրկության» համար:

Իրենց կամավոր աղքատության մատնած ֆաքիրները և դերվիշները չունեին անձնական սեփականություն, թափառում էին տարբեր վայրերում և կամ ապրում դերվիշների համար նախատեսված կացարաններում կամ մենաստաններում, որոնք ունեն տարբեր անվանումներ՝ պարսիկների մոտ նրանք կոչվում էին «խանագա», թյուրքերի մոտ «թերիյե», իսկ արաբների մոտ «զավիյա», որ բառացի նշանակում է անկյուն, խուց: Դերվիշական այդ կացարաններում առկա էր հատուկ կանոնադրություն. երիտասարդ մարդիկ գտնվում էին տարեց ուսուցիչ-դաստիարակների դեկապարության տակ, որոնք սովորաբար հանդիսանում էին կացարանի գլխավորը և կոչվում էին «շեյխ» կամ «փիր»: Նա հանդիսանում էր «մուրժիդ» (արաբ. «դեկապար», «դաստիարակ» կամ «ուսթադ» (պարսկերեն «ուսուցիչ»), իսկ նրան ենթակա նորեկը,

բը հանդես էր զալիս որպես «աշակերտ» կոչվում է «մուրիդ» (արաբ. «փնտրող, որոնող», «աշակերտ»): Շեյխ-մուրշիդի զիսավորությամբ մուրիդը պետք է անցներ ճգնավորական և հայեցողական կյանքի երկար ճանապարհ «կատարելության հասնելու համար»:

Որոշակի ժամկետ անցնելուց հետո մուրիդը ընդունվում էր դերվիշական եղբայրության՝ «թարիքաթի» մեջ: Ըստ որում, շեյխը իր աշակերտին հազցնում էր դերվիշական զգեստ, որն այնուհետև սուֆին կրում էր իր ողջ կյանքի ընթացքում: Նրա կապը իր շեյխ-ուսուցչի հետ պահպանվում էր ողջ կյանքի ընթացքում: Մուրիդը, իրաժարվելով իր «ես»-ից, ամբողջովին իրեն տալիս էր շեյխ-մուրշիդի կամքին, հանձինս նրա տեսնելով աստծոն ներկայացնեցին: Մարինները պարբերաբար խոստովանում էին իրենց մեղքերը (նաև մտովի) շեյխի առջև և կատարում էին մեղքերի թողություն («թառիք»):

Բացի այն դերվիշներից, որոնք մշտական կամ տևական ժամանակ ապրում էին դերվիշական կացարաններում, կային մեծ թվով թափառող դերվիշներ, որոնք այդ կացարաններում ապաստան էին գտնում միայն ձմռանը: Գարունը թացվելուն պես շեյխը դիմելով նրանց ասում էր. «Գարունը եկավ, ծառերը ծածկվել են տերևներով, ժամանակն է, որ դուք գնաք, թափառեք ամբողջ աշխարհով մեկ»: Ողորմություն խնդրելը թափառող դերվիշների համար համարվում էր օրինաչափ և միանգամայն օգտակար իրենց հոգեկան աճի համար:

Ինչպես և քրիստոնեական ու բուդդայական տաճարներում, դերվիշական խանագաններում կամավոր ինքնախոշտանգումները համարվում էին կատարելության հասնելու կարևորագույն միցոց:

Ճգնավորությունը, ժումկալությունը, աղքատությունը և այլն սուֆիների համար ինքնանպատակ չէր: Այն մի միջոց էր զգայական աշխարհից իրենց կապվածությունը ձերբազատելու, իր մարդկային բնականոն ցանկություններից ազատվելու, իր սեփական «Ես»-ի նկատմամբ սիրուց հրաժարվելու և դրանով իսկ իրեն պատրաստելու համար ըմբռշխնելու արարչի հետ անձնական շփման «քաղցրավուն պահերը»: Սուֆին պետք է չսպասեր «այն աշխարհում» պարզեների, նրա սերը «ընկերոց» (իմա՝ աստծո) նկատմամբ պետք է լիներ կատարելապես անշահախնդիր:

Սուֆիների ուսմունքի մեջ առկա է «չորս հանգրվանների» վերաբերյալ սկզբունքը: Դրանք են. «հոոյս», «համբերություն», «քավարարվածություն» և «ապավինություն»: Այդ սկզբունքների կիրառումը գործնական կյանքում նպաստում էր իսլամի մեջ ճակատագրապաշտության զարգացմանը:

Սուֆիականության տարբեր ճյուղավորումներում ձևավորվեց ուսմունք «հոգեկան կատարելության» աստիճանների վերաբերյալ: Դրանք համարվում էին մի տեսակ աստիճանների համակարգ Ալլահին մերձենելու համար: Այդ աստիճանների (հանգրվանների) թիվը սուֆիականության տարբեր համակարգերում տարբեր են: Ավելի հաճախ հաշվվում են չորս աստիճան. առաջին նախապատրաստական աստիճանը շարիաթն է, այսինքն կյանքի բոլոր հանգամանքներում հավատի սկզբունքներին հետևելը: Երկրորդ աստիճանը դա սուֆիների ուղու վրա մուտք գործելն է: Այն կոչվում է «թարիքաթ» («ճանապարհ»): Աշակերտը իր համար ընտրում է հոգևոր դաստիարակի և կատարելապես ձերբազատվում իր կամքից «Ես»-ից, բոլոր հարցերում ենթարկվելով իր ուսուցչին: Այս էտապում մուրիդը մուրշիդի կամ «իր շեյխի ձեռքում պետք է լինի ճիշտ այնպիսին, ինչպիսին որ հանդիսանում է դիա-

կը մեռել լվացողի ձեռքում». այսպիսին է սուֆիական օրենքը թարիքաթի աստիճանում գտնվող սուփիի համար:

Երրորդ աստիճանը դա «մարիֆաթն» է («իմաստությունը»), որի ընթացքում սուփին պետք է հասնի աստվածային ճշմարտության «ընկալմանը» կամ «պայծառացում» ձեռք բերելուն: Այս աստիճանում աշակերտը դառնում է արիֆ, այսինքն «ճանաչած», «փմացած»: Նա իրավունք է ձեռք բերում դառնալու այն սուփիներին «ուղղություն տվող», որոնք դեռ գտնվում են ցածր աստիճաններում: Այսինքն սուփին իր շեյխի թույլտվությամբ ինքը կարող էր դառնալ մուրշիդ-դաստիարակ նորեկների համար: Երրորդ աստիճանում հրաժարվելով աշխարհիկ կյանքից, պետք է ճգնավորությամբ, ներքին աղոթքի, մշտապես աստծո անունները արտաքրեկով, իրեն քաղցի մատնելով, հրաժարվելով զգայական ցանկություններից և այլ կարգի «ինքնակատարելազործման» ու. երստացի ճանապարհով հասու լինել աստծուն: Այդ աստիճանում, համաձայն սուփիական պահանջներին, մուրիդը բարձրանում է կյանքից վեր, նա ստանում է բարին ու չարը հասկանալու շնորհ, նրա համար իբր հավասար են դառնում բարին ու չարը, բարոյականն ու անբարոյականը:

Սուփիականության չորրորդ բարձրագույն աստիճանը «հաղիղաթն» է (արաբ. «Ճշմարտություն»), որը բնորոշվում է Ալլահի հետ միաձուլման և աշխարհիկ կյանքի ամեն ինչի նկատմամբ հետաքրքրության լրիվ կորստով: Այս աստիճանին կարող են հասնել միայն ոչ մեծ թվով սուփիներ: Հաղիղաթի աստիճանին հասածը իբր սկսում է զգալ, որ իր մեջ եղած ամեն աշխարհիկը մարել է, որ ինքը այլևս կորցրել է սեփական «ես»-ը, որն «անհետացել է աստծո մեջ»: Սուփիականության մեջ գոյություն ունի «Փանա» (արաբ. «չքացում», «հանգչում», «կործանում») հասկացությունը, այ-

սինքն սուֆիի կողմից կատարելության հասնելը, եթք նա, իր մեջ ճնշելով անձնական կամքը, երկրային ցանկությունները և մարդուն բնորոշ հատկանիշները («սիֆաթ»), և դրանով խոկ ազատվելով զգայական աշխարհի ընկալումից, հասնում է միստիկական կատարելության և ի վիճակի է դառնում շփվելու «Միասնականի», այսինքն աստծո հետ: Այսպիսով, բարձրագույն աստիճանի հասած սուֆին հրաժարվում է մարդկային անհատականությունից և ընկդմվում է նիրվանայի մեջ:

«Գիտությունների լույս» («Նուր ալ-ուլում») սուֆիական գրքում, որը վերագրվում է X-XI դարերի խորասանյան սուֆիականության ներկայացուցիչներից մեկին՝ Աբու-լ-Հասան Հարաբանիին, բարձրագույն աստիճանի հասած սուֆիի իդեալը ներկայացվում է հետևյալ կերպ: «Շեյխը հարցրեց մի ուսն սուֆիի ո՞ւմ եք դուք անվանում դերվիշ»: Նա պատասխանում է: «Նրան, որը աշխարհի մասին ոչ մի տեղեկություն չունի»: Շեյխն ասում է, «դա այդպէս չէ, դերվիշը նա է, որի սրտում գոյություն չունի որևէ մտադրություն: Նա խոսում է, սակայն նրա ասածների մեջ խոսք չկա, նա տեսնում է, բայց չունի տեսողություն, նա լսում է, բայց չունի լսողություն, նա ուտում է, բայց նրա մոտ բացակայում է կերածի համը, նրա մոտ չկա ոչ շարժում, ոչ հանգիստ, ոչ տիրություն, ոչ ուրախություն: Դա է դերվիշը»:

Սուֆիականության մեջ մեծ դեր են խաղում ծիսական արարողությունները, նրանք, օրինակ, ավելացնում էին իրենց աղորքների թիվը, կատարում էին լրացուցիչ ծումապահություններ, կրծատում իրենց սնունդը և կատարում այլ կարգի սահմանափակումներ: Ուշագրավ է նշել, որ սուֆիների հեռացումը ավանդական աղորքներից շատ ավանդապաշտների կողմից սուֆիականությունը դիտվել է որպէս հերձված:

Սուֆիական-դերվիշական մի շարք միաբանություններում նրանց ծխական արարողությունները ուղեկցվում են երաժշտությամբ ու պարերով, որոնք կրում են մոլեգին բնույթ: Հայտնի է այսպես կոչված «պտտվող դերվիշներ» երևույթը, երբ սուֆի-դերվիշները միապահադ երաժշտության ներքո ժամերով անընդհատ պտտվում են, եքստազի մեջ ընկած: «Պտտվող դերվիշները» անջնջելի տպափռություն են թողել Հանս Քրիստիան Անդերսենի վրա, որը նրանց տեսել է Ստամբուլում և նկարել նրանց: Պայծառատեսության վիճակում «Ալլահին մերձենալու» հարցում սուֆիներին առհասարակ օգնում է մարմնի տարբեր ձևի շարժումները, հատուկ ոիթմը կամ երաժշտական նվազակցությունը, ինչպես նաև թմրադեղերից պատրաստված խմիչքները:

Զիքը՝ դերվիշների պարը կամ սուֆիական պտտումները կարելի է անվանել մեղիստացիայի ամենահին և ամենահզոր տեխնիկաներից մեկը: Դերվիշների պարի խորհրդանշական իմաստի հիմքում ընկած է արևի, լուսի և աստղերի շարժման ընդօրինակումը, որոնք գտնվում են հավերժ պտույտի մեջ: Մեր օրերում ևս Իրանում, Թուրքիայում և իսլամական շատ երկրներում կարելի է տեսնել սուֆի-դերվիշների իսկական պարեր: Թուրքիայում, օրինակ, Կոնիա քաղաքում, տարին մեկ անգամ, դեկտեմբերի 9-ից մինչև 13-ը դերվիշները հավաքվում են XIII դարի սուֆի բանաստեղծ Զելալեդդին Ռումիի գերեզմանի մոտ և կատարում արարողություններ, այդ թվում նաև պարեր:

XII դարում սուֆիականությունը ուղղաղավան իսլամի կողմից ճանաչվեց որպես հավատի օրինական մաս:

Սուֆիականությունը XI-XV դարերի միջև ընկած շրջանում հզոր ազդեցություն է գործել պարսկական պոեզիայի վրա: XIV դարից հետո սուֆիական զաղափարախոսությունը թեև շարու-

նակում էր լայն տարածում ունենալ Իրանում և առհասարակ իսլամական երկրներում, սակայն այդ շրջանում նա արդեն վերասերվել էր, իսկ նրա հետևորդների մեծագույն մասը, հատկապես այսպես կոչված «քափառող դերվիշները» իրենց սոցիալական վիճակով այլևս ոչնչով չեխն տարբերվում ապահասակարգայնացված սումագեն-պրոլետարներից՝ «այյարներից», որոնք ավելի ու ավելի էին վերածվում պրոֆեսիոնալ մուրացկանների, որոնք ոչ մի առնչություն չունեին սուֆիական զաղափարների, իսկ հաճախ նաև որևէ հավատքի հետ: Սուֆիականության անկման և քայլայման ցայտուն դրսերումներից մեկը հանդիսացավ նաև այն, որ նրա մի շարք միաբանություններ վերածվեցին յուրահատուկ տեսակի ռազմա-ասպետական միաբանությունների, որոնք «հոգեկան կատարելագործման» սուֆիական զաղափարները փոխարինելով ջիհադի ծայրահեղ մոլեռանդրության հասնող զաղափարներով, «սրբազն պատերազմի» անվան տակ կազմակերպում էին մշտական կողպտչական արշավանքներ դեպի «անհավատների երկրները» (Վրաստան, Հյուսիսային Կովկաս, Ռուսիա, կալմիկների երկիրը, Հնդկաստան և այլն): Դրա ցայտուն օրինակ կարող է հանդիսանալ սեֆերյան շիական միաբանությունը, որը մշտապես պատերազմների մեջ էր հարուստ ռազմական ավար և գերիստրուկներ ձեռք բերելու նպատակով:

Սուֆիականությունը որպես ռազմունք գոյություն ունի նաև մեր օրերում:

ՀԱՎԵԼՎԱԾ

ՄՈՒՍՈՒԼՄԱՆԱԿԱՆ ՏՈՄԱՐԸ (ՕՐԱՅՈՒՅՑՆԵՐԸ)

Տարբեր ժողովուրդների մոտ տոմարը կամ օրացույցները տարբեր են: Յուրաքանչյուր պետություն այդ հարցի առնչությամբ կատարում է ընտրություն, առաջնորդվելով այս կամ այն քաղաքական կամ կրոնական սկզբունքներով: Այսպէս, օրինակ, հռոմեացիները իրենց տոմարը սկսում էին կայսրության առաջին քաղաքի հիմնադրման օրվանից. հնդիկները ժամանակի հաշվարկը կատարում էին Մեծ մողոների արքայատան հիմնադիր Աբբարի գահակալության օրվանից (1550 թ.). իին Ռուսիայում օգտագործվում էր Աշխարհի արարչագործության օրվանից սկսվող օրացույցը, որը Պյոտր I 1699 թ. դեկտեմբերի 20-ի հրամանագրով փոխարինվեց մի նոր օրացույցով, որը ժամանակի հաշվարկը կատարում էր Քրիստոսի Ծննդյան օրվանից: Նման օրինակները բազմաթիվ են:

Մուսուլմանական աշխարհում լայնորեն տարածված է այսպես կոչված լուսնային օրացույցը: Մահմեդականները իրենց թվագրությունը սկսում են Մուհամմադ մարգարեկի Մերքայից Մաղինա կատարած տեղափոխությունից սկսած (արար. «հիջրա»), որը տեղի է ունեցել 622 թվականին:

Մուսուլմանական երկրներում տարածում ունի նաև սարևային օրացույցը («միլադի»): Որպեսզի արևային տոմարը տեղափոխվի լուսնայինի և հակառակը, գոյություն ունեն հատուկ բանաձևեր:

Մուսուլմանական օրացույցով տարին սկսվում է մուհա-
րամ ամսի 1-ից: Տարին բաժանվում է 12 ամիսների, որոնք կրում
են հետևյալ անվանումները՝

առաջին ամիսը –մուհարրամ

երկրորդ ամիսը – սաֆար

երրորդ ամիսը – ռաբի-ուլ-ավվալ

չորրորդ ամիսը – ռաբի ուլ-ախիր (կամ երկրորդ ռաբի)

հինգերորդ ամիսը – ջումադ-ուլ-ավվալ (կամ ջումադի ա-
ռաջինը)

վեցերորդ ամիսը – ջումադ-ուլ-ախիր (կամ ջումադի երկ-
րորդը)

յոթերորդ ամիսը – ռաջար

ութերորդ ամիսը – շաարան

իններորդ սրբազն ամիսը ռամադան (պարսկերենով), ռա-
մազան (թյուրքերենով)

տասներորդ ամիսը – շավվալ

տասնմեկերորդ ամիսը – գուլ-քաադա

տասներկուերորդ ամիսը – գուլ-հիջօա:

Քանի որ լուսինը շարժվում է շափազանց բարդ հետազծով,
ուստի աստղաբաշխական նորալուսինը ոչ միշտ է նշանակում
հիջրայի ամիսներից որևէ մեկի սկիզբը: Ինչպես է որոշվում լուս-
նային ամսի սկիզբը. մուսուլմանական որոշ երկրներում այդ
հարցը որոշում են տվյալ վայրում լուսնի երևալու սկզբունքով
(ամսվա սկիզբը պետք է համարվի այն օրը, երբ նորալուսնից հե-
տո նորաբաց լուսնի մանգաղը նշանակվի է դատնում արևի մայրա-
մուտից հետո: Իսկ մի շաբթ մուսուլմանական երկրներում վերո-
հիշյալ հարցը վճռվում է հեղինակավոր անձանց վկայությամբ):

Ժամանակակից Իրանում հիմնականում օգտագործվում են երեք օրացույցներ, արևային հիջրայի իրանական օրացույցը, լուսնային հիջրայի մահմեդական օրացույցը և Գրիգորյան օրացույցը: Մինչև 1925 թ. շահական արքունիքում տարածված էր նաև կենդանական ցիկլի լուսնային արևային օրացույցը:

Իրանում պաշտոնական օրացույցը՝ դա արևային հիջրայի օրացույցն է: Այն օգտագործվում է երկրի քաղաքացիական և պետական կյանքի բոլոր բնագավառներում: Լուսնային հիջրայի օրացույցից առավելապես օգտվում է մահմեդական հոգևորականությունը: Գրիգորյան օրացույցը տարածված է Իրանի քրիստոնյան բնակչության շրջանում, ինչպես նաև արևմտաեվրոպական լեզուներով հրատարակություններում:

Ներկայումս օգտագործվող արևային հիջրայի օրացույցը օգտագործման մեջ է մտցվել 1925 թ. իրանական խորհրդարանի՝ Մեջլիսի ընդունած հրամանագրով: Դա այսպես կոչված Ֆարսի-յե Շամսի (արևային-պարսկական) օրացույցն է, որը ինչպես նշվեց, հանդիսանում է իրանական պետության պաշտոնական օրացույցը: Ըստ այդ օրացույցի, նոր տարին սկսվում է օրերի գարնանային հավասարեցման առաջին օրը (մարտի 21-ին): Հասարակ տարին ունի 365 օր, նահանջ տարին՝ 366: Տարին բաղկացած է 12 ամիսներից, առաջին վեց ամիսներն ունեն 31-ական օր, հետևյալ հինգ ամիսները՝ 30-ական օր և վերջին ամիսը հասարակ տարվա ընթացքում ունի 29 օր, իսկ նահանջ տարում՝ 30 օր: Տարին սկսվում է գարնանային զիշերահավասարման օրվանից: Ավելի հաճախ այդ օրը լինում է մարտի 21-ը, իսկ առանձին տարիներին՝ մարտի 20-ը կամ 22-ը: Այդ օրը հանդիսավորապես նշվում է մուսուլմանական նոր տարին կամ նովրուզը:

Արևային հիջրայի ժամանակակից իրանական օրացույցի ամիսների անվանումը հետևյալն է՝

1. ֆարվարդին
2. օրդիքեհեշթ
3. խորդադ
4. թիր
5. մորդադ
6. շահրիվար
7. մեհր
8. աբան
9. ազար
10. դեյ
11. բահման
12. էսֆանդ

Արևային հիջրայի իրանական արևային օրացույցի ամիսները բաղկացած են յոթօրյա շաբաթից, որը սկսվում է շաբաթ օրվանից: Շաբաթվա պաշտոնական ոչ աշխատանքային օրեր են համարվում հինգշաբթին և ուրբաթը: Ուրբաթը (յառամ ալ-ջումա) կամ «ժողովի օր» համարվում է շաբաթվա ամենաօրինյալ օրը, քանի որ բատ ավանդության, Սուհամմադը և նրա փեսա Ալին ծնվել են հենց ուրբաթ օրը:

Ուրբաթ օրը (ինչպես քիստոնյաների մոտ կիրակին, հրեաների մոտ շաբաթը) անպայման պետք է օգտագործվի որպես հանգստյան օր: Այդ օրը որպես կանոն մուսուլմանները հաճախում են մզկիթներ, որտեղ հանդիսավոր կերպով տեղի է ունենում հասարակական աղոթք:

Շաբաթվա օրերի անվանումը Իրանում՝
շաբաթ – շամբե

կիրակի – եք-շամբե
երկուշաբթի – դո-շամբե
երեքշաբթի – սե-շամբե
չորեքշաբթի – չահար շամբե
հինգշաբթի – փանջ-շամբե
ուրբաթ – ջում’ե:

Ներկայում բոլոր մահմեղական տոները և սպո օրերը Իրանում նշվում են լուսնային հիջրեթի օրացուցով: Այդ օրացուցով են հաճախ որոշվում նաև այն իրադարձությունները, որոնք կապված են անցյալում մահմեղական երկրների և կազմակերպությունների գործունեության հետ: Պարսկական միջնադարյան պատմագրության մեջ ևս թվականները նշվում են ըստ այդ օրացուցի:

Պետք է նշել, որ իրանական լուսնային հիջրեթը մասնակիորեն տարբերվում է արաբական լուսնային հիջրեթից:

ԻՍԼԱՄԻ ՄԵԶ ԸՆԴՈՒՆՎԱԾ ԳԼԽԱՎՈՐ ՏՈՆԵՐԸ

Ինչպես բոլոր կրոններում, իսլամի մեջ ևս գոյություն ունեն բազմաթիվ տոներ, որոնք հանդիսանում են մուսուլմանական կուլտի կարևոր բաղկացուցիչ մասերը: Մուսուլմանական տոների կարևոր առանձնահատկությունը կայանում է նրանում, որ դրանք որպես կանոն նշվում են ըստ լուսնային օրացուցի: Նրա հաշվարկը տարվում է 622 թ. հուլիսի 15-ի օրվանից, երբ ըստ ավանդության, Մուհամմադ մարգարեն Մեքրայից տեղափոխվեց Մադինա:

Մուսուլմանական զլսավոր տոներն են.

1. Իդ ալ-ֆիթրը կամ Իդ աս-սաղիրը, որը Իրանում անվանվում է Էյդ-ե ֆեթր, թյուրքալեզու ժողովուրդների մոտ Օրուշ-բայրամ կամ Ռւրազա բայրամ, հաճախ նաև Քյուշուք բայրամ: Այն իրենով նշանավորում է սրբազն Ռամադան ամսի ավարտը: Նշվում է Ռամադան ամսվա ծոմը ավարտվելուց հետո երեքօրյա տոնակատարությամբ: Իդ ալ-ֆիթրը կոչվում է փոքր տոն ի հակակշիռ մեծ տոնի կամ զոհաբերության տոնի: Այդ տոնի խորհուրդն այն է, որ Բարձրյալը ռամադան ամսին իր մարգարեին բացահայտեց Ղուրանի հայտնությունը: Իդ ալ-Ֆիթրը հար և նման է քրիստոնեական քաթարիզման տոնին:

Ռամադանը մուսուլմանների համար հանդիսանում է տարվա մեջ ամենակարևոր ամիսը: Այդ ողջ ամսվա ընթացքում խսլամբ դավանող անձը մարդում է իր հոգին ու մարմինը, օրվա լուսավոր ժամերին հրամարվելով ընդունել ուստելիք, ջուր և այլն: Այդ տոնի համար սահմանված պայմանները կամ կանոնակարգը պարտադիր է բոլոր չափահաս և առողջ մուսուլմանների համար:

Երեքօրյա տոնակատարության ժամանակ մահմեդականները հագնում են իրենց ունեցած գեղեցիկ զգեստները, շնորհավորում են միմյանց, զնում են հյուր, նվերներ են մատուցում միմյանց: Իդ ալ-ֆիթր տոնի ժամանակ յուրաքանչյուր անձ պետք է մզկիթներում կամ այսպես կոչված «նամազզաններում» (աղոթավայրերում) դառնա ընդհանուր աղոթքի մասնակից:

2. Իդ ալ Աղիա ալ Մուրարաք (պարսիկների մոտ Իդ ալ-քամիր, թուրքերի մոտ Կուրքան (Ղուրքան բայրամ): Դա զոհաբերության տոնն է և կոչվում է Մեծ տոն: Ինչպես և Իդ ալ-ֆիթրը, նշվում է երեք օրվա ընթացքում: Զոհաբերության խորհուրդը կապվում է խալամի մեջ փոխակերպված Արքահամ մարգարեի մասին բիբլիական լեզենդի հետ: Համաձայն Ղուրանի, Զաքրիլ

(Զիբրի) հրեշտակը քնի մեջ հայտնվել է Իբրահիմին (Աբրահամին) և նրան փոխանցել Ալլահի հրամանը, որպեսզի նա զոհաբերի իր առաջնեկ Խսմայիլին: Բարձրյալի կամքին հնագանդ, Իբրահիմը մեկնում է Մինա հովիտը (այն վայրը, որտեղ այժմ գտնվում է Մերքան) Տիրոց հրամանը կատարելու համար: Սակայն այդպիսի ահավոր զոհաբերությունը հանդիսանում է լոկ հավատի փորձություն և Ալլահը Իբրահիմի որդուն փոխարինում է զոհաբերության զանուկով: Ի հիշատակ այդ իրադարձության, յուրաքանչյուր ուղղաղավան մահմեդական պարտավոր է Բարձրյալին զոհ մատուցել:

Զոհաբերության օրվա տոնը սկսվում է վաղ առավոտից: Այն նշվում է վերին աստիճանի հանդիսավոր կերպով և մեծ ուրախության ու բերկրանքի մքնողրտում: Այդ օրերին ընկերներն ու մոտիկ ազգականները հավաքվում են միասին, ամենուրեք քաղաքորում է ուրախության և համընհանուր միասնության ու համերաշխության ողին մուսուլմանական եղբայրության՝ ուսմայի շրջանակներում: Տոնակատարության օրերին հավատացյալները այցելում են իրենց հարազատների գերեզմանները, աղոթում են նրանց հոգու հանգստության համար, աղքատներին բաժանում են ողորմություն:

Մուսուլմանական այդ երկու զիսավոր տոնները՝ Իդ ալ-Ֆիրը ը և Իդ ալ-ադհան մեծ հանդիսավորությամբ նշում են աշխարհի բոլոր մուսուլմանները նաև մեր օրերում:

Ռամազան ամսվա 27-րդ օրը նշվում է հատուկ տոնակատարությամբ, որը կոչվում է Պատգամների օր:

Աստիճանաբար մուսուլմանների մոտ ընդունվել են նաև երկրորդական նշանակության տոններ: Դրանցից են. Սյաուլիդ (Սավլիդ) ալ-Նաբին, որը Մուհամմադ մարգարեի ծննդյան օրն է

(ոաբրի ուլ-ավկալ ամսի 12-րդ օրը): Դա բոլոր մահմեղականների համար մեծ տոն է: Մինչև օրս Մուհամմադի ծննդյան ստույգ օրը հայտնի չէ և վեճի առարկա է հանդիսանում, ուստի մուտքման-ները որոշել են այդ օրը ինչ որ ձևով հարմարեցնել մարզարեի մահվան օրվա հետ, որը ստույգ հայտնի է:

Ուշագրավ է նշել, որ մուտքմանական ավանդույթի համաձայն ծննդյան օրերը սովորաբար շատ համեստ են նշում, եթե ընդհանրապես նշում են, իսկ մարդու մահվան օրը նշվում է շատ հանդիսավոր կերպով, որպես մի հիշարժան օր, որից սկսվում է մարդու «հավերժական» կյանքը:

Միրաջ (Լայլաթ ալ Խորաս ուա ալ Միրաջ): Այս տոնը նշվում է ուշագր ամսի 27-ին, Մուհամմադի Մեքրայից Երուսաղեմ (Ղոդյ) կատարած երազային ուղևորության և երկինք՝ Ալլահի մոտ բարձրանալու (միրաջ) ավանդույթի կապակցությամբ:

Խսանմական մյուս տոններից հիշատակության արժանի են նաև Մուհամմադ մարզարեի առաքելության սկզբի և նախասահմանման զիշերվա (արար. լայլաթ ալ-կադր) տոնները: Ավանդության համաձայն, նախասահմանման զիշերը երկնքից Մուհամմադին է ուղարկվել Ղուրանը: Իբր այդ նույն զիշերը երկնքում որոշվում է յուրաքանչյուր մարդու ճակատագիրը: Հավատացյալները այլ զիշերը չեն քնում, ողջ զիշերը անցկացնելով մզկիթում, աղոթելով ու Ղուրան ընթերցելով:

Շիաների կրոնական տոնների մեծամասնությունը վերաբերում է համախամական տոնների թվին: Սակայն նաև այն պիտիները, որոնք տոնվում են միայն շիաների կողմից: Այլ կերպ ասսն, վերջիններս ունեն նաև իրենց առանձնահատուկ տոնները: Շիաների հիմնական կրոնական տոնները հետևյալներն են. ուաբի ալ-ավկալի 12-ը՝ Մուհամմադ մարզարեի ծննդյան օրը, ուաշարի

27-ը՝ մաք’աս՝ Սուհամմադի իր մարգարեական առաքելությամբ հանդես գալու օրը, ուաշարի 13-ը՝ իմամ Ալիի ծննդյան օրը. շաբանի 3-ը՝ իմամ Հուսեյինի ծննդյան օրը. շաբանի 15-ը՝ 12-րդ իմամ Մահմետի ծննդյան օրը, շավկալի 1-ը՝ ֆիքր տոնը (զոհաբերության օր հօգուտ ընչագուրկների). զու-լ-քաադայի 11-ը՝ իմամ Ռեզայի ծննդյան օրը. զու-լ-հիջջայի 10-ը՝ զոհ մատուցելու տոնը («էյդ-է ղորբան»). զու-լ-հիջջայի 18-ը՝ Ղաղիբրում տոնը, ի նշանավորումն այն օրվա, երբ նոյնանուն վայրում, ըստ ավանդության, Սուհամմադը իր ժառանգորդ անվանեց Ալի իրն Արի Թալիբին: Շիաները նշում են նաև Հասանի սգո օրերը (սաֆարի 28-ին), Հուսեյինի մահվան քառասունքը (սաֆարի 20-ին), Ալիի մահացու վիրավորվելու և մահվան օրը (ռամադանի 19-ին և 21-ին), վեցերորդ իմամ Զաֆար աս-Մաղիդի մահվան օրը (շավկալի 1-ին):

Շիաների համար սգո օրերն ունեն առանձնահատուկ նշանակություն: Նրանց համար ամենակարևոր սգո օրերն են «աշուրայի» օրերը. դրանք շիա նահատակների և առաջին հերթին իմամ Հուսեյինի հիշատակի օրերն են: Սգո այդ օրերը տեղի են ունենում մուհարրամ ամսի 1-ից մինչև 10-ը: Սուհարրամի առաջին օրերից բոլոր բնակավայրերում ստեղծվում են այսպէս կոչված «աշուրախաններ». դրանք սև խոշոր վրաններ են, որոնց ներսում դրվում են դատարկ դագաղներ: Այդ վրաններում երեկոները խմբերգային ձևով երգում են սգո երգեր («մարսիյե») ի հիշտակ Հուսեյնի և շիա նահատակների: Սուհարրամի իններորդ օրը երեկոյան («թասուա») ամեն մի քաղամասի ներկայացուցիչները (որպէս կանոն սև վերնաշապիկներ հազած երիտասարդներն ու պատանիները) առանձին շարքերով սկսում են քայլարշավ փողոցներում: Նախկին ժամանակներում երբի մասնակիցները իրենց ենթարկում էին կամավոր ինքնախոշտանգման, իսկ մեր օրերում իրենց հարվածում են թեթև այսումինե շղթաներով, որոնք

ցավ չեն պատճառում: Խոշոր թափորների երթերի ժամանակ, որոնք ուղեկցվում են թմբուկների զարկերով, մասնակիցները խմբովին լալագին արտաքերում են «Չահ Հուսեյին, վայ Հուսեյին», որը սղավաղված ձևով հայտնի է «Չահսեյ-Վահսեյ» անունով: Այդ ընթացքում կրոնական եքատազր հասնում է իր զագարնակետին:

Սուհարրամի տասներորդ օրը բոլոր շարասյունները դրոշ-ներով և թմբուկների հարվածների ուղեկցությամբ շարժվում են դեպի քաղաքի կենտրոնը: Այդ օրը հատուկ թատերախումբը հա-վատացյալների առջև ներկայացնում է կրոնական դրամա շիանե-րի կոտորածի, իմամ Հուսեյինի և նրա մանկահասակ երեխանների սպանության մասին: Այդ թատերականացված միստերիանների («Քաջիյե») տեքստերը կազմվել են սեֆյանների շրջանում:

Իրանում աշուրայի բոլոր օրերը համարվում են ոչ աշխա-տանքային: Այդ օրերին ռադիոն և հեռուստատեսությունը հա-մարյա շուրջօրյա հաղորդումներ են տալիս կրոնական թեմանե-րով: Աշուրայի օրերին շիա ուխտագնացներն այցելում են շիանե-րի սրբազն քաղաքներ Քերբելա, Նաջաֆ, Սամարրա, Քազեմեյն (Քրարում), Մաշհադ, Ղում (Իրան):

Աշուրայի օրերին ծերերը արգելում են երիտասարդներին ժպտալ, զվարճանալ և այլն: Դա համարվում է մեծ մեղք: Զի թույ-լատրվում կատարել որևէցն ուրախ արարողություն՝ նշել ծնուն-դը, կատարել հարսանիք և այլն: Որոշ կրոնամոլ շիաներ այդ օրե-րը անց են կացնում անընդհատ աղորելով և ծոմապահությամբ:

Առհասարակ նահատակության զաղափարը շատ ուժեղ է շիականության մեջ:

ՎԵՐՋԱԲԱՆԻ ՓՈԽԱՐԵՆ

XIX դարի սկզբին փիլիսոփայության պատմության վերաբերյալ իր դասախոսություններում գերմանացի հանճարեղ փիլիսոփա Հեգելը նշել է, որ «իսլամը արդեն վաղուց հեռացել է համաշխարհային պատմական ասպարեզից և կրկին վերադարձել է իր արևելյան անշարժությանը»։ Սակայն մեր ժամանակներում աշխարհում տեղի ունեցող զարգացումները ցույց տվեցին, որ այդ մեծ մտածող սխալվել էր։ XX դարի կեսերից սկսած հայամն ունեցավ բուռն վերջնաքացական զարգացում։ Այսօր այդ կրոնը կայուն կերպով ազդում է քաղաքականության վրա, չնայած այն հանգամանքին, որ հասարակական կյանքի աշխարհիկացման համաշխարհային գործընթացը այլևս դարձել է անշրջելի։ Ներկայումս ոչ ոք չի կարող Ժխտել, որ հայամը դարձել է ակտիվ քաղաքական գործոն, այդ թվում նաև միջազգային հարաբերություններում։

Սակայն զլորակիզացման մեր դարաշրջանում հարց է առաջանում, արդյոք իսլամական աշխարհն ունի՞ որոշակի ռազմավարություն՝ դիմակայելու համար XXI դարի մարտահրավերներին։ Մահմեդական ժողովուրդներն արդյոք համաձայն են իսլամական աշխարհում օտար արժեքների ներդրմանը, ընդ որում այն դեպքում, եթե արևմտյան և արևելյան արժեքային համակարգերի միջև կան հակայական տարբերություններ։ Արդյոք իսլամական աշխարհը պետք է զարգանա սեփական՝ զուտ իսլամական ուղիղվ, թե՝ ընդունի զարգացման արևմտյան ձևերը։ Ի վերջո արդյոք իսլամական երկրները պետք է անջրաբետվեն մնացած աշխարհից, թե ընթանան արևմուտքի հետ ինտեգրման ճանապարհով։ Մրանք հարցեր են, որոնք առ այսօր մահմեդական երկրների մի զգակի մասի քաղաքական վերնախավի կողմից դրտ

հստակեցված չեն: Սակայն արդեն շատերի մոտ է զնալով ամրակայլում այն զիտակցությունը, որ իսլամը, ինչպես և ցանկացած կրոնական ուսմունք, քարացած երևույթ չէ, որ աշխարհում տեղի ունեցող փոփոխություններին գործընթաց անհրաժեշտ է, որ հաշվի առնվեն նոր իրողությունները: Որ չպետք է կուրորեն հետևել արդեն հնացած կարծրատիպերին, այլ պետք է ձգտել փոփոխությունների, հակված լինել փոխազդումների և այլն: Որ միայն չափավորության ելակետից ընտրված իսլամական սկզբունքները կարող են ընդառաջ գնալ ժամանակի հրամայականին: Այս տեսակետի հետևորդները կողմ են զիտակցված հավատքին, ասել է թե իսլամական սկզբունքների ազատ մեկնությանը: Սակայն առայժմ դժվար է ասել, թե որքանով նշված մոտեցումը ուղենիշ կդառնա խայտարդետ մահմեդական աշխարհի համար:

Գաղտնիք չէ, որ ներկայումս բազմաթիվ արևմտյան հետազոտողների կարծիքով իսլամական աշխարհի և արևմուտքի միջև առկա է խորը առճակատում և նրանք իբր անխուսափելիորեն գնում են դեսպի բախում: Հատկապես 2001 թ. սեպտեմբերի 11-ին Նյու-Յորքում տեղի ունեցած ահաբեկչությունը շատերին բերեց այն համոզման, որ իսլամը արևմուտքի գոյության համար կարող է դառնալ ռազմավարական սպառնալիք՝ ինչպիսին Խորհրդային Միությունն էր սառը պատերազմի տարիներին: Հայտնի է, որ դեռևս XX դարի 90-ական թվականներին ամերիկացի հետազոտող Սեմյուել Հանդինզտոնը առաջինն էր, որ առաջ էր քաշել քաղաքակրթությունների բախման տեսությունը: Ընդ որում, նա իսլամը համարում էր միջազգային հանրության անվտանգությանը սպառնացող հզոր գործոն: Նրա կարծիքով հակամարտության հիմնական առանձնահատկություններից մեկը կինքի քրիստոնեական և իսլամական քաղաքակրթությունների բախումը: Անկախ Հանդինզտոնի «մարզարեւությունից», այսօր լուրջ խոսակ-

ցություններ են գնում քրիստոնեության ու իսլամի անհամատեղելիության մասին: Մի քան սակայն հստակ է, որ ներկայում աշխարհում տեղի են ունենում վլյաժարի չափերի հասնող երկրաքաղաքական գործնթացներ, որոնք անմիջականորեն շոշափում են նաև իսլամի տարածման հիմնական գոտիները: Թեև առայժմ վաղ է խոսել մահմեդականների «քրիստոնեական աշխարհի» արժեքներին զլոբալ դիմակայության մասին, սակայն միանգումայն ակնառու է, որ այդ դիմակայությունն ու առձկատումը հիմնականում սրվում է մահմեդական հանրության արմատական մասի շնորհիվ: Տիրապետելով հսկայական տնտեսական, ֆինանսական ու ռազմական ռեսուրսների, իսլամական ծայրահեղականները մարտահրավեր են նետել Մերձավոր ու Միջին Արևելյի տարածաշրջանի մի շարք իսլամական պետությունների իշխող ընտրանուն, գուցե և համաշխարհային խաղաղությանն ու կայունությանը: Ներկայում աշխարհի տարբեր մասերում արդեն ձևավորվել է աճող բազմամակարդակ անկայունության գոտի, ապակայունացնող գործնթացներում իսլամիստական կազմակերպությունների, շարժումների, խմբավորումների ակտիվ ներգրավմամբ: Այդ ապակայունացնող ակտիվության դրսնորումներն են ահաբեկչական գործողությունները, մեծ ու փոքր խոռվությունները, անջատողական շարժումները, ռազմական հակամարտություններն ու նույնիսկ լայնամասշտար պատերազմները:

Ներկայում լայն տարածում գտած իսլամական արմատականությունը հանդիսանում է հակառակ ռեակցիա ժամանակակից աշխարհում ընթացող աշխարհիկության գործնթացներին: Այն փորձում է վերականգնել կրոնական համակարգերի դերը հասարակությունում: Վերադարձը դեպի արմատներ, այդ թվում նաև կրոնական ակունքներ, բնորոշ է զգնաժամի մեջ զոնվող և ելքեր փնտրող հասարակություններին: Իսլամական երկրներում առկա սոցիալ-տնտեսական խնդիրները, գործազրկությունն ու

անկայունությունը, տնտեսության լճացումը, և այլ գործոններ, այս բոլորը ծնունդ է տալիս արմատական խլամին, որը քարոզում է, որ կրոնը կտա մահմեղականներին մտահոգող բոլոր հարցերի պատասխանները: Արմատականները խլամական ակունքներին վերադարձը համարում են նաև ներկա աշխարհի պրոբլեմների լուծման լավագույն ուղին, կամ ճգնաժամն ու անկումը հաղթահարելու լավագույն միջոցը:

Խլամական արմատականները չեն ընդունում և ժիստում են արևմտյան արժեքային համակարգը: Նրանք գտնում են, որ արևմուտքի «անհավատները» մահմեղականներից հափշտակել են աշխարհի և իրենց կյանքի կառուցման հարցերում որոշումներ ընդունելու իրավունքը: Առկա է մի ընդհանուր օրինաշափություն՝ որտեղ արմատավորվում է ֆունդամենտալիզմը, այնտեղ ծնունդ է առնում ահարեկչությունը: Ծայրահեղական արմատական խլամը կոչ է անում տոտալ պատերազմ վարել «անհավատ» կամ «խաչակիր» արևմուտքի դեմ, նպատակ ունենալով փոխել աշխարհում գործող ուժերի հավասարակշռությունը:

Այդ բոլորով հանդերձ, անկասկած չի կարելի խլամը համարել ահարեկչական կրոն, ինչպես անում են արևմուտքի մի շարք շրջաններ: Դա կարող է մեծագույն վնաս հասցնել աշխարհի ժողովուրդների միջև գոյություն ունեցող հարաբերություններին:

Քաղաքակրթությունների երկխոսություն, ահա այն ճանապարհը, որը մարդկությանը կարող է տանել դեպի կայունություն, խաղաղություն և հուսալի ապագա: Մենք հավատում ենք, որ աշխարհի բրիստոնյա և մուսուլմանական ժողովուրդները ընդունակ են միավորելու իրենց ջանքերը այդ նպատակին հասնելու համար: Գրիչ վերցնելով, սույն աշխատության հեղինակը հենց հետապնդել է մի գերագույն նպատակ՝ կատարել թեկուզ մի չնչին քայլ այդ մեծ նպատակի ճանապարհին:

ԲՈՎԱՆԴԱԿՈՒԹՅՈՒՆ

ՀԵՂԻՆԱԿԻ ԿՈՂՄԻՑ	5
ԱՐԱԲԱԿԱՆ ԹԵՐԱԿՈՎԻ ԻՍԼԱՄԻ ՀԱՅՐԵՆԻՔ: ՆՐԱ	
ԱՇԽԱՐՀԱԳՐԱԿԱՆ ԴԻՐՔԸ ԵՎ	
ԱԶԳԱԲԱՆԱԿՉՈՒԹՅՈՒՆԸ	13
ԱՐԱԲՆԵՐԻ ԿՐՈՆԸ ՄԻԼԵՎ	
ԻՍԼԱՄԻ ԸՆԴՈՒՆՈՒԾ	37
ՄԵՔՔԱՆ ԵՎ ՆՐԱ ԴԵՐԸ ԻՍԼԱՄԻ	
ՊԱՏՍՈՒԹՅԱՆ ՄԵԶ	45
ՄՈՒՀԱՄՄԱԴ ՄԱՐԳԱՐԵՆ	54
ՄՈՒՀԱՄՄԱԴԻ ՀԱՅՏՏՈՒԹՅՈՒՆԸ ԵՎ ՆՐԱ	
ՄԱՐԳԱՐԵՆԻ ԹՅՈՒՆԸ	67
ՄԱՐԳԱՐԵՆԻ ՀԻՋՐԱՆ	108
ՄԵՔՔԱՅԻ ՀԵՏ ԱՌԱԿԱՆԱՏՄԱՆ ՍՐՈՒԾԸ ԵՎ ՊԱՏԵՐԱԶՄԱԿԱՆ	
ԳՈՐԾՈՂՈՒԹՅՈՒՆՆԵՐԻ ԾԱՎԱԼՈՒՄԸ: ԲԱԴՐ ՀՈՎՏՈՒՄ	
ՏԵՂԻ ՈՒՆԵՑԱԾ ՃԱԿԱՆԱՄԱՐԾԸ:	135
ԱՌԱԿԱՆԱՏՄԱՆ ՄԵՔՔԱՅԻ ԵՎ ՄԱԴԻՆԱՅԻ ՄԻՋԵՎ	
ՇԱՐՈՒՆԱԿՎՈՒՄ Է	145
ՄԱՐԳԱՐԵՆ ՀԱՂԹԱԿԱՆ ՄՈՒՏՔԸ ՄԵՔՔԱՆ	173
ՄՈՒՀԱՄՄԱԴԻ ՄԱՀԸ	197
ԲԱՐԵՊԱՏԸ ԽԱԼԻՖՆԵՐԸ	205
ԻՍԼԱՄԻ ՊԱՇՏԱՍՈՒՔԸ, ԴԱՎԱՆԱԲԱՆՈՒԹՅՈՒՆԸ ԵՎ ԾԵՍԸ (ԾԻՍԱԿԱՐԳԸ)	250
ԻՍԼԱՄԱԿԱՆ ՈՒՄՍԱ ՀԱՍԿԱՑՈՒԹՅՈՒՆԸ: ՀԱՎԱՏ ԱՌ	
ԱԼԱՀԸ: ԻՍԼԱՄԻ ՄԵԶ ՊԱՏԿԵՐԱՑՈՒՄՆԵՐԸ ԲՆՈՒԹՅԱՆ	
ՈՒԺԵՐԻ, ՀՈԳՈՒ ԱՆՍԱՀՈՒԹՅԱՆ ԵՎ ԴՐԱԽՏԻ ՈՒ ԴԺՈՒՆՔԻ	
ՄԱՍԻՆ	281
ՄՈՒՍՈՒԼՄԱՆՆԵՐԻ ՄՈՒՐՐ ԳԻՐՔԸ՝ ՂՈՒՐԱՆԸ	297
ՄՈՒՍՈՒԼՄԱՆԱԿԱՆ ԻՐԱՎՈՒՔԸ: ՄՈՒՆՆԱ, ՀԱԴԻՆԵՐ:	
ՄԱԶՀԱԲՆԵՐ: ՇԱՐԻԱԹ	305
ՄՈՒՍՈՒԼՄԱՆԱԿԱՆ ԶԱՆԱԶԱՆ ԱՐԱՐՈՂՈՒԹՅՈՒՆՆԵՐ ԵՎ	
ԱՐԳԵԼՔՆԵՐ: ԿԻՆԸ ԻՍԼԱՄԻ ՄԵԶ	352

ԻՍԼԱՄԻ ՄԵԶ ԿՐՈՆԱԿԱՆ ՊԱՌԱԿՏՈՒՄՆԵՐԸ: ՏԱՐԲԵՐ	
ՀՈՍԱՆՔՆԵՐԻ, ՈՒՂՂՈՒԹՅՈՒՆՆԵՐԻ ԵՎ ԱՂԱՆԴՆԵՐԻ	
ԶԵՎԱՎՈՐՈՒՄԸ.....	359
ԽԱՐԻՋԻՆԵՐ ԵՎ ԽԱՐԻՋԻԿԱՆՈՒԹՅՈՒՆ.....	359
ՇԻԱԿԱՆՈՒԹՅՈՒՆ (ՇԻԽՈՒ)	368
ՍՈՒՖԻԱԿԱՆՈՒԹՅՈՒՆ	379
ՀԱՎԵԼՎԱԾ. ՄՈՒՍՈՒԼՄԱՆԱԿԱՆ ՏՈՄԱՐԸ	
(ՕՐԱՑՈՒՅՑՆԵՐԸ).....	388
ԻՍԼԱՄԻ ՄԵԶ ԸՆԴՈՒՆՎԱԾ ԳԼԽԱՎՈՐ ՏՈՆԵՐԸ	392
ՎԵՐՋԱԲԱՆԻ ՓՈԽԱՐԵՆ.....	398

ՎԱՀԱՆ ԲԱՅՐՈՒՐԴՅԱՆ
ԻՍԼԱՄ

Համակարգչային շարվածքն ու ձևավորումը՝ Ն. Բարթիկյան
Տպագրիչ՝ Լ. Մուրադյան

Ստորագրված է տպագրության 18.01.2016 թ.
Տպարանակը՝ 120 օրինակ:

ՀՀ ԳԽԸՆԻԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ԱՐԵՎԵԼԱԳԻՏԸՆԻԹՅԱՆ ԻՆՍԻՏՈՒՏ
ՊԱՏՄՈՒԹՅԱՆ ԻՆՍԻՏՈՒՏ

ИНСТИТУТ ВОСТОКОВЕДЕНИЯ
ИНСТИТУТ ИСТОРИИ НАН РА

INSTITUTE OF ORIENTAL STUDIES
INSTITUTE OF HISTORY OF NAS OF NAS RA

(4000 ր.)

ԳԱԱ Դիմեարար Գիտ. Գրադ.



FL0397569

A 101393